





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.42





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.42



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.42



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.42



Ex Libris Joannis Nenoini
1874



Ald. 3/5

42.

Franciscus M. TVLLII CICERONIS *Iannellius*


ORATIONVM


PARS II.



fran: CORRIGENTE PAVLO MANVT-
ALDI FILIO. *Iannellius*

VENETIIS, M. D. L.





GVLIELMO BELLAIO LANGEO,
APVD SVBALPINAS GEN=
TES PRO REGE, PAV=
LVS MANVTIVS
ALDI FILIVS
S. P. D.

m AGNI refert, Bellai ornatissime,
quo quidque tempore agatur, & ad
omnes res non paruum habere mo=
mentum solet occasio quaedam, & cō=
moditas, qua uti dicuntur ij, qui ni=
hil, nisi loco, facere consueuerunt. nam quemadmo=
dum pictorum tabulae certo loco posita delectant; eae=
demq; minus bono lumine constitutae, non item eorū,
qui spectant, oculos tenere solent: sic actiones nostrae,
mirum est, quantum opportunitate commendentur:
ut interdum plus in tempore, q̄ in ipsa re positum esse
uideatur. quod ego cum semper iudicassem, tamen
non sum ueritus, quin tibi in ijs rebus uel maxime oc=
cupato, quas Rex Christianissimus, & post hominum
memoriam maximus tuae fidei, diligentiaeq; mandauit,
hoc ipsum, quod nunc à me profiscitur, officium fu=
turum esset uel iucundissimum. nam etsi magna tibi
est grauissimorum negotiorum imposita moles, quam
tu summa tua cum laude, & omnium penè gentium
admiratione sustines: tamē in ipsa illa occupatione ita
te literarum tractatio delectat, ut & legas cum uolu=
ptate quae alij scripta reliquerunt, & scribas ipse quae
à posteris cum admiratione legentur. ex quo illud con

a a ij

sequeris, ut non modo Regis uoluntati seruias, quod
est summa laude dignum; sed etiam posteritati consu-
las, quo laudabilius esse nihil potest. itaque tantum ab-
est, ut à maioribus tuis omni decore affluentibus ad te
ornandum quidquam haurias, ut etiam in te sit, quod
ad illos redundet. nam si tibi aliunde petenda sit laus,
unde plura suppetant ornamenta, quàm à fratribus
tuis, maximeq; ab eo, qui à Paulo III. ita est in Car-
dinalium collegium cooptatus, ut ei summus Pontifex
amplissimam dignitatem non quasi optatam cōcessisse,
sed quasi debitā persoluisse uideatur? cui quidem ui-
ro cum ad summam gloriam nihil desit; cumq; item
tibi eæ res abunde adsint, quibus homines hominibus
antecellere uidentur: tamen fit uestra bonitate & sa-
pientia, ut uicissim & tu in illius dignitate atque am-
plitudine, et ille in ingenio atque in uirtute cōquiescat
tua. uterque uero magna apud Regē prudentissimum,
& summo iudicio præditum auctoritate, magno estis
apud omnes nomine & gloria. nam tu quidem, quis
est tam longinquus, cui notissimus nō sis? non ex præ-
senti corporis forma (quanquā multas provincias Regis
Legatus obiisti) sed ex imagine ingenij tui, quā uerissi-
mis eloquentiæ coloribus expressam in tuis scriptis licet
intueri. in hac cum & naturæ tuæ bonitas, & uirtu-
tis eximia præstantia cernatur: sequitur, ut, ex ea qui
te norunt, iidem ament. quorum ego in numero cum
ita essem, ut nemini concederem: tamen non est credi-
bile, quantum ad illam ipsam animi erga te mei uolū-
tatem addiderit Gulielmi Pellicerrij, oratoris in hac ur-
be Regij, hominis præstantissimi prædicatio. cuius mul-

ti, & egregij de tua laude sermones me iam antea com-
motum impulerunt, ut ex orationibus Ciceronis, cuius
tu libros è manibus dimittere non soles, alteram partem
cum tui nominis inscriptione diuulgarem. qua in parte
ab erroribus et mendis uindicanda quantum operæ stu-
dijq; posuerim, mihi ipse sum testis; quantum autem
profecerim, & tu, & alij iudicabunt. tibi quidem, si
consequar, ut nostra diligentia probetur: sanè meos la-
bores non exiguo compensatos esse fructu existimabo.
Vale. — Venetijs.

INDEX ORATIONVM CICERONIS,
QVAE SECUNDO VOLVGINE
CONTINENTVR.

Pro lege Manilia ad populū, oratio XIII.	pagina 4
Pro A. Cluentio Habito, oratio XIII.	18
De lege agraria contra P. Seruilium Rullum Trib. pl. in senatu, oratio XV.	61
De lege agraria contra Rullum Trib. pl. ad populum, oratio XVI.	66
De lege agraria contra Rullum Trib. pl. ad populum, oratio XVII.	87
Pro C. Rabirio perduellionis reo ad Quirites, oratio XVIII.	90
In L. Catilinam in senatu, oratio XIX.	97
In L. Catilinam ad Quirites, oratio XX.	104
In L. Catilinam ad Quirites, oratio XXI.	111
In L. Catilinam in senatu, oratio XXII.	118
Pro L. Muræna, oratio XXIII.	124
Pro L. Flacco, oratio XXIII.	146
Pro P. Sylla, oratio XXV.	167
Pro A. Licinio Archia poeta, oratio XXVI.	185
Ad equites R. antequā iret in exiliū, oratio XXXII. quā tamen Ciceronis nō esse, manifestū est:	192
Ad Quirites post reditū suū, oratio XXVIII.	198
Post reditum in senatu, oratio XXIX.	204
Pro domo sua ad Pontifices, oratio XXX.	213
De aruspiciū respōsis, in senatu, oratio XXXI.	243
Pro Cn. Plancio, oratio XXXII.	259

4
PRO LEGE MANILIA,
AD POPVLVM
ORATIO XIII.

9
VANQVAM mihi semper
frequens conspectus uester mul-
to iucundissimus, hic autem lo-
cus ad agendum amplissimus,
ad dicendum ornatissimus est
uisus Quirites: tamen hoc aditu
laudis, qui semper optimo cuiq;
maxime patuit, non mea me uoluntas, sed mea uitæ ra-
tiones ab ineunte ætate susceptæ prohibuerunt. nam cū
antea per ætatem nō dū huius auctoritatem loci con-
tingere auderē; statueremq; nihil huc, nisi perfectum
ingenio, elaboratum industria, afferri oportere: omne
meum tempus amicorum temporibus transmittendum
putaui. ita neque hic locus uacuus unq; ab ijs, qui ue-
strā causam defenderent: & meus labor in priuatorū
periculis caste integreq; uersatus, ex uestro iudicio fru-
ctum est amplissimū consecutus. nam cum propter di-
lationem comitiorum ter Prætor primus centurijs cun-
ctis renunciatus sum, facile intellexi Quirites, & quid
de me iudicaretis, & quid alijs præscriberetis. nam cum
& auctoritatis in me tantum sit, quantum uos hono-
ribus mandandū esse uoluistis; & ad agendum facul-
tatis tantum, quantū homini uigilanti ex forensi usu
propè quotidiana dicendi exercitatio potuit afferre: cer-
te, & si quid etiam dicendo consequi possum, ijs osten-
dam potissimum, qui ei quoque rei fructū suo iudicio

a a iiij

tribuendū esse censuerūt. atque illud in primis mihi la-
tandum iure esse uideo, q̄ in hac insolita mihi ex hoc
loco ratione dicendi causa talis oblata est, in qua oratio
nemini deesse potest: dicendum est enim de Cn. Pōpei
singulari eximiaq; uirtute: huius autem orationis diffi-
cilius est exitum, q̄ principium inuenire: itaque non
mihi tam copia, q̄ modus in dicendo quærendus est.
Atq; ut inde oratio mea proficiatur, unde hæc omnis
causa ducitur: bellum graue & periculosum uestris
uectigalibus atque socijs à duobus potentissimis Regi-
bus infertur, Mithridate, & Tigraue: quorum alter
relictus, alter laceffit, occasionem sibi ad occupandā
Asiam oblatam esse arbitratur. equitibus R. honestissi-
mis uiris, afferuntur ex Asia quotidie literæ, quorum
magnæ res aguntur, in uestris uectigalibus exercendis
occupatæ: qui ad me pro necessitudine, quæ mihi est
cum illo ordine, causam Reip. periculaq; rerum suarum
detulerunt: Bithyniæ, quæ nunc uestra provincia est, ui-
cos exustos esse cōplures: Regnum Ariobarzanis, quod
finitimum est uestris uectigalibus, totum esse in hostiū
potestate: Lucillum magnis rebus gestis ab eo bello
discedere: huic qui succurrerit, non satis esse para-
tum ad tantum bellum administrandum: unum ab
omnibus socijs, & ciuibus ad id bellum imperatorem
deposci, atque expeti: eundē hunc unū ab hostibus me-
tui, præterea neminem. Causa quæ sit, uidetis: nunc,
quid agendum sit, considerate. Primum mihi uidetur
de genere belli, deinde de magnitudine, tū de imperato-
re deligendo esse dicendum. genus est enim eiusmodi,
quod maxime uestros animos excitare, atq; inflāmare

debet: in quo agitur populi R. gloria, quæ uobis à maio-
ribus cum magna in rebus omnibus, tum summa in re
militari tradita est: agitur salus sociorū atq; amicorū,
pro qua multa maiores uestri magna & grauius bella
gesserūt: agūtur certissima populi R. uectigalia, & ma-
xima, quibus amissis, et pacis ornāmēta, et subsidia belli
frustra requiretis: agūtur bona multorū ciuiū, quibus
est et à uobis, et ab imperatoribus Reip. consulendū. &
quoniā semper appetētes gloriæ præter ceteras gētes,
atque auidi laudis fuistis, delenda est uobis illa macula
Mithridatico bello superiore suscepta, quæ penitus iam
insedit, atq; inueterauit in populi R. nomine, q̄ is, qui
una die tota Asia, tot in ciuitatibus, uno nūcio, atq; una
literarū significatione ciues R. necādos, trucidādosq; de-
notauit, nō modo adhuc pœnā nullā suo dignā scelere
suscepit, sed ab illo tēpore annū iā tertiu et uigesimū re-
gnat, et ita regnat, ut se nō Ponto, neq; Cappadocia la-
tebris occultare uelit, sed emergere è patrio regno, atq;
in uestris uectigalibus, hoc est in Asia luce uersari. ete-
nim adhuc ita uestri cū illo Rege cōtēderūt impatores,
ut ab illo insignia uictoriæ, nō uictoriā reportarēt. triū-
phauit L. Sylla, triūphauit L. Muræna de Mithridate,
duo fortissimi uiri, et summi impatores; sed ita triūpha-
rūt, ut ille pulsus, supatusq; regnaret. uerūtāmē illis im-
peratoribus laus est tribuēda, q̄ egerūt; uenia dāda, q̄ re-
liquerūt; propterea q̄ ab eo bello Syllā in Italiā Resp.
Murēnā Sylla reuocauit. Mithridates aut omne reli-
quū tempus non ad obliuionē ueteris belli, sed ad cōpa-
rationē noui cōtulit. qui posteaq; maximas ædificasset
ornassetq; classes, exercitusq; p̄ magnos quibuscūque ex

gentibus potuisset comparasset, Bosphorani finitimis suis bellum inferre simulasset, usque in Hispaniam Legatos Ecbatani misit ad eos duces, quibuscum tum bellum gereremus: ut, cum duobus in locis disiunctissimis maximeque diuersis uno consilio ab unis hostium copiis bellum terra, marique gereretur, uos ancipiti contentione distracti de imperio dimicaretis. sed tamen alterius partis periculum Sertorianæ atque Hispaniensis, quæ multo plus firmamenti ac roboris habebat, Cn. Pompeij diuino consilio, ac singulari uirtute depulsum est: in altera parte ita res à L. Lucullo summo uiro est administrata, ut initia illa gestarum rerum magna atque præclara non felicitati eius, sed uirtuti, hæc autem extrema, quæ nuper acciderunt, non culpæ, sed fortunæ tribuenda esse uideantur. sed de Lucullo dicam alio loco, & ita dicam Quirites, ut neque uera laus ei detracta oratione nostra, neque falsa afflictæ esse uideatur. Sed pro uestri imperij dignitate atque gloria, quoniam is est exorsus orationis meæ, uidete quem uobis animū suscipiendum putetis. maiores uestri sæpe, mercatoribus ac nauicatoribus iniuriosius tractatis, bella gesserunt: uos, tot ciuium R. millibus uno nuncio atque uno tempore necatis, quo tandem animo esse debetis? Legati qui erant appellati superbini, Corinthum patres uestri totius Græciæ lumen extinctum esse uoluerunt: uos eum Regē inultum esse patiimini, qui Legatum populi R. consularem, uinculis, ac uerberibus, atque omni supplicio excruciatum necauit? illi libertatem ciuium R. imminutam non tulerunt: uos uitam ereptam neglectis? ius legationis uerbo uiolatum illi persecuti sunt: uos

Legatum populi R. omni supplicio interfectum, inul-
tum relinquetis? uidete, ne, ut illis pulcherrimum fuit
tantam uobis imperij gloriam relinquere, sic uobis tur-
pissimum sit, illud, quod accepistis, tueri & conserva-
re non posse. quid, quod salus sociorum summum in-
periculum ac discrimen uocatur? regno expulsus est A-
riobarzanes Rex, socius populi R. atque amicus: immi-
nent duo Reges toti Asiae non solum uobis inimicissimi,
sed etiam uestris socijs atque amicis: ciuitates autem o-
mnes cuncta Asia, atque Graecia uestrum auxilium ex-
pectare propter periculi magnitudinem coguntur: im-
peratorem à nobis certum deposcere, cum praesertim
uos alium miseritis, neque audent, neque se id face-
re summo sine periculo posse arbitrantur: uident, &
sentiunt hoc idem, quod & uos, unum uirum es-
se, in quo summa sint omnia, & eum propè esse, quo
etiam carent ægrius: cuius aduentu ipso, atque no-
mine, tametsi ille ad maritimum bellum uenerit, ta-
men impetus hostium repressos esse intelligunt, ac res-
tardatos. hi uos, quoniam libere loqui non licet, ta-
cite rogant, ut se quoque, sicut ceterarum prouincia-
rum socios, dignos existimetis, quorum salutem tali
uiro commendetis, atque hoc etiam magis quàm cate-
ros, quod eiusmodi in prouinciam homines cum imperio
mittimus, ut, etiā si ab hoste defendant, tamen ipsorum
aduentus in urbes sociorum non multum ab hostili ex-
pugnatione differat. hunc audiebant antea, nunc prae-
sentem uident, tanta temperantia, tanta mansuetudine,
tanta humanitate, ut ij beatissimi esse uideantur, apud
quos ille diutissime cōmoratur. quare si propter socios

nulla ipsi iniuria laceffiti maiores uestri cū Antiocho ,
 cum Aetolis, cū Poenis bella gesserunt : quāto uos stu-
 dio cōuenit, iniurijs prouocatos, sociorum salutem unā
 cū imperij uestri dignitate defendere ? præsertim cum
 de uestris maximis uectigalibus agatur. nā ceterarum
 prouinciarū uectigalia Quirites tanta sunt , ut his ad
 ipsas prouincias tutādas uix cōtenti esse possimus. Asia
 uero tam opima est, & fertilis, ut & ubertate agrorū ,
 & uarietate fructuum, & magnitudine pastionis , &
 multitudine earum rerum, quæ exportantur, facile o-
 mnibus terris antecellat. itaq; hæc uobis prouincia Qui-
 rites, si & belli utilitatē , & pacis dignitatem sustinere
 uultis, non modo à calamitate, sed etiā à metu calami-
 tatis est defendenda. nam ceteris in rebus, cū uenit ca-
 lamitas, tum detrimentū accipitur : at in uectigalibus
 non solum aduentus mali, sed etiā metus ipse affert ca-
 lamitatem . nā cum hostium copię non longe absunt ,
 etiā si irruptio facta nulla sit, tamen pecora relinquin-
 tur, agricultura deseritur, mercatorum nauigatio con-
 quiescit. ita neq; ex portu, neque ex decumis, neque ex
 scriptura uectigal conseruari potest : quare sæpe totius
 anni fructus uno rumore periculi, atq; uno belli terro-
 re amittitur. quo tandē animo esse existimatis aut eos,
 qui uectigalia uobis pensitāt, aut eos, qui exercēt, atque
 exigūt , cum duo Reges cum maximis copijs propē ad-
 sint ? cū una excursio equitatus perbreui tēpore totius
 anni uectigal auferre possit ? cum publicani familias
 maximas, quas in salinis habent, quas in agris , quas in
 portubus atq; custodijs. magno piculo se habere arbitre-
 turputatis ne uos illis rebus frui posse, nisi eos, q uobis

fruētiosi sunt, conseruaueritis, non solū, ut antea dixi;
 calamitate, sed etiā calamitatis formidine liberatos? ac
 ne illud quidem uobis negligendum est, quod mihi ego
 extremum proposueram, cum essem de belli genere di-
 cturus, quod ad multorū bona ciuiū R. pertinet. quorū
 uobis pro uestra sapientia Quirites habenda est ratio di-
 ligenter. nam et publicani, homines & honestissimi, &
 ornatiissimi, suas rationes, & copias in illam prouinciā
 contulerunt: quorum ipsorum per se res, & fortunæ
 curæ uobis esse debēt: etenim si uectigalia neruos esse
 Reip. semper duximus, eū certe ordinē, qui exercet illa,
 firmamentū cæterorum ordinum recte esse dicemus. de
 inde cæteris ex ordinibus homines nauis et industrij par-
 tim in Asia negotiātur, quibus uos absentibus cōsulere
 debetis: partim suas & suorū in ea prouincia pecunias
 magnas collocatas habent. erit igitur humanitatis ue-
 stræ, magnum eorū ciuium numerum calamitate pro-
 hibere; sapientiæ, uidere, multorū ciuium calamitatē
 à Rep. seiunctā esse non posse. etenim illud primū par-
 ui refert, uos publicanis amissa uectigalia postea uictō-
 ria recuperare: neque enim iisdem redimēdi facultas
 erit propter calamitatē, neque alijs uoluntas propter ti-
 morē. deinde, quod nos eadē Asia atque idem iste Mi-
 thridates initio belli Asiatici docuit, id quidē certe cala-
 mitate docti memoria retinere debemus: nā tum, cū in
 Asia res magnas permulti amiserūt, scimus Romæ so-
 lutione impedita fidē concidisse: nō enim possunt una
 in ciuitate multi rem atque fortunas amittere, ut non
 plures secum in eandē calamitatem trahant. à quo pe-
 riculo prohibete Remp. et mihi credite id, quod ipsi ui-

O R A T I O

detis: hæc fides atq; hæc ratio pecuniarum, quæ Romæ,
 quæ in foro uersatur, implicita est cum illis pecunijs Asiaticis, & cohæret. ruere illa non possunt, ut hæc non
 eodem labefactata motu concidant. quare uidete, num
 dubitandum uobis sit omni studio ad id bellum incum-
 bere, in quo gloria nominis uestri, salus sociorum, ue-
 stigalia maxima, fortunæ plurimorum ciuium cum
 Rep. defenduntur. Quoniã de genere belli dixi, nũc
 de magnitudine pauca dicam. potest enim hoc dici; bel-
 li genus esse ita necessarium, ut sit gerendum; non esse
 ita magnum, ut sit pertimescendum. in quo maxime
 laborandum est, ne forte à uobis, quæ diligētissime pro-
 uidenda sunt, contempta esse uideantur. atque ut o-
 mnes intelligant me L. Lucullo tantũ impertiri laudis,
 quantum fortĩ uiro, & sapientissimo homini, & ma-
 gno imperatori debeat: dico, eius aduentu maximas
 Mithridatis copias omnibus rebus ornatas atque instru-
 ctas esse deletas, urbemq; Asiæ clarissimam, nobisq; ami-
 cissimam, Cyzicenorũ, obsessam ab ipso Rege ma-
 xima multitudine, & oppugnatam uehementissime,
 L. Luculli uirtute, assiduitate, consilio summis obsidio-
 nis periculis liberatam: ab eodem imperatore classem
 magnam, et ornata, quæ ducibus Sertorianis ad Ita-
 liam studio inflāmato raperetur, superatam esse, atque
 depressam: magnas hostiũ præterea copias multis præ-
 lijs esse deletas: patefactumq; nostris legionibus esse Põ-
 rum, qui ante populo R. ex omni aditu clausus esset:
 Sinopem atque Amisum, quibus in oppidis erant domi-
 cilia regis, omnibus rebus ornata atque referta, cæte-
 rasq; urbes Ponti, & Capadociæ per multas uno adi-

tu, atque aduentu esse captas: Regem spoliatum re-
 gno patrio atque auito, ad alios se Reges atque alias gē-
 tes supplicium contulisse: atque hæc omnia saluis popu-
 li R. socijs atque integris uectigalibus esse gesta. satis
 opinor hoc esse laudis: atque ita reputo, ut hoc uos in-
 telligatis, à nullo istorum, qui huic obtrætant legi at-
 que causæ, L. Lucullum similiter ex hoc loco esse lau-
 datum. Requiretur fortasse nunc, quemadmodum,
 cum hæc ita sint, reliquum possit esse magnum bellū.
 cognoscite Quirites: non enim sine causa quæri uide-
 tur. Primum ex suo regno sic Mithridates profugit,
 ut ex eodem Ponto Medea illa quōdam profugisse dici-
 tur: quam prædicant in fuga fratris sui membra in
 ijs locis, quæ se parens persequeretur, dissipauisse, ut
 eorum collectio dispersa, mœrorq; patrius celeritatem
 persequendi retardaret. sic Mithridates fugiens, maxi-
 mam uim auri atque argenti, pulcherrimarumq; re-
 rum omnium, quas & à maioribus acceperat, & ipse
 bello superiore ex tota Asia direptas in suum regnū cō-
 gesserat, in Ponto omnem reliquit. hæc dum nostri colli-
 gunt omnia diligentius, Rex ipse è manibus effugit. ita
 illum in persequendi studio mœror, hos lætitia tarda-
 uit. hūc in illo timore & fuga Tigranes Rex Armenius
 excepit, diffidentemq; rebus suis cōfirmavit, et afflictū
 erexit, perditumq; recreauit. cuius in regnum posteaq;
 L. Lucullus cū exercitu uenit, plures etiā gentes contra
 imperatorem nostrum concitatæ sunt: erat enim metus
 iniectus ijs nationibus, quas nunquā populus R. neque
 lacessendas bello, neq; tentādas putauit: erat etiā alia

grauis atque uehemens opinio, quæ per animos gentiũ
 barbararum peruaferat, fanilocupletissimi & religio-
 sissimi diripiendi causã in eas oras nostrum exercitum
 esse adductum. ita nationes multæ atque magnæ no-
 uo quodã terrore ac metu concitabantur. noster autẽ
 exercitus, etsi urbẽ ex Tigranis regno ceperat, et præ-
 lijs usus erat secundis, tamen nimia longinquitate loco-
 rum, ac desiderio suorum commouebatur. hic iam plu-
 ra non dicam. fuit enim illud extremum, ut ex ijs lo-
 cis à militibus nostris reditus magis maturus, q̃ proces-
 sus longior quæreretur. Mithridates autem & suã ma-
 num iam confirmarat, & eorum, qui se ex eius regno
 collegerant, & magnis aduentitijs multorũ Regum &
 nationum copijs iuuabatur. hoc iam ferẽ sic fieri sole-
 re accepimus, ut Regũ afflietæ fortunæ facile multorũ
 opes alliciant ad misericordiam, maximeq; eorum, qui
 aut Reges sunt, aut uiuunt in regno, q̃ regale ijs nomẽ
 magnum & sanctum esse uideatur. itaque tantum
 uictus efficere potuit, quãtum incolumis nunquam est
 ausus optare. nam cum se in regnũ recepisset suũ, non
 fuit eo cõtentus, quod ei præter spem acciderat, ut illã,
 posteaquã pulsus erat, terram unquam attingeret, sed
 in exercitum uestrum clarum atque uictorem impetũ
 fecit. sinite hoc loco Quirites (sicut poetæ solent, qui res
 Romanas scribũt) præterire me nostrã calamitatẽ, quæ
 rãta fuit, ut eã ad aures L. Luculli nõ ex prælio nũcius,
 sed ex sermone rumor afferret. hic in ipso illo malo, gra-
 uissimaq; belli offensione L. Lucullus, qui tamẽ aliqua
 ex parte ijs incõmodis mederi fortasse potuisset, uestro
 iussu

iussu coactus, q̄ imperij diuturnitati modum statuen-
 dū ueteri exēplo putauistis, partem militū, qui iam sti-
 pendijs confectis erant, dimisit, partem Glabrioni tradi-
 dit. multa prætereo consulto, sed ea uos coniectura per-
 spicitis, quantum illud bellum futurū putetis, quod con-
 iungant Reges potentissimi, renouēt agitatae nationes,
 suscipiāt integræ gētes, nouus imperator uester accipiat
 uetere expulso exercitu. Satis mihi multa uerba fecisse
 uideor, quare hoc bellū esset genere ipso necessariū, ma-
 gnitudine periculosum. restat, ut de imperatore ad id
 bellum deligendo, ac tantis rebus præficiendo dicendum
 esse uideatur. utinam Quirites uirorum fortium atque
 innocentium copiam tantam haberetis, ut hæc uobis deli-
 beratio difficilis esset, quēnam potissimum tantis rebus,
 ac tantæ bello præficiendū putaretis. nūc uero, cum sit
 unus Cn. Pompeius, qui non modo eorū hominum, qui
 nūc sunt, gloriam, sed etiam antiquitatis memoriā uir-
 tute superarit: quæ res est, quæ cuiusquā animū in hac
 causa dubiū facere possit? ego enim sic existimo, in sum-
 mo imperatore quatuor has res inesse oportere, scientiā
 rei militaris, uirtutem, auctoritatē, felicitatē. quis igitur
 hoc homine scientior unq̄ aut fuit, aut esse debuit?
 qui è ludo atq; pueritiæ disciplina, bello maximo, atq;
 acerrimis hostibus, ad patris exercitū, atque in militiae
 disciplinā profectus est: qui extrema pueritia miles fuit
 summi imperatoris, ineunte adolescētia maximus ipse ex-
 ercitus imperator: qui sæpius cum hoste cōflicxit, quā
 quisquam cum inimico concertauit: plura bella gessit,
 q̄ cæteri legerunt: plures prouincias confecit, q̄ alij con-
 cupiuerunt: cuius adolescentia ad scientiā rei militaris

Cic. Orat.

b b

O R A T I O

non alienis præceptis, sed suis imperijs; nõ offensionibus belli, sed uictorijs; nõ stipendijs, sed triũphis est traducta. quod denique genus belli esse potest, in quo illũ nõ exercuerit fortuna Reip? ciuile, Africanũ, Trásalpinũ, Hispaniẽse, mistũ ex ciuitatibus, atque ex bellicosissimis nationibus, seruile, nauale, uaria & diuersa genera & bellorũ, & hostium non solũ gesta ab hoc uno, sed etiã confecta, nullã rem esse declarant in usu militari positã, quæ huius uiri scientiã fugere possit. Iam uero uirtuti Cn. Põpeij quæ potest par oratio inueniri? quid est, quod quisquã aut dignũ illo, aut uobis nouum, aut cui quã inauditum possit asferre? non enim illæ sunt solæ uirtutes imperatoriae, quæ uulgo existimantur, labor in negotijs, fortitudo in periculis, industria in agẽdo, celeritas in cõficiendo, consiliũ in prouidẽdo: quæ tanta sunt in hoc uno, quanta in omnibus reliquis imperatoribus, quos aut uidimus, aut audiuimus, nõ fuerũt. testis est Italia, quã ille uictor L. Sylla huius uirtute, & consilio cõfessus est liberatã. testis est Sicilia, quã multis undiq; cinctã periculis, nõ terrore belli, sed celeritate cõsiliij explicauit. testis est Africa, quæ magnis oppressa hostium copijs, eorum ipsorũ sanguine redũdauit. testis est Gallia, per quã legionibus nostris in Hispaniã iter, Gallorũ internecione, patefactũ est. testis est Hispania, quæ sæpissime plurimos hostes ab hoc superatos prostratosq; conspexit. testis est iterũ, & sæpius Italia, quæ cum seruili bello tetro periculosoq; premeretur, ab hoc auxiliũ absente expetuit: quod bellũ expectatione Põpeij attenuatũ atq; imminutũ est, aduẽtu sublatũ ac sepultum. testes uero iam omnes oræ, atque omnes exteres gentes, ac

nationes: denique maria omnia, tū uniuerſa, tum in ſin-
 gulis oris oēs ſinus atque portus. quis enim toto mari
 locus per hos annos aut tam firmū habuit præſidiū, ut
 tutus eſſet; aut tū fuit abditus, ut lateret? quis nauiga-
 uit, qui non ſe aut mortis, aut ſeruitutis periculo cōmit-
 teret? cū aut hieme, aut referto prædonum mari nauī
 garetur. hoc tantū bellū, tam turpe, tam uetus, tam la-
 te diuiſum atque diſperſum quis unquam arbitraretur
 aut ab omnibus imperatoribus uno anno, aut omnibus
 annis ab uno imperatore cōfici poſſe? quā provinciā te-
 nuiftis à prædonibus liberā per hoſce annos? quod ueſti-
 gal uobis tutū fuit? quē ſocium defendiſtis? cui præ-
 ſidio claſſibus ueſtris fuiſtis? quā multas exiſtimatis in-
 ſulas eſſe deſertas? quā multas aut metu relictas, aut
 à prædonibus captas urbes eſſe ſociorū? ſed quid ego lō-
 ginqua cōmemoro? fuit hoc quondā, fuit proprium po-
 puli R. longe à domo bellare, & propugnaculis imperij
 ſociorū fortunas, non ſua teſta defendere. ſocijs ueſtris
 ego mare clauſum per hoſce annos dicā fuiſſe? cū exer-
 citus noſtri Brūduſio nūquā niſi ſumma hieme trāſmi-
 ſerint. quid, ad nos cū ab exteris nationibus uenirēt, ca-
 ptos querar? cū Legati populi R. redempti ſint, mercato-
 ribus tutū mare nō fuiſſe dicā? cum duodecim ſecures
 in prædonum poteſtatem peruenerint. quid aut Colo-
 phonem aut Samū, nobiliſſimas urbes, innumerabilesq;
 alias captas eſſe cōmemorē? cū ueſtros portus, atque eos
 portus, quibus uitam & ſpiritum ducitis, in prædonū
 fuiſſe poteſtatē ſciatis. an uero ignoratis portū Caietæ,
 celeberrimū atq; pleniffimū nauium, inſpectate Prætorē
 à prædonibus eſſe direptū? ex Miſeno aut, eius ipſius libe-

ros, qui cū prædonibus antea ibi bellū gesserat, à prædo-
nibus esse sublatos? nam quid ego Hostiense incommo-
dum, atque illā labem, atque ignominiā Reip. querar?
cū, propè inspectantibus uobis, classis ea, cui Consul po-
puli R. præpositus esset, à prædonibus capta, atq; oppres-
sa est. Prò dij immortales, tantā ne unius hominis incre-
dibilis ac diuina uirtus tam breui tempore lucem affer-
re Reip. potuit, ut uos, qui modo ante ostium Tyberi-
nū classē hostiū uidebatis, ij nūc nullam intra oceani
ostium prædonū nauē esse audiat? atque hæc qua ce-
leritate gesta sint, quanq̃ uidetis, tamen à me in dicen-
do prætereunda nō sunt. quis enim unq̃ aut obeundi
negotij, aut cōsequendi quæstus studio tam breui tēpore
tot loca adire, tantos cursus cōficere potuit, quā celeriter
Cn. Pōpeio duce belli impetus nauigauit? qui Siciliam
adijt, Africā explorauit, inde Sardinia cum classe ue-
nit, nondū tēpestiuo ad nauigandū mari: atq; hæc tria
frumentaria subsidia Reip. firmissimis præsidij, classi-
busq; muniuit. inde se cū in Italiā recepisset, duabus Hi-
spanijs, et Gallia Cisalpina præsidij, ac nauibus cōfirma-
ta, missis itē in or.ā Illyrici maris, et in Achaia, oēmq;
Græciam nauibus, Italiæ duo maria maximis classibus,
firmissimisq; præsidij adornauit: ipse aut, ut à Brun-
dusio profectus est, unde quinquagesimo die totā ad im-
periū populi R. Siciliam adiunxit: oēs, qui ubique prædo-
nes fuerūt, partim capti, interfectiq; sunt, partim unius
huius imperio ac potestati se dederunt. idem Creten-
sibus, cū ad eum usque in Pamphyliā Legatos deprecā-
toresq; misissent, spem deditōnis non ademit, obsidesq;
imperauit. ita tantū bellum, tū diuturnū, tam longe la-

teq; dispersum, quo bello oēs gentes ac nationes preme-
batur, Cn. Pōpeius extrema hieme apparauit, ineūte ue-
re suscepit, media æstate cōfecit. Est hæc diuina atque in-
credibilis uirtus imperatoris. quid cæteræ? quas paulo
ante cōmemorare cœperā: quantæ, atque quā multæ
sunt? non enim solū bellādi uirtus in summo atque per-
fecto imperatore quæreda est, sed multæ sunt artes exi-
miæ, huius administræ comitesq; uirtutis. Ac primū,
quāta innocētia debent esse imperatores? quāta deinde
omnibus in rebus temperātia? quāta fide? quāta fa-
cilitate? quāto ingenio? quāta humanitate? quæ bre-
uiter, qualia sint in Cn. Pōpeio, cōsideremus: summa. n.
omnia sunt Quirites, sed ea magis ex aliorū cōtētiōne,
quā ipsa per sese, cognosci atq; intelligi possunt. Quē
enim possumus imperatorē aliquo in numero putare,
cuius in exercitu ueneāt Centuriatus, atque uenierint?
quid hūc hominē magnū, aut amplū de Rep. cogitare,
qui pecuniā ex ærario deprōptā ad bellū administran-
dum, aut propter cupiditatem provinciæ magistratibus
diuiserit, aut propter auaritiā Romæ in quæstu reli-
querit? uestra admurmuratio facit Quirites, ut agnosce-
re uideamini, qui hæc fecerint. ego aut neminē nomino.
quare irasci mihi nemo poterit, nisi qui ante de se uo-
luerit cōfiteri. itaq; propter hāc auaritiā imperatorum
quātas calamitates, quocūq; uētū sit nostri exercitus fe-
rāt, quis ignorat? itinera, quæ p hosce annos in Italia p-
agros atque oppida ciuiū R. nostri imperatores fecerūt,
recordamini: tum facilius statuetis, quid apud exteras
nationes fieri existimetis. utrū, plures arbitramini p ho-
sce annos militū uestrorū armis hostiū urbes, an hiber-

nis, sociorū ciuitates esse deletas? neq; enim potest exer-
 citū is cōtinere impator, qui se ipsum nō continet; neq;
 seuerus esse in iudicando, qui alios in se seueros esse iu-
 dices nō uult. hic miramur hūc hominē tantū excellere
 ceteris, cuius legiones sic in Asiā peruenerunt, ut nō mo-
 do manus tāti exercitus, sed ne uestigiū quidem cuiquā
 pacato nocuisse dicatur? iam uero quemadmodū milites
 hibernent, quotidie sermones ac literæ perferuntur: nō
 modo, ut sumptū faciat in milite, nemini uis affertur,
 sed ne cupienti quidem cuiq; permittitur: hiemis enim,
 nō auaritiæ perfugiū maiores nostri in sociorū atque
 amicorū tectis esse uoluerūt. Age uero, ceteris in rebus
 quali sit temperātia, cōsiderate. unde illā tantā celeri-
 tatē, & tam incredibilem cursū initium putatis? non
 enim illū eximia uis remigū, aut ars inaudita quādā
 gubernandi, aut uenti aliqui noui tam celeriter in ul-
 timas terras pertulerūt: sed hæ res, quæ ceteros remora-
 ri solēt, nō retardarunt: non auaritia ab instituto cur-
 su ad prædam aliq; reuocauit, nō libido ad uoluptatē,
 nō amœnitas ad delectationē, nō nobilitas urbis ad co-
 gnitionē, non denique labor ipse ad quietē: postremo si
 gna, & tabulas, ceteraq; ornamenta Græcorum oppi-
 dorū, quæ ceteri tollenda esse arbitrātur, ea sibi ille ne
 uisenda quidem existimauit. itaque cōs quidē nunc in
 his locis Cn. Pompeiū sicut aliquē nō ex hac urbe mis-
 sum, sed de cœlo delapsū intuētur: nūc denique inci-
 piūt credere, fuisse homines Romanos hac quondā ab-
 stinentia, quod iā nationibus exteris incredibile ac fal-
 so memoriæ proditū uidebatur. nūc imperij nostri splen-
 dor illis gētibus lucet. nūc intelligūt, nō sine causa ma-

iores suos tum, cum hac temperantia magistratus habebamus, seruire populo R. q̄ imperare alijs maluisse. iā uero ita faciles aditus ad eum priuatorum, ita liberæ quærimoniæ de aliorum iniurijs esse dicuntur, ut is, qui dignitate principibus excellit, facilitate par infimis esse uideatur. iam quantū cōsilio, quantū dicendi grauitate et copia ualeat, in quo ipso inest quædā dignitas imperatoria, uos Quirites hoc ipso in loco sæpe cognostis. si dem uero eius inter socios quantā existimari putatis, quā hostes omniū gentium sanctissimā esse iudicarint? humanitate iā tāta est, ut difficile dictu sit, utrū hostes magis uirtutem eius pugnātes timuerint, an māsuetudinē uicti dilexerint. & quisquā dubitabit, quin huic tantum bellum hoc transmittendū sit? qui ad omnia uestre memoriæ bella cōficienda diuino quodam cōsilio natus esse uideatur. & quoniam auctoritas multum in bellis quoque administrādis atque impio militari ualet, certe nemini dubiū est, quin ea in re idem ille imperator plurimum possit. uehementer autē pertinere ad bella administrāda, quid hostes, quid socijs de imperatoribus uestris existimēt, quis ignorat? cū sciamus homines in tantis rebus, ut aut cōtēnant, aut metuāt, aut oderint, aut amēt, opinione nō minus famæ, q̄ aliqua certa ratione cōmoueri. quod igitur nomen unq̄ in orbe terrarum clariius fuit? cuius res gestæ pares? de quo homine uos, id quod maxime facit auctoritatem, tanta, & tam præclara iura iudicia fecistis? an uero ullā usquā esse oram tam desertā putatis, quò nō illius diei fama peruaferit, cum uniuersus populus R. referto foro, repletisq; omnibus templis, ex quibus hic locus cōspici potest, unū sibi ad com-

O R A T I O

mune omnium gentium bellum Cn. Pompeium impera-
 torē depoposcit? itaq; ut plura non dicā, neq; aliorū
 exemplis confirmē, quantū huius auctoritas ualeat in
 bello; ab eodē Cn. Pompeio omnium rerū egregiarum
 exempla sumatur: qui quo die à uobis maritimo bello
 praepositus est imperator, tāta repēte uilitas annonae ex
 summa inopia & caritate rei frumentariae cōsecuta est
 unius spe & nomine, quantā uix ex summa ubertate
 agrorū diuturna pax efficere potuisset. Iā uero accepta
 in Pōto calamitate ex eo praelio, de quo uos paulo ante
 inuitus admonui, cū socij pertimuisent, hostiū opes, ani-
 mīq; creuissent, cū satis firmū praesidiū prouincia nō ha-
 beret, amisissetis Asiā Quirites, nisi ipsum id tēporis di-
 uinitus Cn. Pōpeiū ad eas regiones fortuna populi R. at-
 tulisset. huius aduētus Mithridatē insolita inflāmatū
 uictoria cōtinuit, & Tigranē magnis copijs minitatem
 Asiae retardauit. & quisq; dubitauit, quid uirtute pro-
 fecturus sit, qui tantū auctoritate profecerit? aut q̄ fa-
 cile imperio atq; exercitu socios, & uectigalia conser-
 uaturus sit, qui ipso nomine ac rumore defenderit? Age
 uero, illa res quātā declarat eiusdē hominis apud hostes
 populi R. auctoritatem, q̄ ex locis tā lōginquis, tamq; di-
 uersis, tam breui tempore omnes unā huic se dediderūt?
 q̄ Cretensium Legati, cū in eorū insula noster imperator,
 exercitusq; esset, ad Cn. Pompeiū in ultimas propē ter-
 ras uenerūt, eiq; se omnes Cretensium ciuitates dedere uel-
 le dixerūt? quid? idem ipse Mithridates, non'ne ad eū-
 dem Cn. Pompeiū Legatū usq; in Hispaniam misit?
 eumq; Pompeius Legatū semper iudicauit: ij, quibus
 semper erat molestū ad eū potissimū esse missū, specula

to rem, quàm Legatū iudicare maluerūt . Potestis igitur iam constituere Quirites, hanc auctoritatem multis postea rebus gestis, magnisq; uestris iudicijs amplificatam, quantū apud illos Reges, quantū apud exterarum nationes ualituram esse existimetis . Reliquū est, ut de felicitate, quam præstare de se ipso nemo potest, meminisse & cōmemorare de altero possumus, sicut equū est homini de potestate deorū, timide et pauca dicamus. Ego. n. sic existimo, Maximo, Marcello, Scipioni, Mario, & cæteris magnis imperatoribus, non solū propter uirtutem, sed etiam propter fortunā sæpius imperia mandata, atq; exercitus esse cōmissos: fuit. n. profecto quibusdā summis uiris quædā ad amplitudinē, & gloriā, & ad res magnas bene gerēdas diuinitus adiūcta fortuna . de huius aut hominis felicitate, quo de nūc agimus, hac utar moderatione dicēdi: nō ut in illius potestate fortunā positā esse dicam, sed ut præterita meminisse reliqua sperare uideamur: ne aut inuisa dijs immortalibus oratio nostra, aut ingrata esse uideatur. itaque nō sum prædicaturus Quirites, quantas ille res domi, militiæq; terra, mariq; quantaq; felicitate gesserit, ut eius semp uolūtatibus nō modo ciues assenserint, socij obtēperarint, hostes obedierint, sed etiā uēti tēpestatesq; obsecūdarint. hoc breuissime dicā, neminē unquā tā impudētē fuisse, qui à dijs immortalibus tot et tātas res tacitus auderet optare, quot et quātas dij immortales ad Cn. Pōpeiū detulerūt. qđ ut illi propriū, ac ppetuū sit Quirites, cū cōmunis salutis atq; impij, tū ipsius hominis causa, sicuti facitis, uelle, et optare debetis. quare cū et bellū ita necessariū sit, ut negligi nō possit; ita

O R A T I O

magnū, ut accuratissime sit administrandū; & cum ei
 imperatorē præficere possitis, in quo sit eximia belli sciē
 tia, singularis uirtus, clarissima auctoritas, egregia for=
 tuna: dubitabitis Quirites, quin hoc tantū boni, quod à
 dijs immortalibus oblatū & datū est, in Remp. cōseruan
 dā, atque amplificandā cōferatis? q̄ si Romæ Cn. Pom=
 rei priuatus esset hoc tēpore, tamen ad tantū bellum
 is erat deligendus atque mittendus. nūc cū ad cæteras
 summas utilitates hæc quoque opportunitas adiūgatur,
 ut in ijs ipsis locis adsit, ut habeat exercitū, ut ab ijs, qui
 habēt, accipere statim possit: quid expectamus? aut cur
 non, ducibus dijs immortalibus, eidē, cui cætera summa
 cū salute Reip. cōmissa sunt, hoc quoque bellum regiū
 committimus? At enim uir clarissimus, Reip. & uestris
 beneficijs amplissimis affectus, Q. Catulus, itemq; sum
 mis ornamentis honoris, fortunæ, uirtutis, ingenij præ=
 ditus Q. Hortensius, ab hac rōne dissentiunt: quorum
 ego auctoritatem apud uos multis locis plurimum ua=
 luisse, & ualere oportere cōfiteor: sed in hac causa, t̄i=
 etsi cognoscitis auctoritates contrarias fortissimorū ui=
 rorū & clarissimorū, tamen omissis auctoritatibus, ip=
 sa re & rōne exquirere possumus ueritatem, atque hoc
 facilis, q̄ ea omnia, quæ adhuc à me dicta sunt, iidem
 isti uera esse concedūt; & necessariū bellū esse, & ma
 gnū; et in uno Cn. Pōpeio summa esse omnia. quid igi=
 tur ait Hortēsius? si uni omnia tribuēda sunt, unū di=
 gnissimū esse Pōpeiū: sed ad unū tamen omnia deferri
 nō oportere. obsoleuit i.ā ista oratio, re multo magis, q̄
 uerbis refutata. nam tu idē Q. Hortensi multa pro
 tua summa copia ac singulari facultate dicēdi & in se

natu contra uirum fortem A. Gabiniū grauiter, orna-
 teq; dixisti, cum is de uno imperatore contra prædones
 cōstituendo legē promulgasset: et ex hoc ipso loco per-
 multa idē contra legem uerba fecisti. quid tū per deos
 immortales, si plus apud populum R. auctoritas tua, q̄
 ipsius populi R. salus et uera causa ualuisse, hodie hāc
 gloriā atq; hoc orbis terræ imperium teneremus? an ti-
 bi tum imperiū esse hoc uidebatur, cum populi R. Le-
 gati, Prætores, Quæstoresq; capiebātur? cum ex omni-
 bus prouincijs cōmeatu & priuato et publico prohibe-
 bamur? cū ita clausa erāt nobis omnia maria, ut neque
 priuatā rem maritimā, neque publicā iam obire posse-
 mus? quæ ciuitas antea unquā fuit, nō dico Athenien-
 siū, quæ satis late quondam mare tenuisse dicitur, non
 Carthaginensiū, qui permultū classe, maritimisq; rebus
 ualuerūt; non Rhodiorū, quorū usque ad nostram me-
 moriā disciplina naualis & gloriæ remāsit: quæ ciui-
 tas antea unquā tam tenuis, quæ tā parua insula fuit,
 quæ nō portus suos, & agros, & aliquā partē regionis
 atq; oræ maritimæ per se ipsa defenderet? At hercle ali-
 quot annos continuos ante legē Gabiniam ille populus
 R. cuius usque ad nostrā memoriā nomen inuictum in
 naualibus pugnis permāserat, magna ac multo maxi-
 ma parte nō modo utilitatis, sed dignitatis atq; imperij
 caruit. nos, quorū maiores Antiochū Regem classe, Per-
 senq; superarūt, omnibus naualibus pugnis Carthaginē
 ses, homines in maritimis rebus exercitatissimos paratis-
 simosq; uicerūt; ij nullo in loco iam prædonibus pares
 esse poteramus. nos quoq; qui antea nō modo Italiā tu-
 tam habebamus, sed omnes socios in ultimis oris aucto-

O R A T I O

ritate nostri imperij saluos præstare poteramus, tum cū
 insula Delos tā procul à nobis in Aegæo mari posita, quo
 oēs undique cum mercibus atque oneribus cōmeabant,
 referta diuitijs, parua, sine muro nihil timebat: ijdē nō
 modo prouincijs, atq; oris Italiæ maritimis, ac portubus
 nostris, sed etiā Appia iā uia carebamus: & his tempo-
 ribus non pudebat magistratus populi R. in hunc ipsum
 locū ascendere, cū eū uobis maiores uestri exuuijs nauti-
 cis, & classium spolijs ornatū reliquissent. Bono te ani-
 mo tū Q. Hortensi populus R. & cæteros, qui erant in
 eadē sentētia, dicere existimauit ea, quæ sentiebatis: sed
 tamen in salute cōmuni idē populus R. dolori suo ma-
 luit, quā auctōritati uestre obtemperare. itaque una
 lex, unus uir, unus annus non modo nos illa miseria ac
 turpitudine liberauit, sed etiā effecit, ut aliquādo uide-
 remur omnibus gētibus ac nationibus terra mariq; im-
 perare. quo mihi etiā indignius uidetur obtrectatū esse
 adhuc, Gabinio dicā, an ne Pōpeio, an utrique? id qđ est
 uerius. ne legaretur A. Gabinius Cn. Pompeio expetenti
 ac postulanti? utrū, ille, qui postulat Legatū ad tantū
 bellū quem uelit, idoneus nō est, qui impetret, cū cæteri
 ad expilādos socios, diripiendasq; prouincias, quos uolue-
 rūt, Legatos eduxerint: an ipse, cuius lege salus ac digni-
 tas populo R. atq; omnibus gētibus cōstituta est, expers
 esse debet gloriæ eius imperatoris, atq; eius exercitus, qđ
 cōsilio ipsius atq; piculo est cōstitutus? an C. Falcidius,
 Q. Metellus, Q. Celijs Latiniēsis, Cn. Lentulus, quos
 omne honoris causa nomino, cū Tribuni pl. fuissent,
 anno proximo Legati esse potuerūt: in hoc uno Gabinio
 sunt tā diligentes? qui in hoc bello, quod lege Gabinia

geritur, in hoc imperatore atq; exercitu, quē per se ipse constituit, etiā prācipuo iure esse deberet. de quo legando spero Cōsules ad senatū relatueros. qui si dubitabunt, aut grauabuntur, ego me profiteor relaturū: neq; me impedit cuiusquā Quirites inimicū edictū, quo minus fretus uobis uestrū ius, beneficiumq; defendā: neq; prāter intercessionē quidquā audiā: de qua, ut arbitror, isti ipsi, qui minatur, etiā atq; etiā, qui id liceat, considerabūt. mea quidē sentētia Quirites unus A. Gabinius bellī maritimi, rerumq; gestarū auctor, comes Cn. Pōpeio adscribitur, propterea q̄ alter uni id bellū suscipiendū uestris suffragiis detulit, alter delatū, susceptumq; cōfecit. Reliquū est, ut de Q. Catuli auctoritate, et sentētia dicendū esse uideatur. qui cū ex uobis quæreretur, si in uno Cn. Pōpeio omnia poneretis, si quid de eo factū esset, in quo spē essetis habituri; cepit magnū suae uirtutis fructum, ac dignitatis, cum oēs propē una uoce, in eo ipso uos spem habituros esse, dixistis. etenim talis est uir, ut nulla res tāta sit, ac tā difficilis, quā ille nō & cōsilio regere, et integritate tueri, & uirtute cōficere possit. sed in hoc ipso ab eo uehementissime dissētio, q̄ quo minus certa est hominū ac minus diuturna uita, hoc magis Resp. dū p̄ deos immortales licet, frui debet summi hominis uita atq; uirtute. at. n. nihil noui fiat cōtra exēpla, atq; instituta maiorū. nō dico hoc loco, maiores nostros semp̄ in pace cōsuetudini, in bello utilitati paruisse, semper ad nouos casus temporū, nouorum consiliorū rōnes accommodasse: non dicam, duo bella maxima, Punicū & Hispaniense, ab uno imperatore esse confecta; duas urbes potētissimas, quae huic imperio maxime

O R A T I O

minabantur, Carthaginē atque Numātiā, ab eodem Scipione esse deletas: nō cōmemorabo, nup̄ ita uobis patribusq; uestris esse uisum, ut in uno C. Mario spes imperij poneretur, ut idem cū Iugurtha, idem cū Cimbris, idē cū Theutonis bellū administraret: in ipso Cn. Pōpeio, in quo noui cōstitui nihil uult Q. Catulus, quā multa sint noua, summaq; Catuli uolūtate cōstituta, recordamini. quid tā nouū, quā adolescentulū priuatū, exercitū difficili Reip. tēpore cōficere? cōfecit: huic praeesse? praeuit: rem optime ductu suo gerere? gessit. quid tā praeeter consuetudinem, quā homini peradolescenti, cuius à senatorio gradu aetas lōge abesset, imperiū atq; exercitū dari? Siciliā permitti atque Africā, bellumq; in ea administrandū? fuit in his prouincijs singulari innocentia, grauitate, uirtute: bellū in Africa maximum confecit, uictorem exercitū deportauit. quid uero tam inauditū, quā equitem R. triūphare? at eam quoque rem populus R. nō modo uidit, sed etiā studio omni uisendā putauit. quid tam inusitatum, quā ut, cū duo Cōsules clarissimi, fortissimiq; essent, eques R. ad bellū maximum, formidolosissimumq; pro Consule mitteretur? missus est. quo quidē tempore, cum esset nō nemo in senatu, qui diceret, non oportere mitti hominem priuatū pro Consule; L. Philippus dixisse dicitur, non se illū sua sententia pro Cōsule, sed pro Cōsulibus mittere. tāta in eo Reip. bene gerēdae spes cōstituebatur, ut duorum Consulū munus unius adolescentis uirtuti cōmitteretur. quid tā singulare, quā ut ex S. C. legibus solutus, Consul ante fieret, quā ullum alium magistratum per leges capere licuisset? quid tam incredibile,

quàm ut iterum eques R. ex S. C. triùpharet? quæ in omnibus hominibus noua, post hominem memoriâ constituta sunt, ea tã multa nō sunt, quàm hæc, quæ in hoc uno homine uidimus. atque hæc tot exēpla, tanta ac tã noua profecta sunt in eundē hominem à Q. Catulo, atque à ceterorū eiusdem dignitatis amplissimorū hominū auctoritate. quare uideant, ne sit periniquū, et nō ferendū, illorū auctoritatē de Cn. Pōpeij dignitate à uobis cōprobatam semper esse, uestrum ab illis de eodē homine iudiciū, populiq; R. auctoritatē improbari: præserim cum iam suo iure populus R. in hoc homine suā auctoritatem uel contra oēs, qui dissentiunt, possit defendere: propterea q̄ istis reclamantibus uos unū illū ex omnibus delegistis, quē bello prædonū præponeretis. hoc si uos temere fecistis, et Reip. parum consuluistis: recte isti studia uestra suis consilijs regere conātur. sin aut uos plus tum in Rep. uidistis, uos his repugnantibus per uosmet ipsos dignitatem huic imperio, salutem orbi terrarum attulistis: aliquādo isti principes et sibi, et ceteris populi R. uniuersi auctoritati parēdum esse fateantur. Atque in hoc bello Asiatico et regio non solum militaris illa uirtus, quæ est in Cn. Pōpeio singularis, sed aliæ quoq; uirtutes animi multæ, et magnæ requirūtur. difficile est, in Asia, Cilicia, Syria, regnisq; exterarū nationū ita uersari uestrū imperatorē, ut nihil aliud, quàm de hoste ac de laude, cogitet. deinde etiā, si qui sunt pudore ac tēperantia moderatiores, tamē eos esse tales propter multitudinē cupidorū hominū nemo arbitratur. difficile est dictū Quirites, quāto in odio simus apud exteras nationes, propter eorū, quos ad eas hoc anno cum

O R A T I O

imperio misimus, iniurias ac libidines. quod enim fanū
 putatis in illis terris, nostris magistratibus religiosum,
 quam ciuitatem sanctam, quam domum satis clausam
 ac munitam fuisse? urbes iam locupletes ac copiosæ re
 quiruntur, quibus causa belli propter diripiendi cupidi
 tatem inferatur. Libēter hæc corā Q. Catulo & Q.
 Hortensio disputarem, summis & clarissimis uiris. no
 uerunt enim sociorū uulnera: uident eorum calamita
 tes, querimonias audiūt. pro socijs uos cōtra hostes exerci
 tū mittere putatis, an hostium simulatione contra so
 cios atque amicos? quæ ciuitas est in Asia, quæ nō modo
 unius imperatoris, aut Legati, sed unius Tribuni mil.
 animos ac spiritus capere possit? quare etiā si quē habe
 tis, qui collatis signis exercitus regios superare posse ui
 deatur, tamē, nisi erit idem, qui se à pecunijs sociorum,
 qui ab eorū cōiugibus ac liberis, qui ab auro, gazaq; re
 gia manus, oculos, animū cohibere possit, non erit ido
 neus, qui ad bellū Asiaticum, regiumq; mittatur. ecquā
 putatis ciuitatē pacatam fuisse, quæ locuples sit? ecquā
 esse locupletē, quæ istis pacata esse uideatur? ora mariti
 ma Quirites Cn. Pōpeium non solū propter rei milita
 ris gloriam, sed etiā propter animi continentiam requi
 suit. uidebat. n. populus R. nō locupletari quotānis pe
 cunia publica, præter paucos, neq; eos quidquā aliud af
 sequi classiū nomine, nisi ut detrimētis accipiēdis maio
 re affici turpitudine uideremur. nūc qua cupiditate ho
 mines in prouincias, quibus iacturis, quibus cōditōibus
 proficiſcātur, ignorāt uidelicet isti, qui ad unū deferen
 da esse omnia nō arbitrātur. quasi uero Cn. Pōpeiu non
 cū suis uirtutibus, tum etiam alienis uitijs magnū esse
 uideamus.

uideamus. Quare nolite dubitare, quin huic uni credatis omnia, qui inter annos tot unus inuentus sit, quē socij in urbes suas cum exercitu uenisse gaudeāt. Quod si aucto- ritatibus hanc causam Quirites confirmandā putatis, est uobis auctor uir bellorum omniū, maximarumq; rerum peritissimus, P. Seruilius, cuius tantæ res gestæ terra, ma- riq; extiterūt, ut, cū de bello deliberetis, auctor uobis gra- uior esse nemo debeat: est C. Curio, summis uestris bene- ficijs, maximisq; rebus gestis, summo ingenio, & pruden- tia præditus: est Cn. Lentulus, in quo omnes pro amplissi- mis uestris honoribus summū cōsiliū, summā gravita- tem esse cognoscitis: est C. Cassius, integritate, uirtute, cō- stantia singulari. quare uidete, nū horū auctoritatibus il- lorū orationi, qui dissentiunt, respōdere posse uideamur. Quæ cum ita sint C. Manili, primū istā tuam & legem, & uoluntatē, & sententiā laudo, uehemētissimeq; com- probo: deinde te hortor, ut auctore populo R. maneas in- sentētia, neue cuiusquā uim, aut minas pertimescas. pri- mum in te satis esse animi cōstantiæq; arbitror; deinde cū tantā multitudinē, cum tāto studio adesse uideamus, quantā nō iterum in eodē homine præficiēdo uidimus: quid est, q̃ aut de re, aut de perficiendi facultate dubite- mus? ego aut, quidquid in me est studiij, cōsiliij, laboris, in- genij, quidquid hoc beneficio populi R. atq; hac potestate prætorij, quidquid auctoritate, fide, cōstātia possum, id omne ad hanc rem conficiendā tibi & populo R. polli- ceor & defero: testorq; omnes deos, & eos maxime, qui huic loco temploq; præsidet, qui omniū mentes eorum, qui ad Remp. adeunt, maxime perspiciunt, me hoc neq; rogatu facere cuiusquam, neque quo Cn. Pompeij gra-

Cic. Orat.

c c

O R A T I O

tiam mihi per hanc causam conciliari putem, neq; quo
mihi ex cuiusquam amplitudine aut praesidia periculis,
aut adiumenta honoribus quaeram: propterea quod pe-
ricula facile, ut hominem prestare oportet, innocentia te-
sti pellemus, honores autem neque ab uno, neq; ex hoc
loco, sed eadem nostra illa laboriosissima ratione uitae, si
uestra uoluntas feret, consequemur. Quamobrem, quid-
quid in hac causa mihi susceptum est Quirites, id omne
me Reip. causa suscepisse confirmo: tantumq; abest, ut
aliquam bonam gratiam mihi quaesisse uidear, ut mul-
tas etiam simultates, partim obscuras, partim apertas,
intelligam, mihi non necessarias, uobis non inutiles, susce-
pisse. sed ego me hoc honore praeditum, tantis uestris be-
neficiis affectum, statui Quirites uestram uoluntatem,
& Reip. dignitatem, & salutem prouinciarum atq; so-
ciorum meis omnibus commodis, & rationibus praefere-
re oportere.

PRO A. CLVENTIO HABITO.
ORATIO XIII.

Nimaduerti iudices, omnē accusatoris
orationem in duas diuisam esse partes.
a quarum altera mihi niti, & magnope
re confidere uidebatur inuidia iā inue
terata iudicij Iuniani: altera tātummo
do cōsuetudinis causa, timide, & diffidēter attingere ra
tionē ueneficij criminum: qua de re lege est hāc quæstio
cōstituta. itaq; mihi certum est hāc eandē distributionē,
inuidiæ, et criminum, sic in defensione seruare, ut omnes
intelligant, nihil me nec subterfugere uoluissē reticēdo,
nec obscurare dicēdo. sed cum cōsidero quo modo mihi in
utraq; re sit elaborādum: altera pars, ea, quæ propria est
iudicij uestri, et legitimæ ueneficij quæstionis, p mihi bre
uis, et nō magnæ in dicēdo cōtentionis fore uidetur: alte
ra autē, quæ procul à iudicio remota est, quæ cōcionibus
seditiose cōcitatis accōmodatior est, quā trāquillis, mode
ratisq; iudicijs, prospicio quātū in agēdo difficultatis, &
quātum laboris sit habitura. sed in hac tāta difficulta
te illa me res tamen iudices consolatur, q uos de crimi
nibus sic audire cōsueuistis, ut eorum omnem dissolutio
nem ab oratore quærat, ut non existimetis plus uos ad
salutē reo largiri oportere, quā quātum defensor pur
gandis criminibus consequi, & dicēdo probare potuerit.
De inuidia autem sic inter uos disceptare debetis, ut, nō
quid dicatur à nobis, sed quid oporteat dici, consideretis.
agitur enim in criminibus, A. Cluentij proprium pericu
lum; in inuidia, causa cōmunis. quāobrem alterā partem

cc ij

O R A T I O

causæ sic agemus, ut uos doceamus; alteram sic, ut ore=
 mus. in altera diligentia uestra nobis adiungenda est, in al=
 tera fides imploranda: nemo est enim, qui inuidiæ sine ue=
 stro ac sine taliû uirorû subsidio possit resistere. Equidẽ,
 quod ad me attinet, quò me uertã, nescio. negẽ fuisse illã
 infamiã iudicij corrupti? negem illã rem agitatã in con=
 cionibus? iã Etatam in iudicijs? cõmemoratam in senatu?
 euellam ex animis hominû tantam opinionem? tam pe=
 nitus insitam? tam uetustam? nõ est nostri ingenij. ue=
 stri auxillij est iudices, huius innocetiæ sic in hac calami=
 tosa fama, quasi in aliqua perniciosissima flãma, atque
 in cõmuni incendio, subuenire. etenim sicut alijs in locis
 parû firmamenti, & parû uiriû falsitas habet: sic in hoc
 loco falsa inuidia imbecilla esse debet. dominetur in con=
 cionibus; iaceat in iudicijs: ualeat in opinionibus ac ser=
 monibus imperitorû; ab ingenijs prudentiû repudietur:
 uehemẽtes habeat repẽtinos impetus; spatio interposito,
 & causa cognita, cõsenescat: deniq; illa definitio iudicio=
 rum æquorum, quæ nobis à maioribus tradita est, reti=
 neat, ut in iudicijs & sine inuidia culpa pleætatur, &
 siue culpa inuidia ponatur. quãobrẽ à uobis iudices, an=
 tequã de ipsa causa dicere incipio, hoc postulo: primum
 id, quod æquissimû est, ut ne quid huc præiudicati affe=
 ratis: etenim nõ modo auctoritatem, sed etiam nomẽ iu=
 dicum amitemus, nisi hic ex ipsis causis indicabimus, ac
 si ad causas iudicia iam facta domo deferemus: deinde,
 si quam opinionem iam uestris mentibus cõprehendistis;
 si eã ratio cõuelleret, si ratio labefactabit, si denique ueri=
 tas extorquebit, ne repugnetis, eamq; animis uestris aut
 libentibus, aut æquis remittatis: tum aut, cum ego una=

quaq; de re dicam, & diluā, ne ipsi, quæ cōtraria sunt,
 taciti cogitationi uestræ subiiciatis, sed ad extremum ex
 peēteris, & me meū dicendi ordinem seruare patiamini:
 cum peroraro, tum, si quid erit præteritum, à me requi=
 ratis. Ego me iudices ad eam causam accedere, quæ iam
 per annos octo cōtinuos ex cōtraria parte audiat, atq;
 ipsa opinione hominū tacita propè cōiecta atq; dānata
 sit, facile intelligo. sed si quis mihi deus uestrā ad me au=
 diendum beneuolentiam cōciliarit, efficiam profecto, ut
 intelligatis, nihil esse homini tā timendū, quā inuidiā;
 nihil innocenti suscepta inuidia tā optandū, quā æquū
 iudiciū, quod in hoc uno deniq; falsæ infamiae finis ali=
 quis atque exitus reperiatur. quāobrem magna me spes
 tenet, si ea, quæ sunt in causa, explicare, atq; omnia di=
 cendo consequi potuero, hūc locū, cōfessumq; uestrū, quē
 illi horribilem A. Cluentio ac formidolosum fore putave=
 runt, eū tādem eius fortunæ miseræ, multūq; iactatæ por=
 tum ac perfugiū futurum. tametsi permulta sunt, quæ
 mihi, antequā de causa dicam, de cōmunibus inuidiæ pe=
 riculis dicenda esse uideātur: tamen ne diutius oratione
 mea suspensa expectatio uestra teneatur, aggrediar ad
 crimen cum illa deprecatione iudices, qua mihi sæpius
 utendū esse intelligo; sic ut me audiat, quasi hoc tem=
 pore hæc causa primū dicatur, sicuti dicitur, nō quasi sæ=
 pe iam dicta, & nūquā probata sit. hodierno. n. die pri=
 mum ueteris istius criminis diluendi potestas est data:
 ante hoc tempus error in hac causa atque inuidia uersa
 ta est. quāobrem, dū multorū annorū accusationi breui=
 ter, dilucideq; respōdeo, quæso ut me iudices, sicuti face=
 re instituisstis, benigne, attēteq; audietis. Corrupisse dici

O R A T I O

tur A. Cluētius iudicium pecunia, quo inimicum suum
innocentem Statium Albiū cōdemnaret. ostendā iudi-
ces primum, quoniā caput illius atrocitatis atq; inuidiæ
fuit, innocentē pecunia circumuentum; neminem unquā
maioribus criminibus, grauioribus testibus esse in iudi-
cium uocatum: deinde ea de eo præiudicia esse facta ab
ipsis iudicibus, à quibus condēnatus est, ut non modo ab
ijsdem, sed ne ab alijs quidē ullis absolui nullo modo pos-
set. cum hæc docuero, tum illud ostendā, quod maxime
requiri intelligo, iudiciū illud pecunia esse tētatum, non
à Cluentio, sed contra Cluentium: faciāq; ut intelliga-
tis, in tota illa causa quid res ipsa tulerit, quid error af-
finxerit, quid inuidia cōstaret. Primum igitur illud est,
ex quo intelligi possit, debuisse Cluētium magnopere cau-
sæ cōfidere, quod certissimis criminibus et testibus fretus
ad accusandū descenderit. hoc loco faciendum mihi iudi-
ces est, ut uobis breuiter illa, quibus Albius cōdemnatus
est, crimina exponā. Abs te peto Oppianice, ut me inui-
tum de patris tui causa dicere existimes, adductum fide
atq; officio defensionis. etenim tibi si in præsentia satis-
facere nō potuero, tamen multæ mihi ad satisfaciendū
reliquo tempore facultates dabuntur: Cluētio nisi nunc
satisfecero, postea mihi satisfaciendi potestas non erit. si-
mul & illud, quis est, qui dubitare debeat, cōtra damna-
tum, & mortuum, pro incolumi, & uiuo dicere? cum il-
li, in quē dicitur, damnatio omne ignominie periculum
iam abstulerit, mors uero etiam doloris: huic autem, pro
quo dicitur, nihil possit offensionis accedere sine acerbissi-
mo animi sensu ac dolore, & sine summo dedecore uitæ
ac turpitudine, atq; ut intelligatis Cluētium nō accusa-

torio animo, non ostentatione aliqua, aut gloria addu-
 ctum, sed nefarijs iniurijs, quotidianis insidijs, proposito
 ante oculos uitæ periculo, nomē Oppianici detulisse, pau-
 lo longius exordium rei demonstrādæ repetā: quod quæ-
 so iudices ne moleste patiamini: principijs enim cogni-
 tis, multo facilius extrema intelligetis. A. Cluentius Ha-
 bitus fuit, pater huiusce iudices, homo nō solum munici-
 pij Larinatis, ex quo erat, sed etiam regionis illius, & ui-
 cinitatis, uirtute, existimatiōe, nobilitate facile princeps.
 is cum esset mortuus Sylla & Pōpeio Coss. reliquit hunc
 annos XV. natum, grandem autem & nubilem filiam:
 quæ breui tempore post patris mortem nupsit A. Aurio
 Melino cōsobrino suo, adolescenti in primis, ut tum habe-
 batur, inter suos & honesto, & nobili. cum essent hæ nu-
 ptiaē plenæ dignitatis, plenæ concordiaē, repēte est exorta
 mulieris importunæ nefaria libido, non solum dedecore,
 uerum etiā scelere cōiuncta. nā Sassia mater huius Ha-
 biti, mater enim à me nominis causa, tætsi in hūc hosti-
 li odio, et crudelitate est, mater inquā appellabitur: neq;
 unquā illa ita de suo scelere, & immanitate audiet, ut
 naturæ nomē amittat: quo enim est ipsum nomen amā-
 tius, indulgentiusq; maternū, hoc illius matris, quæ mul-
 tos iā annos, & nunc, cum maxime, filium interfectum
 cupit, singulare scelus maiore odio dignum esse ducetis:
 ea igitur mater Habiti, Melini illius adolescentis generi
 sui, contra q̄ fas erat, amore capta, primo, neq; id ipsum
 diu, quoquo modo poterat, in illa cupiditate cōtinebatur:
 deinde ita flagrare cœpit amētia, sic inflāmata ferri li-
 bidine, ut eā nō pudor, nō pudicitia, nō pietas, nō macula
 familiaē, nō hominū fama, nō filij dolor, nō filiaē mœror.

O R A T I O

à cupiditate reuocaret. animum adolescentis, nondū cō-
silio, ac ratione firmatum, pellexit ijs omnibus rebus, qui-
bus illa ætas capi ac deliniri potest: filia, quæ non solum
illo cōmuni dolore muliebri in eiusmodi uiri iniurijs an-
geretur, sed nefariū matris pellicatū ferre non posset, de
quo ne queri quidē sine scelere se posse arbitraretur, cæ-
teros sui tāti mali ignaros esse cupiebat, in huius aman-
tissimi sui fratris manibus, & gremio, mœrore, & la-
crymis cōsenescebat. ecce autem subitū diuortiū, quod so-
latium malorū omniū fore uidebatur. discedit à Melino
Cluentia; ut in tātis iniurijs, nō inuita; ut à uiro, nō libe-
ter. tū uero illa egregia, ac præclara mater palām exul-
tare lætitia, ac triūphare gaudio cœpi, uirtrix filiæ, non
libidinis. itaq; diutius suspicionibus obscuris lædi famam
suā noluit, lætū illū genialem, quē biennio ante filiæ suæ
nubēti strauerat, in eadē domo sibi ornari, & sterni, ex-
pulsā, atq; exturbatā filia, iubet. nubit genero socrus, nul-
lis auspiciis, nullis auctoris, funestis ominibus om-
niū. ò mulieris scelus incredibile, & præter hanc unā, in
omni uita inauditū. ò libidinē effrenatā, & indomitā. ò
audaciā singularem. non timuisse, si minus uim deorū,
hominumq; famā, at illam ipsam noctem, facesq; illas
nuptiales? nō limen cubiculi? nō cubile filiæ? non pa-
rietes deniq; ipsos superiorum testes nuptiarum? perfre-
git, ac prostrauit omnia cupiditate ac furore: uicit pu-
dorem libido, timorem audacia, rationem amentia. tulit
hoc cōmune dedecus iam familiæ, cognationis, nominis
grauiter filius. augebatur autem eius molestia quotidia-
nis querimonijs, & assiduo fletu sororis. statuit tamen
nihil sibi in tantis iniurijs, ac tanto scelere matris gra-

uius faciendū, quā ut illa matre ne uteretur: ne, quā
 uidere sine summo animi dolore nō poterat, ea si matre
 uteretur, nō solū uidere, sed etiā probare suo iudicio pu-
 taretur. Initiū quod huic cū matre fuerit simultatis, au-
 diuistis. pertinuisse hoc ad causam, tūc, cū reliqua cogno-
 ueritis, intelligetis. nā illud me nō præterit; cuiusmodicū
 que mater sit, tamē in iudicio filij de turpitudine parē-
 tis dici uix oportere. nō essem ad ullā causam idoneus iu-
 dices, si hoc, quod in cōmunibus hominum sensibus, atq;
 in ipsa natura positū atq; infixū est, id ego, cū ad amici
 pericula depellenda adhiberer, nō uiderem. facile intel-
 ligo, nō modo reticere homines parentū iniurias, sed etiā
 animo æquo ferre oportere. sed ego ea, quæ ferri possūt,
 ferēda; quæ taceri, tacenda esse arbitror. nihil in uita ui-
 dit calamitatis A. Cluentius, nullū periculū mortis adiit,
 nihil mali timuit, quod nō totū à matre esset cōstatū, et
 perfectū. quæ hoc tempore sileret omnia, atque ea si obli-
 uione nō posset, tamē taciturnitate sua tecta esse patere-
 tur: sed ea uero sic agit, ut prorsus reticere nullo modo
 possit: hoc. n. ipsum iudiciū, hoc periculū, illa accusatio, o-
 mnis testiū copia, quæ futura est, à matre initio est ador-
 nata, à matre hoc tēpore instruitur, atque omnibus eius
 opibus, & copijs cōparatur: ipsa denique nuper Larino
 huius opprimēdi causa Romā aduolauit: præsto est mu-
 lier audax, pecuniosa, crudelis: instruit accusatores: in-
 struit testes: squalore huius & sordibus latatur: exitium
 exoptat: sanguinē suū profundere omnē cupit, dūmodo
 profusum huius ante uideat. hæc nisi omnia pspexeritis
 in causa, temere à nobis illā appellari putatote. sin autē
 erunt & aperta, & nefaria, Cluentio ignoscere debetis, &

hæc à me dici patiatur: mihi ignoscere non deberetis, se-
 tacerẽ. Nunc iam summam exponã, quibus criminibus
 Oppianicus dānatus sit: ut & cōstantiam A. Cluentij, &
 rationẽ accusationis perspicere possitis. Ac primũ, causa
 accusandi quæ fuerit, ostendã, ut id ipsum A. Cluentium
 uĩ & necessitate coactũ fecisse uideatis. Cũ manifesto
 uenenũ deprehēdisset, quod uir matris Oppianicus ei pa-
 rauisset; & res nō coniectura, sed oculis ac manibus te-
 neretur, neq; in causa ulla dubitatio posset esse: accusa-
 uit Oppianicum; quã constanter, & q̃ diligenter, po-
 stea dicã: nunc hoc scire uos uolui, nullam huic aliã ac-
 cusandi causam fuisse, nisi uti propositũ uitæ periculũ,
 & quotidianas capitis insidias hac una ratione uitaret.
 Atque ut intelligatis ijs accusatum esse criminibus Op-
 pianicum, ut neq; accusator timere, neque reus sperare
 debuerit, pauca uobis illius iudicij crimina exponã. qui-
 bus cognitis, nemo uestrũ mirabitur, illum diffidentẽ re-
 bus suis ad Stalenum, atq; ad pecuniã confugisse. La-
 rinas quẽdã fuit Dinea, socrus Oppianici, quæ filios ha-
 buit M. et Numerium Aurios, et Cn. Magiũ, & filiã Ma-
 giam, nuptã Oppianico. M. Aurius adolescentulus bello
 Italico captus apud Asculũ, in Q. Sergij senatoris, eius,
 qui inter sicarios dānatus est, manus incidit, & apud eũ
 fugit in ergastulo. Numerius autem Aurius frater mor-
 tuus est, hæredẽq; Cn. Magiũ fratrem suum reliquit. postea
 Magia uxor Oppianici mortua est. postremo, unus qui
 reliquus erat Dineæ filius, Cn. Magius est mortuus. is fe-
 cit hæredẽ illum adolescẽtẽ Oppianicũ sororis suæ filiũ,
 eũq; partiri cũ Dinea matre iussit. interim uenit index
 ad Dineã neq; obscurus, neq; incertus, qui nunciaret ei,

filium eius M. Aurium uiuere, et in agro Gallico esse in
 seruitute. mulier amissis liberis, cū unius filij recuperādi
 spes esset ostēdita, omnes suos propinquos, filijq; sui neces
 sarios cōuocauit, & ab his flēs petiuit, ut negociū suscipe
 rent, adolescentem inuestigarēt, sibi restituerent eum fi
 liū, quē titū unum ex multis fortuna reliquū esse uo
 luisse. hēc cū agere instituisset, oppresso morbo est. itaq;
 testamentū fecit eiusmodi, ut illi filio HS CCCCIDCCC
 millia legaret. heredem institueret eundē illū Oppiani
 cum nepotē suū: atque his diebus paucis est mortua. pro
 pinqui tamen illi, quēadmodū uiua Dinea instituerāt,
 ita, mortua illa, ad inuestigādū Aurium cū eodē illo indi
 ce in agrū Gallicū profecti sunt. interim Oppianicus, ut
 erat, sicut multis ex rebus reperietis, singulari scelere, &
 audacia, p quēdam Gallicanū familiārē suū primum
 illū indicē pecunia corruptit, deinde ipsum Aurium non
 magna iactura facta tollēdū interficiendūq; curauit.
 illi autem, qui erāt ad propinquū inuestigandum, & re
 cuperādū profecti, literas Larinum ad Aurios illius ado
 lescentis propinquos, suosq; necessarios mittunt, sibi dif
 ficilem esse inuestigandi rationē, quōd intelligerent indi
 cem ab Oppianico esse corruptum. quas literas A. Au
 rius, uir fortis & experiēs, & domi nobilis, M. illius Au
 rij propinquus, in foro palām, multis audientibus, cū ad
 esset Oppianicus, recitat, & clarissima uoce, se nomen
 Oppianici, si interfectum M. Aurium comperisset, dela
 turum esse testatur. interim breui tempore illi, qui erāt
 in agrum Gallicū profecti, Larinū reuertuntur, interse
 ctū esse M. Aurium renunciant. animi nō solum propin
 quorum, sed etiam omnium Larinatum odio Oppia

O R A T I O

nici, & illius adolescentis misericordia commouetur. itaq;
 cū A. Aurius, qui antea denunciarat, clamore hominem,
 ac minis insequi cœpisset, Larino profugit, & se in ca=
 stra clarissimi uiri Q. Metelli contulit. post illā fugā et
 sceleris, & conscientiae testem, nunquam se iudiciis, nū=
 quā legibus, nūquam inermem inimicis committere ausus
 est: sed p̄ illam L. Syllae uim, atque uictoriam Larinū in
 summo timore omnium cum armatis aduolauit: Qua=
 tuor uiros, quos municipes fecerant, sustulit: se à Sylla, &
 alios præterea tres factos esse dixit, & ab eodē sibi esse
 imperatū, ut Auriū illum, qui sibi delationem nomi=
 nis, & capitis periculum ostētarat, & alterum Auriū,
 & eius Caiū filium, & Sex. Virbium, quo sequestre in il
 lo indice corrūpendo dicebatur esse usus, proscribēdos in
 terficiendosq; curaret. itaq; illis crudelissime interfectis,
 nō mediocri ab eo cæteri proscriptionis, & mortis metu
 terrebantur. his rebus in causa iudicioq; patefactis, quis
 est, qui illū absolui potuisse arbitraretur? Atque hæc par
 ua sunt: cognoscite reliqua, ut nō aliquādo cōdēnatū esse
 Oppianicum, sed aliquandiu incolumē fuisse miremini.
 Primū uidete hominis audaciā. Sassiā in matrimoniū
 ducere Habitū matrē, illam, cuius uirū A. Auriū occide
 rat, concupiuit. utrum, impudentior hic, qui postulet; an
 crudelior illa, si nubat? difficile dictū est. sed tamē utrius
 que humanitatē, constantiamq; cognoscite. petit Oppia=
 nicus, ut sibi Sassiā nubat, & id magnopere cōtēdit. illa
 autē non admiratur audaciā, non impudentiā asperna=
 tur, non deniq; illam Oppianici dexteram uiri sui san=
 guine redundantē reformidat: sed, quòd haberet tres ille
 filios, idcirco se ab his nuptiis adhorrere respondit. Op=

pianicus, qui pecuniā Sassiæ cōcupiuiſſet, domo ſibi quæ
rendum remedium exiſtimauit ad eam morā, quæ nu=
ptiis afferebatur. nam cum haberet ex Nouia infantem
filiū; alter autē eius filius, Pappia natus, Theani Apuli,
quod abeſt à Larino decē et oēto millia paſſuū, apud ma=
trem educaretur: accerſit ſubito ſine cauſa puerū Thea=
no, quod facere niſi ludis publicis, aut feſtis diebus antea
non ſolebat. mater nihil mali miſera ſuſpicas mittit. ille
ſe Tarentum proficiſci cū ſimulaſſet, eo ipſo die puer, cū
hora undecima in publico ualens uiſus eſſet, ante noctē
mortuus, & poſtridie, antequā luceret, cōbuſtus eſt. atq;
hunc tantum mœrorem matri prius hominū rumor, q̄
quiſquā ex Oppianici familia renūciauit. illa cum uno
tempore audiſſet ſibi non ſolum filiū, ſed etiam exequia
rū munus ereptū, Larinum conſeſtim exanimata uenit,
& ibi de integro funus iam ſepulto filio fecit. dies nōdū
decē interceſſerāt, cū ille alter filius infans necatur. itaq;
nubit Oppianico cōtinuo Saffia lætātī iā animo, & ſpe
optima cōfirmata: nec mirū, quæ ſe nō nuptialibus donis,
ſed filiorum funeribus delinitā uideret. itaque, q̄ cæteri
propter liberos pecuniæ cupidiores ſolēt eſſe, ille propter
pecuniā liberos amittere iucundū eſſe duxit. Sentio iudi=
ces, uos pro ueſtra humanitate his tantis ſcleribus breui=
ter à me demōſtratis uehemēter eſſe cōmotos. quo tandē
igitur animo fuiſſe illos arbitramini, quibus his de rebus
nō modo audiendū fuit, uerum etiā iudicandū? uos audi=
tis de eo, in quem iudices non eſtis; de eo, quem nō uide=
tis; de eo, quem odiſſe iā nō poteſtis; de eo, qui & natu=
ræ, & legibus ſatiſfecit, quem leges exilio, natura morte
mulctauit: auditis non ab inimico, auditis ſine teſtibus,

O R A T I O

auditis, cum ea, quæ copiosissime dici possunt, breuiter à me strictimq; dicuntur. illi audiebant de eo, de quo iurati sententias ferre debebāt; de eo, cuius præsens nefariū & cōsceleratū uultū intuebantur; de eo, quē oderāt propter audaciā; de eo, quē omni supplicio dignū esse ducebant: audiebāt ab accusatoribus: audiebant uerba multorū testium: audiebāt, cū unaquaq; de re à P. Canutio, homine eloquentissimo, grauer, & diu diceretur. et est quisquā, qui, cum hæc cognouerit, suspicari possit Oppianicum iudicio oppressum, & circumuētū esse innocentē? Aceruatim iā reliqua indices dicā, ut ad ea, quæ propiora huius causæ, & adiūctiora sunt, perueniā. uos quæso memoria teneatis, nō mihi hoc esse propositum, ut accusem Oppianicum mortuū, sed, cum hoc persuadere uobis uelim, iudiciū ab hoc nō esse corruptū, hoc uti initio ac fundamēto defensionis, Oppianicum, hominē sceleratissimum, & nocētissimum, esse dānatū: qui uxori suæ Cluētiae, quæ amita huius Habiti fuit, cū ipse poculū dedisset, subito illa in media potione exclamauit, se maximo cū dolore mori, nec diutius uixit, quā locuta est: nā in ipso sermone hoc, & uociferatione mortua est. & ad hanc mortem tam repētinam, uocemq; morientis omnia præterea, quæ solent esse indicia, et uestigia ueneni, in illius mortuæ corpore fuerunt: eodēq; ueneno C. Oppianicum fratrem necauit. neq; est hoc satis: tametsi in ipso fraterno parricidio nullum scelus prætermisum uidetur: tamē, ut ad hoc nefarium facinus accederet, aditum sibi alijs sceleribus ante munuit: nam cum esset grāuida Auria fratris uxor, & iam appropinquare partus uideretur, mulierem ueneno interfecit, ut unā illa, & quod

erat ex fratre conceptum, necaretur. postea fratrem aggressus est: qui sero, iam exhausto illo poculo mortis, cum de suo, & de uxoris interitu clamaret, testamentumque mutare cuperet, in ipsa significatione huius uoluntatis est mortuus. ita mulierem, ne partu eius ab hereditate fraterna excluderetur, necauit: fratris autem liberos prius uita priuarit, quam illi hanc ab natura propriam lucem accipere potuerunt: ut omnes intelligerent, nihil ei clausum, nihil sanctum esse posse, cuius ab audacia fratris liberos ne materni quidem corporis custodia tegere potuisset. memoria teneo, Milesiam quandam mulierem, cum essem in Asia, quod ab heredibus secundis accepta pecunia partium sibi ipsa medicamentis abegisset, rei capitalis esse damnata: neque iniuria, quae spem parentis, memoriam nominis, subsidium generis, heredem familiae, designatum Reipublicam sustulisset. quanto est Oppianicus in eadem iniuria maiore supplicio dignus? siquidem illa, cum suo corpori uim attulisset, se ipsam cruciauit: hic autem idem illud effecit per alieni corporis mortem, atque cruciatum. ceteri non uidentur in singulis hominibus multa parricidia suscipere posse: Oppianicus inuentus est, qui in uno corpore plures necaret. itaque cum hanc eius consuetudinem audaciamque cognosceret auunculus illius adolescentis Oppianici, Cn. Magius; isque graui morbo affectus esset, & heredem illum sororis suae filium faceret: amicis adhibitis, praesente matre sua Dinea, uxorem suam interrogauit, essetne praegnans: quae cum se esse respondisset, ab ea petiuit, ut se mortuo, apud Dineam, quae tunc ei mulieri socruserat, quoad pareret, habitaret, diligentiamque adhiberet, ut id, quod conceperat, seruaret, ut

O R A T I O

saluum parere posset. itaq; ei testamento legat grandem pecuniā à filio, si qui natus esset: ab secūdo hærede nihil legat. quid de Oppianico suspicatus sit, uidetis: quid iudicarit, obscurū non est: nam cuius filiū faceret hærede, eū tutorem liberis non adscripsit. quid Oppianicus fecerit, cognoscite, ut illum Magiū intelligatis longe animo prospexisse moriētem. quæ pecunia mulieri legata erat à filio, si qui natus esset, eā præsentem Oppianicus nō debitam mulieri soluit: si hæc solutio legatorū, & nō merces abortionis appellāda est. quo illa pretio accepto, multisq; præterea muneribus, quæ tū ex tabulis Oppianici recitabantur, spem illā, quā in aluo cōmendatam à uiro cōtinebat, uicta auaritia sceleri Oppianici uēdidit. nihil posse iam ad hanc improbitatem addi uidetur. attēdite exitū. quæ mulier obtestatione uiri decem illis mensibus ne domum quidē ullā, nisi socrus suæ, nosse debuit, hæc quinto mēse post uiri mortē ipsi Oppianico nupsit. quæ nuptiæ nō diurnæ fuerunt: erant enim non matrimonij dignitate, sed sceleris societate coniunctæ. Quid illa cædes Asinij Larinatis, adolescentis pecuniosi, quā clara, cū recēs fuit, quā omnium sermone celebrata? Fuit Aiulius quidā Larinas, perdita nequitia, & summa egestate, arte quadā præditus ad libidines adolescentulorum excitandas atcōmodata: qui ut se blāditijs, & assentationibus in Asinij consuetudinē penitus immersit, Oppianicus continuo sperare cœpit hoc se Aiulio, tanquā aliqua machina admota, capere Asinij adolescentiā, & fortunas eius patrias expugnare posse. ratio excogitata Larini est, res translata Romā: iniri enim id consilium facilius in solitudine, perfici rem eiusmodi commodius in turba

turba posse arbitrati sunt. Asinius cum Aiulio Romam
 est profectus. hos uestigijs Oppianicus cōsecutus est. iam
 ut Romæ uixerint, quibus cōuiuijs, quibus flagitijs, quā-
 tis, & quā profusis sumptibus, non modo conscio, sed
 etiam conuiua, & adiutore Oppianico, longum est mihi
 dicere, præsertim ad alia properanti. exitū huius assimu-
 latæ familiaritatis cognoscite. cum esset adolescens apud
 mulierculā quandam, atque ibi pernoctaret, & ibi diē
 posterum cōmoraretur, Aiulius, ut erat constitutū, simu-
 lat se ægrotare, & testamentum facere uelle. Oppiani-
 cus obsignatores ad eū, qui neq; Asiniū, neque Aiulium
 nossent, adducit, & illum Asiniū appellat: ipse, testamen-
 to Asinij nomine obsignato, discedit: Aiulius illico cōua-
 lescit. Asinius autem breui illo tēpore, quasi in hortulos
 iret, in arenarias quasdam extra portam Esquilinā per-
 ductus, occiditur. qui cum unum iam, & alterum diem
 desideraretur; neq; in ijs locis, ubi ex consuetudine quæ-
 rebatur, inueniretur; & Oppianicus in foro Lariatiū
 diētitaret, nuper se, & suos amicos testamentū eius obsi-
 gnasse: liberti Asinij, & nōnulli amici, quod eo die, quo
 postremum Asinius uisus erat, Aiulium cum eo fuisse,
 & à multis uisum esse constabat, in eum inuadunt, &
 hominem ante pedes Q. Manilij, qui tum erat Trium-
 uir, constituunt. atq; ille continuo nullo teste, nullo indi-
 ce, recentis maleficij conscientia perterritus, omnia, ut à
 me paulo ante dicta sunt, exponit, Asiniumq; ab se, con-
 silio Oppianici interfectum fatetur. extrahitur domo
 latitans Oppianicus à Manilio: index Aiulius ex alte-
 ra parte coram tenetur. hic iam quid reliqua quæritis?
 Manilium plerique noratis. non ille honorē à pueritia,

Cic. Orat.

d d

O R A T I O

non studia uirtutis, non ullū existimationis bonæ fructum unquam cogitarat, sed ex petulanti, atq; improbo scurra in discordijs ciuitatis ad eā columnam, ad quam multorū sepe conuiuijs perductus erat, cum suffragijs populi peruenerat. itaque rem cum Oppianico transigit: pecuniam ab eo accipit: causam & susceptam, & manifestam relinquit. at tum in Oppianici causa crimen hoc Asinianum cum testibus multis, tum uero iudicio Aiulij probabatur. in quo inter allegatos Oppianici nomē primum esse cōstabat, eius, quē uos miserum, atq; innocētē falso iudicio circumuentū esse dicitis. Quid? auiam tuā Oppianice Dineam, cui tu es hæres, pater tuus nō manifeste necauit? ad quam cū adduxisset medicū illum suū iam cognitum & sepe uictorem, per quem interfecerat plurimos, mulier exclamat se ab eo nullo modo uelle curari, quo curante suos omnes perdidisset. tū repente Anconitanū quēdam L. Clodiū pharmacopolam circumforaneū, qui casu cum Larini uenisset, aggreditur, et cum eo HS quadringentis, id quod ipsius tabulis tum est demonstratū, transigit. L. Clodius, qui properaret, cui foras multa restarēt, simul atque introductus est, rem conficit: prima portione mulierē sustulit. neq; postea Larini punctum est tēporis cōmoratus. Eadem hac Dinea testamentum faciente, cū tabulas prehendisset Oppianicus, qui gener eius fuisset, digito legata deleuit: & cū id multis locis fecisset; post mortē eius, ne literis coargui posset, testamentū in alias tabulas transcriptū signis adulterinis obsegnauit. Multa prætereo cōsulto: etenim uereor, ne hæc ipsa nimis multa esse uideātur: uos tamen eū similem suū fuisse in cæteris uitæ partibus existimare debetis. illum

tabulas publicas Larini censorias corrupisse, Decuriones
 uniuerſi iudicauerūt: cum illo iam nemo rationē, nemo
 rē ullam cōtrahebat: nemo illū ex tam multis cognati;
 & affinibus tutorē unquā liberis ſuis ſcripſit: nemo illū
 aditu, nemo cōgreſſione, nemo ſermone, nemo cōuiuiο di
 gnū iudicabat: omnes aſpernabātur, omnes abhorrebāt,
 omnes ut aliquā immanē, ac pernicioſam beſtiā, peſtēq;
 fugiebāt. hūc tamen hominē tam audacē, tā nefarium,
 tam nocentē nūquā accuſaſſet Habitus iudices, ſi id prae
 termittere ſaluo capite ſuo potuiſſet. erat huic inimicus
 Oppianicus, erat, ſed tamē erat uiricus: crudelis, et huic
 infeſta mater, attamen mater: poſtremo nihil tam remo
 tum ab accuſatione, q̄ Cluentius & natura, & uolunta
 te, & inſtituta ratione uitae. ſed cum eſſet hēc illi propo
 ſita cōditio, ut aut iuſte pieq; accuſaret, aut acerbe, indi
 gneq; moreretur: accuſare, quoquo modo poſſet, quā il
 lo modo emori, maluit. atq; ut hēc ita eſſe pſpicere poſ
 ſitis, exponā uobis Oppianici facinus manifeſto cōpertū,
 atq; deprehenſum: ex quo ſimul utrunq; & huic accuſa
 re, & illū cōdēnari neceſſe fuiſſe, intelligetis. Martiales
 quidā Larini appellabātur, miniſtri publici Martis, atq;
 ei deo ueteribus inſtitutis religionibusq; Larinatiū cōſe
 crati. quorū cū ſatis magnus numerus eſſet; cumq; itē, ut
 in Sicilia p̄multi Venerei ſunt, ſic illi Larini in Martis fa
 milia numerarētur: repēte Oppianicus, eos omnes liberos
 eſſe, ciuesq; Romanos, cōepit defendere. grauiter id Decu
 riones Larinatiū, cūctiq; municipes tulerūt: itaq; ab Ha
 bito petiuerūt, ut eā cauſam ſuſciperet, publiceq; defen
 deret. Habitus cū ſe ab omni eiꝰmodi negotio remouiſ
 ſet, tamē pro loco, pro antiquitate generis ſui, pro eo q̄

d d ij

O R A T I O

se non solum suis commodis, sed etiā suorum municipū,
 ceterorumq; necessariorū natū esse arbitrabatur, tantæ
 uolūtati uniuersorū Larinatum deesse noluit. suscepta
 causa, Romāq; delata, magnæ quotidie cōtentiones inter
 Habitum & Oppianicum ex utriusque studio defensio-
 nis excitabantur. erat ipse Immani acerbāq; natura Op-
 pianicus: incēdebat eius amentia infesta atq; inimica fi-
 lio mater Habitū. magni aut illi sua interesse arbitrabā-
 tur, hunc à causa Martialiū dimouere. suberat etiā alia
 causa maior, quæ Oppianici, hominis auarissimi, atque
 audacissimi, mentē maxime cōmouebat: nā Habitū us-
 que ad illius iudiciū tēpus nullum testamentū unquā fe-
 cerat: neq; n. legare eiusmodi matri, poterat in animum
 inducere, neq; testamento nomen omnino prætermittere
 parentis. id cum Oppianicus sciret, (neque n. erat obscu-
 rū) intelligebat, Habito mortuo, bona eius omnia ad ma-
 trē esse uentura: quæ ab sese postea, auēta pecunia ma-
 iore præmio, orbata filio minore periculo necaretur. ita-
 que his rebus incensus, qua ratione Habitū ueneno tolle-
 re conatus sit, cognoscite. C. & L. Fabritij fratres gēni-
 ni fuerunt, ex municipio Aletrinate, homines inter se cū
 forma, tum moribus similes, municipum aut suorum dis-
 simillimi: in quibus quātus splendor sit, quā propē æqua-
 bilis, quā ferē omnium cōstans, & moderata ratio ui-
 tæ, nemo uestrum, ut mea fert opinio, ignorat. his Fabri-
 tij semper usus est Oppianicus familiarissime. iam hoc
 ferē scitis omnes, quantam uim habeat ad coniungēdas
 amicitias studiorū ac naturæ similitudo. cum illi ita ui-
 uerent, ut nullum quæstum turpem esse arbitrarentur;
 cum omnis ab his fraus, omnes insidiæ circūscriptionesq;

adolescentium nascerentur; cumq; essent uitij, atque im-
 probitate omnibus noti: studiose, ut dixi, ad eorum se fa-
 miliaritatem multis iam ante annis Oppianicus applica-
 rat: itaque tū sic statuit, per C. Fabritium (nam L. erat
 mortuus) insidias Habito cōparare. erat illo tempore in-
 firma ualitudine Habitus, utebatur autem medico igno-
 bili, sed spectato homine Cleophanto: cuius seruū Dioge-
 nem Fabritius ad uenenū Habito dandum spe & pre-
 tio sollicitare cœpit. seruus non incallidus, sed, ut ipsa res
 declarauit, frugi atque integer, sermonem Fabritij nō est
 aspernatus: rem ad dominum detulit. Cleophantus au-
 tem cum Habito est locutus. Habitus autem statim cum
 M. Bebrio senatore familiarissimo suo cōmunicauit: qui
 qua fide, qua prudentia, qua dignitate fuerit, meminisse
 uos arbitror. ei placuit, ut Diogenem Habitus emeret à
 Cleophanto, quo facilius aut cōprehenderetur res eius in
 dicio, aut falsa esse cognosceretur. ne multis, Diogenes e-
 mitur: uenenum diebus paucis, multi uiri boni cum ex
 occulto interuenissent, pecuniaq; obsignata, quæ ad eam
 rem dabatur, in manibus Scamandri liberti Fabritiorū
 prehenditur. Prò dij immortales, Oppianicū quisquā,
 his rebus cognitis, circumuentum dicit esse? quis unquam
 audacior? quis nocentior? quis apertior in iudicium ad-
 ductus est? quod ingenium: quæ facultas dicendi, quæ
 à quoquam excogitata defensio huic uni crimini potuit
 obsistere? simul & illud, quis est, qui dubitet, quin, hac
 re comperta, manifestoq; deprehensa, aut obeunda mors
 Cluentio, aut suscipienda accusatio fuerit? Satis esse ar-
 bitror demonstratum iudices, ijs criminibus accusatum
 esse Oppianicū, ut honeste absolui nullo modo potuerit.

d d iij

O R A T I O

Cognoscite nunc ita reū citatum esse illum, ut, re semel atq; iterum præiudicata, cōdemnatus in iudiciū uenerit. Nam Cluentius iudices primum nomen eius detulit, cuius in manibus uenenum deprehenderat: is erat libertus Fabritiorum Scamander. integrum cōsiliū, iudicij corrupti nulla suspicio: simplex in iudiciū causa, certa res, uerum crimen allatum est. hic tum Fabritius, is, de quo ante dixi, qui liberto dānato sibi illud impēdere periculum uideret, quōd mihi cum Aletrinatibus uicinitatem, & cum plerisq; eorū magnū uisum esse sciebat, frequentes eos ad me domū adduxit. qui quāquā de homine, sicut necesse erat, existimabant: tamen, q̄ erat ex eodem municipio, suæ dignitatis esse arbitrabātur, eum, quibus rebus possent, defendere: idq; à me ut facerem, & ut causam Scamādrī suscipere, petebāt: in qua causa patroni omne periculum cōtinebatur. ego, qui neq; illis, talibus uiris, ac tā amantibus mei, rem possem ullam negare, neq; illud crimen tantum ac tā manifestum esse arbitrarer, sicut nec illi quidem ipsi, qui mihi tum illam causam cōmendabant, arbitrabātur; pollicitus ijs sum, me omnia, quæ uellent, esse facturū. res agi cœpta est: citatus est Scamāder reus: accusabat P. Canutius, homo in primis ingeniosus, et in dicēdo exercitatus: accusabat autem ille quidē Scamādrum uerbis tribus, uenenuū esse deprehensum. omnia tela totius accusationis in Oppianicū conijciebātur: aperiēbatur causa insidiarū: Fabritiorum familiaritas cōmemorabatur: hominis uita, & audacia proferebatur: denique omnis accusatio uarie, grauiterq; tractata, ad extremū manifesta ueneni deprehensione cōclusa est. hic ego cum ad respondendū surrexi, qua cura

dij immortales, qua sollicitudine animi, quo timore. sem-
 per equidem magno cum metu incipio dicere : quoties=
 cūq; dico, toties mihi uideor in iudicium uenire nō inge-
 nij solum, sed etiam uirtutis atq; officij: ne aut id profi-
 teri uidear, quod non possim implere, quod est impudē-
 tiæ; aut id non efficere, quod possim, quod est aut perfu-
 diæ, aut negligentiae. tum uero ita sum perturbatus, ut
 omnia timerem; si nihil dixissem, ne infantissimus; si
 multa in eiusmodi causa dixissem, ne impudentissimus
 existimarer. collegi me aliquando, & ita constitui, forti-
 ter esse agendum; illi ætati, qua tum eram, solere laudi
 dari, etiam si in minus firmis causis hominum periculis
 non defuissem: itaq; feci: sic pugnaui, sic omni ratione
 contendi, sic ad omnia confugi, quantum ego assequi po-
 tui, remedia, ac perfugia causarum, ut, hoc, quod timi-
 de dicā, consecutus sim, ne quis illi causæ patronum de-
 fuisse arbitraretur. sed ut quidquid ego apprehēderam,
 statim accusator extorquebat è manibus. si quæsieram,
 an inimicitiae Scamandro cum Habito: fatebatur nullas
 fuisse; sed Oppianicum, cuius ille minister fuisset, huic
 inimicissimum fuisse, atque esse dicebat. sin autem il-
 lud egeram, nullum ad Scamandrum morte Habiti uē-
 turum emolumentum fuisse: concedebat; sed ad uxo-
 rem Oppianici, hominis in uxoribus nec. adis exercitati,
 omnia bona Habiti uentura esse dicebat. cum illa defen-
 sione usus essem, quæ in libertinorū causis honestissima
 semper existimata est, Scamādrum patrono esse proba-
 tum: fatebatur; sed quærebat, cui probatus esset ipse pa-
 tronus. cum ego pluribus uerbis in eo cōmoratus essem,
 Scamandro factas insidias esse per Diogenem, constitu-

d d iiii

O R A T I O

tumq; inter eos de alia re fuisse, ut medicamentum, non uenenum, Diogenes afferret, hoc cuius usu uenire posse: querebat, cur in eiusmodi locum tam abditum, cur solus, cur cum ob signata pecunia uenisset: denique hoc loco causa testibus honestissimis hominibus premebatur. M. Bebrus de suo consilio Diogenem emptum, se presente Scamandrum cum ueneno, pecuniaq; deprehensum esse dicebat. P. Quintius Varus, homo summa religione, et summa auctoritate præditus, de insidijs, quæ fierent Habito, et de sollicitatione Diogenis recenti re secum Cleophantum locutum esse dicebat. atq; in illo iudicio, cum Scamandrum nos defendere uideremur, uerbo ille reus erat, re quidem uera et periculo, et tota accusatione Oppianicus: neque id obscure ferebat, nec dissimulare ullo modo poterat: aderat frequens, aduocabat, omni studio, gratiaq; pugnabat, postremo, id quod maximo malo illi causæ fuit, hoc ipso loco, quasi reus ipse esset, sedebat. oculi omnium iudicum non in Scamandrum, sed in Oppianicum conijciebantur: timor eius, perturbatio, suspensus, incertusq; uultus, crebra coloris mutatio, quæ erant antea suspiciosa, hæc aperta, ac manifesta faciebant. cum in consilium iri oporteret, quæsiuit ab reo C. Iunius Quæsitur ex lege illa Cornelia, quæ tum erat, clàm an palàm de se sententiâ ferri uellet? de Oppianici sententiâ responsum est, quod is Habiti familiarem Iunium esse dicebat, clàm uelle ferri. itum est in consilium: omnibus sententijs præter unâ, quâ suâ Stalenus esse dicebat, Scamander prima actione condemnatus est. quis tum erat omnium, qui Scamandro condemnato non iudicium de Oppianico factum esse arbitraretur? quid est illa damna-

tione iudicatum, nisi uenenū id, quod Habito daretur,
 esse quæsitum? quæ porrò tenuissima suspicio collata in
 Scamandrū est, aut cōferri potuit, ut is sua spē necare
 uoluisse Habitū putaretur? atq; hoc tū iudicio factō, &
 Oppianico re, & existimatione iā, lege, & pronūciatiōe
 nodū condēnato, tamē Habitus Oppianicū reū statim nō
 fecit: uoluit cognoscere, utrū iudices in eos solos essent se
 ueri, quos uenenū habuisse ipsos cōperissent; an etiā cōsi
 lia cōscientiasq; eiusmodi facinorū supplicio dignas iudi
 carent: itaq; C. Fabritium, quem propter familiaritatem
 Oppianici cōsciū illi facinori fuisse arbitrabatur, reū sta
 tim fecit: utq; ei locus primus cōstitueretur, propter cau
 sę cōiunctiōē impetrauit. hic tū Fabritius nō modo ad
 meos uicinos, & amicos Aletrinales nō adduxit, sed ipse
 ijs neque defensoribus uti postea, neque laudatoribus po
 tuit: rē. n. integrā hominis nō alieni, quāuis suspiciosam,
 defendere, humanitatis esse putabamus; iudicatā labefa
 ctare conari, impudentiæ. itaq; tū ille inopia & necessi
 tate coactus, in causa eiusmodi ad Cepasios fratres cōsu
 git, homines industrios, atque eo animo, ut, quæcūq; dicē
 di potestas esset data, in honore, atque in beneficio pone
 rent. iam hoc quoq; propē iniquissime cōparatum est; q
 in morbis corporis, ut quisq; est difficillimus, ita medicus
 nobilissimus, atq; optimus quæritur; in periculis capitis,
 ut quæq; causa difficillima est, ita deterrimus obscurissi
 musq; patronus adhibetur. nisi forte hæc causa est, quod
 medici nihil præter artificii, oratores etiā auctoritatem
 præstare debēt. citatur reus: agitur causa: paucis uerbis ac
 cusat, ut de re iudicata, Canutius. incipit lōgo, et alte pe
 tito procæmio respondere maior Cepasius. primo attēte au

ditur eius oratio: erigebat animū iam demissum, & oppressum Oppianicus: gaudebat ipse Fabritius: nō intelligebat, animos iudicū nō illius eloquentia, sed defensionis impudētia cōmoueri. posteaquā de re cōepit dicere, ad ea, quæ erāt in causa, addebat etiā ipse noua quædā uulnera. hoc quāquā sedulo faciebat, tamē interdū nō defendere, sed præuaricari accusationi uidebatur. itaque cum callidissime se dicere putaret; et cū illa uerba grauissima ex intimo artificio deprompsisset, Respicite iudices hominū fortunas, respicite dubios, uariosq; casus, respicite C. Fabritij senectutem: cum hoc, Respicite, ornandæ orationis causa sæpe dixisset, respexit ipse: at C. Fabritius à subsellij demisso capite discesserat. hic iudices ridere, stomachari, atq; acerbe ferre patronus causam sibi eripi, & se cætera de illo loco, Respicite iudices, non posse dicere: nec quidquā propius est factum, q̄ ut illum persequeretur, & collo oborto ad subsellia reduceret, ut reliqua posset perorare. iam tum Fabritius primum suo iudicio, quod est grauissimū, deinde legis uir, & sententijs iudicum est cōdemnatus. quid est, quod iā de Oppianici causa plura dicamus? apud eosdē iudices reus est factus, cum is duobus præiudicijs iā damnatus esset: ab iisdem autem iudicibus, qui Fabritiorum dānatione de Oppianico iudicarent, locus ei primus est cōstitutus: accusatus est criminibus grauissimis, ijs, quæ à me breuiter dicta sunt, & præterea multis, quæ ego omnia nunc omitto: accusatus est apud eos, qui & Scamadrū ministrū Oppianici, & Fabritium cōscium malefici cōdenarant. utrū per deos im mortales magis est mirandum, q̄ is cōdenatus est, an q̄ omnino respondere ausus est: quid. n. illi iudices facere po

tuerunt? qui si innocētes Fabritios cōdemnassent, tamen in Oppianico sibi constare, & superioribus consentire iudicijs debuerunt. an uero illi sua per se iudicia rescinderent, cum cāteri soleant in iudicando, ne ab aliorum iudicijs discrepent, providere? & illi, qui Fabritij libertum, quia minister in maleficio fuerat; patronū, quia cōsciū, condēnassent: ipsum principem atq; architectum sceleris absoluerēt? & qui cāteros nullo prāiudicio factō, tamen ex ipsa causa condēnassent: hunc, quē bis condēnatum iā acceperant, liberarent? tum uero illa iudicia senatoria nō falsa inuidia, sed uera atque insigni turpitudine notata, atq; operta dedecore, & infamia, defensionī locum nullū reliquissent. quid. n. tandē illi iudices responderēt, si quis ab ijs quæreretur: condemnastis Scamandrū, quo crimine? nempe, quōd Habitū per seruū medicī ueneno necare uoluisset. quid Habitī morte Scamander cōsequebatur? nihil, sed administer erat Oppianici. condemnasti C. Fabritium; quid ita? quia, cum ipse familiarissime Oppianico usus, libertus autem eius in maleficio deprehensus esset, illum expertem eius consilij fuisse nō probabatur. si igitur ipsum Oppianicum bis suis iudicijs condemnatum absoluisent, quis tantā turpitudinem iudiciorum, quis tantā inconstantia rerum iudicatarum, quis tantā libidinem iudicum ferre potuisset? & si hoc uideretis, quod iā omni oratione patefactum est, illo iudicio reum cōdemnari, prāsertim ab ijsdem iudicibus, qui duo prāiudicia fecisēt, necesse fuisse: simul illud uideatis necesse est, nullam accusatori causam esse potuisse, cur iudicium uellet corrumpere. quāro enim abs te Tite Aētī, relictis iam cāteris argumentis omnibus, num Fabritios

O R A T I O

quoque innocentes condemnatos existimes? nū etiā illa iudicia pecunia corrupta esse dicas, quibus iudicijs alter à Staleno solo absolutus est, alter etiam ipse se condemnauit? age, si nocentes, cuius maleficij? nunquid præter uenenū quæsitum, quo Habitus necaretur, obiectum est? nunquid aliud in illis iudicijs uersatum est, præter hasce insidias Habito ab Oppianico per Fabritios factas? nihil inquam aliud indices reperietis. extat memoria: sunt tabulæ publicæ: redargue me, si mentior: testium dicta recita: doce, in illorum iudicijs quid præter hoc uenenū Oppianici nō modo in criminis, sed in maledicti loco sit obiectum. multa dici possunt, quare ita necesse fuerit iudicari: sed ego occurram expectationi uestre indices. nam etsi à uobis sic audior, ut nunquā benignius, neque attētiūs quēquam auditū putem: tamen uocat me aliō iandudum tacita uestra expectatio, quæ mihi obloqui uideatur. Quid ergo? negas ne illud iudicium esse corruptum? non nego: sed, ab hoc corruptū non esse, confirmo. à quo igitur est corruptū? opinor, primum si incertum fuisset, quisnam exitus illius iudicij futurus esset, uerisimilius tamen esset, eum potius corrupisse, qui metuisset ne ipse cōdemnaretur, quā illū, qui ueritus esset, ne alter absolueretur: deinde, cum esset nemini dubium quid iudicari necesse esset, eum certe potius, qui sibi aliqua ratioe diffideret, quā eū, qui omni ratione cōfideret: postremo, certē potius illum, qui bis apud eos indices offendisset, quā illum, qui bis causam ipsius probauisset. unum quidem certe, nemo erit tam iniquus Cluentio, qui mihi non concedat; si constet corruptum illud esse iudicium, aut ab Habito, aut ab Oppianico esse corruptum. si doceo, non

ab Habito; unico, ab Oppianico: si ostendo, ab Oppia-
nico; purgo Habitū. quare etsi satis docui, rationem nul-
lam huic corrumpendi fuisse, ex quo intelligitur ab Op-
pianico esse corruptum: tamē de illo ipso separatim co-
gnosce. Atque ego illa non argumētabor, quæ sunt gra-
uia uehementer: eum corrupisse, qui in periculo fuerit;
eum, qui metuerit; eum, qui spem salutis in alia ratio-
ne nō habuerit; eū, qui semper singulari fuerit audacia.
multa sunt eiusmodi: uerum cum habeam rem non du-
biam, sed apertā, atque manifestam, enumeratio singulo-
rum argumentorū nō est necessaria. Dico, C. Aelio Stale-
no iudici pecuniam grandem Statium Albium ad cor-
rumpendum iudicium dedisse. nūquis negat? te appello
Oppianice, te T. Aeti: quorum alter eloquentia damna-
tionem illā, alter tacita pietate deplorat. audete negare,
ab Oppianico Staleno iudici pecuniam datam: negate,
* negate inquā in eo loco: quid reticetis? at negare non
potestis, quod reperistis, quod cōfessi estis, quod abstulistis.
quo tandem igitur ore mentionem corrupti iudici fac-
tis, cum ab ista parte iudici pecuniam ante iudicium da-
tam, post iudicium ereptam esse fateamini? quonam ige-
tur hæc modo gesta sunt? repetam paulo altius iudices:
et omnia, quæ in diuturna obscuritate latuerūt, sic ape-
riā, ut ea cernere oculis uideamini. uos quæso, ut adhuc
me attēte audistis, item, quæ reliqua sunt, audiatis: profe-
cto nihil à me dicetur, quod non dignum hoc conuentu
et silētio, dignum uestris studijs atq; auribus esse uidea-
tur. Nam ut primum Oppianicus ex eo, quod scamāder
reus erat factus, quid sibi impenderet, cœpit suspicari,
statim se ad hominis egentis, audacis, in iudicijs corrup-

O R A T I O

pendis exercitati, tum autem iudicis, Staleni familiarita-
tem applicauit. ac primum Scamandro reo, tantum do-
nis datis muneribusq; profecerat, ut eo auctore uteretur
cupidiore, quam fides iudicis postulabat. post autem cum
esset Scamander unius Staleni sententia absolutus, patro-
nus autem Scamandri ne sua quidem sententia libera-
tus, acrioribus saluti suæ remedijs subueniendū putauit.
tum à Staleno, sicut ab homine ad excogitandū acutissi-
mo, ad audendum impudentissimo, ad efficiendum acer-
rimo, (hæc enim ille & aliqua ex parte habebat, & ma-
iore ex parte se habere simulabat) auxiliū capiti & for-
tunis suis petere cœpit. iam hoc non ignoratis iudices, ut
etiam bestię fame dominante plerunq; ad eum locum,
ubi pastæ aliquando sint, reuertantur. Stalenus ille bien-
nio ante, cū causam bonorum Safinij Atellæ recepisset,
sexcentis millibus nummū se iudiciū corrupturū esse
dixerat. quæ cū accepisset à pupillo, suppressit, iudicioq;
facto, nec Safinio, nec bonorū emptoribus reddidit. quā-
cum pecuniā profudisset, & sibi nihil non modo ad cu-
piditates suas, sed ne ad necessitatē quidem reliquisset,
statuit ad easdem sibi prædas ac suppressiones iudiciales
reuertendum. itaq; cū Oppianicum iam perditum, &
duobus iugulatum præiudicijs uideret, promissis eū suis
excitauit abiectū, & simul saluti desperare uetuit. Op-
pianicus orare hominem cœpit, ut sibi rationem ostende-
ret iudicij corrumpendi. ille autem, quemadmodum ex
ipso Oppianico postea est auditum, negauit qucnquam
esse in ciuitate præter se, qui id efficere posset: sed primo
grauari cœpit, quòd Aedilitatem se petere cum homini-
bus nobilissimis, & inuidiā atq; offensionem timere di-

cebat: post exoratus, initio permagnam pecuniam popo-
 scit, deinde ad id peruenit, quod confici potuit, & sester-
 tia sexcenta quadraginta millia deferri ad se domū ius-
 sit. quæ pecunia simul atque ad eū delata est, homo im-
 purissimus statim coepit in eiusmodi mēte & cogitatio-
 ne uersari, nihil esse suis rationibus utilius, quā Oppia-
 nicum condemnari: illo absoluto, pecuniam illam aut iu-
 dicibus dispartienda, aut ipsi esse reddendam; dānato, re-
 petiturum esse neminem. itaque rem excogitat singula-
 rem. atq; hæc iudices, quæ uere dicuntur à nobis, facilius
 credetis, si cum animis uestris longo intervallo recordari
 C. Staleni uitā & naturā uolueritis. nā perinde ut opi-
 nio est de cuiusq; moribus, ita, quid ab eo factum et nō
 factū sit, existimari potest. Cū esset egēs, sumptuosus, au-
 dax, callidus, perfidiosus; & cū domi suæ, miserrimus &
 inanissimus, tantū nummorum positū uideret: ad omnē ma-
 litiā & fraudem uersare mentē suā hæc secum cogitās
 coepit: Dem'ne iudicibus? mihi igitur ipsi præter periculū
 & infamiam quid quæretur? nihil excogitē quāobrem
 Oppianico dānari necesse sit? qui tādē? nihil. n. est, quod
 fieri non possit. si quis eū forte casus ex periculo eripue-
 rit. non'ne reddēdū est? præcipitantē igitur impellamus,
 inquit, & perditū prosternamus. capit hoc consiliū, ut pe-
 cuniā quibusdā iudicibus leuissimis polliceatur, deinde
 eā postea supprimat: ut, quoniā graues homines sua spō-
 te se uere iudicatuos putabat, hos, qui leuiore erāt, desti-
 tutione iratos Oppianico redderet. itaq;, ut erat semper
 præposterus, atq; peruersus, initiū facit à Bulbo, et eum,
 quod iādiu nihil quæsierat, tristē atq; oscitātē leuiter im-
 pellit. quid tu, inquit? ecquid me adinuas Bulbe, ne gratis

O R A T I O

Reip. seruiamus? ille uero, simul atque hoc audiuit; ne gratis, quò uoles, inquit, sequar: sed quid affers? tū ei quadraginta millia, si esset absolutus Oppianicus, pollicetur, & eū, ut ceteros appelleret, quibuscum loqui cōsueffet, rogat: atq; etiā ipse cōditor totius negotij Guttam aspergit huic Bulbo. itaq; minime amarus is uisus est, qui aliquid ex eius sermone speculæ degustarat. unus & alter dies intercesserat, cum res parum certa uidebatur: sequer & cōfirmator pecuniæ desiderabatur. tum appellat hilari uultu hominem Bulbus, ut blādissime potest: quid tu, inquit, Pacete? (hoc enim Stalenus cognomen ex imaginibus Aeliorum delegerat, ne, si se Ligurem fecisset, nationis magis suæ, quā generis uti cognomine uideretur) qua de re mecum locutus es, quærunt à me ubi sit pecunia. hic ille planus improbiissimus, quæstu iudiciario passus, qui illi pecuniæ, quā condiderat, spe iam atque animo incubaret, contrahit frontē (recordamini faciē, atq; illos eius fictos simulatosq; uultus) queritur se ab Oppianico destitutū: & qui esset totus ex fraude & mendacio factus, quiq; ea uitia, quæ à natura habebat, etiā studio atq; artificio quodā malitiæ condiuisset, pulchre asseuerat se ab Oppianico destitutū: atque hoc addit testimonij, sua illū sententia, quā palàm omnes laturi essent, condēnatum iri. manarat sermo in cōsilio, pecuniæ quādam mentionem inter iudices esse uersatā: res neque tā fuerat occulta, quàm erat occultāda; neque tā erat aperta, quàm Reip. causa aperienda. in ea obscuritate, ac dubitatione omnium, Canutio perito homini, qui quodam odore suspicionis Stalenū corruptū esse sensisset, neq; dū rem perfectā arbitraretur, placuit repēte iudices pronūciare.

ciare iudices, se id uelle dixerunt. hic tum Oppianicus non magnopere pertimuit: rem à Staleno perfectā esse arbitrabatur. in consiliū erant ituri iudices triginta & duo: sententijs decem & sex absolutio cōfici poterat: Hs quadraginta millia nūmū in singulos iudices distributa eū numerū sentētiarū cōficere debebāt, ut ad cumulū spe maiorū premiorū ipsius Staleni sentētia septīmadecima accederet. atque etiam casu tum, q̄ illud repente erat factum, Stalenus ipse nō aderat, causam ne scio quam apud iudicē defendebat. facile hoc Habitus patiebatur, facile Canutius, at nō Oppianicus, neq; patronus eius L. Quintius: qui cū esset eo tēpore Tribunus pl. conuitiū C. Iunio iudici quæstionis maximum fecit, ut ne sine Staleno in cōsiliū iretur: cumq; id ei peruiatores cōsulto negligētius agi uideretur, ipse à publico iudicio ad priuatū Staleni iudicium profectus est, & illud pro potestate dimitti iussit, Stalenū ipse ad subsellia adduxit. cōsurgitur in cōsiliū, cum sentētijs Oppianicus, quæ tū erat potestas, palām ferri uelle dixisset, ut Stalenus scire posset, quid cuique deberetur. uaria iudicū genera, nūmarij pauci, sed oēs irati. ut enim qui accipere in cāpo consueuerunt, ijs candidatis, quorū numeros suppressos esse putāt, inimicissimi solēt esse: sic eiusmodi iudices infesti tū reo uenerant: cæteri nocētissimū esse arbitrabantur, sed spectabant sententias eorū, quos corruptos putabant; ut ex ijs constituerent, à quo iudicium corruptū uideretur. ecce tibi eiusmodi sortitio, ut in primis Bulbo, & Staleno, & Guttæ esset iudicandū. summa omnīū expectatio, quidnā sentētiæ ferrent leues ac nūmarij iudices. atque illi oēs sine ulla du-

Cic. Orat.

e e

bitatione condēnant. hic tū iniectus est hominibus scrū-
 pulus et quēdā dubitatio, quidnā esset actū: deinde ho-
 mines sapiētes ex uetere illa disciplina iudiciorū, qui ne
 que absoluerē hominē nocētissimū possent; neq; eū, de
 quo esset orta suspicio pecunia oppugnatū, re illa inco-
 gnita prima cōdēnare uellēt: nō liquere, dixerūt. nōnul-
 li aut seueri homines hoc statuerūt, quo quisque animo
 quid faceret, spectari oportere: et si alij pecunia acce-
 pta uerū iudicabāt, tamē nihilo minus se superioribus
 suis iudicijs cōstare putabāt oportere: itaque dānarunt.
 quinque omnino fuerunt, qui illū uestrum innocētē
 Oppianicū siue imprudentia, siue misericordia, siue ali-
 qua suspicione, siue ambitione adducti absolverent. cō-
 dēnato Oppianico, statim L. Quintius, homo maxime
 popularis, qui omneis rumorū, & concionū uētos collige-
 gere cōsueffet, oblatā sibi facultatē putauit, ut ex inui-
 dia senatoria posset crescere, q̄ eius ordinis iudicia mi-
 nus iam probari populo arbitrabatur. habetur una at-
 que altera concio uehemens & grauis: accepisse pecu-
 niam iudices, ut innocentem reū condēnarent, Tribu-
 nus pl. clamitabat: agi fortunas omniū dicebat, nulla
 esse iudicia; qui pecuniosum inimicū haberet, incolu-
 mē esse neminē posse. homines totius ignari negotij, q̄
 Oppianicū nunq̄ uidissent, uirum optimū, et hominem
 pudētissimū, pecunia oppressum arbitrarētur, incēsi su-
 spicione rem in mediū uocare cōeperūt, & causam illā
 totā deposcere. atque illo ipso tēpore in aedes T. Annij,
 hominis honestissimi, necessarij, et amici, noctu Stalenus
 accersitus ab Oppianico uenit. iam cetera nota sunt o-
 mnibus: ut cū illo Oppianicus egerit de pecunia: ut

ille se redditurū esse dixerit: ut eorū sermonē oēm audierint uiri boni, qui tum consulto prope in occulto steterissent: ut res patefacta atque in forū prolata, et pecunia omnis à Staleno extorta, atq; erepta sit. huius Staleni persona populo iā nota atque perspecta, ab nulla turpi suspicione abhorrebat: suppressam esse ab eo pecuniā, quā pro reo pronūciasset, qui erat in cōcione nō intelligebāt: neque. n. docebātur: uersatā esse in iudicio mētionē pecuniæ sentiebāt: innocentē reū cōdenatū esse audiebāt: Staleni sentētia cōdenatū uidebāt: nō gratis id ab eo factū esse, q̄ hominē norāt, iudicabāt: similis in Bulbo, in Gutta, in alijs nōnullis suspicio cōsistebat. itaq; confiteor, (licet enim iā impune, hoc præsertim in loco, confiteri) q̄ Oppianici non modo uita, sed etiam nomen ante illud tempus populo ignotū fuisset; indignissimū porrō uideretur, circūuentum esse innocentē pecunia; hāc deinde suspicionē auget Staleni improbitas, & nōnullorū eius similiū iudiciū turpitudine; causam autē ageret L. Quintius, homo cū summa potestate præditus, tū ad inflāmandos animos multitudinis accōmodatus; summā illi iudicio inuidiā, infamiamq; esse cōflatā. atque in hāc flāmā recentē C. Iuniū, qui illi quæstioni præfuerat, iniectū esse memini, & illum, hominem ad litiū, iam Prætorem opinionibus hominum cōstitutum, non disceptatione dicendi sed clamore hominū de foro, atq; adeo de ciuitate esse sublatū. neque me pœnitet, hoc potius tēpore, q̄ illo, causam A. Cluentij defendere. causa enim manet eadē, quæ mutari nullo modo potest: tēporis iniquitas, atq; inuidia recessit: ut, quod in tēpore mali fuit, nihil obsit; quod in causa boni fuit, prosit.

itaque, nunc quēadmodū audiar, sentio, non modo ab
 ijs, quorū iudicium atque potestas est; sed etiā ab illis,
 quorū tantū est existimatio. at tum si dicerem, nō audi-
 rer, non q̄ alia res esset, immo eadē, sed tempus aliud.
 id adeo sic cognoscite. quis tū auderet dicere, nocentem
 condemnatū esse Oppianicū? quis nūc audet negare?
 quis tū posset arguere, ab Oppianico tentatū esse iudi-
 ciū pecunia? quis id hoc tēpore inficiari potest? cui tū
 liceret docere, Oppianicū reum factum esse tum deni-
 que, cū duobus proximis præiudicijs condēnatus esset?
 quis est, qui id hoc tēpore infirmare conetur? quare inui-
 dia remota, quam dies mitigauit, oratio mea deprecata
 est, uestra fides, atq; æquitas à ueritatis disceptatione re-
 iecit, quid est præterea, quod in causa relinquatur? uer-
 satam esse in iudicio pecuniā cōstat: ea, quæritur, unde
 profecta sit, ab accusatore, an ab reo. accusator dicit
 hæc: primum, grauissimis criminibus accusabā, ut nihil
 opus esset pecunia: deinde, condemnatū adducebā, ut
 ne eripi quidē pecunia posset: postremo, etiā si absolutus
 esset, mearum tamē omnium fortunarū status incolu-
 mis maneret. quid cōtra reus? primū, ipsam multitudi-
 nem & atrocitatem criminū pertimescebam: deinde,
 Fabritijs propter conscientia mei sceleris condēnatis, me
 esse condemnatū sentiebā: postremo, in eū casum uene-
 ram, ut omnis mearū fortunarū status unius iudicii pe-
 riculo contineretur. age, quoniā corrumpendi iudicii
 causas ille multas, & graues habuit, hic nullā, profe-
 ctio ipsius pecuniæ requiratur. Confecit tabulas diligē-
 tissime Cluentius. hæc aut res habet hoc certe, ut nihil
 possit neque additū, neque detractū de re familiari la-

tere. anni sunt octo, cum ista causa in ista meditatione
 uersatur: cum omnia, quæ nunc ad eam rem pertinet, &
 ex huius, & ex aliorum tabulis agitatis, tractatis, inquiri
 tis: cum interea Cluentianæ pecuniæ uestigium nullum
 inuenitis. quid? Albiana pecunia uestigij ne uobis odo=
 randa est, an id ipsum cubile uobis ducibus uenire pos=
 sumus? tenetur uno in loco HS sexcenta quadraginta
 millia nummum: tenentur apud hominem audacissimum:
 tenetur apud iudicem. quid uultis amplius? at. n. Stale=
 nus non fuit ab Oppianico, sed à Cluentio ad iudicium
 corrupendum constitutus. cur enim, cum in consilium iretur,
 Cluentius & Canutius abesse patiebantur? cum in con=
 siliū mittebāt, Stalenū iudicem, cui pecuniā dederant,
 nō requirebāt? Oppianicus quærebat? Quintius flagita=
 bat? sine Staleno ne in cōsiliū iretur, tribunitia potesta=
 te perfectū est? at condēnauit. hanc .n. damnationem
 dederat obsidē Bulbo, et cæteris, ut destitutus ab Oppia=
 nico uideretur. Quare si istinc causa corrupendi iudi=
 cij, istinc pecunia, istinc Stalenus, istinc denique omnis
 fraus et audacia est; hinc pudor, honesta uita, & nulla
 suspicio pecuniæ, nulla corrupendi iudicij causa: patiami=
 ni, ueritate patefacta, atq; omni errore sublato, eò trāsi=
 re illius turpitudinis infamiā, ubi cætera maleficia cōsi=
 stant; ab eo inuidiā discedere aliquādo, ad quem nunq̃
 accessisse culpā uidetis. at enim pecuniā Staleno dedit
 Oppianicus, nō ad corrupendū iudiciū, sed ad cōciliatio=
 nē gratiæ. tēne hoc Aeti dicere, tali prudētia, etiā usu
 atq; exercitatione præditū? sapientissimū esse dicūt eū,
 cui, quod opus sit, ipsi ueniat in mētē; proxime accede=
 re illū, qui alterius bene inuentis obtēperet. in stultitia

contra est : minus enim stultus est is, cui nihil in mentē
 uenit ; q̄ ille, qui , quod stulte alteri uenit in mentem ,
 cōprobat. istā conciliationē gratiæ Stalenus tum recen=
 ti, re cū faucibus premeretur, excogitauit : siue , ut ho=
 mines tū loquebātur, à P. Cethego admonitus, istam de=
 dit cōciliationis & gratiæ fabulā : nā fuisse hunc ho=
 minum sermonem recordari potestis, Cethegum , q̄ ho=
 minem odisset, & q̄ eius improbitatem uersari in Rep.
 nollet, & q̄ uideret eum, qui se ab reo pecuniam , cum
 iudex esset , clā atque extra ordinem accepisse cōfessus
 esset, saluū esse nō posse, minus ei fidele cōsiliū dedisse. in
 hoc si improbus Cethegus fuit, uidetur mihi aduersariū
 remouere uoluisse. sin erat eiusmodi causa, ut Stalenus
 nūmos se accepisse negare non posset ; nihil autē erat
 periculosius, nec turpius, quā, ad quā rem accepisset ,
 cōfiteri : nō est consiliū Cethegi reprehendendū. uerum
 alia causa tū Staleni fuit, alia nūc Aeti tua est. ille, cū
 re premeretur, quodcūque diceret, honestius diceret, quā
 si, quod erat factū, fateretur : te uero illud idem, quod
 tū explosum & eiectum est, nūc retulisse demiror. qui
 enim poterat tū in gratiā redire cū Oppianico Cluen=
 tius ? qui cū matre habebat similtates : hærebat in ta=
 bulis publicis reus et accusator : condēnati erāt Fabri=
 tij : nec elabi alio accusatore poterat Albius , nec sine
 ignominia calūniæ relinquere accusationē Cluētius. an,
 ut præuicaretur ? iā id quoq; ad corrūpendū iudiciū
 pertinet. sed quid opus erat ad eā rem iudice sequestre ?
 & omnino, quamobrem tota ista res per Stalenum po=
 tius, hominē ab utroque alienissimū, sordidissimū, tur=
 pissimū, quā per bonū aliquem uirum ageretur , &

amicū, necessariumq; cōmunem? Sed quid ego hæc plu-
ribus, quasi de re obscura, disputo? cum ipsa pecunia,
quæ Staleno data est, numero ac summa sua, non modo
quāta fuerit, sed etiā ad quā rem data fuerit, ostendat.
sexdecim dico iudices, ut Oppianicus absolueretur, cor-
rūpēdos fuisse, ad Stalenū sexcēta et quadraginta mil-
lia nūmū esse delata: si, ut tu dicis, gratiæ cōciliādæ cau-
sa, quadraginta istorū accessio milliū quid ualet? sin, ut
nos dicimus, ut D C X L millia nūmū sexdecim iudici-
bus darētur, non Archimedes melius potuit describere.
At. n. iudicia facta permulta sunt, à Cluentio iudicium
esse corruptū. immo uero ante hoc tēpus omnino ista ip-
sa res suo nomine in iudiciū nunq̄ est uocata: ita multū
agitata, ita diu iactata ista res est, ut hodierno die pri-
mū causa illa defensa sit, hodierno die primum ueritas
uocē cōtra inuidiā his iudicibus freta miserit. uerūtāmē
multa ista iudicia quæ sunt? ego. n. me ad omnia confir-
maui, et sic parauī, ut docerē, quæ facta postea iudicia
de illo iudicio dicerētur, partim ruinæ similia, aut tē-
pestati, quā iudicio, et disceptationi fuisse; partim nihil
cōtra Habitū ualere; partim etiā pro hoc esse; partim es-
se eiusmodi, ut neq; appellata unq̄ iudicia sint, neq; exi-
stimata. hic ego, magis ut cōsuetudinē serue, q̄ q̄ uos nō
uestra hoc sponte faciatis, petā à uobis, ut me, dū de his
singulis disputo iudicijs, attēte audiatis. Cōdēnatus est C.
Iunius, qui ei quæstioni præfuerat. adde etiā illud, si pla-
cet: tū est condēnatus, cū esset index quæstionis. nō mo-
do causæ, sed ne legi quidem quidquā per Tribunū pl.
laxamenti datū est. quo tempore illum à quæstione ad
nullum aliud Reip. munus abduci licebat, eo tēpore ad

O R A T I O

quæstionē ipse abreptus est : at quam quæstionem? uul-
 tus. n. uestri iudices me inuitant, ut, quæ reticenda pu-
 tarā, libeat iam libere dicere. quid? illa tandē quæstio,
 aut disceptatio, aut iudiciū fuit? putabo fuisse. dicat, qui
 uult hodie de illo populo concitato, cui tum mos gestus
 est, qua de re Iunius causam dixerit. quēcunq; rogaris,
 hac respondebit, q̄ pecuniam acceperit, q̄ innocentem
 circumuenerit. est hæc opinio. at si ita esset, hac lege ac-
 cusatū esse oportuit, qua accusatur *Habitus* : at ipse ea
 lege quærebat. paucos dies expectasset *Quintius* : at ne-
 que priuatus accusare, nec sedata iā inuidia uolebat. ui-
 detis igitur, nō in causa, sed in tēpore, ac potestate spem
 oēm accusatoris fuisse. multā petiuit : qua lege? q̄ in
 legem non iurasset, quæ res nemini unq̄ fraudi fuit. Et
 q̄ *C. Verres* Prætor urbanus, homo sanctus, et diligens,
 subsortitionem eius in eo codice non haberet, qui tum
 interlitus proferebatur. his de causis *C. Iunius* condem-
 natus est iudices, leuissimis, et infirmis, quas omni-
 no in iudicium afferri nō oportuit : itaque oppressus est
 non causæ, sed tēpore. hoc uos *Cluentio* iudiciū putatis
 obesse oportere? quā ob causam? si ex lege subsortitus
 nō erat *Iunius*, aut si in legē aliquādo non iurauerat,
 iccirco illius dānatione aliquid de *Cluentio* iudicaba-
 tur? nō, inquit : sed ille iccirco his legibus condēnatus
 est, q̄ contra aliā legem cōmiserat. qui hoc cōfitentur,
 possunt, illud idē iudiciū non fuisse, defendere. ergo ic-
 circo, inquit, infestus tum Prætor *Iunio* fuit, q̄ illud iu-
 dicium corruptū per eum putabatur. num igitur hoc
 tempore causa mutata est? nū alia res, alia ratio illius
 iudicij, alia natura totius negotij nunc est, ac tum fuit?

non opinor ex ijs rebus, quæ gestæ sunt, rem ullā potuisse mutari. quid ergo est causæ, quæ nunc nostra defensio audiatur tanto silentio, tunc Iunio defendendi sui potestas erepta sit? quia tunc in causa nihil erat præter inuidiæ, errorem, suspicionem, conciones quotidianas seditiose ac populariter concitatas. accusabat Tribunus pl. idem in concionibus, idem ad subsellia: ad iudicium non modo de concione, sed etiam cum ipsa concione ueniebat. gradus illi Aurelij tunc noui, quasi pro theatro illi iudicio ædificati uidebatur: quos ubi accusator concitatis hominibus complerat, non modo dicendi ab reo, sed ne surgendi quidē potestas erat. nuper apud C. Orchinium, collegam meum, locus ab iudicibus Fausto Syllæ de pecunijs residuis non est constitutus: non quo illi aut exlegē esse Syllam, aut causam pecuniæ publicæ contemptā atque abiectam putarent: sed quæ accusante Tribuno pl. conditione æqua disceptari posse non putauerunt. quid? conferam Syllam ne cum Iunio, an hunc Tribunum pl. cum Quintio, an uero tempus cum tempore? Sylla maximis opibus, cognatis, affinibus, necessarijs, cliētibus plurimis: hæc autem apud Iunium parua, et infirma, et ipsius labore quæsita, atque collecta. hic Tribunus pl. modestus, pudēs, non modo non seditiosus, sed etiā seditiosis aduersarius: ille autem acerbus, criminosus, popularis homo, ac turbulentus. tempus hoc tranquillū, ac pacatum: illud omnibus inuidiæ tempestatibus concitatū. quæ cum ita essent, in Fausto tamen illi iudices statuerunt, iniqua conditione reū causam dicere, cum aduersario eius ad ius accusationis summa uis potestatis accederet. quam quidem rationē uos iudices diligenter pro uestra sapientia, et hu-

O R A T I O

manitate cogitare, & penitus perspicere debetis, quid mali, quantum periculi unicuique nostrum inferre possit uis tribunitia, conflata praesertim inuidia, et concionibus se ditiose concitatis. optimis hercle temporibus, tum cum homines se non iactatione populari, sed dignitate, atque in cetera tuebatur, tamen nec C. Popilius, nec Q. Metellus, clarissimi atque amplissimi uiri, uim tribunitiam sustinere potuerunt: nedum his temporibus, his moribus, his magistratibus sine uestra sapientia ac iudiciorum remedijs salui esse possimus. non fuit igitur illud iudicium iudicij simile iudices, non fuit, in quo non modus est adhibitus, non mos consuetudoque seruata, non causa defensa. uis illa fuit, et, ut saepe iam dixi, ruina quaedam, atque tempestas, & quiduis potius, quam iudicium, aut disceptatio, aut questio. quod si quis est, qui illud iudicium fuisse arbitretur, & qui his rebus indicatis standum putet: is tamen hanc causam ab illa debet seiungere: ab illo. n. siue quod in legem non iurasset, siue quod ex lege subsortitus iudicem non esset, multa petita esse dicitur. Cluentij autem ratio cum illis legibus, quibus ab Iunio multa petita est, nulla potest ex parte esse coniuncta. At etiam Bulbus est condemnatus. adde, maiestatis: ut intelligas hoc iudicium cum illo non esse coniunctum. at est hoc illi crimine obiectum. fateor: sed etiam legionem esse ab eo sollicitatam in Illyrico, C. Cosconij literis, & multorum testimonijs planum factum est: quod crimen erat proprium illius questionis, et quae res lege maiestatis tenebatur. at hoc obfuit ei maxime. id est ista diuinatio est: qua si uti licet, uide ne mea coniectura multo sit uerior: ego. n. sic arbitror, Bulbum, quod homo nequam, turpis, improbus, multis flagitijs con-

raminatus in iudiciū sit adductus, idcirco facilius esse
 dānatū: tu mihi ex tota causa Bulbi, quod tibi cōmodū
 est, eligis, ut id esse secutos iudices dicas. quapropter hoc
 Bulbi iudiciū nō plus obesse huic causæ debet, quā il-
 la, quæ cōmemorata sunt ab accusatore, duo iudicia, P.
 Popilij et T. Guttae, qui causam de ambitu dixerūt, qui
 accusati sunt ab ijs, qui erāt ipsi ambitus cōdēnati: quos
 ego nō idcirco esse arbitror in integrū restitutos, q̄ pla-
 num fecerint, illos ob rem iudicandā pecuniā accepisse;
 sed q̄ iudiciis probarint, q̄ in eodem genere, in quo ip-
 si offendissent, alios reprehendissent, se ad prēmia legis
 uenire oportere. quapropter neminem dubitare existi-
 mo, quin illa dānatio ambitus nulla ex parte cum cau-
 sa Cluētij, uestroq; iudicio coniuncta esse possit. Quid,
 q̄ Stalenus est condemnatus? non dico hoc tempore iu-
 dices, id quod nescio an dici oporteat, illū maiestatis esse
 dānatum: nō recito testimonia hominū honestissimo-
 rū, quæ in Stalenum sunt dicta ab ijs, qui M. Aemilio
 clarissimo uiro Legati, et Præfeti, et Tribuni militares
 fuerunt: quorū testimonijs planum factum est, maxime
 eius opera, cū Quæstor esset, in exercitu seditionem
 esse cōflatā. ne illa quidem testimonia recito, quæ dicta
 sunt de HS D C millibus: quæ ille cum accepisset no-
 mine iudicij Sabiniani, sicut in Oppianici iudicio, postea
 retinuit atq; suppressit. omitto et hæc, et alia permulta,
 quæ illo iudicio in Stalenum dicta sunt. hoc dico, ean-
 dem tū fuisse P. & L. Cominijs, equitibus R. honestissi-
 mis hominibus, & disertis, controuersiam cum Stale-
 no, quem accusabāt, quæ nunc mihi est cum Actio. Co-
 minij dicebāt idem, quod ego dico; Stalenum ab Op-

O R A T I O

pianico pecuniā accepisse, ut iudiciū corrūperet. Stalenus cōciliāda gratiæ causa se accepisse dicebat. irridebatur hæc illius reconciliatio, & persona uiri boni suscepta, sicut in statuīs inauratis, quas posuit ad Iuturnæ: quibus subscripsit, Reges ab se in gratiā esse reduētos: exagitabantur omnes eius fraudes, atque fallaciæ: tota uita in eiusmodi rōne uersata aperiebatur: egestas domestica, quæstus forēsis in mediū proferebatur, nūmarius interpretis pacis et cōcordiæ nō probabatur: itaq; tū Stalenus, cū idē defenderet quod Aētius, cōdēnatus est: Cominij, cū hoc agerēt, quod nos in tota causa egimus, probauerunt. quāobrem si Staleni dānatione, Oppianicū iudiciū corrumpere uoluisse, Oppianicum iudici ad emendas sententias dedisse pecuniā, indicatū est; cum ita constitutum sit, uti in illa culpa aut Cluentius sit, aut Oppianicus, Cluentij nūmus nullus iudici datus ullo uestigio reperitur, Oppianici pecunia post iudiciū factū à iudice ablata est: potest esse dubium, quin illa dānatio Staleni non modo nō sit cōtra Cluentium, sed maxime nostrā causam defensionemq; cōfirmet? ergo adhuc Iunij iudiciū uideo esse eiusmodi, ut incursionē potius seditionis, uim multitudinis, impetū tribunitiū, q̄ iudiciū appellandum putem. q̄ si quis illud iudiciū appellet, tamen hoc confiteatur necesse est, nullo modo illam multā, quæ à Iunio petita sit, cum Cluentij causa posse coniungi. illud igitur Iunianum per uim factum est; Bulbi, et Popilij, et Guttæ contra Cluentiū non est; Staleni etiā pro Cluentio. Videamus, ecquod aliud iudiciū, quod pro Cluentio sit, proferre possimus. Dixit ne tandem causam C. Fidiculanus Falcula? qui

Oppiannicū condēnarat : cum præsertim, id quod fuit
 in illo iudicio inuidiosissimū, post paucos dies ex subfor-
 titione sedisset. dixit, & bis quidē dixit: in summam. n.
 L. Quintius inuidiā concionibus eum quotidianis, sedi-
 tiosis, et turbulētis adduxerat. uno iudicio multa est ab
 eo petita, sicut ab Iunio, q̄ non suæ decuriæ munere,
 neq; ex lege sedisset. paulo sedatiore tēpore est accusa-
 tus, q̄ Iunius, sed eadē ferē lege, & crimine. quia nulla
 in iudicio seditio, neque turba uersata est, prima actio-
 ne facillime est absolutus. nō numero hāc absolutionē:
 nihilo minus. n. potest, ut illam multam non commise-
 rit, accepiſſe tamen ob rē iudicandam pecuniam, quam
 captam nusquā Stalenus eadem lege dixit. proprium
 crimē illud quæſtionis eius nō fuit. Fidiculanus quid fe-
 ciſſe dicebatur? accepiſſe à Cluētio HS C C C C. cuius
 erat ordinis? senatorij. qua lege in eo genere à senatore
 ratio repeti solet, de pecunijs repetūdis, ea lege accusa-
 tus, honestissime est absolutus: acta est enim causa more
 maiorū, sine ui, sine metu, sine periculo: dicta, et exposi-
 ta, et demonstrata sunt omnia: adducti iudices sunt, non
 modo potuisse honeste ab eo reū condemnari, qui non
 perpetuo sedisset, sed, si aliud is iudex nihil sciſſet, nisi
 quæ præiudicia de eo facta esse constaret, audire præ-
 terea nihil debuisset. tum etiā illi quinque, qui impito-
 rum hominū rumusculos aucupati, tum illum absolue-
 runt, iam suam clementiam laudari magnopere nole-
 bāt. à quibus si qui quæreret, sedissent ne iudices in C.
 Fabritiū: sedisse se dicerēt. si interrogarētur, num quo
 crimine is esset accusatus, præterquā ueneni eius, quod
 quæsitū Habito diceretur: negarēt. si deinde essent ro-

O R A T I O

gati, quid iudicassent: condēnasse se dicerēt: nemo. n. absoluit. eodē modo quāsitū si esset de Scamādros, certe idem respōdissent: tametsi ille una sententia est absolutus: sed illam unam nemo tum istorū suam dici uellet. uter igitur facilius suæ sententiæ rōnem redderet? is'ne, qui se et sibi, et rei iudicatæ cōstitisse dicit; an ille, qui se in principē malefici lenem, in adiutores eius, & consocios uehementissimū esse respōdit? quorum ego de sentētia non debeo disputare: neque. n. dubito, quin ij tales uiri suspitione aliqua perculsi repentina, de statu suo declinarēt. quare eorū, qui absoluerūt, misericordiā nō reprehendo: eorū, qui in iudicando superiora iudicia secuti sunt sua spōte, non Staleni fraude, constantiā comprobo: eorū uero, qui sibi non liquere dixerunt, sapientiam laudo: qui absolvere eū, quem nocentissimū cognorant, & quē ipsi bis iā antea condēnarant, nullo modo poterant, condēnare, cū tanta consilij infamia, & tā atrocis rei suspicio esset iniecta, paulo posterius, patefacta re, maluerunt. ac ne ex factō solū sapientes illos iudicetis, sed etiā ex nominibus ipsis, quod ij fecerint, rectissime ac sapientissime factū probetis: quis P. Octauio Balbo ingenio prudētior, iure peritior, fide, religione, officio diligētior, aut sanētior commemorari potest? nō absoluit. quis Q. Cōsidio cōstantior? quis iudiciorū, atque eius dignitatis, quæ in iudicijs publicis uersari debet, peritior? quis uirtute, cōsilio, auctoritate præstantior? ne is quidem absoluit. longū est de singulorum uirtute ita dicere. quæ quia cognita sunt ab omnibus, uerborum ornamenta non quærent. qualis uir M. Inuencius Pedit fuit ex uetere illa iudicum disciplina?

qualis L. Cauius Mergus? M. Basilius? C. Caudinus? qui omnes in iudicijs publicis iam tū florente Rep. floruerūt. ex eodē numero L. Cassius, Cn. Neuius, pari & integritate, & prudentia: quorū nullius sentētia est Oppianicus absolutus. atq; ex his omnibus natu minimus, ingenio, et diligētia, & religione par ijs, quos antea cōmemorauī, P. Saturius in eadē sententia fuit. ò innocentiam Oppianici singularē: quo in reo, qui absoluit, ambitiosus; qui distulit, cautus; qui cōdēnauit, cōstās existimatur. hēc tū, agitante Quintio, neq; in cōcione, neque in iudicio demonstrata sunt: neq; n. ipse dici patiebatur, nec per multitudinē concitatā consistere cuiquā in dicēdo licebat. itaq; ipse, postq̃ Iunium peruertit, causam totā reliquit: paucis. n. diebus illis & ipse priuatus est factus, et hominū studia deferbuisse intelligebat. q̃ si, per quos dies Iuniū accusauit, Fidiculanium accusare uoluisset: respōdendi Fidiculanio potestas facta non esset. ac primo quidē, omnibus illis iudicibus, qui Oppianicum cōdemnarant, minabatur. iam insolentiā noratis hominis, noratis animos eius ac spiritus tribunitios. quod erat odiū, dij immortales? quæ superbia? quanta ignoratio sui? q̃ grauis, atque intolerabilis arrogātia? qui illud etiā ipsum acerbe tulerit, ex quo illa nata sūt omnia, nō sibi ac defensionī suæ cōdonatū esse Oppianicū: proinde quasi nō satis signi esse debuerit, ab omnibus eū fuisse desertū, qui se ad patronū illū cōtulisset: erat. n. Romæ summa copia patronorū, hominū eloquentissimorum, atque amplissimorū: quorum certe aliquis defendisset equitē R. in municipio suo nobilem, si honeste putasset eiusmodi causam posse defendi. nam Quin

O R A T I O

tius quidem quam causam unquam antea dixerat, cū annos ad quinquaginta natus esset? quis eum unq̄ non modo in patroni, sed in laudatoris, aut aduocati loco uiderat? qui, q̄ Rostra iandiu uacua, locumq̄ illum post aduentum L. Syllæ à tribunitia uoce desertum oppresserat, multitudinemq̄ iam desuesactam à cōcionibus ad ueteris cōsuetudinis similitudinē reuocauerat, idcirco cuidā hominū generi paulisper iucundior fuit. atq; idem quanto in odio postea suis illis ipsis fuit, per quos in altiorē locū ascenderat? neque iniuria: facite enim, ut non solū mores eius, & arrogantia, sed etiā uultū, atque amictū, atq; illā usque ad talos demissam purpuram recordemini. is, quasi nō esset ullo modo ferendū, se ex iudicio discessisse uictū, rem ab subsellis in Rostra detulit. & iā querimur, sēpe hominibus nouis non satis magnos in hac ciuitate esse fructus? nego usquā unquam fuisse maiores. ubi, si quis ignobili loco natus, ita uiuat, ut nobilitatis dignitatē uirtute tueri posse uideatur; usque eò peruenit, quoad cū industria cū innocentia profecuta est. si quis autem hoc uno nititur, q̄ sit ignobilis; procedit sēpe longius, q̄ si idem ille esset cum iisdem suis uitij nobilissimus. ut Quintius (nihil enim dicā de cæteris) si fuisset homo nobilis, quis eum cū illa superbia, atque intolerantia ferre potuisset? q̄ eo loco fuit, ita tulerūt, ut, si quid haberet à natura boni, prodesse ei putarent oportere, superbiam aut atque arrogantiam eius deridendam magis arbitrarētur propter humilitatem hominis, quàm pertimescendam. Sed, ut illuc reuertar: quo tempore Fidiculanus est absolutus, tu, qui ea iudicia facta commemoras, quæro quid tum esse

tum esse existimas iudicatum? certe, gratis iudicasse. at
condemnarat: at causam totam non audierat: at in con-
cionibus omnibus à L. Quintio uehementer erat & sæ-
pe uexatus. illa igitur omnia Quintiana iniqua, falsa,
turbulenta, popularia, seditiosa iudicia fuerunt. Esto, po-
tuit esse innocēs Falcula: iam ergo aliquis Oppianicum
gratis condemnauit: iam non eos Iunius subsortitus est,
qui pecunia accepta condemnarent: iam potuit aliquis
ab initio non sedisse, & tamen Oppianicum gratis con-
demnasse. uerum si innocens Falcula, quæso quis nocens?
si hic gratis condemnauit, quis accepit? nego, rem esse ul-
lam in quenquā illorum obiectam, quæ Fidiculanio obie-
cta nō sit; neq; aliquid fuisse in Fidiculanij causa, quod
idem nō esset in cæterorum. aut hoc iudicium reprehen-
das tu, cuius accusatio rebus iudicatis niti uidebatur, ne-
cesse est: aut, si hoc uerū esse concedis, Oppianicum gra-
tis condemnatum esse fateare. quanquā satis magno ar-
gumento esse debet, q̄ ex tam multis iudiciis, absoluto
Falcula, nemo reus factus est. quid enim mihi damnatos
ambitus colligitis, alia lege, certis criminibus, plurimis te-
stibus? cum primum illi ipsi debuerint potius accusari de
pecunijs repetundis, quā ambitus: nam si in ambitus
iudicijs hoc his obfuit, cum alia lege causam dicerēt; cer-
te, si propria lege huius peccati adducti essent, multo
plus obfuisset. deinde, si tanta uis fuit istius criminis, ut
qua quisque lege ex illis iudiciis reus factus esset, ta-
men hac plaga periret: cur in tanta multitudine accusa-
torū, tantis præmijs cæteri rei facti non sunt? Hic pro-
fertur id, quod iudicium appellari non oportet; P. Se-
ptimio Scæuolæ litem eo nomine esse æstimatam. cuius

Cic. Orat.

ff

rei quæ consuetudo sit, quoniam apud homines peritissi-
 mos dico, pluribus uerbis docere non debeo: nunquam. n.
 ea diligentia, quæ solet adhiberi in cæteris iudicijs, eadẽ
 reo damnato adhibita est. in litibus æstimandis ferè iu-
 dices aut, quòd sibi eum, quem semel condemnarunt, ini-
 micum putant esse; si qua in eum lis capitis illata est,
 non admittunt: aut, quòd se perfunctos iam esse arbi-
 trantur, cum de reo iudicarunt, negligentius attendunt
 cætera. itaq; et maiestatis absoluti sunt permulti, quibus
 dānatis de pecunijs repetundis lites essent æstimatæ: &
 hoc quotidie fieri uidemus, ut, reo damnato de pecunijs
 repetundis, ad quos peruenisse pecunias in litibus æsti-
 mandis statutum sit, eos illi iudices absoluant. quod cū
 fit, non iudicia rescinduntur, sed hoc statuitur, æstima-
 tionem litium non esse iudicium. Scæuola condemnatus
 est alijs criminibus, frequentissimis Apuliæ testibus: om-
 ni cōtentione pugnatum est, ut lis hæc capitis, æstimare-
 tur: quæ res si rei iudicatæ pondus habuisset, ille postea
 uel ijsdem, uel alijs inimicis reus hac lege ipsa factus es-
 set. Sequitur id, quod illi iudiciũ appellant, maiores au-
 tẽ nostri nunquam neque iudicium nominarunt, neque
 perinde ut rem iudicatã obseruauerunt, animaduersio,
 atque auctoritas censoria, qua de re antequã dicere inci-
 pio, per pauca mihi de meo officio uerba faciẽda sunt, ut
 à me cum huiusce periculi, tum cæterorum quoq; offi-
 ciorum, & amicitiarum ratio conseruata esse uideatur.
 nam mihi cum uiris fortibus, qui Censores proxime fue-
 runt, ambobus est amicitia, cum altero uero, sicuti &
 plerique uestrũ sciunt, magnus usus, & summa utriusq;
 officijs cōstitutata necessitudo est. quare quidquid, de sub=

scriptionibus eorum mihi dicendum erit, eo dicā animo,
 ut omnē orationem meam non de illorum factō, sed de
 ratione censoria habitam existimari uelim: à Lentulo
 autem familiari meo, qui à me pro eximia sua uirtute,
 summisq; honoribus, quos à populo R. adeptus est, hono-
 ris causa nominatur, facile hoc iudices impetrabo, ut
 quā ipse adhibere cōsuevit in amicorū periculis fidē, &
 diligentiam, tum uim animi, libertatemq; dicēdi, in hac
 mihi concedat ut tantū mihi sumā, quantum sine huius
 periculo praterire non possum. à me tamē, ut equū est,
 omnia caute, pedetētimq; dicētur, ut neq; fides huius de
 fensionis relieta, neq; cuiusquam aut dignitas laesa, aut
 amicitia uiolata esse uideatur. Video igitur iudices, ani-
 maduertisse Censores in iudices quosdā illius consilij lu-
 niani, cum istā ipsam causam subscriberēt. Hic primum
 illud cōmune proponam, nunquam animaduersionibus
 censorijs hanc ciuitatē ita contentam, ut rebus indicatis,
 fuisse, neque in re nota consumā tempus exemplis: ponā
 illud unū; C. Getam, cum à L. Metello, & Cn. Domitio
 Cess. ex senatu eieētus esset, Censorē ipsum postea esse fa-
 ctum; & cuius mores à Censoribus erant reprehensi,
 hunc postea & populi R. et eorū, qui in ipsum animad-
 uerterant, moribus praeuisse. quod si illud iudicium pu-
 taretur, ut ceteri turpi iudicio damnati in perpetuū o-
 mni honore ac dignitate priuātur, sic hominibus ignomi-
 nia notatis neq; ad honorem aditus, neque in curiā re-
 ditus esset. nunc si quē Cn. Lentuli, aut L. Gellij libertus
 furti condēnarit, is omnibus ornamentis amissis nūquā
 ullam honestatis suae partem recuperabit. quos autē ipse
 L. Gellius, & Cn. Lentulus duo Censores, clarissimi uiri,

O R A T I O

sapientissimiq; homines, furti, & captarum pecuniarum nomine notauerunt, ij non modo in senatum redierunt, sed etiam illarum ipsarum rerum iudicijs absoluti sunt. neminem uoluerunt maiores nostri non modo de existimatione cuiusquam, sed ne pecuniaria quidem de re minima esse iudicem, nisi qui inter aduersarios cōuenisset. quapropter in omnibus legibus, quibus exceptum est, de quibus causis aut magistratum capere nō liceat, aut iudicem legi, aut alterū accusare, hæc ignominia causa prætermissa est: timoris enim causam, non uitæ pœnam in illa potestate esse uoluerunt: itaq; nō solum iudices illud ostendam, quod iam uidetis, populi R. suffragijs sæpenumero censorias subscriptiones esse deletas, uerum etiā iudicijs eorum, qui iurati statuere maiore cū religione & diligentia debuerunt. Primū iudices, senatores, equitesq; R. in compluribus iam reis, quos contra leges pecunias acceperunt subscriptum est, suæ potius religioni, quàm Censorū opinioni paruerunt. deinde Prætores urbani, qui iurati debent optimum quēque in selectos iudices referre, nunquam sibi ad eā rem censoriam ignominiam impedimento esse oportere duxerunt. Censores deniq; ipsi sæpenumero superiorum Censorum iudicijs (si ista iudicia appellari uultis) non steterunt. atque etiam ipsi inter se Censore sua iudicia tanti esse arbitrantur, ut alter alterius iudicium non modo reprehendat, sed etiam rescindat; ut alter de senatu mouere uelit, alter retineat, & ordine amplissimo dignum existimet; ut alter in ærarios referri, aut tribu moueri iubeat, alter uetet. quare qui uobis in mentem uenit, hæc appellare iudicia, quæ à populo R. rescindi, ab iuratis iudicibus repudiari, à ma-

gistratibus negligi, ab ijs, qui eandem potestatem adepti sunt, commutari, inter collegas discrepare uideatis? quæ cum ita sint, uideamus quid tandem Censores de illo iudicio corrupto iudicasse dicantur. Ac primum illud statuamus; utrum, quia Censores subscripserint, ita sit; an, quia ita fuerit, illi subscripserint. si ideo, quia subscripserint: uidete, quid agatis, ne in unūquenq; nostrum Censoribus in posterum potestatem permittatis; ne subscriptio censoria nō minus calamitatis ciuitatibus, quā illa acerbissima proscripcio possit asferre; ne censorium stylū, cuius mucronem multis remedijs maiores nostri retulerūt, æque posthac, atque illum dictatorium gladium, pertimescamus. sin autem, q̄ subscriptum est, quia uerum est, idcirco graue debet esse: hoc quæramus, uerum sit, an falsum, remoueantur auctoritates censoriæ, tollatur id ex causa, quod in causa non est. doce quā pecuniā Cluentius dederit, unde dederit, quēadmodum dederit: unum denique aliquod à Cluentio profectæ pecuniæ uestigiū ostende. uince deinde uirum bonū fuisse Oppianicum, hominem integrum, nihil de illo unquā secus esse existimatum, nihil deniq; præiudicatum: tum auctoritatem Censorū amplexato, tum illorum iudicium cum re coniunctum esse defendito. dum uero eum fuisse Oppianicū cōstabit, qui tabulas publicas municipij sui corrupisse iudicatus sit; qui testamentum interleuerit; qui supposita persona falsum testamentum obsignandū curarit; qui eum, cuius nomine id obsignatum est, interfecerit; qui auūculum filij sui in seruitute, ac uinculis necarit; qui municipes suos proscribendos, occidendosq; curarit; qui eius uxore, quem occiderat, in matrimoniū duxerit; qui

ff iiij

O R A T I O

pecuniam pro abortione dederit ; qui socrum, qui uxorem, qui uno tempore fratris uxorem, speratosq; liberos, fratremq; ipsum, qui denique suos liberos interfecerit; qui, cum uenenum priuigno suo quæreret, manifesto sit deprehensus ; cuius ministris conscijsq; damnatis, ipse adductus in iudicium pecuniâ iudici dederit ad sententias iudicum corrumpendas: dum hæc inquam de Oppianico cõstabunt, nec ullo argumento Cluentianæ pecuniæ crimen tenebitur, quid est quòd te ista censoria siue uoluntas, siue opinio fuit, adiunare, aut hunc innocentem opprimere posse uideatur ? quid igitur Censores secuti sunt? ne ipsi quidẽ, ut grauissime dicam, quidquã aliud dicent, præter sermonem atq; famã. nihil se testibus, nihil tabulis, nihil graui aliquo argumento cõperisse, nihil denique causa cognita statuisset dicent. quòd si ita fecissent, tamen id nõ ita fixum esse deberet, ut cõuelli nõ liceret. nõ utar exemplorũ copia, quæ summa est: non rem ueterem, non hominem potentem aliquem, aut gratiosum proferam. nuper hominem tenuem, scribam ædilitium, D. Matrinium cũ defendissem apud M. Iunium, Q. Publium Prætt. & M. Pletorium, C. Flaminium Aedil. curules, persuasi ut scribam iurati legerent eum, quẽ iidem isti Censores ærarium reliquissent: cum enim in homine nulla culpa reperiretur ; quid ille meruisset, nõ quid de eo statutum esset, quærendum esse duxerunt. nã hæc quidẽ quæ de iudicio corrupto subscripserint, quis est, qui ab illis satis cognita & diligenter iudicata arbitretur? in M. Aquilium, & in T. Guttam uideo esse subscriptum. quid est hoc ? duos esse corruptos solos pecunia ? quid ? ceteri uidelicet gratis condemnarunt. nõ est igitur circumuen-

tus, non est oppressus pecunia, nō, ut ille Quintianæ cō-
 ciones habebantur, omnes, qui Oppianicum condemna-
 runt, in culpa sunt, ac suspitione ponendi. duos solos ui-
 deo auctoritate Censorum affines ei turpitudini iudica-
 ri. nam, ut illud afferat, nihil est; quod de ijs duobus ha-
 buerint cōpertum, de cæteris cōperisse. nam illud quidē
 minime probādum est, ad notationes auctoritatēq; cen-
 soriam exemplum illos à consuetudine militari transtu-
 lisse. statuerunt enim ita maiores nostri, ut, si à multis
 esset flagitiū rei militaris admissum, sortitione in quos-
 dam animaduerneretur: ut metus uidelicet ad omnes,
 poena ad paucos perueniret. quod idem facere Censores
 in delectu dignitatis, & in iudicio ciuium, & in ani-
 maduersione uitiorum, qui cōuenit? nam miles, qui locū
 nō tenuit, qui hostium impetum, uimq; pertimuit, potest
 idem postea & miles esse melior, & uir bonus, & ciuis
 utilis. quare ne in bello propter hostium metum delin-
 queret, amplior ei mortis & supplicij metus est à maio-
 ribus constitutus: ne autem nimium multi pœnam ca-
 pitis subirent, idcirco illa sortitio comparata est. hoc tu
 idem facies Censor in senatu legendo? si erunt plures,
 qui ob innocentem condemnandum pecuniam accepe-
 rint; ut non animaduertas in omnes, sed carpas ut ue-
 lis, & paucos ex multis ad ignominiam sortiare? habe-
 bit igitur te sciente & uidete curia senatorem, populus
 R. iudicem, Resp. ciuem sine ignominia quenquam, qui
 ad perniciem innocentis fidem suam & religionem pe-
 cunia cōmutarit? & qui pretio adductus eripuerit pa-
 triam, fortunas, liberos ciui innocenti, is censoriæ se-
 ueritatis nota non inuretur? tu es præfectus moribus?

ff iiij

O R A T I O

tu magister ueteris disciplinae & seueritatis, si aut reti-
 nes quenquam sciens in senatu scelere tanto contamina-
 tum; aut statuis, qui in eadem culpa sit, non eadem pœ-
 na affici oportere cōuenire? & quam conditionem sup-
 plicij maiores in bello timiditati militis propositam esse
 uoluerunt, eandē tu in pace constitues improbitati sena-
 toris? quòd si hoc exemplum ex re militari ad animad-
 uersionem censoriā transferēdum fuit, sortitione id ip-
 sum factum esse oportuit. sin autem, sortiri ad pœnam,
 atque hominū delictum fortunæ iudicio cōmittere, mi-
 nime censorium est: certe in multorū peccato carpi pau-
 cos ad ignominiā & turpitudinem non oportet. uerum
 omnes intelligimus, in istis subscriptionibus uentū quē-
 dam popularem esse quæsitum. iactata res erat in cōcio-
 ne à Tribuno seditioso: incognita causa probatum illud
 erat: multitudinem illicitum est contradicere: nemo de- *
 nique, ut defenderet contrariā partem, laborabat: in in-
 uidiā porrò magnā illa iudicia uenerant: etenim pau-
 cis postea mensibus alia uehemens erat in iudicijs ex no-
 tatione tabularum inuidia uersata. prætermitti à Cēsoribus
 & negligi macula iudiciorum posse non uideba-
 tur. homines, quos cæteris uitijs atq; omni dedecore infā-
 meis uidebāt, eos hac quoq; subscriptione notare uolue-
 runt, & eo magis, quòd illo ipso tempore, illis Cēsoribus
 erant iudicia cum equestri ordine cōmunicata, ut uide-
 rentur per hominum idoneorum ignominiam sua au-
 thoritate illa iudicia cum equestri ordine reprehendisse.
 quòd si hanc apud eos ipsos Censores mihi aut alij cau-
 sam agere licuisset, hominibus tali prudentia certe pro-
 bauissem (res enim indicat) nihil ipsos habuisse co-

gniti, nihil comperti, ex tota ipsa subscriptione rumor
rem quēdam & plausum popularem esse quāsitum. nā
in L. Popilium, qui Oppianicum cōdemnarat, subscripsit
L. Gellius, q̄ is pecuniam accepiſſet, quo innocentem cō-
demnaret. iam id ipsum quantæ diuinationis eſt, ſcire in-
nocentem fuiſſe reum, quem fortasſe nūquam uiderat?
cum homines ſapientiſſimi iudices (ut nihil dicam de ijs,
qui cōdēnarunt) cauſa cognita ſibi dixerint, non lique-
re. uerum eſto. condemnat Popilium Gellius, iudicat ac-
cepiſſe à Cluentio pecuniam. negat hoc Lentulus: nā Po-
pilium, quōd erat libertini filius, in ſenatum nō legit: lo-
cum quidem ſenatorium ludis & cætera ornamenta re-
liquit, & eum omni ignominia liberat. quod cum facit,
iudicat eius ſententia gratis eſſe Oppianicum cōdemna-
tum. & eundē Popilium poſtea Lentulus in ambitus iu-
dicio pro teſtimonio diligentiffime laudat. quare neque
L. Gellij iudicio ſtetit Lentulus, neque Lentuli exiſtima-
tione contentus fuit Gellius: & ſi uterque Cenſor Cenſo-
ris opinione ſtandum non putauit, quid eſt quamobrem
quiſquam noſtrum cenſorias ſubſcriptiones omnes fixas,
& in perpetuum ratas putet eſſe oportere? at in ipſum
Habituſ animaduertunt. nullam quidem ob turpitu-
dinem, nullum ob totius uitæ non dicam uitium, ſed er-
ratum: neq; enim hoc homine ſanctior, neque probior,
neq; in omnibus officijs retinendis diligentior eſſe quiſ-
quam poteſt: neque illi aliter dicunt; ſed eandem illam
famam iudicij corrupti ſecuti ſunt: neque ipſi ſecus exi-
ſtimāt, quā nos exiſtimari uolumus, de huius pudore,
integritate, uirtute; ſed putarunt prætermitti accuſato-
rem non potuiſſe, cum animaduerſum eſſet in iudices.

O R A T I O

qua de re tota si unū factum ex omni antiquitate protulero, plura non dicam: nō enim mihi exemplum summi & clarissimi uiri P. Africani prætereundū uidetur. qui cum esset Censor, & in equitū censu C. Licinius Sacerdos prodijset, clara uoce, ut omnis concio audire posset, dixit se scire illum uerbis conceptis peierasse: si quis contra dicere uellet, usurū esse eum suo testimonio: deinde cum contra nemo diceret, iussit equum traducere. itaque is, cuius arbitrio & populus R. & exteræ gentes cōtentæ esse cōsueuerunt, ipse sua conscientia ad ignominiam alterius contentus nō fuit. quod si hoc Habito facere licuisset, facile illis ipsis iudicibus & falsæ suspicioni, & inuidiæ populariter excitatæ restitisset. Vnum etiā est, quod me maxime conturbat, cui loco respondere posse uix uideor, quod elogium recitasti de testamento Cn. Egnatii patris, hominis honestissimi uidelicet, & sapientissimi, idcirco se exhæredasse filium, q̄ is ob Oppianici dānationem pecuniā accepiisset. de cuius hominis leuitate & incōstantia plura non dicā. hoc testamentum ipsum, quod recitas, eiusmodi est, ut ille, cum eum filium exhæredaret, quē oderat, ei filio cohæredes homines alienissimos coniungeret, quem diligebat. Sed tu Aeti consideres censeo diligenter, utrum censorium iudicium graue uelis esse, an Egnatii. si Egnatii: leue est, quod Cēsores de cæteris subscripserunt: ipsum enim Cn. Egnatiū, quē tu grauem esse uis, ex senatu eiecerunt. sin autem censorium: hunc Egnatium, quem pater censoria subscriptione exhæredauit, Censores in senatu, cum patrē eijcerent, retinuerunt. at. n. senatus uniuersus iudicauit illud corruptum esse iudicium: quo modo? suscepit causam. an po

tuit rem delatam eiusmodi repudiare? cum Tribunus
pl. populo concitato rem penè ad manus reuocasset, cum
uir optimus, & homo innocentissimus pecunia circum-
uentus esse diceretur, cum inuidia flagraret ordo senato-
rius, potuit nihil decerni? potuit illa concitatio multitu-
dinis sine summo periculo Reip. repudiari? at quid est
decretum? quàm iuste? quàm sapienter? quàm diligèter?
SI QUI SVNT, QVORVM OPERA FA-
CTVM SIT, VT IVDICIVM PVBLICVM
CORRVMPERETVR. utrum, uidetur senatus
id factum iudicare, an, si factum sit, moleste grauiterq;
ferre? si ipse A. Cluentius sententiam de iudijs rogare
tur, aliam non diceret, atque ij dixerunt, quorum senten-
tias Cluentium cõdemnatum esse dicitis. sed quæro à vo-
bis, num istam legem ex isto S.C. L. Lucullus Cos. homo
*sapientissimus tulerit? num anno post M. Lucullus &
C. Cassius? in quos cum Consules designatos idem illud
senatus decreuerit, non tulerunt. & quod tu Habiti pe-
cunia factum esse arguis, neque id ulla tenuissima su-
spicione confirmas: factum est primo illorum æquita-
te & sapientia Consulum, ut id, quod senatus decre-
uerat ad illud inuidiæ præsens incendium restinguen-
dum, id postea referendum ad populum non arbitrarè-
tur. ipse deinde populus R. qui L. Quintij Trib. pl. fi-
etis querimonijs antea concitatus rem illam, & rogatio-
nem flagitarat, idem C. Iunij filij, pueri paruuli, lacry-
mis commotus, maximo clamore & concursu totam il-
lam legem, & quæstionem repudiavit. ex quo intelligi
potuit id, quod sæpe dictum est; ut mare, quod sua natura
tranquillum sit, uentorū ui agitari atque turbari, sic &

O R A T I O

populum R. sua sponte esse placatum, hominum seditiosorum uocibus, ut uiolentissimis tempestatibus, concitari. Est etiam reliqua permagna auctoritas, quam ego turpiter penè præterij: mea enim esse dicitur. Recitauit ex oratione nescio qua Aëtius, quam meam esse dicebat, cohortationem quādam iudicum ad honeste iudicandum, & cōmemorationem tum illorum iudiciorū, quæ probata nō essent, tum illius ipsius iudicij Iuniani: perinde quasi ego nō ab initio huius defensionis dixerim, inuidiosum illud fuisse iudicium; aut, cum de infamia iudiciorū disputarem, potuerim illud, quod tā populare esset, in illo tempore præterire. ego uero, si quid eiusmodi dixi, neque cognitum cōmemorauī, neque pro testimonio dixi, & illa oratio potius tēporis mei, quā iudicij & auctoritatis fuit. cum enim accusarē, et mihi initio proposuissem, ut animos & populi R. & iudicum commouerem; cūq; omnes offensiones iudiciorum non ex mea opinione, sed ex hominum rumore proferrem: istam rem, quæ tam populariter esset agitata, præterire non potui. sed errat uehementer, si quis in orationibus nostris, quas in iudicijs habuimus, auctoritates nostras consignatas se habere arbitratur: omnes enim illæ orationes causarum & temporum sunt, non hominum ipsorum, ac patronorū: nam si causæ ipsæ pro se loqui possent, nemo adhiberet oratorem. nunc adhibemur, ut ea dicamus, non quæ nostra auctoritate constituantur, sed quæ ex re ipsa causaq; ducantur. hominem ingeniosum M. Antonium aiunt solitum esse dicere, idcirco se nullā unquam orationem scripsisse, ut, si quid aliquando, q̄ non opus esset, ab se esset dictū, posset se negare dixisse: p̄inde quasi, quid à nobis

dictum aut actum sit, id nisi literis mandauerimus, hominum memoria non comprehendatur. ego uero in isto genere libentius cum multorum, tum hominis eloquentissimi, & sapientissimi L. Crassi auctoritatem sequor: qui cum L. Placium defenderet accusante M. Bruto, homine in dicendo uehementi & callido; cum Brutus duobus recitatoribus constitutis, ex duabus eius orationibus capita alterna inter se contraria recitanda curasset, & in dissuasione rogationis eius, quæ contra coloniã Narbonensem ferebatur, quantum potest de auctoritate senatus detrahit, in suasionem legis Seruiliæ summis ornat senatum laudibus; & multa in equites R. cum ex ea oratione asperius dicta recitasset, quo animi illorum iudicium in Crassum incenderentur; aliquantum esse commotus dicitur. itaque in respondendo primum exposuit utriusque rationem temporis, ut oratio ex re, et causa habita uideretur: deinde, ut intelligere posset Brutus, quæ hominem, et non solum quæ eloquentia, uerum etiã quo lepore, & quibus facetiis præditum laceffisset, tres & ipse excitauit recitatores cum singulis libellis, quos M. Brutus pater illius accusatoris de iure civili reliquit. eorum initia cum recitarentur, ea quæ uobis nota esse arbitror; FORTE EVENIT, UT RVRI IN PRIVERNATE ESSEMVS EGO ET BRVTVS FILIVS; fundum Priuernatē flagitabat: IN ALBANO ERAMVS EGO ET BRVTVS FILIVS; Albanum poscebat: IN TYBVRTI FORTE CVM ASSEDISSEMVS; Tyburtē fundum requirebat: Brutum autem hominem sapientem, & filij nequitiam uideret, quæ prædia ei relinqueret, testificari dicebat uoluisse. & si potuisset honeste scribere, se in bal

O R A T I O

neis cū id ætatis filio fuisse, non præterisset: eas se tamē ab eo balneas nō ex libris patris, sed ex tabulis, & ex cē su querere. Crassus tum ita Brutum ultus est, ut illū recitationis suæ poeniteret: moleste enim fortasse tulerat, se in ijs orationibus reprehensum, quas de Rep. habuisset, in quibus forsitan magis requiratur constantia. ego autem illa recitata esse nō moleste fero; neque enim ab illo tempore, quod tū erat; neq; ab ea causa, quæ tum agebatur, aliena fuerunt. neq; mihi quidquam oneris suscepi, cum ista dixi, quo minus honeste hanc causam & libere possem defendere. quōd si uelim cōfiteri, me causam A. Cluentij nunc cognoscere, antea fuisse in illa opinione populari: quis tandē id possit reprehendere? præsertim iudices cum à uobis quoq; ipsis hoc impetrare sit æquissimum, quod ego & ab initio petiui, & nunc peto, ut si quam huc grauiorē de illo iudicio opinionem attulistis, hāc causa perspecta atque omni ueritate cognita deponatis. Nunc quoniā ad omnia, quæ abs te dicta sunt T. Aeti de Oppianici damnatione, respondi: confiteare necesse est, te opinionem multum fefellisse, q̄ existimaris me causam A. Cluentij non factō eius, sed lege defensurum. nam hoc persæpe dixisti, tibi sic renunciari, me habere in animo causam hanc præsidio legis defendere. ita ne est? ab amicis uidelicet imprudentes prodimur: & est nescio quis de ijs, quos amicos nobis arbitramur, qui nostra consilia ad aduersarios deferat. quisnam tibi hoc renunciauit? quis tam improbus fuit? cui ego autem narraui? nemo, ut opinor, in culpa est: sed nimirum tibi isthuc lex ipsa renunciavit. sed nū tibi ita defendisse uideor, ut tota in causa mentionē ullā fecerim legis? nū secus hanc

causam defendisse, ac si lege *Habitus* teneretur? certe, ut hominem confirmare oportet, nullus est locus à me purgandi istius inuidiosi criminis prætermisus. quid ergo est? quæret fortasse quispiam, displiceat ne mihi legum præsidio à capite periculum propulsare? mihi uero iudices non displicet: sed utor instituto meo in hominis honesti pudētisq; iudicio. non solum meo consilio uti cōsueui, sed multum etiam eius, quem defendo, & cōsilio, & uoluntati obtēpero. nam ut hæc ad me causa delata est, qui leges eas, ad quas adhibemur, et in quibus uersamur, nosse deberem, dixi *Habito* statim, de eo, qui coisset, quo quis cōdemnaretur, illum esse liberum, teneri autem nostrum ordinem. atque ille me orare, & obsecrare coepit, ut ne sese lege defenderem. cum ego, quæ mihi uiderentur, dicerem, traduxit me ad suam sententiam: affirmabat enim lacrymans, non se cupidiorē esse ciuitatis retinendæ, quàm existimationis. morem homini gessi: & tamē idcirco feci, (neq; enim id semper facere debemus) quod uidebā per se ipsam causam copiosissime sine lege posse defendi: uidebam in hac defensione, qua iam sum usus, plus dignitatis, in illa, qua me hic uti noluit, minus laboris futurum. q̄ si nihil aliud esset actum, nisi ut hæc causam obtinerem: lege recitata perorassem: neque me illa oratio cōmoueret, q̄ ait *Aëtius*, indignum esse facinus, si senator iudicio quēquā circūuenerit, legibus eum teneri; si eques *R.* hoc idem fecerit, non teneri, ut tibi cōcedam hoc indignū esse, (quod cuiusmodi sit, iam uidero) tu mihi cōcedas necesse est, multo esse indignius, in ea ciuitate, quæ legibus teneatur, discedi à legibus: hoc enim uinculum est huius dignitatis, qua fruimur in *Rep.* hoc

O R A T I O

fundamentum libertatis, hic fons æquitatis. mens, & ani-
 mus, & consilium, & sententia ciuitatis posita est in legi-
 bus. ut corpora nostra sine mēte, sic ciuitas sine lege suis
 partibus, ut nervis, ac sanguine, & mēbris, uti nō potest.
 legum ministri, magistratus: legum interpretes, iudices:
 legū deniq; idcirco omnes serui sumus, ut liberi esse pos-
 simus. quid est Q. Naso, cur tu in isto loco sed eas? quæ
 uis est, qua abs te hi iudices tali dignitate præditi coerceā-
 tur? uos autem iudices quamobrē ex tam magna mul-
 titudine ciuium tā pauci de hominum fortunis sententiā
 fertis? quo iure Aëtius, quæ uoluit, dixit? cur mihi tādiu
 potestas dicendi datur? quid sibi autem illi scribæ, quid li-
 ctiores, quid cæteri, quos apparere huic quæstioni uideo,
 uolunt? opinor, hæc omnia lege fieri, totūq; hoc iudiciū,
 ut antea dixi, quasi mente quadam regi, & administra-
 ri. quid ergo est? hæc quæstio sola ita gubernatur? quid
 M. Pletorij & C. Flamini inter sicarios? quid C. Orchi-
 nij peculatus? quid mea de pecunijs repetundis? quid
 C. Aquilij, apud quem nunc de ambitu causa dicitur?
 quid reliquæ quæstiones? circumspicite omnes Reip. par-
 tes: omnia legum imperio, & præscripto fieri uidebitis.
 si quis apud me te T. Aëtii reum uelit facere, clames te
 lege pecuniarum repetundarum non teneri: neque hæc
 tua recusatio confessio sit captæ pecuniæ, sed laboris, sed
 periculi non legitimi declinatio. nunc quid agatur, &
 quid abs te iuris cōstituatur, uide. iubet lex ea, qua lege
 hæc quæstio cōstituta est, iudicem quæstionis, hoc est Q.
 Voconium, cum ijs iudicibus, qui ei obuenerint (uos ap-
 pellat iudices) quærere de ueneno: in quem quærere? in-
 finitum est. QVICVNQVE FECERIT, VEN-
 DIDERIT,

DIDERIT, MERIT, HABVERIT, DEDE-
 RIT. quid eadē lex statim adiūgit? recita. DE QVE
 EIVS CAPITE QVAERITO: cuius? qui coie-
 rit? cōuenerit? nō ita est. quid ergo est? dic. QVI TRI-
 BVNVS MILLEGIONIBVS QVATVOR
 PRIMIS, QVIVE QVESTOR, TRIBV-
 NVS PL. deinceps omnes magistratus nominavit:
 QVIVE IN SENATV SENTENTIAM
 DIXIT, DIXERIT: quid tum? QVI EORVM
 COIT, COIERIT, CONVENIT, CONVE-
 NERIT, QVO QVIS IVDICIO PVBLI-
 CO CONDEMNARETVR. qui eorū? quorū?
 uidelicet, qui supra scripti sunt. quid interest utro mo-
 do scriptū sit? etsi est apertū, tamē ipsa lex docet: ubi. n.
 omnes mortales alligat, ita loquitur. QVI VENE-
 NVM MALVM FECIT, FECERIT. omnes
 uiri, mulieres, liberi, serui in iudiciū uocātur. si itē de
 coitione uoluisset, adiūxisset, Quī ue coierit. nūc ita est.
 DE QVE EIVS CAPITE QVAERITO,
 QVI MAGISTRATVM HABVERIT,
 QVIVE IN SENATV SENTENTIAM
 DIXERIT. QVI EORVM COIT, COIE-
 RIT. nū is est Cluētius? certe nō est. quis ergo est Cluen-
 tius? qui tamen defendi causam suā lege nolit: itaque
 abiicio legē: morem Cluētio gero. tibi tamē Acti pau-
 ca, quæ ab huius causa seiuncta sunt, respōdebo: est enim
 quiddā in hac causa, quod Cluētius ad se; est aliquid,
 quod ego ad me putē pertinere. hic sua putat interesse,
 se re ipsa et gesto negotio, nō lege defendi: ego autē mea
 existimo interesse, me nulla in disputatiōe ab Actio ui-

O R A T I O

deri esse superatū . nō enim mihi hæc causa sola dicen-
da est: omnibus hic labor meus propositus est, quicunque
hac facultate defensionis cōtenti esse possunt. nolo quē
quam eorū, qui adsunt, existimare, me, quæ de lege ab
Aetio dicta sunt, si reticuerim, cōprobare. quamobrem
Cluenti de te tibi obsequor; neq; ego legē recito; neq;
hoc loco pro te dico: sed ea, quæ à me desiderari arbi-
tror, nō relinqū. Iniquū tibi uidetur Aeti esse, nō ijs
dē legibus oēs teneri. Primū, ut id iniquissimū esse con-
fitear, huiusmodi est, ut cōmutatis eis opus sit legibus,
nō ut ijs, quæ sunt, nō pareamus. deinde quis unq̃ hoc se-
nator accusauit, ut, cū altiorē gradū dignitatis benefi-
cio populi R. esset cōsecutus, eo se putaret durioribus le-
gū conditionibus uti non oportere? q̃ multa sunt com-
moda, quibus caremus: quàm multa molesta ac diffici-
lia, quæ subimus. atq; hæc omnia tantū honoris et am-
plitudinis cōmodis cōpensantur. Cōuerte nūc ad eque-
strē ordinē, atq; in cæteros ordines: easdē uitæ cōditiones
nō perferent: putāt enim minus multos sibi laqueos le-
gū, et conditionū, ac iudiciorū propositos esse oportere,
qui in summū locū ciuitatis aut non potuerunt ascen-
dere, aut nō petiuerūt. Atque ut omittā leges alias oēs,
quibus nos tenemur, cæteri aut sunt ordines liberati:
hīc ipsam legē, ne quis iudicio circūueniretur, C. Grac-
chus tulit: eā legem pro plebe, non in plebē tulit. postea
L. Sylla, homo à populi causa remotissimus, tamen, cum
eius rei quæstionē hac ipsa lege cōstitueret, qua uos hoc
tempore indicatis, populū R. quem ab hoc genere libe-
rū acceperat, alligare nouo quæstionis genere ausus nō
est. quod si fieri posse existimasset, pro illo odio, qd̃ hæ-

buit in equestrem ordinem, nihil fecisset libētius, quā
oēm illam acerbitatē proscriptionis suæ, questus in uete
res iudices, in hanc unā quæstionē contulisset. nec nūc
quidquam agitur, mihi credite iudices, et prospicite id,
quod providendū est, nisi ut equester ordo in huiusce le
gis periculū includatur: neque hoc agitur ab omnibus
sed à paucis: nā ij senatores, qui se facile tuētur inte
gritate, et innocētia, quales, ut uere dicam, uos estis, &
cæteri, qui sine cupiditate uixerūt, equites ordini sena
torio dignitate proximos, cōcordia coniunētissimos esse
cupiunt: sed ij, qui se uolūt posse omnia, neq; præterea
quidquā esse aut in homine ullo, aut in ordine, hoc uno
metu se putāt equites R. in potestatē suā redacturos, si
constitutū est, ut de ijs, qui rem iudicarēt, huiusmodi
iudicia fieri possint: uident enim auctoritatē huius or
dinis confirmari: uident iudicia comprobari: hoc metu
proposito, euellere se aculeū seueritatis uestræ posse con
fidunt. quis enim de homine audeat paulo maioribus
opibus prædito uere et fortiter iudicare, cū uideat sibi
de eo, q̄ coierit, aut consenserit, causam esse dicendam?
ò uiros fortes equites R. qui homini clarissimo, ac poten
tissimo M. Druso Trib. pl. restiterunt, cū ille nihil aliud
ageret cū illa cunēta, quæ tum erat, nobilitate, nisi uti,
qui rē iudicassent, huiusmodi quæstionibus in iudiciū
uocarētur. tūc C. Flavius Pufio, Cn. Titinius, C. Mæcenās,
illa robora populi R. cæteri q; huiusmodi ordinis non
fecerunt idem, quod nunc Cluentius, ut aliquid cul
pæ suscipere se putarent recusando, sed apertissi
me repugnarunt, cum hæc recusarent, & palām
fortissime atque honestissime dicerent: se potuisse iu=

dicio populi R. in amplissimum locum peruenire, si sua
 studia ad honores petēdos cōferre uoluissent: sese uidis-
 se, in ea uita qualis splēdor inesset, quāta ornamenta,
 quæ dignitas: quæ se nō cōtempnisse, sed ordine suo pa-
 trumq; suorū contentos fuisse, et uitā illā trāquillā &
 quietā, remotā à procellis inuidiarum, & huiuscemodi
 iudiciorum anfractu, sequi maluisse: aut sibi ad hono-
 res petendos etatē integrā restitui oportere; aut, quo-
 niā id non posset, eā conditionem uitæ, quā secuti peti-
 tionem reliquissent, manere: iniquū esse, eos, qui hono-
 rum ornamenta propter periculorū multitudinē præ-
 termisissent, populi beneficijs esse priuatos, iudiciorū no-
 uorū periculis nō carere: senatorē hoc queri non pos-
 se, propterea q̄ ea conditione propōita petere cōpisset,
 quodq; permulta essent ornamenta, quibus eam miti-
 gare molestiam posset, locus, auctoritas, domi splendor,
 apud exterarum nationes nomē, et gratia, toga prætexta,
 sella curulis, insignia, fascēs, exercitus, imperia, prouin-
 ciæ: quibus in rebus cū summū recte factis maiores no-
 stri præmiū, tum plura peccatis pericula propōita esse
 uoluerūt. illi nō hoc recusabāt, ea ne lege accusarentur,
 qua nūc Habitus accusatur, quæ tunc erat Sempronia,
 nūc est Cornelia: intelligebāt enim ea lege equestrem
 ordinē non teneri: sed, ne noua lege alligarentur, labo-
 rabant. Habitus ne hoc quidem unquam recusauit, quo
 minus uel ea lege rationem uitæ suæ redderet, qua nō
 teneretur. quæ si uobis cōditio placet, omnes id agamus,
 ut hæc quāprimum in omnes ordines quæstio perfera-
 tur. interea quidem per deos immortales, quoniā omnia
 cōmoda nostra, iura, libertatem, salutem denique legi-

bus obtinemus, à legibus nō recedamus: simul et illud
 q̄ sit indignum cogitemus, populum R. aliud nunc age-
 re, uobis Remp. et fortunas suas cōmisisse, ipsum sine cu-
 ra esse, nō metuere ne lege ea, quā nunquā ipse iusse-
 rit, et quæstione, qua se solutū liberumq̄; essi arbitre-
 tur, p̄ paucos iudices astringatur: agit enim sic causam
 T. Aëtius, adolescēs bonus, & disertus, oēs ciues legibus
 teneri omnibus: uos attēditis, et auditis silētio, sicut fa-
 cere debetis. A. Cluētius eques R. causam dicit ea lege,
 qua lege senatores, et ij, qui magistratū habuerunt, so-
 li tenētur. mihi per eum recusare, & in arce legis præ-
 sidia cōstituere defensionis meæ non licet. si obtinuerit
 causam Cluētius, sicuti uestra æquitate nixi cōfidimus;
 oēs existimabunt id, quod erit, obtinuisse propter inno-
 centiā, quoniā ita defensus sit; in lege autem, quā at-
 tingere noluerit, præsidij nihil fuisse. Hic nūc est quid-
 dā, quod ad me pertineat, de quo ante dixi, quod ego
 populo R. præstare debeā; quoniam is meæ uitæ status
 est, ut omnis mihi cura, atq; opera posita sit in omnium
 periculis defendēdis. Video, quāta, & quā periculosa,
 & quā infinita quæstio tentetur ab accusatoribus, cū
 eā legem, quæ in nostrū ordinem scripta sit, in populū
 R. trāsferre conentur. qua in lege est: QVI COIE-
 RIT: quod q̄ late pateat, uidetis: CONVE-
 RIT: æque infinitū, et incertū est: CONSENSE-
 RIT: hoc uero cū incertū, & infinitū, tū obscurū, &
 occultum est: FALSVMVE TESTIMO-
 NIVM DIXERIT. quis de plebe Romana testi-
 monium dixit unquā, cui nō hoc periculum T. Aëtio
 auctore paratum esse uideatis? nā dicturum quidem

O R A T I O

certe, si hoc iudicium plebi Romanæ propositum sit, ne-
minem unquā esse confirmo. sed hoc polliceor omnibus,
si cui forte hac lege negotiū facessetur, qui lege non te-
neatur, si is uti me defensore uoluerit, me eius causam
legis præsidio defensurū, et uel his iudicibus, uel eorum
similibus facile probaturū, et omni me defensione usu-
rū esse legis: qua nunc ut utar, ab eo, cuius uoluntati
mihi obtemperandū est, non cōceditur: non enim deo
dubitare iudices, quin, si qua ad uos causa huiusmodi
delata sit eius, qui lege nō teneatur, etiam si is inuidio-
sus, aut multis offensus esse uideatur, etiā si eum oderi-
tis, etiam si inuiti absoluturi sitis, tamen absoluatis, et
religioni potius uestræ, quā odio pareatis: est enim sa-
pientis iudicis, meminisse se hominem; cogitare, tan-
tum sibi à populo R. esse permissum, quantum commis-
sum, et creditū sit; et, non solum sibi potestatem datam,
uerū etiam fidem habitam esse, meminisse; posse, quem
oderit, absolvere; quē non oderit, condemnare; et sem-
per, nō quid ipse uelit, sed quid lex, et religio cogat, co-
gitare; animaduvertere, qua lege reus citetur, de quo reo
cognoscat, quæ res in questione uersetur. cū hæc sunt ui-
denda, tū uero illud est hominis magni iudices atque sa-
pientis, cū illam iudicandi causa tabellā sumpserit, non
se putare esse solū, neque sibi, quodcūque cōcupierit, li-
cere, se habere in cōsilio legē, religionem, æquitatem, fi-
dem; libidinem aut, odium, inuidiam, metū, cupidita-
tesq; omnes amouere; maximiq; æstimare conscientiā
mentis suæ, quam ab dijs immortalibus accepimus, quæ
à nobis diuelli nō potest: quæ si optimorū cōsiliorū, atq;
factorum testis in omni uita nobis erit, sine ullo metu,

Et summa cū honestate uiuimus. hæc si T. Aëtius aut cognouisset, aut cogitasset, profecto ne conatus quidem esset dicere id, quod multis uerbis egit; iudicē, quod ei uideatur, statuere, et non deuinctū legibus esse oportere. quibus de rebus mihi pro Cluentij uolūtate nimium, pro Reip. dignitate parum, pro uestra prudentia satis dixisse uideor. Reliqua perpauca sunt, quæ, quia uestra quæstionis erant, idcirco illi statuerūt sibi fingenda esse, et proferenda, ne omnium turpissimi reperirentur, si in iudicium nihil præter inuidiam attulissent.

Atque ut existimetis necessario me de his rebus, de quibus iam dixerim, pluribus egisse uerbis, attendite reliqua: profecto intelligetis, ea, quæ paucis demonstrari potuerūt, breuissime esse defensa. Cn. Decio Samniti, ei, qui proscriptus est, iniuriam in calamitate eius ab huius familia factam esse dixistis. Ab nullo ille liberalius, quam à Cluentio tractatus est. huius illum opes in rebus eius incōmodis subleuauerunt. atque hoc cum ipse, tum omnes eius amici, necessarijque cognouerunt. Ancarij, et Paceni pastoribus huius uillicos uim, et manus attulisse. Cum quædam in collibus, ut solet, controuersia pastorum esset orta, Habiti uillici rem domini, et priuatam possessionem defenderunt. cum esset expositulatio facta; causa illis demonstrata, sine iudicio controuersiaque discessum est. P. Aelij testamēto propinquus exheredatus cum esset, hæres hic alienior institutus est. P. Aelius Habiti merito fecit: neque hic in testamēto faciendo interfuit: idque testamētū ab huius inimico Oppianico est obsignatū. Florio legatū ex testamento, inficiatum esse. Non est ita: sed cum HS XXX scripta essent,

gg iij

O R A T I O

pro HS C C C, neque ei satis cautū uideretur, uoluit eū aliquid acceptū referre liberalitati suæ: primo debere negauit, post sine controuersia soluit. Celij cuiusdam Sānitis uxorem post bellum ab hoc esse repetitam. Mulierem cū emisset de seātoribus; quo tempore eam primum liberā esse audiuit, sine iudicio reddidit Celio. Enniū esse quendā, cuius bona teneat Habitus. Est hic Ennius egens quidā calūniator, mercenarius Oppianici, qui permultos annos quieuit, deinde aliquādo cum seruo Habiti furti egit, nup ab ipso Habito petere cœpit. hic illo priuato iudicio, mihi credite, nobis iisdē fortasse patronis calūniā non effugiet. Atq; etiā, ut nobis renunciatur, hominē multorum hospitum, A. Binniū quē dā coponē de uia Latina, subornatis, qui sibi à Cluētio, seruisq; eius in taberna sua manus allatas esse dicat. quo de homine nihil etiā nunc dicere nobis est necesse. si inuitauerit, id quod solet, sic hominē accipiemus, ut moleste ferat, se de uia decessisse. Habetis iudices, quæ in totam uitam de moribus A. Cluentij, quem illi inuidiosum reū uolunt esse, annos oēto meditati accusatores collegerunt, quā leuia genere ipso, quā falsa re, quā breuia responso. cognoscite nunc id, quod ad uestrum iusurādum pertinet, quod uestri iudicij est, quod uobis oneris imposuit ea lex, qua coacti huc cōuenistis, de criminibus ueneni: ut omnes intelligant, q̄ paucis uerbis hæc causa perorari potuerit, & quā multa à me dicta sint, quæ ad huius uoluntatem maxime, ad uestrum iudicium minime pertinerent. Obiectum est, C. Vibium Capacem ab hoc A. Cluentio ueneno esse sublatum. Opportune adest homo summa fide, & omni

uirtute præditus L. Pletorius senator, qui illius Capacis
 hospes fuit, et familiaris. apud hunc ille Romæ habitauit,
 apud hunc ægrotauit, huius domi est mortuus. haud hæ-
 res est Cluentius: intestatum dico esse mortuum, possessio-
 nemque eius bonorum Prætoris edicto huic illius sororis fi-
 lio, adolescenti pudentissimo, et in primis honesto, equiti
 R. datam, Numerio Cluentio, quem uideris. Alterum
 ueneficii crimen, Oppianico huic adolescenti, cum eius in
 nuptiis more Larinatum multitudo hominum prande-
 ret, uenenum Habiti consilio paratum: id cum daretur
 in mulso, Balbutium quendam eius familiarem interce-
 pisse, bibisse, statimque esse mortuum. Hæc ego si sic agere,
 tanquam mihi crimen esset diluendum; hæc pluribus uerbis
 dicerem, quæ nunc paucis percurrit oratio mea. quid
 unquam Habitus in se admisit, ut hoc tantum ab eo faci-
 nus non abhorreere uideatur? quid autem magnopere Op-
 pianicum metuebat? cum ille uerbum omnino in hac ipsa
 causa nullum facere potuerit, huic autem accusatores matre
 uiua deesse non possent: quod iam intelligetis. an ut de cau-
 sa eius periculi nihil decederet, ad causam nouum cri-
 men accederet? quod autem tempus uenenis dandi illo die?
 in illa frequentia? per quem porro datum? unde sum-
 ptum? quæ deinde interceptio populi? cur non de integro
 aut datum? multa sunt, quæ dici possunt: sed non com-
 mittam, ut uidear non dicendo uoluisse dicere: res enim
 iam se ipsa defendat. Nego illum adolescentem, quem sta-
 tim epoto poculo mortuum esse dixistis, omnino illo die
 esse mortuum. magnum et impudens mendacium. per-
 spicite cætera. dico illum, cum ad illud prandium crudior
 uenisset, et, ut ætas illa fert, sibi tum non pepercisset,

aliquot dies ægrotasse, & ita esse mortuū. quis huic rei testis est? idē qui sui luctus, pater, pater inq̃ illius adolescentis: quem propter animi dolorem pertenuis suspicio potuisset ex illo loco testē in A. Cluentiū cōstituere, is hūc suo testimonio subleuat. quod recita. tu aut, nisi molestum est, paulisper exurge, & perfer hunc dolorē commemorationis necessariae: in qua ego diutius non morabor, quoniam, quod fuit uiri optimi, fecisti, ut ne cui innocētī mœror tuus calamitatē, & falsum crimen afferret. Vnum etiā mihi reliquum eiusmodi crimē est iudices, ex quo illud perspicere possitis, quod à me initio orationis meæ dictū est; quidquid mali per hos annos A. Cluentius uiderit, quidquid hoc tēpore habeat solitudinis ac negotij, id omne à matre esse cōflatum. Oppianicū ueneno necatū esse, quod ei datū sit in pane per M. Asellium quendam familiarem illius, idq; Habiti consilio factū esse, dicitis. in quo primum illud quæro, quæ causa Habito fuerit, cur interficere Oppianicū uellet. inimicitias enim inter ipsos fuisse cōfiteor: sed homines inimicos suos morte affici uolūt, uel q̃ metuunt, uel q̃ oderunt. quo tandem igitur Habitus metu adductus tantum in se facinus suscipere conatus est? quid erat, q̃ iam Oppianicum pœna affectum pro maleficijs, eiectum ē ciuitate quisquam timeret? quid metuebat? ut oppugnaretur à perdito, an ne accusaretur à condēnato, an ne exulis testimonio laderetur? sin autem, q̃ oderat, Habitus idcirco illum uita frui noluit: adeo ne erat stultus, ut illam, quam tum ille uiuebat, uitam esse arbitraretur, damnati, exulis, deserti ab omnibus, quem propter animi importunitatem nemo recipere tecto, ne

mo adire, nemo alloqui, nemo respicere uellet? huius igitur uitæ Habitus inuidebat? hūc si acerbe, et penitus oderat, non eū quādiutissime uiuere uelle debebat; huic mortē maturabat inimicus, quod illi unū in malis perfugiū erat calamitatis? qui si quid animi ac uirtutis habuisset, ut multi sæpe fortes uiri in eiusmodi dolore, mortē sibi ipse cōscisset. huic quāobrem id uellet inimicus offerre, quod ipse sibi optare deberet? nā nunc quidem quid tandē illi mali mors attulit? nisi forte ineptijs ac fabulis ducimur, ut existimemus illū apud inferos impiorū supplicia perferre, ac plures illic offendisse inimicos, quā hic reliquisse; à socrus, ab uxorū, à fratris, à liberū poenis actū esse præcipitē in sceleratorū sedē, atque regionē. quæ si falsa sunt, id quod oēs intelligunt: quid ei tandē aliud mors eripuit, præter sensum doloris? Age uero uenenū per quē datū? per M. Aselliū. quid huic cū Habito? nihil, atque adeo, quod ille Oppianico familiarissime est usus, potius etiā cōtra simultas. eī ne igitur, quē sibi offensiorē, Oppianico familiarissimū sciebat esse, potissimū et suum scelus, et illius periculū cōmittebat? cur deinde tu, qui pietate ad accusandū excitatus es, hunc Aselliū esse inultū tādī finis? cur nō Habiti exēplo usus es, ut per illū, qui attulisset uenenū, de hoc præiudicaretur? iā uero illud quod nō probabile, quod inusitatum indices, quod nouū? in pane datū uenenū. facilius ne potuit, quā in poculo? latētius potuit abditū aliqua in parte panis, quod si totū colliquefactū in potione esset? celerius potuit comessū, quā epotū, in uenas, atque in omnes partes corporis permanare? facilius fallere in pane, si esset animaduersum; quod in poculo, cū ita cōfusus esset, ut scerni nullo

O R A T I O

modo posset? at repentina morte periit. quod si esset ita factum, tamen ea res propter multorum eiusmodi mortem satis firmam ueneni suspicionem non haberet: si esset suspicium, tamen ad alios potius, quam ad Habitum pertineret. uerum in eo ipso homines impudentissime mentiuntur. id ut intelligatis, et mortem eius, et quemadmodum post mortem in Habitum sit crimen à matre quaesitum, cognoscite. Cum uagus, et exul erraret, atque undique exclusus Oppianicus in Falernum se ad C. Quintiliū contulisset, ibi primum in morbum incidit, ac satis uehementer, diuque aegrotauit. cum esset una Saffia; et Statio Albio, quodam colono, homine ualente, qui simul esse solebat, familiarius uteretur, quam uir dissolutissimus incolu mi fortuna pati posset; et ius illud matrimonij castum, atque legitimum donatione uiri sublatum arbitraretur: Nicostratus quidam, fidelis Oppianici seruulus, percuriosus, et minime mendax, multa dicitur renunciare domino solitus esse. interea Oppianicus cum iam conualesceret, neque in Falerno improbitatem coloni diutius ferre posset, et huc ad Urbem profectus esset, (solebat enim extra portam aliquid habere conducti) cecidisse ex equo dicitur, et homo infirma uoletudine latus offendisse uehementer, et posteaquam ad Urbem cum febre uenerit, paucis diebus esse mortuus. mortis ratio iudices eiusmodi est, ut aut nihil habeat suspicionis, aut, si quid habet, id intra parietes in domestico scelere uersetur. post mortem eius Saffia statim moliri nefaria mulier coepit insidias filio: quaestionem habere de uiri morte constituit: emit de A. Rupilio, quo erat usus Oppianicus medico, Stratonem quendam, quasi ut idem faceret, quod Habitus in emen-

do Diogene fecerat. de hoc Stratone, et de assecla quodā seruo suo quæsiturū esse dixit. præterea seruum illum Nicostratum, quem nimium loquacem fuisse, ac nimium domino fidelē arbitrabatur, ab hoc adolescente Oppianico in quæstionem postulauit. hic cū esset illo tēpore puer, & illa quæstio de patris sui morte cōstitui diceretur; etsi illū seruum & sibi beneuolum esse, & patri fuisse arbitrabatur, nihil tamē est ausus recusare. aduocatur amici, & hospites Oppianici, & ipsius mulieris, multi homines honesti, atq; omnibus rebus ornati: tormentis omnibus uehementissimis quæritur. cū essent animi seruorū et spe, et metu tentati, ut aliquid in quæstione dicerēt, tamen, ut arbitror, auctoritate aduocatorū, & uī tormentorū adducti, in ueritate manserunt, neque se quidquā scire dixerunt. quæstio illo die de amicorū sententiā dimissa est. satis lōgo interuallo post iterū aduocatur. habetur de integro quæstio: nulla uis tormentorum acerrimorū prætermittitur: auersari aduocati, et iā uix ferre posse: furere crudelis, atque importuna mulier, sibi nequaquā, ut sperasset, ea, quæ cogitasset, procedere. cum iā tortor, atq; essent tormēta ipsa defessa, neque tamē illa finē facere uellet: quidā ex aduocatis, homo et honoribus populi ornatus, et summa uirtute præditus, intelligere se dixit, nō id agi, ut uerū inueniretur, sed ut aliquid falsi dicere cogerentur. hoc postq̃ cæteri comprobarunt, ex omnium sententiā constitutū est, satis uideri esse quæsitum. redditur Oppianico Nicostratus: Larinū ipsa proficiscitur cū suis, mœrens, q̃ iam certe incolumem filium fore putabat, ad quem non modo uerū crimen, sed ne ficta quidem su-

O R A T I O

spicio perueniret, & cui non modo opera inimicorum oppugnatio, sed ne occulta quidē matris insidiæ nocere potuissent. Larinum postquam uenit, quæ à Stratone illo uenenū antea uiro suo datū sibi p̄suasum esse simulasset, instructā ei cōtinuo, & ornatā Larini medicinæ exercendæ causa tabernā dedit. unū, alterum, tertiū annū Saffia quiescebat, ut uelle, atq; optare aliquid calamitatis filio potius, quā id struere, & moliri uidetur. tū interim Hortensio, Metello Coss. ut hunc Oppianicū, aliud agentem, ac nihil eiusmodi cogitantem, ad hanc accusationē detraheret, inuito despondit ei filiam suam, illam, quā ex genere susceperat, ut eū nuptiis alligatū, simul & testamenti spe deuinctum posset habere in potestate. hoc ipso ferè tēpore Strato ille medicus domi furtū fecit, & eadem eiusmodi. cum esset in ædibus armariū, in quo sciret esse nummorum aliquantum, et auri, noctu duos conseruos dormientes occidit, in piscināq; deiecit, ipse armarij fundū execut, & sestertiorū, et auri quinque pondo abstulit, uno ex seruis puero nō gr̄adi conscio. furto postridie cognito, omnis suspicio in eos seruos, qui non comparebant, commouebatur. cum exectio illa fundi in armario animaduerneretur, quærebant homines quonā modo fieri potuisset. quidā ex amicis Saffiæ recordatus est, se nup̄ in auetione quadam uidisse in rebus minutis aduncā ex omni parte detiū, et tortuosam uenire ferrulā, qua illud potuisse ita circumsecari uideretur. ne multa, perquiritur à coactōribus, inuenitur ea ferrula ad Stratonē peruenisse. hoc initio suspicionis orto, & aperte insimulato Stratone, puer ille conscius pertimuit, rem oēm dominæ indica-

uit : homines in piscina inuēti sunt : Strato in uincula coniectus est : atque etiā in taberna eius nūmi, nequaquam omnes, reperiuntur. constituitur quæstio de furto : nā quid quisquā suspicari aliud potest ? an hoc dicitis ; armario expilato, pecunia ablata, nō omni recuperata, occisis hominibus, institutam esse quæstionem de morte Oppianici ? cui probatis ? quid est, quod minus uerisimile proferre potuistis ? deinde, ut omittā cætera, triennio post mortem Oppianici de eius morte quærebatur. atque etiā incensa odio pristino Nicostratum eundem illū tum sine causa in quæstionem postulauit. Oppianicus primo recusauit : posteaquā illa abduēturam se filiam, mutaturam esse testamentum minaretur, mulieri crudelissimæ seruum fidelissimum non in quæstionem tulit, sed planè ad supplicium dedit. post trienniū igitur agitata denique quæstio de uiri morte habebatur : & de quibus seruis habebatur ? noua, credo, res obiecta, noui quidam homines in suspicionem uocati sunt : de Stratone, & de Nicostrato. quid ? Romæ quæsitū de istis hominibus non erat ? ita ne tandem ? mulier iam non morbo, sed scelere furiosa, cum quæstionē habuisset Romæ, cum de T. Annij, L. Rutilij, P. Saturij, & cæterorum, honestissimorum uirorum, sententia constitutum esset, satis quæsitum uideri ; eadem de re, triennio post, ijsdem de hominibus, nullo adhibito, nō dicam uiro, ne colonum forte affuisse dicatis, sed bono uiro, in filij caput quæstionem habere conata est. an hoc dicitis ? (mihi enim uenit in mētē, quid dici possit, tametsi adhuc nō esset dictū) cū haberetur de furto quæstio, Stratone aliquid de ueneno esse cōfessū. hoc uno

O R A T I O

modo iudices sæpe multorū improbitate depressa ueritas emergit, & innocentiae defensio interclusa respirat; q̄ aut ij, qui ad fraudē callidi sunt, non tātum audent, quantū excogitāt; aut illi, quorū eminet audacia atq; proiecta est, à cōsilijs malitiæ deferuntur. q̄ si aut cōfides astutia, aut callida esset audacia, uix ullo obsisti modo posset. utrū, furtū factū nō est? at nihil clarius Lari-
ni fuit. an ad Stratonē suspicio nō pertinuit? at is et ex ferrula insimulatus, & à puero cōscio est indicatus. an id actū nō est in quæredo? quæ fuit alia igitur causa quærendi? an id, quod dicendū uobis est, & quod tum Saffia dictitabat; cū de furto quæreretur, tum Strato ijsdem in tormētis dixit de ueneno? en hoc illud est, quod ante dixi: mulier abūdat audacia, consilio & rōne deficitur: nā tabellæ quæstionis plures proferūtur, quæ recitatae, uobisq; editæ sunt, illæ ipsæ, quas tum obsignatas esse dixi: in quibus tabellis de furto litera nulla inuenitur. non uenit in mentē, primam orationem Stratonis cōscribere de furto, post aliquid adiungere dictū de ueneno, quod non percontatione quæsitum, sed dolore expressum uideretur. quæstio de furto est, ueneni iam suspitione superiore quæstione sublata: quod ipsum hæc eadem mulier indicarat: quæ ut Romæ de amicorum sententia statuerat satis esse quæsitum, postea per triennium maxime ex omnibus seruis Stratonem illum dilexerat, in honore habuerat, cōmodis omnibus affecerat. cum igitur de furto quæreretur, & eo furto, quod ille sine controuersia fecerat: tum ille de eo, quod quærebatur, uerbum nullum fecit, de ueneno statim dixit: de furto, si non eo loco quo debuit, ne in extrema quidē,
aut

aut media, aut in aliqua deniq; parte quæstionis uerbū
fecit ullum? Iam uidetis, illam nefariam mulierem iudi
ces eadem manu, qua, si detur potestas, interficere filium
cupiat: hanc fictā quæstionē conscripsisse. atque istā ipsam
quæstionē, dicite, quis ob signauit? unū aliquem nomina
te. neminem reperietis, nisi forte eiusmodi hominē, quē
ego proferri malim, quā neminem nominari. Quid ais
T. Aeti? tu periculum capitis, tu iudiciū sceleris, tu fortu
nas alterius literis conscriptas in iudicium afferas; ne
que earum auctorem literarū, neque ob signatorē, neque
testem ullum nominabis? & quam tu pestem innocen
tissimo filio ex matris sinu deprompseris, hanc hi tales
uiri cōprobabunt? esto: in tabellis nihil est auctoritatis:
quid? ipsa quæstio iudicibus, quid? amicis hospitibusq;
Oppianici, quos adhibuerat antea, quid? huic tandē ipsi
tempori cur non reseruata est? quid istis hominibus fa
ctum est, Stratone & Nicostrato? quæro abs te Oppia
nice, seruo tuo Nicostrato quid factum esse dicas? quem
tu, cum hunc breui tempore accusaturus esses, Romā de
ducere, dare potestatem indicandi, incolumem deniq; ser
uare quæstioni, seruare his iudicibus, seruare huic tēpo
ri debuisti. nam Stratonem quidem iudices in crucem
actum esse exacta scitote lingua: quod, nemo est Larina
tium, qui nesciat. timuit mulier amens non suā conscien
tiam, non odiū municipum, non famā omniū, sed, quasi
non omnes eius sceleris testes essent futuri, sic metuit ne
condēnaretur extrema seruuli uoce morientis. quod hoc
portentū, dii immortales? quod tantū monstrum in ullis
locis? quod tam infestū scelus & immane, aut unde na
tum esse dicamus? iam enim uidetis profecto iudices, nō

Cic. Orat.

h h

O R A T I O

sine necessarijs me ac maximis causis principio orationis
 meæ de matre dixisse: nihil est enim mali, nihil sceleris,
 quod illa nō ab initio filio uoluerit, optauerit, cogitau-
 rit, effecerit. mitto illam primam libidinis iniuriam: mit-
 to nefarias generi nuptias: mitto cupiditate matris ex-
 pulsam ex matrimonio filiam: quæ nondum ad huiusce
 uitæ periculum, sed ad cōmune familiæ dedecus pertine-
 bant: nihil de alteris Oppianici nuptijs queror; quarū
 illa cū obsides filios ab eo mortuos accepisset, tum deniq;
 in familiæ luctum, atq; in priuignorum funus nupsit:
 prætereo, q̃ Aurium Melinum, cuius illa quondā socrus,
 paulo ante uxor fuisset, cū Oppianici esse opera proscri-
 ptum, occisumq; cognosceret, eam sibi domum sedemq;
 cōiugij delegit, in qua quotidie superioris uiri mortis in-
 dicia, & spolia fortunarum uideret. illud primū que-
 ror, de illo scelere, quod nunc deniq; patefactum est, Fa-
 britiani ueneni, quod iam tum recens suspiciosum cate-
 ris, huic incredibile, nunc uero apertum iam omnibus ac
 manifestum uidetur. non est profecto de illo ueneno ce-
 lata mater: nihil est ab Oppianico sine consilio mulieris
 cogitatum. quod nisi esset, certe postea, deprehensa re, nō
 illa ut ab improbo uiro discessisset, sed ut à crudelissimo
 hoste fugisset, domumq; illam in perpetuū scelere omni
 affluentē reliquisset. nō modo id nō fecit, sed ab illo tē-
 pore nullum locū prætermisit, in quo nō instrueret insi-
 dias aliquas, ac dies omnes ac noctes tota mēte mater de
 perniciæ filij cogitaret. quæ primū, ut istum confirmaret
 Oppianicum accusatorem filio suo, donis muliebribus,
 collocatiōe filiæ, spe hæreditatis obstrinxit. itaq; apud cæ-
 teros nouis inter propinquos susceptis inimicijs sepe sic

ri diuortia, atq; affinitatū dissidia uidimus. hæc mulier
 satis firmum accusatorem filio suo fore neminem puta-
 uit, nisi qui in matrimoniū sororem eius ante duxisset.
 cæteri nouis affinitatibus adducti, ueteres inimicitias sæ-
 pe deponunt: illa sibi ad confirmādas inimicitias affini-
 tatis coniunctionē pignori fore putauit. neque in eo so-
 lum diligens fuit, ut accusatorem filio suo compararet:
 sed etiā cogitauit, quibus eum rebus armaret: hinc enim
 illæ sollicitationes seruorum & minis, & promissis: hinc
 illæ infinitæ crudelissimæq; de morte Oppianici quæstio-
 nes; quibus finem aliquando non mulieris modus, sed
 amicorum auctoritas fecit: ab eodem scelere illæ trien-
 nio post habite Larini quæstiones: eiusdem amentię fal-
 sæ conscriptiones quæstionum: ex eodē furore etiam illa
 conscelerata exectio linguæ: totius denique huius ab illa
 est & inuenta, & adornata comparatio criminis. atque
 his rebus cum instructum accusatorem filio suo Romam
 ipsa misisset, paulisper conquirendorum & conducendo-
 rum testium causa Larini est cōmorata: postea autem
 cum appropinquare huius iudicium ei nunciatum est,
 confestim huc aduolauit, ne aut accusatoribus diligen-
 tia, aut pecunia testibus deesset, aut ne forte mater hoc
 sibi optatissimum spectaculum huius sordium, atque lu-
 ctus, & tati squaloris amitteret. iam uero quod iter Ro-
 mam eius mulieris fuisse existimatis? quod ego propter
 uiciniam Aquinatium & Venafranorum ex multis
 audiui, & cōperi: quos concursus in ijs oppidis? quan-
 tos & uirorum, & mulierum gemitus esse factos? mu-
 lierem quandam Larino, atq; illam usq; à mari supe-
 ro Romam proficisci, cum magno comitatu & pecu-

h h ij

nia, quo facilius circumuenire iudicio capitis atq; oppri-
mere filium posset. nemo erat illorum, penè dicam quin
expiandum illum locum esse arbitraretur, quacūq; illa
iter fecisset: nemo, quin terram ipsam uiolari, quæ ma-
ter est omniū, uestigijs cōsceleratæ matris putaret. itaq;
nullo in oppido consistendi potestas ei fuit: nemo ex tot
hospitibus inuentus est, qui non contagionē aspectus fu-
geret. nocti se potius ac solitudini, quā ulli aut urbi, aut
hospiti, cōmittebat. nunc uero quid agat, quid moliat,ur,
quid deniq; quotidie cogitet, quem ignorare nostrū pu-
tat? quos appellarit, quibus pecuniam promiserit, quo-
rum fidem pretio labefactare conata sit, tenemus. quin
etiam nocturna sacrificia, quæ putat occultiora esse, sce-
leratasq; eius preces, & nefaria uota cognouimus, qui-
bus illa etiā deos immortales de suo scelere testatur; neq;
intelligit, pietate, & religione, & iustis precibus deo-
rum mentes, non contaminata superstitione, neq; ad sce-
lus perficiendum cæsis hostijs, posse placari: cuius ego fu-
rorē, atque crudelitātē deos immortales à suis aris, atq;
templis aspernatos esse confido. Vos iudices, quos huic A.
Cluentio quosdam alios deos ad omne uitæ tempus for-
tuna esse uoluit, huius importunitatem matris à filij ca-
pite depellite. multi sæpe in iudicando peccata liberū pa-
rentum misericordiæ concesserunt: uos ne huius hone-
stissime aetam uitam matris crudelitati condonetis, ro-
gamus; præsertim cum ex altera parte totum municipi-
um uidere possitis. omnes scitote iudices, (incredibile di-
ctum est, sed à me uerissime dicetur) omnes Larinates, qui
ualuerunt, uenisse Romam, ut hunc studio, frequētiaq;
sua, quantū possent, in tanto eius periculo subleuarent.

pueris illud hoc tempore & mulieribus oppidum scito-
 te esse traditum, idq; in præsentia in cōmuni Italiæ pa-
 ce domesticis copijs esse tutum. quos tamen ipsos æque et
 eos, quos præsentes uidetis, huius expectatio iudicij dies
 noctesq; sollicitat. non illi uos de unius municipis fortu-
 nis arbitrantur, sed de totius municipij statu, dignitate,
 commodisq; omnibus sententias esse laturos: summa est
 enim iudices hominis in communem municipij rem dili-
 gentia, in singulos municipes benignitas, in omnes homi-
 nes iustitia, & fides: præterea nobilitatem illam inter
 suos locumq; à maioribus traditum sic tuetur, ut maio-
 rum grauitatem, constantiam, gratiam, liberalitatem
 assequatur. itaq; ijs eum uerbis publice laudant, ut non
 solum testimonium suum, iudiciumq; significet, uerum
 etiam curam animi, ac dolorem. quæ dum laudatio reci-
 tatur, uos quæso, qui eam detulistis, assurgite. ex lacry-
 mis horum iudices existimare potestis, omnes hæc Decu-
 riones decreuisse lacrymantes. Age uero uicinorū quan-
 tum studium, quàm incredibilis beneuolentia, quata cu-
 ra est? non illi in libellis laudationum decreta miserunt,
 sed homines honestissimos, quos nossemus omnes, huc fre-
 quentes adesse, & hunc præsentes laudare uoluerūt. ad-
 sunt Ferentani, homines nobilissimi; Marrucini item: pa-
 ri dignitate Theano Apulo, atque Luceria equites Ro-
 manos, honestissimos homines, laudatores uidetis. Bouia-
 no, totoq; ex Samnio cum laudationes honestissimæ mis-
 sæ sunt, tum homines amplissimi, nobilissimiq; uenerūt.
 iam qui in agro Larinati prædia, qui negotia, qui res
 pecuniarias habent, honesti homines, & summo splen-
 dore præditi, difficile dictu est, quàm sint solliciti, quàm

h h iij

O R A T I O

laborent. non multi mihi ab uno sic diligere uidentur, ut hic ab his uniuersis. Quàm, non abesse ab huius iudicio L. Volusienum, summo splendore hominem, ac uirtute præditum, uellem. præsentem possem P. Heluidium Rufum, equitem R. omnium ornatissimum nominare: qui cum huius causa dies noctesq; uigilaret, & cū me hanc causam doceret, in morbum grauem periculosumq; incidit: in quo tamen nō minus de capite huius, quàm de sua uita laborat. Cn. Tudici senatoris, uiri optimi & honestissimi, par studium & testimonio & laudatione cognoscetis. eadem spe, sed maiore uerecundia de te P. Volumni, quoniam iudex es in A. Cluentium, dicimus. & ne longum sit: omnium uicinorū summam esse in hunc beneuolentiam confirmamus. horum omnium studium, curam, diligentiam, meumq; unā laborem, qui totā hanc causam uetere instituto solus perorauī, uestramq; simul iudices æquitatem, & mansuetudinem una mater oppugnat: at quæ mater? quam cæcam crudelitate, & scelere ferri uidetis: cuius cupiditatem nulla unquam turpitudine retardauit: quæ uitij animi in deterrimas partes iura hominum conuertit omnia: cuius ea stultitia est, ut eam nemo hominem; ea uis, ut nemo fœminam; ea crudelitas, ut nemo matrem appellare possit. atq; etiā nomina necessitudinum, non solū nature nomen & iura mutauit, uxor generi, non uerca filij, filie pellex: eò iā deniq; adducta est, ut sibi, præter formā, nihil ad similitudinem hominis reseruaret. Quare iudices, si scelus odistis: prohibete aditum matris à filij sanguine: date parenti hunc incredibilem dolorem ex salute, ex uictoria liberum: patiamini matrem, ne orbata filio læ-

tetur, uictam potius uestra equitate discedere. sin au-
tem, id quod uestra natura postulat, pudorem, bonita-
tem, uirtutemq; diligitis: leuate hunc aliquando sup-
plicem uestrum iudices, tot annos in falsa inuidia, pe-
riculisq; uersatum: qui nunc primum post illam flam-
mam aliorum facto, & cupiditate excitatam, spe ue-
stræ equitatis erigere animum, & paulum respirare à
metu cœpit: cui posita sunt in uobis omnia: quem ser-
uatum esse plurimi cupiunt, seruare soli uos potestis.
orat uos Habitus iudices, & flens obsecrat, ne se inuidiæ,
quæ in iudicijs ualere non debet; ne matri, cuius uota,
& preces à uestris mentibus repudiare debetis; ne Op-
pianico, homini nefario, condemnato iam & mortuo,
condonetis. quòd si qua calamitas hunc in hoc iudicio
afflixerit innocentem: næ iste miser iudices, si, id quod
difficile factu est, in uita remanebit, saepe, & multum
queretur, deprehensum esse illud quòdam Fabritianum
uenenum: quod si tum indicatum non esset, non huic
ærumnosissimo uenenū illud fuisset, sed multorum me-
dicamentum laborum: postremo etiam fortassis mater
exequias illius funeris prosecuta, mortem se filij lugere
simulasset: nunc uero quid erit profectum, nisi ut hu-
ius ex medijs mortis insidijs uita ad luctum reseruata,
mors sepulcro patris priuata esse uideatur? satis diu fuit
in miserijs iudices: satis multos annos ex inuidia labora-
uit. nemo huic tam iniquus præter parentem fuit, cuius
animū non iā expletum esse putemus. uos, qui æqui estis
omnibus, qui, ut quisque crudelissime oppugnatur, eū le-
nissime subleuatis; cōseruate A. Cluentiū; restituite in-
columem municipio; amicis, uicinis, hospitibus, quorum

ORATIO

studia uidetis, reddite ; uobis in perpetuum liberisq; ue-
stris obstringite : uestrum est hoc iudices, uestræ dignita-
tis, uestræ clementiæ : recte hoc repetitur à uobis, ut ui-
rum optimum atque innocentissimum, plurimisq; mor-
talibus charum atque iucundissimum, his aliquando ca-
lamitatibus liberetis; ut omnes intelligant, in cōcionibus
esse inuidiæ locum, in iudicijs ueritati.

DE LEGE AGRARIA CONTRA
P. SERVILIUM RVLLVM
TRIB. PL. IN SENATV.
ORATIO XV.

Desunt multa.

quæ res aperte petebatur, ea nunc occulte cuniculis oppu-
gnatur. dicent. n. Decemviri id, quod & dicitur à mul-
tis, & sæpe dictum est; post eosdem Consules, Regis Ale-
xandrini testamento regnū illud populi R. esse factum.
dabitur igitur Alexandriam clām petentibus ijs, quibus
apertissime pugnantibus restitistis? hæc, per deos immor-
tales, utrum esse vobis consilia siccorum, an uinolentorū
somnia; & utrū cogitata sapientum, an optata furio-
rum uidentur? Videte nunc proximo capite, ut impu-
rus helluo turbet Remp. ut à maioribus nostris possessio-
nes relictas disperdat & dissipet: ut sit non minus in po-
puli R. patrimonio nepos, quàm in suo. proscribit in sua
lege uetigalia, quæ Decemviri uendant, hoc est, proscri-
bit auetionem publicorum bonorum: agros emi uult,
qui diuidantur: quærit pecuniam. uidelicet excogita-
bit aliquid, atque afferet. nam superioribus capitibus di-
gnitas populi R. uiolabatur, nomē imperij in commune

O R A T I O

odium orbis terræ uocabatur; urbes pacatæ, agri sociorum, regum status Decēuiris donabantur: nunc præsens certa pecunia numerata quæritur. expecto, quid Tribunus pl. uigilans & acutus excogitet. ueneat, inquit, silua Scantia. utrū tandem, hanc siluam in relictis possessionibus, an in Censorū pascuis inuenisti: si quid est, quod indagaris, inueneris, ex tenebris erueris; quanquam iniquum est, tamen consume sanè, quoniam cōmodum est, quoniam quidem tu attulisti. siluam uero tu Scantiam uendas, nobis Consulibus, atq; hoc senatu: tu ullum uectigal attingas: tu populi R. subsidia belli, tu ornāmēta pacis eripias: tum uero hoc me inertiozem Consulem iudicabo, quā illos fortissimos uiros, qui apud maiores nostros fuerunt; quod quæ uectigalia illis Consulibus populo R. parta sunt, ea me Consule ne retineri quidē potuisse iudicabuntur. Vendit Italiæ possessiones ex ordine omnes. sanè est in eo diligens: nullam enim prætermittit. persequitur in tabulis Censorijs totam Siciliam: nullum ædificium, nullos agros relinquit. audistis auetionē populi R. proscriptam à Tribuno pl. constitutam in mensem Ianuarium. & credo, nō dubitatis, quin idcirco hæc ærarij causa nō uendiderint ij, qui armis, & uirtute pererūt, ut esset quod nos largitionis causa uederemus. Videte nūc, quoad fecerit iter apertius, quā antea. nam, superiore parte legis quemadmodum Pōpeium oppugnarent, à me indicati sunt: nunc iā se ipsi indicabūt. Iubent uenire agros Attalensium atq; Olympenorum: hos populo R. Seruiliij fortissimi uiri uictoria adiunxit: deinde agros in Macedonia regios, qui partim T. Flamini, partim L. Pauli, qui Persen uicit, uirtute parti sunt:

deinde agrum optimum & fructuosissimū Corinthium, qui L. Mummiij imperio ac felicitate ad uectigalia populi R. adiunctus est: post autem agros in Hispania apud Carthaginem nouam, duorum Scipionum eximia uirtute possessos: tum ipsam ueterem Carthaginem uendunt, quam P. Africanus nudatā tectis ac mœnibus, siue ad notandā Carthaginensium calamitatem, siue ad testificandā nostrā uictoriam, siue ad oblatā aliquā religionem, ad aeternā hominū memoriā cōsecrauit. his insignibus atq; infulis imperij uenditis, quibus ornatā uobis maiores uestri Remp. tradiderūt, iubent eos agros uenire, quos Rex Mithridates in Paphlagonia, Ponto, Capadociaq; possederit. nū obscure uidetur propè hasta preconis insectari Cn. Pōpeiij exercitū, qui uenire iubeāt eos ipsos agros, in quibus ille etiā nūc bellū gerat, atque uersetur: hoc uero cuiusmodi est, quod eius auctiois, quā cōstituerūt, locū sibi nullū definiunt? nā Decemuiris, quibus in locis ipsis uideatur, uendēdi potestas lege permittitur. Censoribus uectigalia locare nisi in conspectu populi R. nō licet: his uedere uel in ultimis terris licebit? at hoc etiā nequissimi homines consumptis patrimonijs faciunt, ut in atrijs auctuarijs potius, quā in triuijs, aut in comitis auctio nētur. hic permittit sua lege Decemuiris, ut, in quibus cōmodum sit tenebris, aut in qua uelint solitudine, bona populi R. possint diuendere. iam illa omnibus in prouincijs, regnis, liberis populis quā acerba, quā formidolosa, quā quæstiosa concursatio decemuiralis futura sit, non uidetis? hereditatum obeundarum causa, quibus uos legationes dedistis, qui & priuati, & priuatim ad negotium exierunt, non maximis opibus, neque

ORATIO

summa auctoritate præditi, tamen auditis profecto quã
 graues eorum aduentus socijs uestris esse soleant. quam-
 obrem quid putatis impendere hac lege omnibus genti-
 bus terroris & mali, cum mittantur in orbem terrarũ
 Decemviri summo cum imperio, summa cum auaritia,
 infinitaq; omnium rerum cupiditate? quorum cũ adue-
 tus graues, cum fasces formidolosi, tum uero iudicium,
 ac potestas erit nõ ferenda: licebit enim, quod uidebitur,
 publicũ iudicare; quod iudicarint, uendere: etiam illud,
 quod homines sancti non facient, ut pecuniã accipiant,
 ne uendant; tamen id ijs ipsum per legẽ licebit. hinc uos
 quas spoliationes, quas pactiones, quã denique in omni-
 bus locis nundinationem iuris, ac fortunarum fore pu-
 tatis? etenim quod superiore parte legis præfinitum fuit
 Sylla & Pompeio Coss. id rursus liberum, infinitumq; fe-
 cerunt. iubet eosdem Decemuiros omnibus agris publicis
 pergrande uectigal imponere, ut ijdem possint et libera-
 re agros, quos commodum sit, & quos ipsis libeat, publi-
 care. quo in iudicio perspicere non potest, utrum seueritas
 acerbior, an benignitas quaestuosior sit futura. sunt tamẽ
 in tota lege exceptiones duæ non tam iniquæ, quàm su-
 spiciosæ. excipit in uectigali imponendo agrum Recentor-
 ricum Siciliensem, in uendendis agris eos agros, de quibus
 cautum sit fœdere. hi sunt in Africa, qui ab Hiempsale
 possidentur. hic quaero, si Hiempsali satis est cautum fœ-
 dere, & Recentoricus ager priuatus est; quid attinuerit
 excipi? sin & fœdus illud habet aliquam dubitationem,
 & ager Recentoricus dicitur nonnunquam esse publi-
 cus; quem putet existimaturum duas causas in orbe ter-
 rarum repertas, quibus gratis parceret? nunc quisnam

tam abstrusus usquam nummus uidetur, quem non ar-
 chiteſti huiusce legis olfecerint? prouincias, ciuitates libe-
 ras, socios, amicos, reges denique exhauriunt, admouent
 manus ueſtigalibus populi R. non eſt ſatis. audite uos,
 qui ampliffimo populi, ſenatusq; iudicio exercitus, habui-
 ſtis, & bella geſſiſtis. quod ad quęq; peruenit, peruene-
 rit ex præda, ex manubijs, ex auro coronario, quod neq;
 conſumptum in monimento, neq; in ærarium relatum
 ſit, id ad Decemuſiros referri iubet. hoc capite multa ſpe-
 rant: in omnes imperatores, hæredesq; eorum quæſtionē
 ſuo iudicio cōparant: ſed maximam pecuniam ſe à Fau-
 ſto ablaturus arbitrantur. quam cauſam ſuſcipere iurati
 iudices noluerunt, hanc iſti Decemuſiri ſuſcipere: idcirco
 à iudicibus fortaſſe prætermiſſam eſſe arbitrantur, quòd
 ſit iſtis reſeruata. deinde etiam in reliquum tempus di-
 ligentiſſime ſancit, ut, quod quiſq; imperator habeat pe-
 cuniæ, protinus ad Decemuſiros deferat. hic tamen exci-
 pit Pompeium, ſimillime, ut mihi uidetur, atque in illa
 lege, qua peregrini Roma eiſciuntur, Glaucippus excipi-
 tur: non enim hac exceptione unus afficitur beneficio,
 ſed unus priuatur iniuria. ſed cui manubias remittit,
 huius ueſtigalia inuadit: iubet enim pecuniam, ſi qua
 poſt nos Conſules ex nouis ueſtigalibus recipiatur, hac
 uti Decemuſiros. quaſi uero non intelligamus, hæc eos ue-
 ſtigalia, quæ Cn. Pompeius adiunxerit, uendere cogita-
 re. Videtis iam P. C. omnibus rebus, & modis conſtru-
 etam, & coaceruatam pecuniam decemuſiralem. minue-
 tur huius pecuniæ inuidia: conſumetur enim in agrorū
 emptionibus. optime. quis ergo emet agros iſtos? iſdē De-
 cēuſiri: tu Rulle (miſſos. n. facio cæteros) emes, quos uoles:

ORATIO

uendes, quos uoles: utrūq; horum facies, quanti uoles: cauet enim uir optimus, ne emat ab inuito. quasi uero nō intelligamus, ab inuito emere, iniuriosum esse; ab nō inuito, quāstuosum. quātū tibi agri uendet, ut alios omitam, socer tuus? Et si ego eius aequitatē animi probe noui, uendet non inuitus. facient idē ceteri libenter, ut possessionis inuidiā pecunia cōmutent; accipiāt, quod cupiunt; dent, quod retinere uix possunt. Nunc prospicite omniū rerum infinitam atq; intolerandam licentiā. pecunia coacta est ad agros emendos: ij porro ab inuitis nō ementur: si cōsenserint possessores non uendere, quid futurum est? referetur pecunia? non licet: exigetur: uetat. uerū esto: nihil est, quod non emi possit, si tantū des, quātum uelit uenditor. spoliemus orbem terrarum, uendamus uectigalia, effundamus aerariū, ut locupletatis aut inuidiā, aut pestilētiā possessoribus, agri tamē emātur. quid? tū quā erit in istos agros deductio? quā totius rei ratio, atq; descriptio? deducuntur, inquit, coloniæ: quō? quorū hominum? in quā loca? quis enim nō uidet, in coloniis esse hęc omnia considerāda? tibi nos Rulle, Et istis tuis harum omniū rerum machinatoribus totā Italiā inermem tradituros existimasti, quam præsidijs confirmaretis, coloniis occuparetis, omnibus uinclis deuinctā, Et constrictam teneretis? ubi enim cauetur, ne in Ianiculo coloniam constituatis? ne urbem hanc urbe alia premere atque urgere, possitis? nō faciemus, inquit. primum nescio: deinde timeo: postremo non comittā, ut uestro beneficio potius, quā nostro consilio salui esse possimus.

Quōd uero totā Italiam uestris colonis cōplere uoluitis, id cuiusmodi esset, neminem ne nostrū intellecturū

existimastis? scriptum est enim, quæ in municipia, quasq; in colonias Decemviri uelint, deducant colonos, quos uelint; & ijs agros assignent, quibus in locis uelint: ut, cum totam Italiam militibus suis occuparint, uobis non modo dignitatis retinendæ, sed ne libertatis quidem recuperandæ spes relinquatur. atq; hæc à me suspicionibus, & coniectura coarguuntur. Iam omnis omnium tolletur error: iam aperte ostendent, sibi nomen huius Reip. sedem urbis atque imperij, denique hoc templum Iouis Optimi Maximi, atque hanc arcem omnium gentium displicere. Capuam deduci colonos uolunt. illam urbem huic urbi rursus opponere, illuc opes suas deferre, & imperij nomen transferre cogitant. qui locus, propter ubertatem agrorum, abundantiamq; rerum omnium, superbiam, & crudelitatem genuisse dicitur; ibi nostri coloni, delecti ad omne facinus, à Decemviris collocabuntur. et, credo, qua in urbe homines in ueteri dignitate, fortunaq; nati copiam rerum moderate ferre non potuerunt, in ea isti uestri satellites modeste insolentiam suam continebunt. maiores nostri Capua magistratus, senatum, consilium commune, omnia denique insignia Reip. sustulerunt, neque aliud quidquam nisi inane nomen Capuæ reliquerunt: nō crudelitate: quid enim illis fuit clemētius, qui etiam externis hostibus uictis sua sæpiissime reddiderunt? sed consilio, quod uidebant, si quod Reip. uestigium illis mœnibus cōtineretur, urbem ipsam imperio domicilium præbere posse. uos hæc, nisi euertere Remp. cuperetis, ac uobis nouam dominationem comparare, credo, quàm perniciofa essent, nō uideretis: quid enim cauendum est in colonijs deducendis? si luxuries,

O R A T I O

Annibalem ipsum Capua corrumpit: si superbia, nata ini-
bi esse ex Campanorum fastidio uidetur: si præsidium, nō
præponitur huic urbi ista colonia, sed opponitur. at quē
admodum armatur, dii immortales? nam bello Punico
quidquid potuit Capua, potuit ipsa per sese: nunc omnes
urbes, quæ circum Capuam sunt, à colonis per eosdem
Decemuiros occupabuntur: hanc enim ob causam per-
mittit ipsa lex, in omnia, quæ uelint, oppida colonos ut
Decemuiros deducant, quos uelint. atque his colonis agrum
Cāpanum & Stellatam campum diuidi iubet. nō que-
ror diminutionē uectigalium, nō flagitium huius iactū-
ræ atque dāni: prætermitto illa, quæ, nemo est, quin gra-
uissime & uerissime cōqueri possit, nos caput patrimo-
nij publici, pulcherrimam populi R. possessionem, subsi-
dium annonæ, horreum belli, sub signo, claustrisq; Reip.
positum uectigal seruare non potuisse; eum denique nos
agrum P. Rullo concessisse, qui ager ipse per sese & Syl-
lanæ dominationi, & Gracchorum largitioni restitisset:
non dico, solum hoc in Rep. uectigal esse, quod amissis
alijs remaneat, intermissis non conquiescat; in pace nite-
at, in bello non obsolescat; militem sustentet, hostem non
pertimescat: prætermitto omnem hanc orationem, &
concioni reseruo: de periculo salutis ac libertatis loquor:
quid enim existimatis integrum uobis in Rep. fore, ut
in uestra libertate, ac dignitate retinendum, cum Rul-
lus, atq; ij, quos multo magis quàm Rullum timetis, cū
omni egentium atq; improborū manu, cum omnibus co-
pijs, cum omni argento, & auro Capuā, & urbes circa
Capuā occuparint? his ego rebus P. C. resistam uehemē-
ter atq; acriter, neq; patiar homines ea me Cōsule expro-
mere,

mere, quæ cōtra Remp. diu cogitarint. Errastis Rulle ue-
 hementer & tu, & nōnulli collegæ tui, qui sperastis uos
 contra Consulē ueritate, non ostentatione popularem,
 posse in euertēda Rep. populares existimari. laceſso uos,
 in concionem uoco, populo R. disceptatore uti uolo: et
 enim, ut ita circūſpiciamus omnia, quæ populo grata at
 que iucunda sunt, nihil tam populare, q̄ pacem, q̄ concor
 diam, quā otium reperiemus. sollicitam mihi ciuitatē
 suspicione, suspensam metu, perturbatam uestris legi-
 bus, & concionibus, & seditionibus tradidistis: spem im-
 probis ostendistis, timorem bonis inieciſtis: fidem de fo-
 ro, dignitatē de Rep. sustulistis. hoc motu, atque hac per-
 turbatione animorū, atque rerum cum populo R. uox,
 & auctoritas Cōsulis repente in tantis tenebris illuxe-
 rit; cum ostenderit nihil esse metuēdum, nullum exer-
 citum, nullam manum, nullas colonias, nullam uenditio-
 nem uectigalium, nullum imperium nouum, nullum re-
 gnum decemuirale, nullam alterā Romā, neque aliam
 sedem imperij nobis Cōsulibus futurā, summamq; tran-
 quillitatem pacis atque otij: uerendū, credo, nobis erit,
 ne uestra ista præclara lex agraria magis popularis esse
 uideatur. cū uero scelera consiliorum uestrorum, frau-
 demq; legis et insidias, quæ ipsi populo R. à popularibus
 Tribunis pl. fiant, ostendero: pertimescā, credo, ne mihi
 non liceat contra uos in concione consistere: præsertim
 cū mihi deliberatū et constitutum sit, ita gerere Consu-
 latum, quo uno modo geri grauitè & libere potest, ut
 neque prouinciā, neque honorē, neque ornamentū ali-
 quod, aut cōmodum, neq; rem ullā, quæ à Tribuno pl.
 impediri possit, appetiturus sim. dicit frequentissimo se-

Cic. Orat.

ii

O R A T I O

natu Cōsul Calēdis Ian. sese, si status hic Reip. maneat,
 neque aliud negotiū extiterit, quod honeste subterfuge
 re non possit, in prouinciam non iturum. sic me in hoc
 magistratu geram populi R. ut possim Tribunum pl.
 Reip. iratum coercere, mihi iratum contemnere. quam-
 obrem per deos immortales colligite uos Tribuni pl. dese-
 rite eos, à quibus, nisi prospicitis, breui tempore deseremi-
 ni: conspirete nobiscū: consentite cum bonis: cōmu-
 nem Remp. cōmuni studio, atq; amore defendite. mul-
 ta sunt occulte Reip. uulnera, multa nefariorū ciuium
 perniciofa consilia: nullum externum periculum est:
 nō Rex, non gens ulla, non natio pertimescenda est: in-
 clusum malum, intestinum, ac domesticum est. huic pro-
 se quisque nostrum mederi, atque hoc omnes sanare uel-
 le debemus. erratis, si senatū probare ea, quæ dicuntur
 à me, putatis, populum autem esse in alia uoluntate. om-
 nes, qui se incolumes uolent, sequentur auctoritatem
 Consulis soluti à cupiditatibus, liberi à delictis, cauti in
 periculis, nō timidi in contentionibus. q̄ si quis uestrum
 spe ducitur, se posse turbulenta ratione honori uelifica-
 ri suo: primū me Consule id sperare desistat: deinde ha-
 beat me ipsum sibi documento, quem equestri ortum lo-
 co Cōsulem uidet, quæ uitæ uia facillime uiros bonos ad
 honorem dignitatemq; perducatur. q̄ si uos uestrum mihi
 studium P.C. ad communem dignitatem defendendam
 profitemini: perficiam profecto, id quod maxime Resp.
 desiderat, ut huius ordinis auctoritas, quæ apud maiores
 nostros fuit, eadem nunc longo interuallo Reip. restituta
 esse uideatur.

DE LEGE AGRARIA CONTRA
P. SERVILIUM RULLUM
TRIB. PL. AD POPULUM
ORATIO XVI.

ST hoc in more positū Quirites, insti-
tutoq; maiorum, ut ij, qui beneficio ue-
stro imagines familiæ suæ cōsecuti sūt,
eam primam habeant concionem, qua
gratiam beneficij uestri cum suorum
laude coniungant. qua in oratione nonnulli aliquando
digni maiorū loco reperiuntur: plerique aut hoc perfici-
unt, ut tātum maioribus eorū debitum esse uideatur,
unde, etiam quod posteris solueretur, redundaret. mihi
quidē apud uos de meis maioribus dicendi facultas non
datur: non q̄ non tales fuerint, quales nos illorum san-
guine creatos, disciplinisq; institutos uidetis: sed q̄ lau-
de populari, atq; honoris uestri luce caruerūt. de me aut
īpso, uereor ne arrogātis sit, apud uos dicere; ingrati, ta-
cere: nam & quibus studijs hanc dignitatem consecu-
tus sim, memet ipsum cōmemorare perquā graue est;
& silere de tantis uestris beneficijs nullo modo possum.
quare adhibebitur à me certa ratio, moderatioq; dicen-
di; ut, quid à uobis acceperim, commemorem; quare di-
gnus uestro summo honore, singulariq; iudicio sim, ipse
modice dicam, si necesse erit; uos eosdem existimatu-
ros putem, qui iudicauistis. Me perlongo interual-
lo propè memoriæ, temporumq; nostrorum primum,
hominem nouum, Consulem fecistis: & eum locum,
quē nobilitas præsidijs firmatum, atque omni ra-
ii ij

O R A T I O

tione obuallatum tenebat, me duce rescidistis, uirtutiq;
 in posterū patere uoluistis: neque me tantūmodo Con-
 sulem, quod est ipsum per sese amplissimū, sed ita feci-
 stis, quo modo pauci nobiles in hac ciuitate Consules fa-
 cti sunt, nouus ante me nemo. nam profecto si recordari
 uolueritis de nouis hominibus, reperietis, eos, qui sine re-
 pulsa Cōsules facti sunt, diuturno labore, atque aliqua
 occasione esse factos, cū multis annis post petissent, q̄ Præ-
 tores fuissent, aliquanto serius, quā per ætatem, ac per
 leges liceret; qui autē anno suo petierint, sine repulsa
 non esse factos: me esse unum ex omnibus nouis homi-
 nibus, de quibus meminisse possimus, qui Consulātū pe-
 tierim, cum primū licitum sit; Consul factus sim, cum
 primum petierim: ut uester honos ad mei tēporis diem
 petitus, non ad alienæ petitionis occasionem interceptus,
 nec diuturnis precibus efflagitatus, sed dignitate impe-
 tratus esse uideatur. est illud amplissimum, quod paulo
 ante cōmemorauī, Quirites, q̄ hoc honore ex nouis homi-
 nibus primum me multis posthabitis affecistis, q̄ prima
 petitione, quod anno meo: sed tamen magnificentius,
 atque ornatius esse illo nihil potest, q̄ meis comitijs non
 tabellam indicem tacitæ libertatis, sed uocem uiuā præ-
 uobis indicē uestrarum erga me uoluntatum, ac studio-
 rū tulistis: itaque me non extrema tribus suffragiorū,
 sed primi illi uestri cōcursus: neque singulæ uoces præ-
 conum, sed una uoce uniuersus populus R. Consulem
 declarauit. hoc ego tam insigne, tam singulare uestrū
 beneficium Quirites cum ad animi mei fructum, atque
 letitiā duco esse permagnum, tum ad curam, sollicitudi-
 nemq; multo maius: uersantur enim Quirites in ani-

mo meo multæ, & graues cogitationes, quæ mihi nul-
 lam partem neq; diurnæ neq; nocturnæ quietis impar-
 tiunt: primū tuendi Consulatus: quæ cū omnibus est
 difficilis, et magna ratio, tum uero mihi præter cæteros,
 cui errato nulla uenia, recte factō exigua laus, et ab in-
 uitis expressa proponitur, nō dubitanti fidele cōsiliū, nō
 laboranti certum subsidium nobilitatis ostenditur. q̄ si
 solus in discrimen aliquod adducerer, ferrem Quirites
 animo æquiore: sed mihi uidetur certi homines, si qua
 in re me nō modo cōsilio, uerū etiā casu lapsum esse ar-
 bitrabūtur, uos uniuersos, qui me antetuleritis nobilita-
 ti, uituperaturi. mihi aut Quirites omnia potius perpe-
 tienda esse duco, q̄ non ita gerendum Consulatum, ut
 in omnibus meis factis, atque consilijs uestrū de me fa-
 ctum, cōsiliūq; laudetur. accedit etiam ille mihi sum-
 mus labor, ac difficillima ratio Consulatus gerēdi, q̄ non
 eadem, qua superioribus Cōsulibus, lege, & conditione
 utendum esse decreui: qui aditum huius loci, conspe-
 ctumq; uestrum partim magnopere fugerunt, partim
 nō uehementer secuti sunt. ego autem nō solum hoc in
 loco dicā, ubi est id dictū facillimum; sed in ipso sena-
 tu, in quo esse locus huic uoci non uidebatur, popularē
 me futurū esse Consulem, prima mea illa oratione Ca-
 lendis Ian. dixi: neque enim ullo modo facere possū, ut,
 cum me intelligā non hominum potentiam studio, non
 excellentibus gratijs paucorū, sed uniuersi populi R. iu-
 dicio Cōsulem ita factū, ut nobilissimis hominibus lon-
 ge præponerem, nō et in hoc magistratu, et in omni ui-
 ta essem popularis. sed mihi ad huiusce uerbi uim, et in-
 terpretationē uehementē opus est uestra sapientia: uer-

satur enim magnus error propter insidiosas nonnullorū
 simulationes; qui cum populi non solum commoda, ue-
 rum etiam salutem oppugnant, et impediunt, oratione
 assequi uolunt, ut populares esse uideantur. ego, qualē
 Calēdis Ian. acceperim Remp. Quirites, intelligo, plenam
 sollicitudinis, plenam timoris, in qua nihil erat mali, ni-
 hil aduersi, quod nō boni metuerēt, improbi expectarēt.
 omnia turbulenta consilia contra hunc Reip. statum, et
 contra uestrum otium partim iniri, partim nobis Consu-
 libus designatis inita esse dicebātur. sublata erat de fo-
 ro fides, nō iētū aliquo nouæ calamitatis, sed suspicione,
 ac perturbatione iudiciorum, infirmatione rerum iudi-
 catarum: nouæ dominationes, extraordinaria nō impe-
 ria, sed regna quæri putabātur. quæ cum ego nō solum
 suspicarer, sed planē cernerē; neque enim obscure gere-
 bantur: dixi in senatu, in hoc magistratu me populare
 Consulem futurum: quid enim est tam populare, q̄
 pax? qua nō modo ij, quibus natura sensum dedit, sed
 etiā teētā, atque agri mihi letari uidentur. quid tā po-
 pulare, q̄ libertas? quam non solum ab hominibus, ue-
 rū etiam à bestiis expeti, atque omnibus rebus antepo-
 ni uidetis. quid tā populare, q̄ otium? quod ita iucun-
 dū est, ut et uos, et maiores uestri, et fortissimus quis-
 que uir maximos labores suscipiendos putet, ut aliquādo
 in otio possit esse præsertim in imperio, ac dignitate: qui
 iccirco etiā maioribus nostris præcipuam laudem, gra-
 tiamq̄; debemus, q̄ eorum labore est factū, ut impune in
 otio esse possemus. quare qui possum nō esse popularis,
 cum uideam hæc omnia Quirites, pacem externam, li-
 bertatem propriam generis, ac nominis uestri, otium do-

mesticū, denique omnia, quæ uobis chara, atque ampla sunt, in fidem, & quodā modo in patrociniū mei Consulatus esse collata? neque enim Quirites illud uobis iucundum, aut populare debet uideri, largitio aliqua promulgata, quæ uerbis ostentari potest, re uera fieri, nisi exhausto ærario, nullo pacto potest. neque uero illa popularia sunt existimāda, iudiciorū perturbationes, rerū iudicatarum infirmationes, restitutio damnatorum, quæ ciuitatum afflictarum perditis iam rebus extremi exitiorum solent esse exitus: neque, si qui agros populo R. pollicentur, si aliud quiddā obscure moliuntur, aliud specie ac specie simulationis ostendant, populares existimandi sunt. nam uere dicam Quirites, genus ipsum legis agrariæ uituperare non possum: uenit enim mihi in mentē, duos clarissimos, ingeniosissimos, amantissimos plebis Romanæ uiros, Ti. & C. Gracchos plebem in agris publicis constituisse, qui agri à priuatis antea possidebantur. nō sum autem ego is Consul, qui, ut plerique, nefas esse arbitrer, Gracchos laudare, quorum consilijs, sapientia, legibus multas esse uideo Reip. partes constitutas. itaque, ut initio mihi designato Consuli nunciabatur, legem agrariam Tribunos pl. designatos conscribere, cupiebam, quid cogitarent, cognoscere: etenim arbitrabar, quoniam eodem anno gerendi nobis essent magistratus, esse aliquam cportere inter nos bene administrandæ Reip. societatem. cum familiariter me in eorum sermone insinuarem, ac darem, celabar, excludebar: & cum ostenderem, si lex utilis plebi Romanæ mihi uideretur, auctorem me, atque adiutorem futurum, tamen aspernabantur hanc liberalitatem meam:

O R A T I O

negahant me adduci posse, ut ullam largitionem probarem. finē feci offerendi mei, ne forte mea sedulitas aut insidiosa, aut impudēs uideretur. interea non desistebant clām inter se conuenire, priuatos quosdam adhibere, ad suos cœtus occultos noctem adiungere, & solitudinem. quibus rebus quanto in metu fuerimus, ex uestra solitudine, in qua illis temporibus fuistis, facile assequi cōiectura poteritis. ineunt tandem magistratus Tribuni pl. cōcio tandē expectata P. Rulli, q̄ & princeps erat agrarię legis, & truculentius se gerebat, q̄ ceteri: iam designatus alio uultu, alio uocis sono, alio incessu esse meditabatur, uestitu obsoletiore, corpore inculto, & horrido, capillatior q̄ ante, barbaq; maiore, ut oculis & aspectu denunciare omnibus uim tribunitiā, & minitari Reip. uideretur. legem hominis, concionemq; expectabam. lex initio nulla proponitur: cōcionē in primis aduocari iubet. summa cū expectatione cōcurritur. explicat orationem sanē longam, & uerbis ualde bonis. unum erat, quod mihi uitiosum uidebatur, q̄ tanta ex frequentia inueniri nemo potuit, qui intelligere posset, quid diceret. hoc ille utrū insidiarum causa fecerit, an hoc genere eloquētię delectetur, nescio. tamen si qui acutiores in cōcione steterant, de lege agraria nescio quid uoluisse eū dicere suspicabantur. aliquando tandem me designato lex in publicū proponitur: concurrunt iussu meo plures uno tempore librarij: descriptam legem ad me afferunt. omni hoc uobis rōne confirmare possum Quirites, hoc animo me ad legendam legem, cognoscendamq; uenisse, ut, si eam uobis accōmodatam, atque utilem esse intelligerem, auctor eius, atque adiutor essem: non enim

natura, neq; dissidio, neque odio penitus insito bellū ne-
 scio quod habet susceptum Consulatus cum Tribunatu,
 quia persæpe seditiosis atq; improbis Tribunis pl. boni et
 fortes Cōsules obstiterunt, & quia uis tribunitia nō un-
 quā libidini restitit consulari. non potestatum dissimili-
 tudo, sed animorū disīūctio dissensionē facit. itaque hoc
 animo legem sumpsī in manus, ut eā cuperem esse ap-
 tā uestris cōmodis, & eiusmodi, quā Consul re, non ora-
 tione popularis et honeste, & libenter posset defendere.
 atqui ego à primo capite legis usq; ad extremū reperio
 Quirites, nihil aliud cogitatum, nihil aliud susceptū, ni-
 hil aliud actū, nisi uti decem reges ærarij, uetigalium,
 prouinciarum omnium, totius Reip. regnorū, liberorum
 populorum, orbis denique terrarum domini constituerē-
 tur legis agrariæ simulatione, atque nomine. sic cōfirmo
 Quirites, hac lege agraria, pulchra, atque populari, dari
 uobis nihil, condonari certis hominibus omnia; ostētari
 populo R. agros, eripi etiam libertatem; priuatorū pe-
 cunias augeri, publicas exhauriri; denique, quod est indi-
 gnissimū, per Tribunum pl. quem maiores præsides li-
 bertatis, custodemq; esse uoluerunt, reges in ciuitate con-
 stitui. quæ cū exposuero: si falsa uobis uidebuntur esse,
 sequar auctoritatem uestram, mutabo meā sententiā:
 sin insidias fieri libertati uestre simulatione largitionis
 intelligetis, nolite dubitare plurimo sudore, & sangui-
 ne maiorum uestrorum partam, uobisq; traditam liber-
 tatem, nullo uestro labore Consule adiutore defendere.
 Primū caput est legis agrariæ: quo, ut illi putant, tenta-
 mini leuiter, quo animo libertatis uestre diminutionem
 ferre possitis. iubet enim, Tribunū pl. qui eā legē tulerit

O R A T I O

creare Decēuiros per tribus septem decem, ut, quem no=
 uem tribus fecerint, is Decemuir sit. hic quæro, quam ob
 causam initiū rerum, ac legum suarū hinc duxerit, ut
 populus R. suffragio priuaretur? toties legibus agrarijs
 curatores cōstituti sunt, Triūuiri, Quinquēuiri, Decem=
 uiri: quæro, à populari Tribuno pl. ecquando nisi per
 XXXV tribus creati sint? etenim cū omnes potestates,
 imperia, curationes ab uniuerso populo R. proficisci cō=
 uenit, tum eas profecto maxime, quæ constituuntur ad
 populi fructum aliquem, & commodum; in quo &
 uniuersi deligant, quem populo R. maxime consulturū
 putent; & unusquisque studio, & suffragio suo uiam
 sibi ad beneficiū impetrandū munire possit. hoc Tribu=
 no pl. potissimū uenit in mentem, populū R. uniuersum
 priuare suffragijs, paucas tribus nō certa conditione iu=
 ris, sed sortis beneficio fortuito ad usurpandā libertatem
 uocare. Itē inquit eodemq; modo capite altero, ut co=
 mitijs Pontificis Maximi. ne hoc quidē uidit, maiores no=
 stros tam fuisse populares, ut, quod per populum creati
 fas non erat propter religionem sacrorum, in eo tamen
 propter amplitudinem sacerdotij uoluerint populo sup=
 plicari. atq; hoc idē de cæteris sacerdotijs Cn. Domitius
 Trib. pl. uir clarissimus tulit; q̄ populus per religionem
 sacerdotia mandare non poterat, ut minor pars populi
 uocaretur; ab ea parte qui esset factus, is à collegio coo=
 ptaretur. uidete, quid intersit inter Cn. Domitiū Trib. pl.
 hominem nobilissimū, & P. Rullū: qui tentauit, ut opi=
 nor, patientiā uestram, cum se nobilem esse diceret. Do=
 mitius, quod, per ceremonias, populi fieri nō poterat; ra=
 tione affectus est, ut id, quoad posset, quoad fas esset,

quoad liceret, populi ad partes daret : hic , quod populi propriū semper fuit, quod nemo imminuit, nemo immutauit, quin ij, qui populo agros essent assignaturi , ante acciperet à populo beneficium, q̄ darent, id totum eripere uobis, atque è manibus extorquere conatus est . ille , quod dari populo nullo modo poterat , tamen quodam modo dedit : hic, quod adimi nullo pacto poterat potestate, quadam rōne eripere conatur . quæret quispiam , in tanta iniuria, tantaq; impudentia quid spectarit. non defuit consilium : fides erga plebem Romanam, æquitas in uos, libertatemq; uestram uehementer defuit . iubet enim comitia Decemuiris habere creandis eum, qui legem tulerit. hoc dicam planius . iubet Rullus, homo non cupidus, neque appetens , habere comitia Rullum . non dum reprehendo . uideo fecisse alios . illud, quod nemo fecit , de minore parte populi , quò pertineat , uidete . habebit comitia : uolet eos denunciare, quibus regia potestas hac lege quæritur. uniuerso populo neque ipse committit, neque illi horum consiliorum auctores committi recte putant posse . sortietur tribus idem Rullus, homo felix : educet , quas uolet, tribus : quos nouē tribus Decemuiros fecerint ab eodem Rullo eduētæ, hos omnium rerum, ut iam ostendam , dominos habebimus . atque ij, ut grati , ac memores beneficij esse uideantur , aliquid se nouem tribuum notis hominibus debere confitebuntur : reliquis uero sex & XX tribubus, nihil erit , quod non putent posse suo iure denegare. quos tandem igitur Decēuiros creari uult ? se primū : qui licet? leges enim sunt ueteres, neq; eæ cōsulares, si quid interesse hoc arbitramini, sed tribunitiæ , uobis, maioribusq; uestris

uehemēter gratæ, atq; iucūda. Licinia est lex, atque altera Ebutia: quæ nō modo eū, qui tulerit de aliqua curatione, ac potestate, sed etiam collegas eius, cognatos, affines excipit, ne eis ea potestas curatio'ue mādetur. etenim si populo consulis: remoue te à suspitione alicuius tui cōmodi: fac fidem, te nihil nisi populi utilitatē, & fructū quærere: sine ad alios potestatē, ad te gratiam beneficij tui peruenire. nā hoc quidem uix est liberi populi, uix uestrorum animorum, ac magnificentia. quis legem tulit? Rullus. quis maiore partem populi, suffragijs priuauit? Rullus. quis comitijs præsuit? Rullus. quis tribus, quas uoluit, uocauit, nullo custode sortitus? quis Decēuiros, quos uoluit, renūciauit? idē Rullus. quem principem renūciauit? Rullū. uix mehercule seruis hoc eum suis, non uobis omnium gentium dominis, probaturū arbitraret. optimæ leges igitur hac lege sine ulla exceptione tollentur. idē legis sibi sua lege curationē petet: idem, maiore parte populi suffragijs spoliata, comitia habebit: quos uolet, atq; in ijs se ipsum renūciabit: et uidelicet collegas suos adscriptores legis agrariæ non repudiabit, à quibus ei locus primus inuidiæ in præscriptione legis concessus est: ceteri fructus omnium rerum, qui in spe legis huius positi sunt, cōmuni cautione, atq; æqua sibi parte retinētur. at uidete hominis diligentiā, si aut Rullū cogitasse, aut si Rullo potuisse in mentē uenire arbitramini. uiderūt i, qui hæc machinab. itur; si uobis ex omni populo deligēdi potestas esset data, quæcūque res esset, in qua fides, integritas, uirtus, auctoritas quæreretur, uos eā sine dubitatione ad Cn. Pompeium principem delaturos. etenim quē unū ex cūctis delegissetis, ut eū omnibus

omniū gentium bellis terra, & mari præponeretis, certe
 in Decēuiris faciendis, siue fides haberetur, siue honos,
 & cōmitti huic optime, & ornari hunc iustissime posse
 intelligebant. itaque excipitur hac lege nō adolescentia,
 non legitimū aliquod impedimentū, nō potestas, nō ma-
 gistratus ullus alijs negotijs, ac legibus impeditus, reus de-
 nique, quo minus Decēuir fieri possit. præsentē eum pro-
 fiteri iubet. quod nulla alia in lege unquā fuit, ne in
 ijs quidē magistratibus, quorū certus ordo est. timebat. n.
 Pōpeius, ne, si adesset, ferri nō posset; aut ne, si accepta
 lex esset, illū sibi collegā ascriberetis custodē ac uindicē
 cupiditatū. hic, quoniā uideo uos hominis dignitate, &
 cōtumelia legis esse cōmotos; renouabo illud, quod ini-
 tio dixi, regnū cōparari, libertatē uestrā hac lege fundi-
 tus tolli. an uos aliter existimabatis, cū ad omnia uestra
 pauci homines cupiditatis oculos adiecissent, non eos in-
 primis id aēturos, ut ex omni custodia uestre libertatis,
 ex omni potestate, curatione, patrocinio uestrorū cōmo-
 dorū Cn. Pōpeius depelleretur? uiderūt, & uident, si per
 imprudentiā uestram, negligentiam meam, legem inco-
 gnitam acceperitis, fore uti postea cognitis insidijs, cum
 Decemuiros crearetis, tum uitjs omnibus, & sceleribus
 legis Cn. Pōpeij præsidium opponendū putetis. & hoc
 paruum argumentum uobis erit, à certis hominibus do-
 minationem, potestatemq; omnium rerum quæri, cū ui-
 deatis eum, quem custodē uestre libertatis fore uideāt,
 expertem fieri dignitatis. Cognoscite nunc, quæ po-
 testas Decemuiris, & quanta detur. primū lege curia-
 ta Decemuiros ornat. iā hoc inauditum, et planè nouo
 more, uti curiata lege magistratus detur, cui nullus co-

O R A T I O

mitijs ante sit datus. eā legem ab eo Prætor, qui sit pri-
 mus factus, ferri iubet: at quo modo? ut ij Decemviratum
 habeāt, quos plebs designauerit. oblitus est, nullos à plebe
 designari. & is orbem terrarū constringit nouis legi-
 bus, qui, quid in secundo capite scriptum est, non memi-
 nit in tertio. atq; hic perspicuū est, quid iuris à maiori-
 bus acceperitis, quid ab hoc Tribuno pl. uobis relinqua-
 tur. maiores de omnibus magistratibus bis uos sententiā
 ferre uoluerunt. nā centuriata lex Censoribus fereba-
 tur, cum curiata cæteris patricijs magistratibus: tum ite-
 rum de eisdem iudicabatur, ut esset reprehendendi pote-
 stas, si populum beneficij sui pœniteret. nūc quia prima
 illa comitia tenetis cēturiata, & tributa: curiata tātum
 auspiciorum causa remāserunt. hic aut Tribunus pl. q̄a
 uidebat potestatem neminem iniussu populi, aut plebis
 posse habere; curiatis ea comitijs, quæ uos non finitis,
 cōfirmavit; tributa, quæ uestra erant, sustulit. ita cum
 maiores binis comitijs uoluerint uos de singulis magistra-
 tibus iudicare, hic homo popularis ne unā quidem po-
 pulo comitiorū potestātē reliquit. sed uidete hominis
 religionē, & diligentīā. uidit, & perspexit, sine curia-
 ta lege Decemuiros habere potestātē non posse, quoniā
 per nouem tribus essent constituti. iubet ferre de his legē
 curiatā: Prætori imperat: q̄ id ipsum absurde, nihil ad
 me attinet. iubet enim, qui primus sit Prætor factus, eū
 legē curiatā ferre: sin is ferre nō posset, qui postremus
 sit: ut aut lussisse in tātis rebus, aut profecto nescio quid
 spectasse uideatur. uerū hoc, quod est aut ita puersum,
 ut ridiculū; aut ita malitiosum, ut obscurū sit; relinqua-
 mus: ad religionem hominis reuertamur. uidet, sine le-

ge curiata nihil agi per Decēuiros posse. quid postea, si ea lata nō erit? attēdite ingeniū. tū i Decemuiros, inquit, eodē iure sint, quo qui optima lege. si hoc fieri potest, ut in hac ciuitate, quæ longe iure libertatis cæteris ciuitatibus antecellit, quisquā nullis comitijs imperiū, aut potestatem assequi possit: quid attinet tertio capite, legē curiatam ferre, iubere, quoniā quarto permittas, ut sine lege curiata idē iuris habeant, quod haberent, si optima lege à populo essent creati? Reges cōstituuntur, nō Decēuiri, Quirites: hiq; ab ijs initijs, fundamētisq; nascuntur, ut, non modo cū gerere cœperint, sed etiam cū constituentur, omne uestrū ius, potestas, libertasq; tollatur. at uide=te, q̄ diligēter retineat ius tribunitiæ potestatis. Consuli=bus legē curiatā ferentibus à Tribunis pl. sæpe est intercessum. neque tamē nos id querimus, esse hāc Tribunorū pl. potestatem: tantūmodo si quis ea potestate temere est usus, existimamus. hic Tribunus pl. lege curiata, quā Prætor ferat, adimit intercedēdi potestatem. atque hoc cū in eo reprehendendū est, q̄ per Tribunum pl. tribunitia potestas minuitur: tū in eo deridendum, q̄ Consuli, si legem curiatā non habet, attingere rem militarem non licet; hic, qui uetat intercedere, potestatem, etiā si intercessum sit, tamen eadē constituit, quā si lata esset lex: ut nō intelligā, quare aut hic uetet intercedere, aut quenq; intercessurū putet, cū intercessio stultitiam intercessoris significatura sit, non rē impeditura. Sint igitur Decēuiri neque ueris comitijs, hoc est populi suffragijs, neq; illis ad speciē, atq; ad usurpationē uetustatis per XXX licētores auspiciorū causa adumbratis, cōstituti. Vide=te nūc, eos, qui à uobis nihil potestatis acceperint, quāto

O R A T I O

maioribus ornamentis afficiat, quod omnes nos affecti sumus, quibus uos amplissimas potestates dedistis. iubet auspicij coloniarum deducendarum causa Decemuviros habere pullarios. eodem iure, inquit, quo habuerunt Tresuiri lege Sempronia. audes etiam Rulle mentionem facere legis Semproniae? nec te ea lex ipsa comonet, Tresuiros illos XXXV tribuum suffragio esse creatos? Et cum tu a Ti. Gracchi equitate, ac pudore longissime remotus sis: id, quod dissimillima ratione factum sit, eodem iure putas esse oportere? dat praeterea potestatem, uerbo praetoriam, re uera regiam: definit in quinquennium: facit sempiternam: tantis enim confirmat opibus, et copiis, ut inuitis eripi nullo modo possit. deinde ornat apparitoribus, scribis, librariis, praekonibus, architectis, praeterea mulis, tabernaculis, centuriis, suppellectili: sumptum haurit ex aerario: suppeditat a sociis: ianitores ex equestri loco ducentos in annos singulos, stipatores corporis constituit, eosdem ministros, et satellites potestatis. formam adhuc habetis Quirites, et speciem ipsam tyrannorum; insignia ueteris potestatis, nondum ipsam potestatem. dixerit. n. fortasse quispiam quid me ista laedunt, scriba, lector, praeco, pullarius? omnia sunt haec huiusmodi Quirites, ut, ea qui habeat sine uestris suffragiis, aut rex non ferendus, aut priuatus furiosus esse uideatur. perspicite, quanta potestas permittatur: non priuatorum insaniam, sed intolerantiam regis esse dicetis. primum permittitur infinita potestas innumera bilis pecuniae conficiendae de uestris uectigalibus non fruendis, sed alienandis. deinde orbis terrarum, gentiumque omnium datur cognitio sine consilio, poena sine prouocatione, animaduersio sine auxilio. iudicare per quinquennium

nium uel de Consulibus, uel de ipsis Tribunis pl. poterunt. de illis interea nemo indicabit. magistratus his gerere licebit, causam dicere non licebit: emere agros à quibus uolent, uel quos uolent, quàm uolent magno poterunt: colonias deducere nouas, renouare ueteres, totam Italiam suis colonijs ut complere liceat, permittitur: omnes prouincias obeundi, liberos populos agris multandi, regnorum uel dandorum summa potestas datur: cum uelint, Romæ esse, cum cōmodum sit: quacunque uelint, summo cum imperio, iudicioq; omnium rerum uagari ut liceat, conceditur: interea dissoluant iudicia publica: de consilijs abducant, quos uelint: singuli de maximis rebus iudicent: Quæstori permittant: finitorem mittant: ratum sit, quod finitor uni illi, à quo missus erit, renunciauerit. uerbum mihi deest Quirites, cum ego hanc potestatem regiam appello: sed profecto maior est quædam: nullum enim regnum fuit unquam, quod non si minus iure aliquo, at regionibus tamen certis contineretur. hoc uero infinitum est, quo & regna omnia, & uestrum imperium, quod latissime patet, & ea, quæ partim libera à uobis, partim etiam ignorata uobis sunt, permissu legis continentur. datur igitur eis, primum ut liceat eis uendere omnia, de quibus uendendis S.C. facta sunt M. Tullio, Cn. Cornelio Coss. cur hoc tam est obscurum, atque cæcum? quid? ista omnia, de quibus senatus censuit, nominatim in lege perscribi nonne potuerunt? duæ sunt huius obscuritatis causæ Quirites: una pudoris, siquis pudor esse potest in tam insigni impudentia: altera sceleris: nam neq; ea, quæ senatus nominatim uendenda censuit, audet appellare: sunt enim loca publica

Cic.Orat.

k k

O R A T I O

urbis, sunt sacella, quæ post restitutam tribunitiam potestatem nemo attigit, quæ maiores in urbe partim periculi perfugia esse uoluerunt. hæc lege tribunitia Decem uiri uendent. accedet eò mons Gaurus: accedent salicta ad Minturnas: adiungetur etiam illa uia uendibilis Herculeana multarum deliciarum, & magnæ pecuniæ, per multa alia, quæ senatus propter angustias ærarij uendenda censuit, Consules propter inuidiam non uendiderunt. uerum hæc fortasse propter pudorem in lege reticentur. sed illud magis est credendum, & pertimescendum, quòd audaciæ decemuirali corrupendarum tabularum publicarum, fingendorumq; S.C. quæ facta nunquam sunt, cum ex eo numero, qui per eos annos Cōsules fuerunt, multi mortui sint, magna potestas permittitur. nisi forte nihil est æquum uos de eorum audacia suspicari, quorum cupiditati nimium angustus orbis terrarum esse uideatur. Habetis unum uenditionis genus; quod magnum uideri uobis intelligo: sed attendite animos ad ea, quæ cōsequuntur: hunc quasi gradum quendam atque aditum ad cætera iactum intelligetis. QVI A G R I, QV A E L O C A, A E D I F I C I A. quid est præterea? multa in mancipijs, in pecore, auro, argento, ebore, ueste, suppellectili, cæteris rebus. quid dicam? inuidiosum putasset hoc fore, si omnia nominasset? non metuit inuidiam. quid ergo? longum putauit, & timuit, ne quid præteriret: adscripsit: A L I V D' V E Q V I D. qua breuitate rē nullam esse exceptā uidetis. quidquid ergo sit extra Italiam, quod publicum populi R. factum sit L. Sylla, Q Pompeio Coss. aut postea, id Decemuiros iubet uendere. hoc capite Quirites omnes gentes, nationes

nes, prouincias, regna Decemuirū ditioni, iudicio, potēsta
 tiq; permissa, & condonata esse dico. primum hoc quæ
 ro, qui tandem locus usq; tam sit, quem non possint De
 cemuii dicere publicum populi R. esse factum? nam
 cum idem possit iudicare, qui dixerit: quid est, quod non
 liceat ei dicere, cui liceat eidem iudicare? cōmodum erit
 Pergamum, Smyrnam, Tralleis, Ephesum, Miletum, Cy
 zicum, totā denique Asiam, quæ post L. Syllam, Q. Pom
 peium Coss. recuperata sit, populi R. factam esse dicere.
 utrum, oratio ad eius rei disceptationem deerit, an, cum
 idem & differet, & iudicabit, impelli non poterit, ut fal
 sum iudicet? an, si condemnare Asiam uolet, terrorem
 damnationis, & minas non, quāti uolet, æstimabit? quid
 (quod disputari cōtra nullo pacto potest, quoniam statu
 tum à uobis est, & iudicatum: quam hæreditatem iam
 creuimus) regnum Bithyniæ? quod certe publicum est po
 puli R. factum. num quid causæ est, quin omnes agros,
 urbes, statua, portus, totā denique Bithyniam Decemui
 ri uendituri sint? quid Mitylenæ? quæ certe uestre Qui
 rites belli lege, ac uictoriæ iure factæ sunt: urbs & na
 tura, & situ, & descriptione ædificiorum, & pulchritu
 dine in primis nobilis; agri iucundi, & fertiles: nempe
 eodem capite inclusi continentur. quid Alexandria, cun
 Etāq; Aegyptus? ut occulte latet? ut recondita est? ut fur
 tim tota Decemuiris traditur? quis enim uestrum hoc
 ignorat? dici, illud regnum testamento Regis Alexandri
 ni populi R. esse factum. hic ego Consul populi R. nō mo
 do nihil iudico, sed ne quid sentiam quidem profero ma
 gna. n. mihi res non modo ad statuendum, sed etiam ad
 dicendum uidetur esse. uideo, qui testamentum factum

O R A T I O

esse confirmet: auctoritatem senatus extare hereditatis aditæ sentio, tum quando Alexandro mortuo Legatos Tyrum misimus, qui ab illo pecuniam depositam nostris recuperarent. hæc L. Philippum sæpe in senatu confirmasse memoria teneo. eū, qui regnū illud teneat hoc tēpore, neq; genere, neque animo regio esse, inter omnes ferè uideo conuenire. dicitur contra: nullum esse testamentum: non oportere populum R. omnium regnorum appetentem uideri: demigraturos in illa loca nostros homines propter agrorum bonitatem, & omnium rerum copiam, hac tanta de re P. Rullus cum cæteris Decemuiris collegis suis iudicabit? & uerum iudicabit? nam utrunq; ita magnum est, ut nullo modo neque concedendum, neq; ferendum sit. uolet esse popularis, populo R. adiudicabit. ergo idem ex sua lege uendet Alexandriam, uēdet Aegyptum, urbis copiosissimæ, pulcherrimorumq; agrorum iudex, arbiter, dominus, Rex denique opulētissimi regni reperietur. non sumet sibi tantum, nō appetet: iudicabit Alexandriam Regis esse, à populo R. abiudicabit. primum populi R. hæreditatem Decemuiros iudicent, cum uos uolueritis de priuatis hæreditatibus Centumuiros iudicare? deinde quis aget causam populi R? ubi res ista agetur? qui sunt isti Decemuiros, quos perspicimus regnū Alexandriæ Ptolemæo gratis adiudicatuos? quòd si Alexandria petebatur, cur non eosdem cursus hoc tempore, quos L. Cotta, L. Torquato Coss. cucurrerunt? cur non aperte, ut antea? cur non item ut cum decreto & palàm regionem illam petierunt? an quietis ijs, qui per cursum rectum regnum tenere non potuerunt, nunc tetrīs tenebris, & caligine se Alexandriam peruē-

* tuos arbitrati sunt? atque illud circumspecte uestris me-
 tibus, unaq; Legatos nostros, homines auctoritate tenui,
 qui rerum priuatarum causa legationes liberas obeunt, ta-
 men exterarum nationes ferre uix possunt: graue est enim
 nomen imperij, atque id etiam in leui persona pertime-
 scitur, propterea quod uestro, non suo, nomine, cum hinc
 egressi sunt, abutuntur. quid censetis, cum isti Decemui-
 cum imperio, cum fascibus, cum illa delecta finitorum
 inuentute per orbem terrarum uagabuntur? quo tan-
 dem animo? quo metu? quo periculo miseras nationes
 futuras? est in imperio terror: patientur. est in aduen-
 tu sumptus: ferent. imperabitur aliquid muneris: non
 recusabunt. illud uero quantum est Quirites, cum is De-
 cemuir, qui aliquam in urbem aut expectatus, ut ho-
 spes; aut repente, ut dominus, uenerit; illum ipsum lo-
 cum, quod uenerit, illam ipsam sedem hospitalem, in qua
 erit deductus, publicam populi R. esse dicet? quanta ca-
 lamitas populi, si dixerit? quantus ipsi quaestus, si nega-
 rit? atque iidem, qui hac appetunt, queri nonnunquam
 solent, omnes terras Cn. Pompeio, atque omnia maria
 esse permissa. simile uero est, multa committi, an condo-
 nari omnia: uel labori & negotio praeponi, an praeda
 & quaestui: mitti ad socios liberandos, an ad opprimen-
 dos. denique si quis est honos singularis, nihil ne interest,
 utrum populus R. eum, cui uelit, deferat, an is impuden-
 ter populo R. per legis fraudem surripiatur? Intelle-
 xistis, quot res, & quantas Decemui- legis permissu
 uendituri sint. non est satis. cum sese sociorum, cum ex-
 terarum nationum, cum Regum sanguine impleant,
 incidant neruos populi R. adhibeant manus uectigali-

O R A T I O

bus uestris, irrumpant in ærarium: sequitur. n. caput, quo capite non permittit quidem, si forte desit pecunia, quæ tanta ex superioribus recipi potest, ut deesse nõ debeat; sed planè, quasi ea res nobis saluti futura sit, ita cogit, atq; imperat, ut Decemviri uestra uetigalia uedat nominatim. quam tu mihi ex ordine recita de legis scripto populi R. auetione. quã mehercule ego præconi huic ipsi luëtuosam & acerbam prædicationẽ futuram puto. ut in suis rebus, ita in Rep. luxuriosus nepos, qui prius * siluas uedat, quàm uineas. Italiã percensuisti: perge in Siciliam. nihil est in hac prouincia, quod aut in oppidis, aut in agris maiores nostri proprium nobis reliquerint, quin id uenire iubeat. quod partum receti uictoria maiores uobis in sociorum urbibus, ac finibus, & uinculum pacis, & monimentũ belli reliquerunt, id uos ab illis acceptum hoc auctore uendetis? Hic mihi parumper mentes uestras Quirites comouere uideor, dum patefacio uobis, quas isti penitus abstrusas insidias se posuisse arbitrat̃ur contra Cn. Pompeij dignitatem. & mihi quæso ignoscite, si appello talem uirũ sæpius. uos mihi Prætori bienio ante Quirites hoc eodem in loco personã hanc imposuistis, ut, quibuscũq; rebus possem, illius absentis dignitatem uobiscũ unã tuerer. feci adhuc quæ potui, neque familiaritate illius adductus, nec spe honoris, atque amplissimæ dignitatis, quam ego etsi libente illo, tamen absente illo per uos consecutus sum. quamobrem, cum intelligam hanc totam ferè legem ad illius opes euertendas tanquã machinã cõparari; & resistã consilijs hominum; & perficiam profecto, quod ego uideo comparari, ut id uos uniuersi non solum uidere, uerum etiam te=

nere possitis. Iubet uenire quæ Attalensium, quæ Phaselitum, quæ Olympenorum fuerint, agrumq; Agerensem, & Orindicum, & Gedusanum. hæc P. Seruiliij imperio, & uictoria clarissimi uiri uestra facta sunt. adiungit agros Bithyniæ regios, quibus nunc publicani fruuntur: deinde Attalicos agros in Cherroneso: in Macedonia, qui Regis Philippi, siue Persæ fuerunt: qui item à Censoribus locati sunt, & certissimum uectigal. adscribit idem auctori Corinthios agros opimos & fertiles, & Cyrenenses qui Appionis fuerunt: & agros in Hispania propter Carthaginem nouam, & in Africa ipsam ueterem Carthaginem uendit: quam uidelicet P. Africanus non propter religionem sediũ illarũ, ac uetustatis de consilij sententia cõsecrauit, sed ut ipse locus eorũ, qui cum hac urbe de imperio certarunt, uestigia calamitatis ostenderet. sed nõ fuit tã diligens, quàm est Rullus: aut fortasse emptorem ei loco reperire non potuit. uerũ inter hos agros regios, captos ueteribus bellis uirtute summorũ imperatorũ, adiungit regios agros Mithridatis, qui in Paphlagonia, qui in Ponto, qui in Cappadocia fuerunt, ut eos Decemuiri uendat. ita ne uero? nõ legibus datis, non auditis uerbis imperatorijs, non dum deniq; bello cõfecto, cũ Rex Mithridates amisso exercitu, regno expulsus, tamen in ultimis terris aliquid etiã nũc moliatur, atq; ab inuicta Cn. Pompeij manu Mæotide, & illis paludibus, et itinerũ angustijs, atq; altitudine montiũ defendatur; cum imperator in bello uersetur; in locis autem illis etiã nũc belli nomen reliquũ sit: eos agros, quorum adhuc penes Cn. Pompeium omne iudicium, & potestas more maiorum debet esse, Decemuiri uendent? & credo, P. Rul-

O R A T I O

lus (is enim sic se gerit, ut sibi iam Decemuir designatus esse uideatur) ad eam auctiōem potissimum proficiscetur. is uidelicet, antequam ueniat in Pontum, literas ad Cn. Pompeium mittet. quarum ego iam exemplum ab istis compositum esse arbitror. P. SERVILIUS RULLVS TRIBVNVS PL. DECENVIR S. D. POMPEIO CN. F. non credo adscripturum esse, Magno: non enim uidetur id, quod innuere lege conatur, concessurus uerbo. TE VOLO CURARE, VT MIHI SIN OPE PRAESTO SIS, AVXILIVM QVE ADDVCAS, DVM EOS AGROS, QVOS TVO LABORE CEPISTI, EGO MEA LEGE VENDAM. an Pompeium non adhibebit? in eius provincia uendet manubias imperatoris? ponite ante oculos uobis Rullum in Ponto inter uestra, atque hostium castra hasta posita cum suis formosis finitoribus auctiōnantem. neque in hoc solum inest contumelia, quæ uehementer & insignis est, & noua, ut ulla res parta bello, nondum legibus datis, etiam tum imperatore bellum administrante, non modo uenierit, uerum etiam locata sit: plus sperant homines certe, quàm contumeliam: sperant, si concessum sit inimicis Cn. Pompeij cum imperio, cum iudicio omnium rerum, cum infinita potestate, cum innumerable pecunia non solum alijs in locis uagari, uerum etiam ad ipsius exercitum peruenire, aliquid illi insidiarum fieri, aliquid de eius exercitu, copijs, gloria detrahi posse: putant, si quam spem in Cn. Pompeio exercitus habeat aut agrorum, aut aliorum commodorum, hanc non habiturum, cum uiderit earum re-

rum omnium potestatem ad Decēuiros esse translata.
 patior non moleste, tam stultos esse, qui hæc sperent; tam
 impudentes, qui conentur: illud quæror, tã me ab ijs esse
 cōtemptum, ut hæc portenta me Consule potissimum co
 gitarent, atq; in omnibus his agris, ædificijsq; uendendis
 permittitur Decemuiris, ut uendant quibuscūq; in locis
 uideatur. ò perturbatam rationem. ò libidinem refrenan
 dam. ò consilia dissoluta, atq; perditā. uectigalia locare
 nusquam licet, nisi in hac urbe, hoc loco, hac uestrum
 frequentia: uenire uestras res proprias, & in perpetuum
 à uobis alienari, in Paphlagoniæ tenebris, atque in Cap
 padociæ solitudine licebit? L. Sylla cū bona indemnatorū
 ciuium funesta illa auetione sua uenderet, & se prædā
 suam diceret uendere, tamen ex hoc loco uendit, nec
 quorum oculos offendeat, eorum ipsorum conspectum
 fugere ausus est: Decemuires uestra uectigalia non modo
 ne uobis quidē arbitris, sed ne præcone quidem publico
 teste uendent? Sequitur omnes agros extra Italiam
 infinito ex tempore, non, ut antea, ab Sylla & Pompeio
 Coss. cognitio Decemuirū, priuatus sit an publicus: sicq;
 agro pergrande uectigal imponitur. hoc quantum iudi
 cium, quā intolerandum, quā regium sit, quem præ
 terit? posse quibuscūq; locis uelint, nulla disceptatione,
 nullo cōsilio priuata publicare, publica liberare. Excipi
 tur hoc capite ager in Sicilia Recentoricus: quem ego ex
 cipi, & propter hominum necessitudinem, & propter
 æquitatem Quirites, sæpe uehementer gaudeo: sed quæ
 hæc impudentia? qui agrū Recentoricum possident, ue
 rustate possessionis se, non iure; misericordia senatus, nō
 agri conditione defendunt: nam illum agrum publicum

esse fatentur; sed moueri possessionibus, amicissimis sedi-
bus, ac dijs penatibus negant oportere. at si est priuatus
ager Recentoricus, quid eū excipis? sin autem publicus,
quæ est ista æquitas, cæteros, etiam si priuati sint, permit-
tere ut publici iudicentur, hūc excipere nominatim, qui
publicus esse fateatur? ergo eorum ager excipitur, qui a-
pud Rullū alia ratione ualuerūt: cæteri agris omnes, qui
ubique sunt, sine ullo deletu, sine populi R. notione,
sine iudicio senatus Decemuiris addicentur. Atq; etiam
est alia superiore capite, quo omnia ueneunt, quæstio-
sa exceptio: quæ teget eos agros, de quibus fœdere cau-
tum est. audiuit hanc rem non à me, sed ab alijs agita-
ri sæpe in senatu, nonnunquam ex hoc loco, possidere a-
gros in ora maritima Regem Hiempsalem, quos P. Afri-
canus populo R. adiudicauit; & tamen postea per C.
Cottam Cos. cautum esse fœdere. hoc quia uos fœdus
non iusseritis, ueretur Hiempsal ut satis firmum sit &
ratum. Quid, cuiusmodi est illud? tollitur uestrum iu-
diciū, fœdus totum excipitur, comprobatur. quòd
minuit auktionem decemuiralem, laudo: quòd Regi a-
mico cauet, non reprehendo: quòd non gratis fit, indi-
co: uolitat enim ante oculos istorū Iubæ Regis filius a-
dolescens non minus bene nummatus, quàm bene capil-
latus. Vix iam uidetur locus esse, qui tantos acruos
pecuniæ capiat. auget, addit, accumulatur: aurum, ar-
gentum ex præda, ex manubijs, ex coronario, ad quos-
cunque peruenit, neque relatum est in publicum, neque
in monumento consumptum, id profiteri apud Decem-
uiros, & ad eos referre iubet. hoc capite etiam quæstio-
nem de clarissimis uiris, qui populi R. bella gesserunt,

iudiciūq; de pecunijs repetundis ad Decemuiros trās-
 latum uidetis. horum erit nullum iudiciū, quantæ cu-
 iusque manubiæ fuerint, quid relatum, quid residuū sit.
 in posterum uero lex hæc imperatoribus uestris consti-
 tuitur, ut, quicūq; de provincia decesserit, apud eosdem
 Decemuiros, quantum habeat prædæ, manubiarum, auri
 coronarij, profiteatur. hic tamen uir, optimus eum, quem
 amat, excipit, Cn. Pompeium. unde iste amor tam im-
 prouisus, ac tam repentinus? qui honore Decemuiratus
 excluditur propè nominatim; cuius iudiciū, legumq;
 datio, captorum agrorum ipsius uirtute cognitio tolli-
 tur; cuius non in prouinciā, sed in ipsa castra Decem-
 uiri cū imperio, infinita pecunia, maxima potestate, &
 iudicio rerum omnium mittuntur; cui ius imperatoriū,
 quod semper omnibus imperatoribus est conseruatum,
 soli eripitur: is excipitur unus, ne manubias referre de-
 beat. utrum tandem, hoc capite honos haberi homini, an
 inuidia quæri uidetur? remittit hoc Rullo Cn. Pompeius:
 beneficio isto legis, benignitate decemuirali nihil utitur.
 nam si est æquum, prædas, ac manubias suas imperato-
 res non in monimenta deorum immortalium, neque in
 urbis ornamenta conferre, sed ad Decemuiros, tanquam
 ad dominos, reportare: nihil sibi appetit præcipue Pōpe-
 ius, nihil; uult se in communi, atque in eodem, quo cæte-
 ri, iure uersari. sin est iniquum Quirites, si turpe, si into-
 lerandum, hos Decemuiros portitores omnibus omnium
 pecunijs consitui, qui non modo Reges, atque exterarū
 nationum homines, sed etiam imperatores nostros excu-
 tiant: non mihi uidentur honoris causa excipere Pōpe-
 ium, sed metuere, ne ille eandem contumeliam, quam

O R A T I O

ceteri,ferre non possit : Pompeius autem hoc animo sit,
ut,quidquid uobis placeat,sibi ferendū putet : quod uos
ferre non poteritis,id,profecto perficiat, ne diutius inui
ti ferre cogamini.uerūtamē cauet,ut si qua pecunia post
nos Cōsules ex nouis uectigalibus recipiatur, ea Decem=
uiri utantur.noua porrò uectigalia uidet ea fore , quæ
Pompeius adiunxerit.ita remissis manubijs,uectigalibus
eius uirtute partis,se frui putat oportere. parta sit pecu
nia Quirites Decemuiris tanta,quāta sit in terris : nihil
prætermisum,sed omnes urbes,agri,regna deniq; postre
mo etiam uectigalia uestra uenierint:acceserint in cu=
mulum manubiæ uestrorum imperatorum: quantæ &
quā immanes diuitiæ Decemuiris in tantis auetioniz=
bus,tot iudicijs,tam infinita potestate rerū omnium quæ
ratur,uidetis.Cognoscite nunc alios immensos,atque in=
tolerabiles quæstus,ut intelligatis ad certorū hominū im=
portunam auaritiam hoc populare legis agrariæ nomen
esse quæsitū.Hac pecunia iubet agros emi, quò deduca=
mini.Nō consueui homines appellare asperius Quirites,
nisi laceffitus.uelim fieri posset,ut à me sine contumelia
nominarentur ij,qui se Decemuiros sperāt futuros: iam
uideretis,quibus hominibus omnium rerum & uenden=
darum,& emendarū potestatem permetteretis.sed,quod
ego non dū statuo mihi esse dicendum, uos tamen id po=
testis cū animis uestris cogitare.unū hoc certe uideor mi=
hi uerissime posse dicere. tū cum haberet hæc Resp.Lu=
scinos,Calatinos,Acidinos,homines non solum honoribus
populi,rebusq; gestis, uerum etiam patiētia paupertatis
ornatos;& tū,cum erant Catones,Philippi, Lælij ; quo=
rum sapientiam,temperantiamq; in publicis,pruatisq;

forensibus, domesticisq; rebus perspexeratis: tamen huiusmodi res commissæ nemini est, ut idem iudicaret & uideret, & hoc faceret per quinquennium toto in orbe terrarum; idemq; agros uectigaleis populi R. abalienaret; & cum summam tantæ pecuniæ nullo teste sibi ipse ex sua uoluntate fecisset, tū deniq; emeret à quibus uellet, quod uideretur. committite uos nunc Quirites his hominibus hæc omnia, quos odorari hunc Decemuiratum suspicamini: reperietis, partem esse eorum, quibus ad habendum; partem, quibus ad consumendum nihil satis esse uideatur. Hic ego iam illud, quod expeditissimum sit, ne disputo quidem Quirites, non esse hæc uobis à maioribus relictam consuetudinē, ut emantur agri à priuatis, quod plebs publice deducatur; omnibus legibus agris publicis priuatos esse deductos; huiusmodi me aliquid ab hoc horrido ac truce Tribuno pl. expectasse: hanc uero emendi & uendendi quaestuosissimā ac turpissimā mercaturam, alienam actione tribunitia, alienā dignitate populi R. semper putauī. Libet agros emi. primū quæro, quos agros? & quibus in locis? nolo suspensam & incertā plebem R. obscura spe & cæca expectatione pendere. Albanus ager est, Setinus, Priuernas, Fundanus, Vestinus, Falerinus, Linternus, Cumanus, Casinas: audio. ab alia porta, Capenas, Faliscus, Sabinus ager, Reatinus, Venafranus, Alifanus, Trebulanus. habes tantam pecuniam, qua hosce omnes agros, & ceteros horū similes nō modo emere, uerum etiam coaceruare possis: cur eos nō definis, neque nominas? ut saltem deliberare plebs Romana possit, quid intersit sua, quid expediat, quātum tibi in emendis, et in uendendis rebus committendū putet. Definio, inquit,

O R A T I O

Italiam . satis certa regio : etenim quantulum interest,
 utrum in Massici radices, an in Italiam alio'ue deduca-
 mini? Age uero de finis locum. quidnā agri uero, inquit?
 qui arari, aut coli possit. qui possit arari, inquit, aut coli,
 nō qui aratus aut cultus sit. utrum hæc lex est, an tabu-
 la Veratianæ auētionis? in qua scriptum fuisse aiunt: iu-
 gera CC, in quibus oliuetum fieri potest : iura CCC,
 ubi institui uineæ possunt. hoc tu emes ista innumerabi-
 li pecunia , quod arari aut coli possit? quod solū tā exile
 & macrū est, quod aratro perstringi nō possit? aut quod
 est tam asperum saxetū, in quo agricolarū cultus nō ela-
 boreat? iccirco, inquit, agros nominare nō possum, quia tā
 gā nullū ab inuito. hoc quoque multo est quæstuosius, q̄
 si ab inuito sumeret : inietur enim ratio quæstus de ue-
 stra pecunia, & tum deniq; ager emetur, cum idē expe-
 dierit emptori et uēditori. Sed uidete uim legis agrariæ:
 ne ij quidē, qui agros publicos possident, decedēt de pos-
 sessione, nisi erāt deducti optima conditione, & pecunia
 maxima. conuersa ratio . antea, cum erat à Tribuno pl.
 mentio legis agrariæ facta, continuo, qui agros publicos,
 aut qui possessiones inuidiosas tenebant, pertimescebāt:
 hæc lex eos homines fortunis locupletat, inuidia liberat.
 q̄ multos enim Quirites existimatis esse , qui latitudinē
 possessionū tueri, qui inuidiā Syllanorum agrorum fer-
 re nō possint? qui uendere cupiāt, emptores nō reperiāt?
 perdere iam denique illos agros ratione aliqua uelint?
 qui paulo ante diem noctemq; tribunitium nomen hor-
 rebant, uestram uim metuebant, mentionem legis agra-
 riæ pertimescebant, ij nunc etiam ultro rogabuntur, at-
 que orabuntur, ut agros partim publicos, partim plenos

inuidiæ, plenos periculi, quãti ipsi uelint, Decemuiris tra-
dant. atq; hoc carmen hic Tribunus pl. non uobis, sed si-
bi intus canit. habet socerũ uirum optimum, qui tantũ
agri in illis Reip. tenebris occupauit, quantum concupi-
uit. huic subuenire uult succumbenti, iam oppresso, Syl-
lanis oneribus graui, sua lege, ut liceat illi inuidiã depo-
nere, pecuniam condere. & uos nõ dubitatis, quin uestrẽ
galia uestra uendatis plurimo maiorum uestrorum san-
guine, & sudore quæsita, ut Syllanos possessores diuitijs
augeatis: periculo liberetis? nam ad hanc emptionem de-
cemuiralet duo genera agrorum spectant Quirites. eo-
rum unum propter inuidiam domini fugiunt, alterum
propter uastitatem. Syllanus ager à certis hominibus la-
tissime continuatus tantam habet inuidiam, ut ueri ac
fortis Tribuni pl. stridorem unum perferre non possit:
hic ager omnis, quoquo pretio coemptus erit, tamẽ inge-
ti pecunia uobis inducetur. alterum genus agrorum pro-
pter sterilitatem incultum, propter pestilentiam uastũ,
atq; desertũ, emetur ab ijs, qui eos uident sibi esse, si nõ
uendiderint, relinquendos. & nimirũ istud est, quod ab
hoc Tribuno pl. dictũ est in senatu, urbanam plebem ni-
miũ in Rep. posse, exhauriẽdam esse: hoc enim uerbo est
usus, quasi de aliqua sentina, ac non de optimorũ ciuiũ
genere loqueretur. uos uero Quirites, si me audire uul-
tis, retinete istã possessionem gratiæ, libertatis, suffragio-
rũ, dignitatis, urbis, fori, ludorũ, festorũ dierũ, cæterorum
omniũ cõmodorũ. nisi forte mauultis, relictis his rebus,
atq; hac luce Reip. in Sipõtina siccitate, aut in Salpinorũ
pestilentie finibus Rullo duce collocari. At dicat, quos a-
gros empturus sit: ostẽdat, & quid, et qbus daturus sit. ut

vero, cum omnes urbes, agros, uectigalia, regna uendide-
 rit, tum arenam aliquam, aut paludes emat, id uos po-
 testis quaeso concedere? quanquam illud est egregium, quod hac
 lege ante omnia ueneunt, ante pecuniae coguntur, et co-
 ceruatur, quam gleba una ematur. deinde emi iubet, ab
 inuito uetat. quaero, si, qui uelint uendere, non fuerint: quid
 pecunia fiet? referre in aerarium lex uetat, exigi prohi-
 bet. igitur pecuniam omnem Decemuiui tenebunt, uobis
 ager non emetur: uectigalibus ab alienatis, socijs uexatis,
 Regibus atque omnibus gentibus exinanitis, illi pecunias
 habebunt, uos agros non habebitis. facile, inquit, adducetur
 pecuniae magnitudine, ut uelint uendere. ergo ea lex
 est, qua nostra uendamus, quanti possumus; aliena ema-
 mus, quanti possessores uelint. atque in hos agros, qui hac
 lege empti sint, colonias ab ijs Decemuiris deduci iubet.
 quid? omnis ne eiusmodi locus est, ut nihil intersit Reip.
 colonia deducatur in eum locum, nec ne: an est locus, qui co-
 loniam postulet? est plane rectius, et quo in genere sicut *
 in ceteris Reip. partibus, est operae pretium diligentiam ma-
 iorum recordari, qui colonias sic idoneis in locis contra su-
 spicionem periculi collocarunt, ut esse non oppida Italiae,
 sed propugnacula imperij uiderentur. hi deducunt colo-
 nias in eos agros, quos emerint: etiam ne, si Reip. non ex-
 pediat, et in quae loca praeterea uidebitur. quid igitur
 est causae, quin colonia in Ianiculum possint deducere, et
 suum praesidium in capite, atque ceruicibus uestris pos-
 sint collocare? tu non definias, quod colonias, in quae loca,
 quo numero colonorum deduci uelis? tu occupes locum,
 quem idoneum ad uim tuam iudicaris? compleas nume-
 ro? confirmes praesidio, quo uelis? populi R. uectigalibus,
 atque

atque omnibus copijs ipsum populum R. coercedis? oppri-
 mas? redigas in istam decemviralem ditionem ac pote-
 statē? ut uero totam Italiā suis praesidijs obsidere atque
 occupare cogitet, quæ Quirites cognoscite. permittit De-
 cemuiris ut in omnia municipia, in oēs colonias totius
 Italiae colonos deducant, quos uelint: ipsq; colonis agrū
 dari iubet. num obscure maiores opes, quā libertas ue-
 stra pati potest, & maiora praesidia quaeruntur? num
 obscure regnum constituitur? num obscure libertas ue-
 stra tollitur? nam cum iſdem omnem pecuniam, maxi-
 mam multitudinem, idest totam Italiam, suis opibus ob-
 sidebunt, iſdem uestram libertatem suis praesidijs & co-
 lonijs interclusam tenebunt: quæ spes tandē, quæ facul-
 tas recuperandæ uestræ libertatis relinquetur? At enim
 ager Cāpanus hac lege diuidetur orbis terræ pulcherri-
 mus: & Capuam colonia deducetur, urbem amplissi-
 mam atque ornatissimā. atquē quid ad hæc possumus
 dicere? de cōmodo uestro prius dicam Quirites: deinde
 ad amplitudinē, & dignitatē reuertar: ut, si quis agri
 aut oppidi bonitate delectetur, ne quid expectet; si quē
 rei dignitas commouet, ut huic simulatæ largitioni resi-
 stat. ac primum de oppido dicam, si quis est forte, quem
 Capua magis, q̄ Roma delectat. Quinque millia colono-
 rum Capuam scribi iubet. ad hūc numerum quingentos
 sibi singuli sument. quæso nolite uosmet ipsos consola-
 ri: uere & diligenter considerate. num uobis, aut uestri
 similibus, integris, quietis, otiosis hominibus, in hoc nume-
 ro locum fore putatis? si est omnibus uobis, aut maiori
 uestrum parti: quanquam me uester honos uigilare
 dies, atque noctes, & intentis oculis omnes Reip. partes

Cic. Orat.

ll

intueri iubet; tamen paulisper, si ita cōmodum uestrū feret, cōniuebo. sed si quinque hominū millibus ad uim, facinus, cædemq; delectis locus atque urbs, quæ bellū facere atque instruere possit, quæritur: tamen ne patiēmini uestro nomine contra uos firmari opes, armari præsidia, urbes, agros, copias cōparari? nam agrum quidem Campanū, quē uobis ostentant, ipsi concupiuerūt: deducunt suos, quorū nomine ipsi teneant & fruantur: coement præterea: ista dena iugera continuabūt: nā si dicent per legem id non licere: ne per Corneliū quidem licet; at uidemus (ut longinqua mittamus) agrū Prænestinū à paucis possideri: neque istorū pecunijs quidquam aliud deesse uideo, nisi eiusmodi fundos, quorū subsidio familiarū magnitudine, & Cumanorum, ac Puteolanorum prædiorum sumptum sustinere possint. q̄ si uestrū commodum spectat, ueniat, & coram mecum de agri Cāpani diuisione disputet. quæsiui ex eo Calendis Ian. quibus hominibus, & quemadmodū illum agrū esset distributurus. respondit, à Romilia tribu se initiū esse facturū. primum quæ est ista superbia, & contumelia, ut populi pars amputetur, ordo tribuum negligatur? ante rusticis detur ager, qui habent, q̄ urbanis, quibus ista agri spes & incunditas ostenditur? aut si hoc ab se dictum negat, & satisfacere omnibus uobis cogitat: proferrat, in iugera dena describat, ab Otriculana usque ad Narniensem nomina uestra proponat. si non modo dena iugera dari uobis, sed ne constipari quidem tantum numerum hominum posse in agrum Campanum intellegitis: tamen ne uexari Remp. contemni maiestatem populi R. deludi uosmet ipsos diutius à Tribuno pl patie

mini? & si posset ager iste ad uos peruenire, nonne eum
tamen in patrimonio uestro remanere malletis? unum
ne fundū pulcherrimū populi R. caput uestre pecunie,
pacis ornamentum, subsidiū belli, fundamētum uectiga-
lium, horreū legionū, solatiū annonæ, disperire patiemini?
an obliti estis, Italico bello, amissis cæteris uectigali-
bus, quantos agri Cāpani fructibus exercitus alueritis?
an ignoratis, cætera illa magnifica populi R. uectigalia
perleui sæpe momento fortunæ, inclinatione temporis
pēdere? quid nos Asiæ portus, quid Syriæ rura, quid om-
nia trās marina uectigalia inuabunt, tenuissima suspi-
cione prædonū, aut hostiū iniecta? at uero hoc agri Cam-
pani uectigal cum eiusmodi est, ut domi sit, et omnibus
præsidij oppidorū tegatur: tum neque bellis infestum,
nec fructibus uariū, nec cælo ac loco calamitosum esse
solet. maiores nostri nō solū id, quod à Campanis cepant,
non imminuerunt, uerum etiam, quod & tenebant, qui-
bus adimi iure non poterat, coemerūt. qua de causa nec
duo Gracchi, qui de plebis R. cōmodis plurimum cogita-
uerunt; nec L. Sylla, qui omnia sine ulla religione, qui-
bus uoluit, est dilargitus, agrum Campanum attingere
ausus est. Rullus extitit, qui ex ea possessione Remp. dī-
moueret, ex qua nec Gracchorum benignitas eam, nec
Syllæ dominatio deiecisset. quē agrum nunc prætereū-
tes uestrū esse dicitis; & quem pariter, qui iter faciūt,
externi homines uestrum esse audiunt: is, cum erit di-
uisus, neque erit, neque uester esse dicetur. at qui homi-
nes possidebunt? primo quidem acres, ad uim prom-
pti, ad seditionem parati, qui, simulac Decemuii con-
crepuerint, armati in ciues, & expediti ad cædem

ORATIO
esse possint. deinde ad paucos opibus, & copijs affluen-
teis totū agrum Campanum perferri uidebitis. uobis in-
terea, qui illas à maioribus pulcherrimas uectigalium se-
des armis captas acceperitis, gleba nulla de paternis, atque
auitis possessionibus relinquetur: ac tantū intererit in-
ter uestram, & priuatorum diligentiam, q̄ cum à maio-
ribus uestris P. Lentulus, princeps senatus, in ea loca mis-
sus esset, ut & priuatos agros, qui in publicum Campa-
num incurrebant, pecunia publica coemeret, dicitur re-
nunciasse, nulla se pecunia fundum cuiusdam emere po-
tuisse; eumq̄, qui nollet uendere, ideo negasse se adduci
posse uti uenderet, q̄, cum plures fundos haberet, ex illo
solo fundo nunquā malū nunciū audisset. ita ne uero?
priuatū hęc causa cōmouit: populū R. ne agrum Cam-
panū priuatis gratis Rullo rogāte tradat, non cōmoue-
bit? at quidē populus R. de hoc uectigali potest dicere,
quod ille de suo fundo dixisse dicitur. Asia multos an-
nos uobis fruētū Mithridatico bello non tulit: Hispania
rum uectigal temporibus Sertorianis nullū fuit: Sici-
liæ ciuitatibus bello fugitiuorū M. Attilius etiā mutuū
frumentū dedit: at ex hoc uectigali nunquā malus nū-
cius auditus est. cætera uectigalia belli facultatibus affli-
guntur: hoc uectigali etiam belli facultates sustentan-
tur. deinde in hac assignatione agrorum ne illud quidē
dici potest, quod in cæteris, agros desertos à plebe, atq; à
cultura hominū liberorum esse non oportere. sic enim
dico; si Campanus ager diuidatur, exturbari et expel-
li plebē ex agris, non constitui, & collocari: totus enim
ager Campanus colitur, & possidetur à plebe optima,
& modestissima: quod genus hominum optime mora

tum, optimorum & aratorum, & militum, ab hoc ple-
 bicola Tribuno funditus eiicitur. atq; illi miseri nati in
 illis agris, & educati, glebis subigendis exercitati, quò se
 subito conferant, nò habebūt : his robustis, & ualenti-
 bus, & audacibus Decemuirū satellitibus agri Campani
 possessio tota tradetur. et ut uos nūc de uestris maiori-
 bus prædicatis, hūc agrum nobis maiores nostri relique-
 runt : sic uestri posterī de uobis prædicabūt, hūc agrum
 patres nostri acceptum à patribus suis perdiderūt. equi-
 dem existimo, si iam cāpus Martius diuidatur, & uni-
 cuique uestrum, ubi cōsistat, bini pedes assignentur : ta-
 mē promiscue toto, quā proprie parua frui parte mal-
 letis. quare etiam si ad uos esset singulos aliquod ex hoc
 agro peruenturū, qui uobis ostenditur, alijs cōparatur :
 tamē honestius eum uos uniuersi, q̄ singuli possideretis.
 nunc uero cum ad uos nihil pertineat, sed paretur alijs.
 eripiat uobis: non ne acerrime, tanquā armato hosti,
 sic huic legi pro uestris agris resistetis? adiūgit Stellatē
 campum agro Campano, & in eo duodena describit
 in singulos homines iugera. quasi uero paulum differat
 ager Cāpanus, ac Stellatis. et multitudo Quirites quæri-
 tur, qua illa omnia oppida cōpleantur. nā dixi antea, le-
 ge p̄mitti, ut, quæ uelint municipia, quas uelint ueteres
 colonias, colonis suis occupēt. Calenum municipiū com-
 plebunt : Theanum oppriment : Atellam, Cumas, Nea-
 polin, Pompeius, Nuceriam suis præsijs deuincient :
 Puteolos uero, qui nunc in sua potestate sunt, suo iure
 libertateq; utuntur, totos nouo populo, atque aduenti-
 tijs copijs occupabunt. tunc illud exilium Campanæ co-
 loniæ, uehementer huic imperio timendū, Capua à De-

O R A T I O

cemuiris inferetur : tūc contra hanc Romam, cōmunem patriam omnium nostrum, illa altera Roma quæretur, in id oppidū homines nefarij Remp. nostram transferre conantur, quo in oppido maiores uestri nullam Remp. esse uoluerunt : qui tres solum urbes in terris omnibus, Carthaginem, Corinthum, Capuam, statuerūt posse imperij grauitatē ac nomē sustinere. deleta Carthago est, q̄ cum hominū copijs, tum ipsa natura, ac loco, succincta portibus, armata muris, excurrere ex Africa, imminere ita fructuosissimis insulis populi R. uidebatur. Corinthi uestigium uix relictum est : erat enim posita in angustijs, atque ita faucibus Græciæ, sic, ut terra claustra locorum teneret, & duo maria maxime nauigationi diuersa penè coniungeret, cum pertenui discrimine separarentur. hæc, quæ procul erant à cōspectu imperij, non solum affligerunt, sed etiam, ne quando recreata exurgere, atque erigere se possent, funditus, ut dixi, sustulerūt. de Capua multū est et diu cōsultū. extāt literæ Quirites publicæ : sunt S. C. cōplura. statuerūt homines sapientes, si agrum Campanis ademissent, magistratus, senatum, publicū ex illa urbe consilium sustulissent, imaginem Reip. nullam reliquissent, nihil fore q̄ Capuam timeremus. itaque hoc perscriptū in monumentis ueteribus reperietis. ut esset urbs, quæ res eas, quibus ager Cāpanus coleretur, suppeditare posset; ut esset locus cōparandis, condendisq; fructibus; ut aratores cultu agrorum defessi, urbis domicilijs uterentur; iccirco illa ædificia non esse deleta. uidete, quantum interuallum sit interiectum inter maiorum nostrorum consilia, & inter istorum hominum dementiam. illi Capuam receptacu-

lum aratorum, nundinas rusticorum, cellam atque hor-
 reum Campani agri esse uoluerunt: hi expulsis aratori-
 bus, effusis ac dissipatis fructibus uestris, eandem Capuā
 sedem nouæ Reip. constituunt, molem contra ueterem
 Remp. cōparant. q̄ si maiores nostri existimassent, quen-
 quam in tam illustri imperio, et tam præclara populi R.
 disciplina Bruti aut P. Rulli similem futurū, (hos enim
 nos duos adhuc uidemus, qui hanc Remp. Capuam to-
 tam transferre uellent) profecto nomen illius urbis non
 reliquissent: uerum arbitrabantur, Corintho, & Car-
 thagini, etiam si senatum, & magistratum sustulissent,
 agrumq; ciuibus ademissent, tamen non defore, qui illa
 restituerēt, atque qui ante omnia cōmutarent, q̄ nos au-
 dire possemus; hic uero in oculis senatus, populiq; R. ni-
 hil posse existere, quod nō ante extinguī, atque opprimi
 posset, q̄ plane exortum ac natū esset. neq; uero ea res fe-
 fellit homines diuina mente, & consilio præditos: nam
 post Q. Fuluium, Q. Fabium Coss. quibus Consulibus
 Capua deuicta, atque capta est, nihil est in ea urbe con-
 tra hanc Remp. nō dico factū, sed omnino excogitatum.
 multa postea bella gesta cum Regibus, Philippo, An-
 tiocho, Persa, Pseudophilippo, Aristonico, Mithrida-
 te, & cæteris: multa præterea bella graua, Cartha-
 ginensium, Corinthium, Numantinum: multæ in hac
 Rep. seditiones domesticæ, quas prætermitto: bella cum
 socijs, Fregellanum, Marsicum: quibus omnibus do-
 mesticis externisq; bellis Capua non modo non obfuit,
 sed opportunissimam se nobis præbuit & ad bellum
 instruendum, & ad exercitus ornandos, & rectis, ac
 sedibus suis recipiendos. homines non inerant in urbe,

qui malis concionibus, turbulentis S.C. iniquis imperijs
 Remp. miscerent, & rerum nouarum causam aliquam
 quærerēt: neque enim cōcionandi potestas erat cuiquā,
 nec consilij capiundi publici: nō gloriæ cupiditate effe-
 rebantur, propterea q̄, ubi honos publice non est, sibi glo-
 riæ cupiditas esse non potest: non contentione, non am-
 bitione discordes: nihil. n. supererat, de quo certarent;
 nihil, quod cōtra peterēt; nihil, ubi dissiderēt. itaque il-
 lam Campanam arrogantiam, atque intolerandā fero-
 ciam ratione, & consilio maiores nostri ad inertissimū,
 & desidiosissimū otium perduxerunt. sic & crudelita-
 tis infamiam effugerunt, q̄ urbem ex Italia pulcherri-
 mam non sustulerunt: & multum in posterum proui-
 derunt, q̄ neruis urbis omnibus exēctis, urbem ipsam so-
 lutam, ac debilitatam reliquerūt. hæc cōsilia maiorum
 M. Bruto, ut antea dixi, reprehendenda, et P. Rullo uisa
 sunt: neq; te P. Rulle omina illa M. Bruti, atque auspicia
 à simili furore deterrent: nam & ipse deduxit, & qui
 magistratū Capuæ, et Leocreanti ceperunt, et qui aliquā *
 partem illius deductionis, honoris, muneris attigerunt,
 omnes acerbissimas impiorum pœnas pertulerunt.

Et quoniam Bruti, atque illius temporis feci mentio-
 nē, cōmemorabo id, quod egomet uidi, cū uenissem Ca-
 puam, coloniam deductam L. Confidio, & Sex. Saltio,
 quemadmodum ipsi loquebantur, Prætoribus: ut intelli-
 gatis, quantam locus ipse asserat superbiam: quæ paucis
 diebus, quibus illò colonia deducta fuit, perspicui atq; in-
 telligi potuit. nam primum, id quod dixi, cum cæteris
 in colonijs Duumuii appellentur, hi se Prætores appella-
 ri uolebant. quibus primus annus hanc cupiditatem

attulisset, non ne arbitramini paucis annis fuisse Consu-
 lum nomen appetituros? deinde anteibant liētores, non
 cum bacillis, sed, ut hic Prætoribus antecū, cum fascibus
 duobus. erant hostiæ maiores in foro constitutæ, quæ ab
 his Prætoribus de tribunali, sicut à nobis Consulibus de
 consilij sententia probatis, ad præconem, et ad tibicinem
 immolabantur. deinde patres conscripti uocabātur. iam
 uero uultum Considij uidere, ferendum uix erat. quem
 hominem ut grandi macie torridum, Romæ contemptū, *
 abiectū uidebamus, hunc Capuæ Campano supercilio,
 ac regio spiritu cū uideremus, Magios, Blossios mihi ui-
 debar illos uidere, ac Iubellios. iā uero qui metus erat tu-
 nicatorum illorū? & in Albana, & Seplasia quæ con-
 cursatio percontantiū, quid Prætor edixisset? ubi cœna-
 ret? quid enunciaisset? nos aut, hinc Roma qui uenera-
 mus, iam nō hospites, sed peregrini, atque aduenæ nomī-
 nabamur. hæc q̄ prospexerint, maiores nostros dico Qui-
 rites, non eos in deorum immortalium numero ueneran-
 dos à nobis, & colendos putatis? quid enim uiderunt?
 hoc, quod nūc uos quæso perspicite, atque cognoscite. nō
 ingenerantur hominibus mores tam à stirpe generis, ac
 seminis, quàm ex ijs rebus, quæ ab ipsa natura loci, & à
 uitæ consuetudine suppeditantur, quibus alimur, & ui-
 uimus. Carthaginēses fraudulentī, & mendaces, non ge-
 nere, sed natura loci, q̄ propter portus suos multis &
 uarijs mercatorum & aduenarum sermonibus ad stu-
 diū fallendi studio quæstus uocabātur. Ligures monta-
 ni, duri, atq; agrestes: docuit ager ipse, nihil ferēdo, nisi
 multa cultura, et magno labore quæsitū. Cāpani semper
 superbi bonitate agrorū, et fructuū, magnitudine urbis

salubritate, descriptione, pulchritudine. ex hac copia, atque
 que omnium rerum affluentia primum illa nata sunt; arrogantia,
 qua à maioribus nostris alterum Capua Consule postulauit;
 deinde ea luxuries, quæ ipsum Annibalem armis etiam tum inuictum uoluptate uicit. huc isti Decem-
 uiri cum numerum colonorum ex lege Rulli deduxerint, centum
 Decuriones, decem Augures, sex Pontifices constituerint: quos
 illorum animos, quos impetus, quam ferociam fore putatis? Romam
 in montibus positam, et conuallibus coenaculis sublatam atque
 suspensam, non optimis uis, angustissimis semitis, præ sua
 Capua planissimo in loco explicata, ac præ illis semitis irridebunt,
 atque contentent. agros uero, Vaticanum, et Pupiniam, cum suis
 optimis, atque uberibus campis conferendos scilicet putabunt.
 oppidorum autem finitimorum illam copiam cum hac per risum,
 ac per iocum contendunt: Labicos, Fidenas, Collatiam, ipsum
 hercle Lanuuium, Ariciam, Tusculum, cum Calibus, Theano,
 Neapoli, Puteolis, Cumis, Põpeijs, Nuceria comparabunt.
 quibus illi rebus elati, et inflati, fortasse non continuo,
 sed certe si paulum assumpserint uetustatis, ac roboris,
 non continebuntur, progredientur longius, efferentur.
 singularis homo priuatus, nisi magna sapientia præditus,
 uix facile sese regionibus officij, magnis in fortunis, et
 copijs continet: nedum isti ab Rullo, et Rulli similibus
 conquisiti, atque electi coloni, Capuæ, in domicilio
 superbiæ, atque in sedibus luxuriæ collocati, non statim
 conquisituri sint aliquid sceleris, et flagitij: immo uero
 etiam hoc magis, quam illi ueteres, germanique Campani,
 qui in uetere fortuna illos natos et educatos nimie tamen
 rerum omnium copie deprauabant; hi ex sum-

ma egestate in eandē rerum abundantiam traducti, nō
solum copia, uerum etiam insolentia cōmouebūtur. hēc
tu P. Rulle M. Bruti sceleris uestigia, q̄ monimenta ma-
iorū sapientiæ sequi maluisti: hęc tu cū istis tuis aētoriz-
bus excogitasti, ut uetera uetigalia uēderetis, & exple-
retis noua. Vrbi Capuā ad certamē dignitatis opponere
uis; ut sub uestrū ius, iurisdictionē, potestātē, urbes, natio-
nes, prouincias, liberos populos, Reges, terrarū deniq; or-
bē subiūgeretis; ut, cū oēm pecuniā ex aerario exhausisse-
tis, ex uetigalibus redegetis, ab omnibus Regibus, gētī-
bus, imperatoribus nostris coegissetis, tamē omnes uobis
pecunias ad nutū uestrum penderent; ut ijdem partim
inuidiosos agros à Syllanis possessoribus, partim desertos
ac pestilētes à uestris necessarijs, à uobismet ipsis emptos,
quāti uelletis populo R. induceretis; ut omnia municipi-
pia, coloniasq; Italiae nouis colonis occuparetis; ut, quibus
cūque in locis uobis uideretur, ac q̄ multis uideretur, co-
lonias collocaretis; ut oēm Remp. uestris militibus, ue-
stris urbibus, uestris præsidijs cingeretis, atque oppressam
teneretis; ut ipsum Cn. Pompeiū, cuius præsidio sepiissi-
me populus R. contra acerrimos hostes, & cōtra impro-
bissimos ciues uictor extitit, proscribere, atq; horū cōspe-
ctu priuare possetis; ut nihil auro & argēto uiolari, ni-
hil numero, & suffragijs declarari, nihil elata manu p
fringi posset, quod nō uos oppressum, atque ereptum te-
neretis; ut uolitaretis interea p gentes, p regna omnia
cū imperio summo, cum iudicio infinito, cum omni pe-
cunia; ut ueniretis in castra Cn. Pōpeij, atq; ipsa castra,
si cōmodū uobis esset, uēderetis; ut interea magistratus
reliquos legibus omnibus soluti, sine metu iudiciorū, sine

periculo petere possetis; ut nemo ad populum R. uos ad-
ducere, nemo producere, non senatus cogere, non Consul
coercere, nō Tribunus pl. retinere possit. hac ego uos cō-
cupiisse pro uestra stultitia, atque intēperantia, non mi-
ror; sperasse me Consule assequi posse, demiror. nam cū
omnium Consulū grauis in Rep. custodienda cura, ac
diligentia debet esse, tum eorū maxime, qui non in cu-
nabulis, sed in cāpo sunt Consules facti. nulli populo R.
pro me maiores mei sponponderunt: mihi creditū est: à
me petere, quod debeo, me ipsum appellare debetis. quē-
admodū, cum petebam, nulli me uobis auctores generis
mei cōmendarunt: sic, si quid deliquero, nullæ sunt ima-
gines, quæ à me uobis deprecentur. quare, modo ut uita
suppetat; quanq̃ ego sum is, qui eam possim ab istorum
scelere, insidijsq; defendere: polliceor hoc uobis Quiri-
tes bona fide, Remp. uigilanti homini, non timido; dili-
genti, nō ignauo cōmisistis. ego is Consul, qui concionē
metuam? qui Tribunos pl. perhorrescam? qui sæpe &
sine causa tumultuer? qui timeam, ne mihi in carcere
habitandū sit, si Tribunus pl. duci iussisset? ego non dū
uestris armis armatus, insignibusq; amplissimis ornatus,
imperio, auctoritate, non horruī in hunc locum progre-
di posse, uobisq; auctoribus improbitati hominis resiste-
re: nūc uerear, ne Resp. tantis munita præsidijs ab istis
uinci, aut oprimi possit? si antea timuissē, hac cōcione,
hoc populo certe nō uererer: quis. n. unq̃ tam secūda con-
cione legē agrariā suāsit, q̃ ego dissuasi? si hoc dissuade-
re est, ac nō disturbare, ac puertere. ex quo intelligi Qui-
rites potest, nihil esse tā populare, q̃ id, quod ego uobis in
hūc annū Consul popularis affero, pacē, tranquillitatem,

otium . quæ nobis designatis timebatis ; ea ne accidere possent, consilio meo, ac ratione prouisa sunt. non modo uos eritis in otio, qui semper esse uolueratis, uerum etiã istos, quibus otiosi negotium fecissemus, otiosissimos reddam. etenim illis honores, potestates, diuitiæ ex tumultu, atque ex dissensionibus ciuium comparari solent : uos, quorum gratia in suffragijs consistit, libertas in legibus, honos in iudijs & æquitate magistratus, res familiaris in pace, omni ratione otium tenere debetis. nam etsi ij, qui propter desidiam in otio uiuunt, tamen in sua turpi inertia capiunt uoluptatem : sub ipso otio, quo uos fortunam regitis, hunc statum, quem habetis, esse meliorem non ignoratis, non ut quæsitum, sed uita partum otium

* tenueritis. quod ego & concordia, quam mihi constitui cum collega, inuitissimis ijs hominibus, quos in Consulat

* tu inimicos esse & animis, & corporis actibus prouidi: omnibus prospexi sanè, & reuocaui : idem Tribunis pl. denunciaui, quid turbulenti me Consule conflaret. sum

* mum & firmissimum est illud communibus fortunis præsidium Quirites, ut, quales uos hodierna die maxima concione mihi pro salute uestra præbuisitis, tales reliquis temporibus populo R. præbeat. pro certo polliceor hoc uobis, atque confirmo, me esse perfecturum, ut iam tandem illi, qui honori inuiderunt meo, tamen uos uniuersos in Consule deligendo plurimum uidisse fateantur.

DE LEGE AGRARIA CONTRA RVL
LVM TRIB. PL.
AD POPVLVM.
ORATIO XVII.

Ommodius fecissent Tribuni pl. Quiri-
tes, si, quæ apud uos de me deferunt, ea
coram potius me præfente dixissent: nam
et æquitatem uestræ disceptationis, et
consuetudinem superiorum, et ius suæ
potestatis retinuissent. sed quoniam adhuc præfens certa
me, contentionemque fugerunt, nunc, si uidetur eis, in mea
cōcione prodeant, et, quod prouocati à me uenire nolue-
runt, reuocati saltem reuertantur. Video quosdam Qui-
rites strepitu significare nescio quid, et non eosdē uul-
tus, quos proxima mea cōcione præbuerunt, in hanc cō-
cione mihi retulisse. quare à uobis, qui nihil de me cre-
didistis, ut eam uoluntatem, quam semper habuistis erga
me, retineatis, peto: à uobis aut, quos leuiter immutatos
esse sentio, paruam exigui temporis usuram bonæ de
me opinionis postulo, ut eam, si, quæ dixero, uobis proba-
bo, perpetuo retineatis; sin aliter, hoc ipso in loco deposi-
tā, atque abiectam relinquatis. Completi sunt animi,
auresque uestre Quirites, me gratificantem septem ty-
rannis, ceterisque Syllanarum assignationum possessori-
bus, agrariæ legi, et cōmodis uestris obsistere. hæc si qui
crediderunt, illud prius crediderint necesse est, hac lege
agraria, quæ promulgata sit, adimi Syllanos agros, uo-
bisque diuidi, aut denique minui priuatorum possessiones, ut
in eas uos deducamini. si ostēdo, non modo non adimi cui-

quam glebam de Syllanis agris, sed etiam genus id agrorum certo capite legis impudentissime confirmari atque sanciri; si doceo, agris ijs, qui à Sylla sunt dati, sic diligenter Rullum sua lege cōsulere, ut facile appareat eam legem non à uestrorum cōmodorum patrono, sed à Valgij genero esse conscriptam: num quid est causæ Quirites, quin illa criminatione, qua in me absentem usus est, non solum meam, sed etiam uestram diligentiam prudentiamq; despexerit? Caput est legis X L. de quo ego consulto Quirites neq; apud uos ante feci mentionē, ne aut reficere obductam iam Reip. cicatricem uiderer, aut aliquid alienissimo tempore nouæ dissensionis cōmouere; neque uero nunc ideo disputabo, q̄ hunc statum Reip. non magnopere defendendum putem, præsertim qui otij, et concordie patronum me in hunc annū Reip. professus sim; sed ut doceam, Rullum posthac in ijs saltem tacere rebus, in quibus de se, et de suis factis taceri uelit. Omnium legum iniquissimam, dissimillimamq; legis esse arbitror eam, quam L. Flaccus Interrex de Sylla tulit, ut omnia, quæcūque ille fecisset, essent rata: nā cū cæteris in ciuitatibus, tyrannis institutis, leges omnes extinguantur, atque tollantur, hic Reip. tyrannū lege cōstituit. est inuidiosa lex, sicut dixi: uerūtamen habet excusationē: non enim uidetur hominis lex esse, sed tēporis. quid, si est hæc multo impudētior? nā Valeria lege Cornelijq; legibus eripitur, cum datur: coniūgitur impudens gratificatio cū acerba iniuria: sed tamen habet in illis legibus spē nōnullā ille, cui adēptus est; aliquē scrupulū, cui datus est: Rulli cautio est hæc: QV AE POST C. MARIVM, CN. PAPIRIVM COSS.

q̄ procul à suspitione fugit, q̄ eos Consules, qui aduersarij Syllæ maxime fuerunt, potissimum nominauit. si. n. Syllam Dictatorem nominasset, perspicuum fore et inuidiosum arbitratus est. sed quem uestrum tam tardo ingenio fore putauit, cui post eos Consules Syllam Dictatorem fuisse in mentem uenire non posset? quid ergo ait Marianus Tribunus pl. qui nos Syllanos in inuidiâ rapit? QV AE POST MARIUM ET CARBONEM COSS. agros, ædificia, lacus, stagna, loca, possessiones: coelū, & mare prætermisit, cætera complexus est, PVBLICE DATA, ASSIGNATA, VENDITA, CONCESSA SVNT. à quo Rulle? post Marium & Carbonem Coss. quis assignauit? quis dedit? quis concessit, præter Syllam? EA OMNIA EO IURE SINT. quo iure? labefactat uidelicet nescio quid. nimium acer, nimium uehemens Tribunus pl. Syllana rescindit. VT QV AE OPTIMO IURE PRIVATA SINT. etiam' ne meliore, q̄ paterna & auita? meliore. at hoc Valeria lex non dicit? Corneliæ leges non sanciant, Sylla ipse nō postulat. si isti agri partem aliquā iuris, aliquā similitudinē propriæ possessionis, aliquā spem diuturnitatis attingunt: nemo est tã impudens istorum, quin agi secum præclare arbitretur. tu uero Rulle quid quæris? quod habet, ut habeant? quis uetat? ut priuatum, sed ita latum est, ut melior tui soceri fundus Irpinus sit, siue ager Irpinus, (totū enim possidet) quàm meus paternus auitusq; fundus Arpinas: id enim caues: optimo enim iure ea sunt profecto prædia, quæ optima cōditione sunt: libera meliore iure sunt, quàm serua. capite hoc omnia, quæ seruiebant,

uiebant, nō seruiant: soluta meliore in causa sunt, quā
 obligata. eodem capite obligata omnia, si modo Syllana
 sunt, liberantur: immunia cōmodiore conditione sunt, q̄
 illa, quæ pensitant. ego Tusculanis pro aqua Crabra ue-
 stigal pendam, quia à municipio fundū accepi: si à Syl-
 la mihi datus esset, Rulli lege nō pēderē. Video uos Qui-
 rites, sicuti res ipsa cogat, cōmoueri uel legis, uel oratiōis
 impudentia: legis, quæ ius melius Syllanis prædijs consti-
 tuat, quā paternis: orationis, quæ eiusmodi causa insi-
 mulare quenquā audeat, rationes Syllæ nimium uehemē-
 ter defendere. at si illa solum sanciret, quæ à Sylla essent
 data, tacerem, modo ipse se Syllanum esse confiteretur:
 sed nō modo illis cauet, uerū etiam aliud quoddā genus
 donationis inducit; & is, qui à me Syllanas possessiones
 defendi criminatur, non eas solum sancit, uerum ipse no-
 uas assignationes instituit, & repētinus Sylla nobis exo-
 ritur: nam attendite, quātas concessiones agrorū hic no-
 ster obiurgator uno uerbo facere conetur. QVAE DA-
 TA, DONATA, CONCESSA, VENDI-
 TA. patior: audio: quid deinde? POSSESSA. hoc
 Tribunus pl. promulgare ausus est, ut, quod quisque post
 Marium & Carbonem Coss. possidet, id eo iure teneret,
 quo optimo priuatum? etiam ne si ui eiecit? etiam ne si
 clām, si precario uenit in possessionem? ergo hac lege ius
 ciuile, causæ possessionū, Prætorum interdicta tollentur.
 non mediocris res, neq; paruum sub hoc uerbo furtū Qui-
 rites lateret: sunt enim multi agri lege Cornelia publicati,
 nec cuiquam assignati, neq; uenditi, qui à paucis homi-
 nibus impudentissime possidentur: his cauet, hos defen-
 dit, hos priuatos facit: hos inquam agros, quos Sylla ne-

Cic. O rat.

m m

O R A T I O

mini dedit, Nullus non uobis assignare uult, sed eis con-
donare, qui possident. causam quæro, cur ea, quæ maio-
res uobis in Italia, Sicilia, duabus Hispanijs, Macedonia,
Asia quæsiuerunt, uenire patiamini, cum ea, quæ uestra
sunt, condonari possessoribus eadem lege uideatis. iam
totam legem intelligetis, cum ad paucorum dominatio-
nem scripta sit, ad Syllanæ assignationis rationes esse ac
commodatissimam. nam socer huius uir multum bonus
est: neque ego nunc de illius bonitate, sed de genere im-
pudetiæ disputo. ille enim, quod habet, retinere uult, ne-
que se Syllanū esse dissimulat: hic, ut ipse habeat, quod
non habet, quæ dubia sunt, per uos sancire uult. Et cum
plus appetat quā ipse Sylla, quibus ego rebus resisto, Syl-
lanas res defendere criminor. habet agros nō nullos, in-
quit, socer meus desertos atque longinquos: uendet eos
mea lege, quāti uolet. habet incertos ac nullo iure posses-
sos: confirmabūtur optimo iure. habet publicos: reddam
priuatos. denique eos fundos, quos in agro Casinati opti-
mos, fructuosissimos continuauit, cum usque eō uicinos
proscriberet, quoad oculos cōtinuando, ex multis prædijs
unā fundi regionē formamq; perfecerit, quos nunc cum
aliquo metu tenet, sine ulla cura possidebit. Et quoniā,
qua de causa, Et quorum causa ille hoc promulgauit,
ostendi: doceat ipse, num ego quem possessorem defen-
dam, cum agrariæ legi resisto. siluam Scantiam uen-
dis: Resp. possidet: defendo. Campanum agrum diui-
dis: uos estis in possessione: non cedo. deinde Italiæ, Sici-
liæ, cæterarumq; prouinciarum possessiones uenaleis ac
proscriptas hac lege uideo: uestra sunt prædia, uestræ pos-
sessiones: resistam, atque repugnabo, neq; patiar à quo-

quam populum R. de suis possessionibus me Consule di-
moueri, præsertim cum uobis nihil quærat: hoc enim
uos in errore uersari diutius non oportet. num qui ue-
strum ad uim, ad facinus, ad cædem accommodatus est?
nemo. atqui ei generi hominum, mihi credite, Campanus
ager, & præclara illa Capua seruator: exercitus con-
tra uos, contra libertatem uestrâ, contra Cn. Pompeium
constituitur: contra hanc urbem Capuam, contra uos
manus hominum audacissimorum, contra Cn. Pompe-
ium decem duces comparantur. ueniant coram, & quo-
niam me in uestram concionem uobis flagitantibus con-
uocauerunt, differant.

PRO C. RABIRIO PERDVELLIO =
NIS REO, AD QVIRITES.
ORATIO XVIII.

T SI Quirites nō est meæ cōsuetudi-
nis, initio dicendi rationē reddere, qua
de causa quenque defendam, propterea
quòd cum omnibus ciuibus in eorum
periculis semper satis iustam mihi cau-
sam necessitudinis esse duxi: tamen in hac defensione ca-
pitis, famæ, fortunarum omnium C. Rabirij, proponen-
da ratio uidetur esse officij mei, propterea quòd quæ iu-
stissima mihi causa ad hunc defendendum esse uisa est,
eadem uobis ad absoluendū debet uideri. Nam me cum
amicitiæ uetustas, tū dignitas hominis, tum ratio huma-
nitatis, tum meæ uitæ perpetua consuetudo ad C. Rabi-
rium defendendum est adhortata: tum uero, ut id stu-
diosissime facerē, salus Reip. consulare officium, Consu-
latus denique ipse mihi unā uobiscum cum salute Reip.
commendatus coegit: non enim C. Rabirium culpa de-
lictī, non inuidia, uitæq; turpitudine, nō denique ueteres,
iustæ, grauesq; inimicitie ciuium in discrimen capitis
uocauerunt: sed, ut illud summum auxilium maiesta-
tis atque imperij, quod nobis à maioribus est traditum,
de Rep. tolleretur, ut nihil posthac auctoritas senatus,
nihil consulare imperium, nihil cōsensio bonorum con-
tra pestē, ac perniciem ciuitatis ualeret, iccirco in his re-
bus euertendis unius hominis senectus, infirmitas, so-
litudeq; tentata est. quamobrem si est boni Consulis,
cum cuncta auxilia Reip. labefactari conuelliq; uideat,

ferre opem patriæ, succurrere salutem, fortunisque communibus, implorare ciuium fidem, suam salutem posterio rem salute communi ducere: est etiam bonorum & fortium ciuium, quales uos omnibus Reip. temporibus extitistis, intercludere omnes seditionum uias, munire præsidia Reip. summum in Consulibus imperium, summum in senatu consilium putare; ea qui secutus sit, laude potius & honore, quam pœna & supplicio dignum iudicari. quamobrem labor in hoc defendendo præcipue meus est, studium uero conseruandi hominis commune mihi uobiscum esse debet: sic enim existimare debetis Quirites, post hominum memoriam rem nullam maiorem, magis periculosa, magis ab omnibus uobis providendam, neque à Tribuno pl. susceptam, neque à Consule defensam, neque ad populū R. esse delatam: agitur enim nihil aliud in hac causa Quirites, quam ut nullum sit posthac in Rep. publicum consilium, nulla bonorum consensio contra improborum furorem & audaciam, nullum extremis Reip. temporibus perfugium, & præsidium salutis. quæ cum ita sint, primum, quod in tanta dimicatione capitis, famæ, fortunarumque omnium fieri necesse est, ab Ioue Optimo Maximo, cæterisque dijs, deabusque immortalibus, quorum ope & auxilio multo magis hæc Resp. quam ratione hominum & consilio gubernatur, pacem ac ueniam peto, precorque ab ijs, ut hodiernum diem & ad huius salutem conseruandam, & ad Remp. constituendam illuxisse patiantur: deinde uos Quirites, quorum potestas proxime ad deorum immortalium numen accedit, oro, atque obsecro, quoniā uno tempore uita C. Rabirij ho-

ORATIO

minis miserrimi atq; innocentissimi, salus Reip. uestris manibus suffragijsq; permittitur, adhibeatis in hominibus fortunis misericordiam, in Reip. salute sapientiam, quam soletis. Nunc quoniam T. Labiene diligentiae meae temporis angustijs obstitisti, meq; ex comparato et constituto spatio defensionis in semihorae curriculum coegisti: parebitur, et, quod iniquissimum est, accusatoris conditioni, et, quod miserrimum, inimici potestati. quamquam in hac praescriptione semihorae patroni mihi partes reliquisti, Consulis ademisti, propterea quod ad defendendum propemodum satis erit hoc mihi temporis, uerum ad conquerendum parum. Nisi forte de locis religiosis, ac de lucis, quos ab hoc uiolatos esse dixisti, pluribus uerbis tibi respondendum putas. quo in crimine nihil est unquam abs te dictum, nisi, à C. Macro obiectum esse crimen id C. Rabirio. in quo ego demiror, meminisse te, quid obiecerit C. Rabirio Macer inimicus; oblitum esse, quid æqui, et iurati iudices iudicarint. An de peculatu facto, an de tabulario incenso longa oratio est expromenda? quo in crimine propinquus C. Rabirij iudicio clarissimo C. Curtius pro uirtute sua est honestissime liberatus: ipse uero Rabirius non modo in iudicium horum criminum, sed ne in tenuissimam quidem suspicionem uerbo est unquam uocatus. An de sororis filio diligentius respondendum est, quem ab hoc neccatum esse dixisti, cum ad iudicij moram familiaris funeris excusatio quaeretur? quid enim est tam uerisimile, quam, chariorem huic sororis maritum, quam sororis filium fuisse? atque ita chariorem, ut alter uita crudelissime priuaretur, cum alteri ad prolationem iudicij biduum quaereretur? An de

seruis alienis contra legem Fabiam retentis, aut de ciuibus R. contra legem Porciam uerberatis, aut necatis plura dicenda sunt? cū tanto studio C. Rabirius totius Apulie, singulari uoluntate Campanie uicinitatis ornatur; cumq; ad eius propulsandum periculum non modo homines, sed propè regiones ipsæ cōuenerint, aliquanto etiam latius excitatæ, quàm ipsius uicinitatis nomen ac termini postulabāt. Nam quid ego ad id longā orationem comparem, quod est in eadem mulctæ irrogatione perscriptum, hūc nec suæ, nec alienæ pudicitie pepercisse? quin etiam suspicor eo mihi semihoram à Labieno præstitutam esse, ut ne plura de pudicitia dicerem. ergo ad hæc crimina, quæ patroni diligentiam desiderant, intelligis mihi semihoram istam nimium longam fuisse. Illam alteram partem, de nece Saturnini, nimis exiguam atq; angustam esse uoluisti: quæ non oratoris ingenium, sed Cōsulis auxilium implorat, & flagitat. nam de perduellionis iudicio, quod à me sublatum esse criminari soles, meum crimen est, non Rabirij. quod utinam Quirites ego id aut primus, aut solus ex hac Rep. sustulisssem: utinā, quod ille crimen esse uult, proprium testimonium meæ laudis esset: quid enim optari potest, quod ego mallet, quàm me in Consulatu meo carnificem de foro, crucem de campo sustulisse? sed ista laus primum est maiorum nostrorum Quirites, qui expulsis Regibus nullum in libero populo uestigium crudelitatis regie retinuerunt: deinde multorum uirorum fortium, qui uestram libertatem nō acerbitate suppliciorum infestam, sed lenitate legum munitam esse uoluerunt. quamobrem uter nostrum tan-

m m iij

O R A T I O

dem Labiene popularis est; tu'ne, qui ciuibus R. in concione ipsa carnificem, qui uincla adhiberi putas oportere; qui in campo Martio comitijs centuriatis auspiciato in loco crucem ad ciuium supplicium defigi & constitui iubes: an ego, qui funestari concionem contagione carnificis ueto; qui expiandum forum populi R. ab illis nefarijs sceleris uestigijs esse dico; qui castam concionem, sanctum campum, inuiolatum corpus omnium ciuium R. integrum ius libertatis defendo seruari oportere? popularis uero Tribunus pl. custos, defensorq; iuris, & libertatis. Porcia lex uirgas ab omniū ciuiū R. corpore amouit: hic misericors flagella retulit. Porcia lex libertatem ciuiū licetori eripuit, Labienus homo popularis carnifici tradidit. C. Gracchus legē tulit, ne de capite ciuiū R. iniussu uestro iudicaretur: hic popularis à Duū uiris iniussu uestro nō iudicari de ciue R. sed indiēta causa ciuem R. capitis condemnari coegit. tu mihi etiā legis Porciæ, tu C. Gracchi, tu horum libertatis, tu cuiusquam deniq; hominis popularis mentionem facis, qui nō modo supplicijs inusitatis, sed etiā uerborū inaudita crudelitate uiolare libertatē huius populi, tētare mansuetudinē, cōmutare disciplinam conatus es? nāque hæc tua, quæ te hominem clemētem, popularemq; delectant, licetor, colliga manus; quæ non modo huius libertatis, māsuetudinisq; non sunt, sed ne Romuli quidem, aut Numæ Pōpilijs, sed Tarquinijs superbissimis atque crudelissimis Regis: ista sunt cruciatus carmina, quæ tu homo lenis, ac popularis libētissime cōmemoras: Caput obnubito, arbori infelici suspendito: quæ uerba Quirites iampridem in hac Rep. nō solum tenebris uetustatis, uerū etiam luce liber-

tatis oppressa sunt. an uero, si actio ista popularis esset, & si ullam partem æquitatis haberet, aut iuris; C. Gracchus eam reliquisset? scilicet tibi grauiorem dolorem patruui tui mors attulit, quàm C. Graccho fratris: & tibi acerbior eius patruui mors est, quem nūquā uidisti, quā illi eius fratris, quicū concordissime uixerat: & similis uiri tu ulcisceris patruui mortem, atq; ille persequeretur fratris sui, si ista ratione agere uoluisset: & par desiderium sui reliquit apud populū R. Labienus iste patruus uester, quisquis fuit, ac Ti. Gracchus reliquerat. an pietas tua maior, quàm Gracchi? an animus? an consilium? an opes? an auctoritas? an eloquētia? quæ si in illo minima fuissent, tamen præ tuis facultatibus maxima putarentur. cum uero his rebus omnibus C. Gracchus omneis uicerit, quantū interuallum tandem inter te atq; illum interiectū putas? sed moreretur prius acerbissima morte millies Gracchus, quàm in eius cōcione carnifex cōsisteret, quē nō modo foro, sed etiam cælo hoc, ac spiritu censoriæ leges, atque urbis domicilio carere uoluerūt. hic se popularem dicere audet, me alienum à commodis uestris? cum iste omneis & suppliciorū, & uerborum acerbitates non ex memoria uestra, ac patrum uestrorū, sed ex annalium monumentis, atque ex Regū cōmentarijs conquisierit; ego omnibus meis opibus, omnibus consilijs, omnibus dictis, atq; factis repugnarim, et restiterim crudelitati. nisi forte hāc conditionem uobis esse uultis, quā serui, si libertatis spem propositam non haberent, ferre nullo modo possent. misera est ignominia iudiciorū publicorum, misera mulctatio bonorum, miserum exiliū: sed tamē in omni calamitate retinetur aliquod uestigiū

O R A T I O

libertatis. mors deniq; si proponitur, in libertate moriamur: carnifex uero, & obduetio capitis, & nomē ipsum crucis absit non modo à corpore ciuium R. sed etiam à cogitatione, oculis, auribus: harū enim omnium rerum non solum euentus, atque perpeffio, sed etiā conditio, expectatio, mentio ipsa denique indigna ciue R. atq; homine libero est. an uero seruos nostros horū suppliciorū omnium metu dominorum benignitas una uindicta liberauit: nos à uerberibus, ab unco, à crucis denique terrore neque res gesta, neq; acta ætas, neq; nostri honores uindicabūt? quāobrem fateor, atque etiā T. Labiene profiteor, & præ me fero, te ex illa crudeli, importuna, nō tribunitia actione, sed regia, meo cōsilio, uirtute, auctoritate esse depulsum. qua tu in actione quāquam omnia exempla maiōrū, omnes leges, omnem auctoritatem senatus, omnes religiones, atque auspiciōrū publica iura neglexisti: tamen à me hæc in hoc tam exiguo meo tempore non audies. liberum tempus nobis dabitur ad istam disceptationē. nunc de Saturnini crimine, ac de clarissimi patris tui morte dicemus. Arguis, occisum esse à C. Rabirio L. Saturninum: & id C. Rabirius multorū testimonijs, Q. Hortensio copiosissime defendente, antea falsum esse docuit. ego autem, si mihi esset integrū, suscipere hoc crimen, agnoscere, confiterer. utinam hæc mihi facultas causa concederet, ut possem hoc prædicare, C. Rabirij manu L. Saturninū hostē populi R. interfectum. nihil me clamor iste cōmouet, sed consolatur, cū indicat esse quosdam ciues imperitos, sed non multos. nunquā, mihi credite, populus R. hic, qui silet, Consulē me fecisset, si uestro clamore perturbatum iri arbitraretur. quanto

iam lenior est acclamatio. quin cōtinetis uocem indicem
 stultitiæ uestræ, testem paucitatis? libenter, inquā, confite-
 rerer, si uere possem, aut etiam si mihi esset integrū, C.
 Rabirij manu L. Saturninū esse occisum, & id facinus
 pulcherrimū esse arbitrarer: sed quoniam id facere nō
 possum, cōfitebor id, quod ad laudem minus ualebit, ad
 crimen non minus. confiteor, interficiendi Saturnini cau-
 sa C. Rabiriū arma cepisse. quid est Labiene? quā à me
 grauiorem confessionem, aut quod in hūc maius crimē
 expectas? nisi uero interesse aliquid putas inter eū, quī
 hominem occidit, & eū, qui cum telo occidendi hominis
 causa fuit. si interfici Saturninū nefas fuit: arma sum-
 pta esse cōtra Saturninū sine scelere nō possunt. si arma
 iure sumpta cōcedis: interfectū iure cōcedas, necesse est.

Pauca quædam deesse uidentur.

fit S. C. ut C. Marius, L. Valerius Coss. adhiberēt Tribu-
 nos pl. & Prætores, quos eis uideretur; operāq; darēt, ut
 imperiū pop. R. maiestasq; cōseruaretur. adhibēt omnes
 Tribunos pl. præter Saturninū, præter Glauciā: qui Rēp.
 saluā esse uellēt, arma capere, & se sequi iubēt. parēt o-
 mnes. ex ædificijs armametarijsq; publicis arma populo
 R. C. Mario Cōsule distribuēte dātur. hic i. i. ut omitt. a cæ

O R A T I O

tera, de te ipso Labiene quæro; cū Saturninus Capitolium teneret, armatus esset una C. Glaucia, C. Saufeius, etiam ille ex cōpedibus, atq; ergastulo Gracchus, addam, quoniam ita uis, eodem Q. Labienum patruū tuum; in foro autem C. Marius, & L. Valerius Flaccus Coss. post cūctus senatus, atque ille senatus, quē etiā uos ipsi, qui hos patres conscriptos, qui nūc sunt, in inuidiam uocatis, quo facilius de hoc senatu detrahere possitis, laudare consueuistis; cum equester ordo, at quorum equitum R. dij immortales? patruū nostrorū, atque eius ætatis, quæ tū magnam partem Reip. atque omnem dignitatem iudiciorū tenebat; cū omnes omnium ordinum homines, qui in salute Reip. salutem suam repositam esse arbitrabantur, arma cepissent: quid tandem C. Rabirio faciendū fuit? de te ipso, inquam, Labiene quæro; cum ad arma Consules ex S. C. uocauissent; cum armatus M. Aemilius princeps senatus in comitio constitisset, qui cum ingredi uix posset, non ad insequendū sibi tarditatem pedum, sed ad fugiendum impedimento fore putabat; cū denique Q. Scauola confectus senectute, præpeditus morbo, mæcus, & membris omnibus captus ac debilis, hastili nixus & animi uim & infirmitatem corporis ostenderet; cū L. Metellus, Ser. Galba, C. Serranus, P. Rutilius, C. Fimbria, Q. Catulus, omnesq; qui tum erant, consulares pro salute cōmuni arma cepissent; cum omnes Prætores, cuncta nobilitas, ac iuuetus accurreret, Cn. & L. Domitij, L. Crassus, Q. Mutius, C. Claudius, M. Drusus; cū omnes Octauij, Metelli, Iulij, Cassij, Catones, Pompeij, cum L. Philippus, L. Scipio, cum M. Lepidus, cum D. Brutus, cum hic ipse P. Seruilius, quo tu imperatore Labiene meruisti, cū

hic Quid Catulus admodum tum adolescens, cum hic C. Curio, cum deniq; omnes clarissimi uiri cum Cōsulibus essent: quid tandem C. Rabirium facere conuenit? utrū, inclusum, atq; abditum latere in occulto, atq; ignauiam suam tenebrarū, ac parietum custodijs tegere; an in Capitolium pergere, atque ibi se cum tuo patruo, et ceteris ad mortem propter uitæ turpitudinem confugientibus congregare; an cum Mario, Scauro, Catulo, Metello, Scauola, cum bonis denique omnibus coire nō modo salutis, uerum etiā periculi societate? tu denique Labiene quid faceres tali in re, ac tempore? cum ignauiae ratio te in fugam, atq; in latebras impelleret, improbitas, & furor L. Saturnini in Capitolium arcesceret, Consules ad patriæ salutem, ac libertatem uocarent: quam tandem auctoritatem, quā uocem, cuius sectam sequi, cuius imperio parere potissimum uelles? patruus, inquit, meus cum Saturnino fuit. quid pater? quicū? quid propinqui uestri equites? quid omnis praefectura, regio, uicinitas uestra? quid ager Picenus uniuersus, utrum tribunitium furore, an consularem auctoritatem secutus est? equidem hoc affirmo, quod tu nūc de tuo patruo praedicas, neminem unquam adhuc de sese esse confessum. nemo est unquā inuentus tam profligatus, tam perditus, tam ab omni non modo honestate, sed etiā simulatione honestatis relictus, qui se in Capitolio fuisse cū Saturnino fateretur. at fuit uester patruus. fuerit, & fuerit nulla desperatione rerū suarum, nullis domesticis uulneribus coactus: induxerit eum L. Saturnini familiaritas, ut amicitiam patriæ praeponeret: iccirco ne oportuit C. Rabirium desciscere à Rep. nō comparere in illa armata multitudine bonorū?

O R A T I O

Consulū uoci, atq; imperio nō obedire? atqui uidemus
 hæc in rerum natura tria fuisse, ut aut cum Saturnino
 esset, aut cum bonis, aut lateret. latere, mortis erat instar
 turpissimæ: cum Saturnino esse, furoris, & sceleris: uir-
 tus, & honestas, & pudor cum Consulibus esse cogebat.
 hoc tu igitur in crimen uocas, quod cum ijs fuerit C. Ra-
 birius, quos, amētissimus fuisset, si oppugnasset; turpissi-
 mus, si reliquisset? at C. Decianus, de quo tu sæpe cōme-
 moras, quia, cum hominem omnibus insignē notis turpi-
 tudinis P. Furium accusaret summo studio bonorū omni-
 um, queri est ausus in concione de morte Saturnini, con-
 demnatus est: & Sex. Titius, quod habuit imaginem L.
 Saturnini domi suæ, condemnatus est. statuerunt equites
 R. illo iudicio, improbum ciuem esse, & non retinēdum
 in ciuitate, qui hominis hostilem in modum seditiosi ima-
 gine aut mortem eius honestaret, aut desideria imperito-
 rū misericordia cōmoueret, aut suam significaret imitā-
 dæ improbitatis uoluntatē. itaque mihi mirum uidetur,
 unde hanc tu Labiene imaginem, quā habes, inueneris:
 nam Sex. Titio damnato, qui istam habere auderet, inue-
 tus est nemo. quod tu si audisses, aut si per ætatem scire
 potuisses: nunquam profecto istam imaginem, quæ domi
 posita pestē, atque exilium Sex. Titio attulisset, in rostra
 atque in cōcionem attulisses, nec tuas unquam rationes
 ad eos scopulos appulisses, ad quos Sex. Titij afflictā na-
 uem, & in quibus C. Deciani naufragium fortunarum
 uideres. sed in his rebus omnibus imprudētia laberis: cau-
 sam enim suscepisti antiquiorē memoria tua: quæ causa
 ante mortua est, q̄ tu natus esses. qua in causa tute pro-
 fecto fuisses, si per ætatem esse potuisses, eam causam in

iudicium uocas. an nō intelligis, primum, quos homines,
 & quales uiros mortuos summi sceleris arguas; deinde,
 quot ex ijs, qui uiuunt, eodem crimine in summum capi-
 tis periculum arcessas? nam si C. Rabirius fraudem capi-
 talem admisit, quòd arma contra M. Saturninum tulit:
 huic quidē afferet aliquam deprecationem periculi ætas
 illa, qua tum fuit: Q. uero Catulū patrem huius, in quo
 summa sapientia, eximia uirtus, singularis humanitas
 fuit; M. Scaurum, illa grauitate, illo consilio, illa prudē-
 tia; duos Mutios, L. Crassum, M. Antonium, qui tum ex-
 tra urbem cum præsidio fuit, quorum in hac ciuitate lō-
 ge maxima consilia atque ingenia fuerunt; cæteros parī
 dignitate præditos, custodes, gubernatoresq; Reip. quem-
 admodum mortuos defendemus? quid de illis honestissi-
 mis uiris, atque optimis ciuibus equitibus R. dicemus, qui
 tum unā cum senatu salutem Reip. defenderunt? quid
 de Tribunis ærarijs, cæterorumq; ordinum omnium ho-
 minibus, qui tum arma pro cōmuni libertate ceperunt?
 sed quid ego de ijs omnibus, qui cōsulari imperio parue-
 runt, loquor? de ipsorum Consulū fama quid futurum
 est? L. Flaccū, hominem cum semper in Rep. tum in ma-
 gistratibus gerendis, in sacerdotio cerimonijsq; quibus
 præerat, diligentissimum, nefarij sceleris, ac parri-
 cidij mortuum condemnabimus? adiungemus ad hanc
 labem, ignominiamq; mortis etiam C. Marij nomen?
 C. Marium, quem uere patrem patriæ, parentem, in-
 quam, uestræ libertatis atque huiusce Reip. possumus
 dicere, sceleris, ac parricidij nefarij mortuum condemna-
 bimus? etenim si C. Rabirio, quòd ijt ad arma, crucem
 T. Labienus in campo Martio defigendam putauit: quod

O R A T I O

tandem excogitabitur in eum supplicium, qui uocauit?
 Ac si fides Saturnino data est, quod abs te sæpiissime di-
 citur; non eam C. Rabirius, sed C. Marius dedit; idemq;
 uiolauit, si in fide nõ stetit. quæ fides Labiene qui potuit
 sine S.C. dari? adeone hospes huiusce urbis, adeone igna-
 rus es disciplinæ consuetudinisq; nostræ, ut hæc nescias?
 ut peregrinari in aliena ciuitate, nõ in tua magistratum
 gerere uideare? quid iã ista C. Mario, inquit, nocere pos-
 sunt, quoniam sensu, & uita caret? ita ne uero? tantis
 in laboribus C. Marius periculisq; uixisset, si nihil longius,
 quàm uitæ termini postulabant, spe atq; animo de se, et
 gloria sua cogitasset? at, credo, cum innumerabiles hostiũ
 copias in Italia fudisset, atq; obsidione Remp. liberasset,
 omnia sua secum unà moritura arbitrabatur. nõ est ita
 Quirites: neque quisquam nostrũ in Reip. periculis cum
 laude ac uirtute uersatur, quin spe posteritatis fructuq;
 ducatur. itaque cum multis alijs de causis uirorum bo-
 norum mentes diuinæ mihi atque æternæ uidentur esse,
 tum maxime quòd optimi, & sapiētissimi cuiusq; ani-
 mus ita præsentit in posterũ, ut nihil nisi sempiternũ spe
 etare uideatur. quapropter equidẽ & C. Marij, & cæ-
 terorum uirorum sapientissimorum, ac fortissimorũ ci-
 uium mentes, quæ mihi uidentur ex hominum uita ad
 deorum religionem, & sanetimoniã demigrasse, testor,
 me pro illorum fama, gloria, memoria non secus, ac pro
 patrijs fanis, atque delubris, propugnandũ putare: ac si
 pro illorum laude mihi arma capienda essent, non mi-
 nus strenue caperem, q̃ illi pro cõmuni salute ceperunt.
 etenim Quirites exiguum nobis uitæ curriculũ natura
 circumscripsit, immensum gloriæ. quare si eos, qui iam
 de uita

de uita decesserunt, ornabimus : iustiore nobis mortis
conditionem relinquemus. sed si illos Labiene, quos iam
uidere non possumus, negligis : ne his quidem, quos ui-
des, consuli putas oportere ? neminem esse dico ex ijs o-
mnibus, quo illo die Romæ fuerint, quem tu diem in iu-
dicium uocas, pubesq; tum fuerit, quin arma ceperit, qn
Consules secutus sit. oēs ij, quorum tu ex ætate coniectu-
ram facere potes, quid tum fecerint, abs te rei capitis, C.
Rabirij nomine citantur . at occidit Saturninum Rabi-
rius . utinam fecisset : non supplicium deprecarer , sed
præmiū postularem . etenim si Scæuæ seruo Q. Croto-
nis, qui occidit L. Saturninum, libertas data est : quod
equiti R. præmium dari par fuisset ? Et si C. Marius, q
fistulas, quibus aqua suppeditabatur Iouis Optimi Maxi-
mi templis ac sedibus, præcidi imperarat , quòd in cliuo
* Capitolino improborum ciuium

Desunt non pauca .

IN L. CATILINAM, IN SENATU.

ORATIO XIX.

Vnusque tandem abutere Catilina pa-
 tientia nostra? quandiu nos etiam fu-
 9 ror iste tuus eludet? quē ad finem sese
 effrenata iactabat audacia? nihil ne te
 nocturnum praesidiū Palatii, nihil ur-
 bis uigiliae, nihil timor populi, nihil consensus bonorū
 omnium, nihil hic munitissimus habēdi senatus locus, ni-
 hil horum ora, uultusq; mouerunt? patere tua consilia
 non sentis? constrictam iam omnium horum cōscientia
 teneri coniurationem tuam non uides? quid proxima,
 quid superiore nocte egeris, ubi fueris, quos conuocaueris,
 quid consilij ceperis, quem nostrum ignorare arbitra-
 ris? ò tempora, ò mores. senatus hoc intelligit, Cōsul ui-
 det, hic tamē uiuit: uiuit? immo uero etiam in senatū
 uenit: fit publici consilij particeps: notat & designat
 oculis ad cædem unūquenque nostrum: nos autem uiri
 fortes satisfacere Reip. uidemur, si istius furorem ac te-
 la uitemus. ad mortem te Catilina duci iussu Consulis
 iam pridem oportebat, in te cōferri pestem istam, quam
 tu in nos oēs iandiu machinaris. an uero uir amplissi-
 mus P. Scipio Pontifex maximus Ti. Gracchū mediocri-
 ter labefactantem statum Reip. priuatis interfecit: Ca-
 tilinam orbem terræ cæde, atque incendijs uastare cupiē-
 tem nos Consules perferemus? nam illa nimis antiqua
 prætereo, q̄ Qu. Servilius Ahala Sp. Melium nouis re-
 bus studentē manu sua occidit. fuit, fuit ista quondam
 in hac Rep. uirtus, ut uiri fortes acrioribus supplicijs ci-

uem perniciosum, quàm acerbissimum hostem coerce-
rēt. habemus enim S. C. in te Catilina uehemens, & gra-
ue: non deest Reip. consiliū, neque auctoritas huius or-
dinis: nos, nos, dico aperte, Consules desumus. decreuit
quondam senatus, ut L. Opimius Cos. uideret, ne quid
Resp. detrimenti caperet: nox nulla intercessit: inter-
fectus est propter quasdam seditionum suspensiones C.
Gracchus clarissimo patre natus, auis, maioribus: occi-
sus est cum liberis M. Fuluius consularis. simili S. C.
C. Mario & L. Valerio Coss. permissa est Resp. nū unū
diem postea L. Saturninum Trib. pl. & C. Seruiliū
mors à Reip. pœna remorata est? at nos uigesimū iam
diem patimur hebescere aciem horum auctoritatis: ha-
bemus enim huiusmodi S. C. ueruntamen inclusum in
tabulis, tanquam gladium in uagina reconditum, quo
ex S. C. cōfestim interfectum te esse Catilina conuenit.
uiuis, & uiuis non ad deponendam, sed ad confirman-
dam audaciam. cupio P. C. me esse clementem, cupio
in tantis Reip. periculis non dissolutum uideri: sed iam
me ipsum inertie nequitieq; condemno. castra sunt in
Italia cōtra Remp. in Hetruriæ faucibus collocata: cre-
scit in dies singulos hostium numerus: eorum autem
imperatorem castrorum, ducemq; hostium intra mœ-
nia, atque adeo in senatu uidemus, intestinam aliquam
quotidie perniciem Reip. molientem. si te iam Catilina
comprehendi, si interfici iussero: credo, erit uerendum
mihi, ne non hoc potius omnes boni serius à me, quàm
quisquam crudelius, factū esse dicant. uerum ego hoc,
quod iampridem factum esse oportuit, certa de causa
nō dum adducor ut faciam. tū denique interficiam te,

O R A T I O I.

cum iam nemo tam improbus, tam perditus, tam tui similis inueniri poterit, qui id non iure factum esse fateatur. quandiu quisquā erit, qui te defendere audeat, uiues, et uiues ita ut nūc uiuis, multis meis & firmis praesidijs obsessus, ne commouere te contra Remp. possis: multorum te etiā oculi, & aures non sentiētem, sicut adhuc fecerūt, speculabūtur atque custodiēt. etenim quid est Catilina, quod iam amplius expectes, si neque nox tenebris obscurare coetus nefarios, nec priuata domus parietibus continere uocē coniurationis tuæ potest? si illustrantur, si erūpunt omnia? muta iam istam mentem, mihi crede: obliuiscere cædis, atque incēdiorū: teneris undique: luce sunt clariora nobis tua consilia omnia: quæ etiā mecū licet recognoscas. Meministi ne, me ante diē XII. Cal. Nou. dicere in senatu, certo die fore in armis, qui dies futurus esset ante diem VII. Cal. Nou. C. Manliū audaciæ satellitē atque administrum tuæ? num me fefellit Catilina nō modo res tanta, tam atrox, tam incredibilis, uerū, id quod multo magis est admirandum, dies? dixi ego idē in senatu, cædem te optimatum cōtulisse in ante diem V. Cal. Nou. tum cū multi principes ciuitatis Roma non tam sui conseruandi, q̄ tuorum consiliorum reprimendorum causa profugerunt? num inficiari potes, te illo ipso die meis praesidijs, mea diligentia circumclusum, commouere te contra Remp. non potuisse, cum tu discessu cæterorum, nostra tamē, qui remansissemus, cæde contentū te esse dicebas? quid, cū te Præneste Cal. ipsi Nou. occupaturum nocturno impetu esse confideres? sensisti ne illam coloniam meo iussu meis praesidijs, custodijs, uigilijs esse munitam? nihil agis, nihil molis

ris, nihil cogitas, quod ego non modo audiam, sed etiam uideam, planeq; sentiam. recognosce tandem mecū no-
 etem illam superiorem: iam intelliges multo me uigila-
 re acrius ad salutem, quā te ad perniciem Reip. dico
 re priori nocte uenisse inter falcarios (non agam obscu-
 re) in M. Leccæ domū, conuenisse eodem complures eius-
 dem amentiae scelerisq; socios: nū negare audes? quid
 taces? conuincā, si negas: uideo enim esse hic in senatu
 quosdam, qui tecū unā fuere. ò dī immortales, ubinam
 gentiū sumus? quam Remp. habemus? in qua urbe ui-
 uimus? hic, hic sunt, in nostro numero P.C. in hoc orbis
 terræ sanctissimo grauissimoq; consilio, qui de meo, no-
 strumq; omniū interitu, qui de huius urbis, atque adeo
 orbis terrarum exitio cogitent. hosce ego uideo Consul,
 & de Rep. sententiam rogo, & quos ferro trucidari o-
 portebat, eos non dum uoce uulnero. fuisti igitur apud
 Leccā ea nocte Catilina: distribuisti partes Italiae: sta-
 tuisti, quò quēque proficisci placeret: delegisti, quos Ro-
 mæ relinqueres, quos tecum educeres? descripsisti urbis
 partes ad incendia: cōfirmasti, te ipsum iam esse exitu-
 rum: dixisti, paululum tibi esse etiam tum moræ, q̄ ego
 uiuerē. reperti sunt duo equites R. qui te ista cura libe-
 rarēt, & sese illa ipsa nocte paulo ante lucē me in meo
 lectulo interfecturos pollicerentur. hæc ego omnia, uix
 dum etiam cœtu uestro dimisso, comperi: domū meam
 maioribus præsiidijs muniri, atque firmari: exclusi eos,
 quos tu mane ad me salutatū miseras, cum illi ipsi ue-
 nissent, quos ego iam multis uiris ad me uētuos id tē-
 poris esse prædixeram. quæ cum ita sint Catilina, per-
 ge quò cœpisti, egredere aliquādo ex urbe: patent por-

tæ, proficiscere: nimium diu te imperatorem illa tua
 Manliana castra desiderant: educ tecum etiam omnes
 tuos; si minus, quamplurimos: purga urbem: magno
 me metu liberabis, dummodo inter me atque te murus
 intersit: nobiscum uersari iam diutius non potes: non
 ferā, non patiar, non sinam. magna dijs immortalibus
 habēda est gratia, atque huic ipsi Ioui Statori antiquissi-
 mo custodi huius urbis, q̄ hanc tam tetram, tam horribi-
 lem, tamq̄ infestam Reip. pestem toties iam effugimus.
 non est sæpius in uno homine salus summa periclitanda
 Reip. quandiu mihi Consuli designato Catilina insidia-
 tus es, non publico me præsidio, sed priuata diligentia
 defendi. cum proximis comitijs consularibus me Consu-
 lem in campo, & competitores tuos interficere uoluisti,
 compressi tuos nefarios conatus amicorum præsidio, &
 copijs, nullo tumultu publice concitato: deniq; quoties-
 cunque me petisti, per me tibi obstiti: quanq̄ uidebam,
 perniciem meam cū magna calamitate Reip. esse con-
 iunctā. nunc iam aperte Remp. uniuersam petis: tem-
 pla deorum immortalium, teēta urbis, uitam omnium
 ciuium, Italiā denique totam ad exitium, et uastitatem
 uocas. quare, quoniā id, quod primū, atque huius impe-
 rij, disciplineq; maiorum proprium est, facere non au-
 deo, faciā id, quod est ad seueritatem lenius, ad cōmu-
 nem salutē utilius: nam si te interfici iussero, residebit
 in Rep. reliqua coniuratorum manus: sin tu, quod te
 iandudum hortor, exieris, exhaurietur ex urbe tuorum
 comitiū magna, & p̄niciosa sentina Reip. quid est Catil-
 ina? num dubitas id me imperante facere, quod iam
 tua sponte faciebas? exire ex urbe Cōsul hostem iubet:

interrogas me, nū in exilium? nō iubeo: sed si me consulis, suadeo: quid enim Catilina est, quod te iā in hac urbe delectare possit, in qua nemo est extra istam coniurationē perditorum hominum, qui te non metuat; nemo, qui te nō oderit? quæ nota domesticæ turpitudinis non iniusta uitæ tuæ est? quod priuatarum rerū dedecus nō hæret infamiæ? quæ libido ab oculis, quod facinus à manibus unquā tuis, quod flagitium à toto corpore abfuit? cui tu adolescentulo, quem corruptelarum illecebris irretisses, nō aut ad audaciā ferrū, aut ad libidinem facem prætulisti? quid uero nuper? cum morte superioris uxoris nouis nuptiis domū uacuam fecisses, non ne etiam alio incredibili scelere hoc scelus cumula-
sti? quod ego præmitto, & facile patior sileri, ne in hac ciuitate tanti facinoris immanitas aut extitisse, aut nō uindicta esse uideatur. præmitto ruinas fortunarum tuarum, quas omnes impendere tibi proximis idibus senties. ad illa uenio, quæ non ad priuatam ignomi-
niam uitiorū tuorum, non ad domesticam tuam difficultatē ac turpitudinem, sed ad summā Reip. atque ad omniū nostrum uitam salutemq; pertinent. potest ne tibi huius uitæ hæc lux Catilina, aut huius cœli spiritus esse iucundus, cū scias horum esse neminem, qui nesciat te pridie Cal. Ian. Lepido et Tullo Coss. stetisse in Comi-
tio cum telo? manum Consulū & principum ciuitatis interficiendorum causa parauisse? sceleri ac furori tuo non mentem aliquam, aut timorem tuū, sed fortunā Reip. obstitisse? ac iā illa omitto: neque enim sunt aut obscura, aut non multa post commissā. quoties tu me designatum, quoties me Consulem interficere uo-

n n iij

lūisti? quot ego tuas petitiones ita coniectas, ut uitari
 posse nō uiderētur, parua quadā declinatiōe, et, ut aiūt,
 corpore effugi? nihil agis, nihil assequeris, nihil moliris,
 quod mihi latere ualeat in tēpore: neque tamē conari
 ac uelle desistis. quoties iā, quoties iā tibi extorta est sica
 ista de manibus? quoties uero excidit casu aliquo &
 elapsa est? tamē ea carere diutius nō potes: quæ quidē
 quibus abs te initiata sacris ac deuota sit, nescio, q̄ eam
 necesse putas Cōsulis in corpore defigere. nūc uero quæ
 tua est ista uita? sic. n. iam tecū loquar, nō ut odio per-
 motus esse uidear, quo debeo; sed ut misericordia, quæ
 tibi nulla debetur. uenisti paulo ante in senatū: quis te
 ex hac tāta frequētia, ex tot tuis amicis ac necessarijs sa-
 lutauit? si hoc post hominū memoriā contigit nemini,
 uocis expectas contumeliam, cum sis grauissimo iudicio
 taciturnitatis oppressus? quid, q̄ aduētū tuo ista subse-
 lia uacua facta sunt? quid, q̄ oēs consulares, qui tibi p-
 sepe ad cādem constituti fuerūt, simul atque assedisti,
 partem istā subselliorū nudā atque inanē reliquerunt?
 quo tandē animo hoc tibi ferēdū putas? serui mehercle
 mei si me isto pacto metuerēt, ut te metuunt oēs ciues
 tui, domū meā relinquendā putarem: tu tibi urbē non
 arbitraris? et si me meis ciuibus iniuria suspectū tā gra-
 uiter, atque offensum uiderē, carere me aspectu ciuiū,
 q̄ infestis oculis omnium conspici mallet: tu cum con-
 sciētia scelerū tuorū agnoscas odium omnium iustū, &
 iam tibi diu debitū, dubitas, quorū mētes sensusq̄; uulne-
 ras, eorū aspectum præsentiāq̄; uitare? si te parentes
 timerent, atque odissent tui, neque eos ulla ratione pla-
 care posses: ut opinor, ab eorū oculis aliq̄d concederes:

nūc te patria, quæ cōmunis est omnium nostrū parens,
odit ac metuit, & iandiu te nihil iudicat nisi de parricid-
idio suo cogitare. huius tu neque auctoritatē uerebere,
neque iudiciū sequere, neque uim pertimesces? quæ tecū
Catilina sic agit, & quodāmodo tacita loquitur. Nullū
iam tot annos facinus extitit nisi per te, nullū flagitiū
sine te: tibi uni multorū ciuium necesse, tibi uexatio, di-
reptioq; sociorum impunita fuit ac libera: tu nō solum
ad negligendas leges et quæstiones, uerū etiam ad euer-
tendas, perfringendasq; ualuisisti. superiora illa, quanquā
ferenda non fuerunt, tamē, ut potui, tuli: nūc uero, me
totum esse in metu propter te unū; quidquid increpue-
rit, Catilinam timeri; nullū uideri contra me cōsiliū
iniri posse, quod à tuo scelere abhorreat; nō est ferēdū.
quāobrem discede, atque hūc mihi timorē eripe; si ue-
rus, ne opprimar; sin falsus, ut tandē aliquando timere
desinā. hæc si tecum, ut dixi, patria loquatur, non ne im-
petrare debeat, etiā si uim adhibere non possit? quid,
q tu te ipse in custodiam dedisti? quid, q uitandæ suspi-
cionis causa apud M. Lepidū te habitare uelle dixisti? à
quo nō receptus, etiā ad me uenire ausus es, atque, ut do-
mi meæ te asseruare, rogasti. cū à me quoque id respon-
sum tulisses, me nullo modo posse iisdem parietibus tu-
to esse tecū, qui magno in periculo essem, q iisdem mœ-
nibus contineremur: ad Q. Metellum Prætorem ueni-
sti. à quo repudiatus, ad sodalē tuum, uirū optimum, M.
Marcellū demigrasti: quē tu uidelicet & ad custodien-
dum te diligentissimum, & ad suspicandum sagacissi-
mū, & ad uindicandum fortissimum fore putasti. sed
q longe uidetur à carcere atque à uinculis abesse de-

bere, qui se ipsum iam dignū custodiā iudicauerit? quæ
 cū ita sint Catilina, dubitas, si hic p̄mori æquo animo
 non potes, abire in aliquas terras, & uitā istam multis
 supplicijs iustis debitisq; ereptā, fugæ solitudiniq; man-
 dāre? refer, inquis, ad senatū: id. n. postulas, et, si hic ordo
 sibi placere decreuerit te ire in exiliū, obtemperaturum
 te esse dicis. non referā id, quod abhorret à meis mori
 bus: et tamē faciā, ut intelligas, quid hi de te sentiant.
 egredere ex urbe Catilina: libera Remp. metu: in exiliū,
 si hanc uocē expectas, proficiscere. quid est Catilina? ec-
 quid attendis, ecquid animaduertis horū silentium? pa-
 tiuntur, tacent: quid expectas auctoritatē loquētium,
 quorum uoluntatē tacitorum perspicis? at si hoc idem
 huic adolescenti optimo P. Sestio, si fortissimo uiro M.
 Marcello dixissem, iam mihi Consuli hoc ipso in tēplo
 iure optimo senatus uim, & manus intulisset: de te aut
 Catilina, cū quiescunt, probant; cum patiuntur, decer-
 nunt; cum tacent, clamāt; neque hi solum, quorū tibi
 auctoritas est uidelicet chara, uita uilissima, sed etiam il-
 li equites R. honestissimi atq; optimi uiri, cæteri q; fortis-
 simi ciues, qui circumstant senatum, quorum tu & fre-
 quentiā uidere, et studia perspicere, et uoces paulo ante
 exaudiri potuisti. quorum ego uix abs te iandiu ma-
 nus ac tela cōtineo, eosdem facile adducam, ut te hæc,
 quæ iam pridem uastare studes, relinquentem usque ad
 portas prosequātur. quanquā quid loquor? te ut ulla
 res frangat? tu ut unquam te corrigas? tu ut ullam fu-
 gam meditere? ut ullū tu exilium cogites? utinam tibi
 istam mentem dii immortales donarent. tametsi uideo,
 si mea uoce perterritus ire in exilium animū induxe-

ris, quanta tempestas inuidiæ nobis si minus in præsens
tempus recenti memoria scelerum tuorum, at in posteri-
tatem impedeat. sed non est mihi tanti, dummodo ista
tua priuata sit calamitas, & à Reip. periculis seiunga-
tur. sed tu ut uitijis tuis commoueare, ut legum pœnas
pertimescas, ut temporibus Reip. concedas, non est postu-
landū: neq; enim Catilina is es, ut te aut pudor à turpi-
tudine, aut metus à periculo, aut ratio à furore reuoca-
rit. quamobrē, ut sæpe iam dixi, proficiscere, ac, si mihi
inimico, ut prædicas, tuo cōflare uis inuidiam, recta per-
ge in exiliū: uix feram sermones hominum, si id fece-
ris: uix molem istius inuidiæ, si in exiliū ieris iussu Cō-
sulis, sustinebo: sin aut seruire meæ laudi & gloriæ
mauis, egredere cū importuna sceleratorum manu, cō-
fer te ad Manliū, concita perditos ciues, secerne te à bo-
nis, infer patriæ bellū, exulta impio latrocinio: ut à me
nō eiectus ad alienos, sed inuitatus ad tuos isse uidearis:
quanq̃ quid ego te inuitem, à quo iam sciam esse præ-
missos, qui tibi ad forum Aurelium præstolarentur ar-
mati? sciā pactā & constitutā esse cum Manlio diem?
à quo etiam Aquilā illam argenteā, quam tibi ac tuis
omnibus perniciosam esse cōfido & funestā futuram,
cui domi tuæ sacrariū scelerum tuorum constitutum
fuit, sciā esse præmissā? tu ut illa diutius carere possis?
quā uenerari ad cædē proficiscēs solebas: à cuius altari-
bus sæpe istā dextrā impiā ad necē ciuiū trāstulisti. ibis
tandē aliquādo, quò te iūpridē tua ista cupiditas effre-
nata ac furiosa rapiebat: neq; n. tibi hæc res affert do-
lorē, sed quādā incredibile uoluptatē: ad hāc te amen-
tiā natura peperit, uolūtas exercuit, fortuna seruauit,

ORATIO I.

nunquā tu non modo otium, sed ne bellum quidem, nisi nefariū, concupisti: naetus es ex perditis, atq; ab omni non modo fortuna, uerū etiam spe derelictis conflatam improborum manum. hic tu qua lætitia perfruere, quibus gaudijs exultabis, quanta in uoluptate bacchabere, cum in tanto numero tuorum neque audies uirū bonū quenq̃, neque uidebis? ad huius uitæ studium meditati illi sunt, qui feruntur, labores tui; iacere humi nō modo ad obsidendum stuprum, uerū etiam ad facinus obeundum; uigilare non solū ad insidiandū somno maritorū, uerum etiam bonis otiosorum. habes, ubi ostentes illam præclaram tuam patientiam famis, frigoris, inopie rerum omnium, quibus te breui tempore cōfectum esse senties. tantū profeci tum, cū te à Consulatu repuli, ut exul potius tentare, q̃ Consul uexare Remp. posses, atq; ut id, quod esset à te scelerate susceptum, latrocinium potius, quàm bellū nominaretur. Nunc ut à me P.C. quandā propè iustam patriæ querimoniam detester ac deprecet, percipite quæso diligenter quæ dicam, et ea penitus animis uestris mentibusq; mādare. etenim si mecū patria, quæ mihi uita mea multo est charior, si cuneta Italia, si omnis Resp. loquatur, M. Tulli quid agis? tu'ne eū, quē esse hostē comperisti, quem ducem belli futurū uides, quē expectari imperatorem in castra hostiū sentis, auctore sceleris, principem coniurationis, euocatore seruorum et ciuium perditorum, exire patieris, ut abs te nō emissus ex urbe, sed immissus in urbē esse uideatur? non'ne hūc in uincula duci, nō ad mortē rapi, non summo supplicio mactari imperabis? quid tādē impedit te? mos'ne maiorū? at persæpe etiam priuati in hac Rep.

perniciosos ciues morte mulctarunt. an leges, quæ de ciuium R. supplicio rogatæ sunt? at nunquā in hac urbe ij, qui à Rep. defecerunt, ciuiū iura tenuerunt. an inuidiam posteritatis times? præclarā uero populo R. refers gratiā, qui te hominem per te cognitū, nulla commedatione maiorum, tam mature ad summum imperium per omnes honorum gradus extulit, si propter inuidiā, aut alicuius periculi metum, salutem ciuium tuorū negligis. sed si quis est inuidiæ metus, non est uehementius seueritatis, ac fortitudinis inuidia, q̄ inertiae, ac nequitiae pertimescenda. an, cum bello uastabitur Italia, uexabuntur urbes, tecta ardebunt, tum te non existimas inuidiæ incendio conflagraturum? his ergo sanctissimis Reip. uocibus, & eorum hominum, qui idem sentiunt, mentibus pauca respōdebo. Ego, si hoc optimum factū iudicarem P. C. Catilinam morte mulctari, unius usuram horæ gladiatori isti ad uiuendum non dedissem. etenim si summi uiri, & clarissimi ciues Saturnini, & Gracchorum, & Flacci, & superiorum compluriū sanguine non modo se non contaminarunt, sed etiam honestarūt: certe uerendū mihi non erat, ne quid, hoc parricida ciuiū interfecto, inuidiæ mihi in posteritatem redundaret. q̄ si ea mihi maxime impenderet, tamen hoc animo semper fui, ut inuidiam uirtute partam, gloriam, non inuidiam putarem. quanquā non nulli sunt in hoc ordine, qui aut ea, quæ imminēt, nō uideant; aut ea, quæ uident, dissimulent: qui sp̄ Catilinæ mollibus sententijs aluerunt, coniurationemq; nascentem non credendo corroborauerunt: quorum auctoritatem secuti multi non solum improbi, uerum etiam imperiti, si in hunc animad

O R A T I O I.

uertissem, crudeliter & regie factum esse dicerent. nunc intelligo, si iste, quod intedit, in Manliana castra peruenerit, neminem tam stultum fore, qui non uideat coniurationem esse factam; neminem tam improbum, qui non fateatur. hoc autem uno interfecto, intelligo hanc Reip. pestem paulisper reprimi, non in perpetuum comprimi posse. quod si se eiecerit, secumque suos eduxerit, & eodem caeteros undique collectos naufragos aggregauerit: extinguetur atque delebitur non modo haec tam adulta Reip. pestis, uerum etiam stirps, ac semen malorum omnium. etenim iandiu P.C. in his periculis coniurationis, insidiisque uersamur: sed nescio quo pacto omnium scelerum, ac ueteris furoris, & audaciae maturitas in nostri Consulatus tempus erupit. quod si ex tanto latrocinio iste unus tollatur, uidebimur fortasse ad breue quoddam tempus cura, & metu esse releuati, periculum autem residebit, et erit inclusum penitus in uenis, atque in uisceribus Reip. ut saepe homines aegri, morbo graui, cum aestu febrique iacentur, si aquam gelidam biberint, primo releuari uidentur, deinde multo grauius uehementiusque afflictiuntur: sic hic morbus, qui est in Rep. reuelatus istius poena uehementius uiuis reliquis ingrauescet. quare P.C. secedant improbi, secernant se a bonis, unum in locum congregentur, muro denique, id quod saepe iam dixi, secernantur a nobis, desinant insidiari domi suae Consuli, circumstare tribunal Praetoris urbani, obsistere cum gladiis curiam, maleolos ad incendendam urbem, facesque comparare: sit denique inscriptum in fronte uniuscuiusque ciuis, quid de Rep. sentiat. polliceor uobis hoc P.C. tantam in nobis Consulibus fore diligentiam, tantam in uobis auctoritatem, tan-

tam in equitibus R. uirtutem, tantam in omnibus bonis consensionem, ut Catilinæ profectione omnia patefacta, illustrata, oppressa, uindicta esse uideatis. hisce omnibus Catilina cum summa Reip. salute, & cum tua peste, ac perniciē, cumq; eorum exitio, qui se tecum omni scelere, parricidioq; iunxerunt, proficiscere ad impium bellum, ac nefarium. tum tu Iupiter, qui ijsdem, quibus hæc urbs, auspicijs à Romulo es constitutus, quem Statorem huius urbis, atq; imperij uere nominamus; hunc, & huius socios à tuis aris, ceterisq; templis, à tectis urbis, ac mœnibus, à uita, fortunisq; ciuium omnium arce bis; & omnes inimicos bonorum, hostes patriæ, latrones Italiæ, scelerum federe inter se, ac nefaria societate coniunctos, æternis supplicijs uiuos, mortuosq; mactabis.

IN L. CATILINAM,
AD QUIRITES.
ORATIO XX.

Andem aliquando Quirites L. Catilinā
furentem audacia, scelus anhelantem,
pestem patriæ nefarie molientē, uobis,
atque huic urbi ferrū flammamq; mi-
nitantem, ex urbe uel emus, uel
emissimus, uel ipsum egrediētem urbe persecuti sumus.
abiit, excessit, euasit, erupit. nulla iam perniciēs à mōstro
illo, atque prodigio mœnibus ipsis intra mœnia cōpara-
bitur. atq; hunc quidē unū huius belli domestici ducem
sine cōtrouersia uicimus: nō enim iam inter latera no-
stra sica illa uersabitur: nō in cāpo, non in foro, nō in cu-
ria, nō denique intra domesticos parietes ptimeſcemus.
loco ille motus est, cū est ex urbe depulsus: palām iam
cū hoste, nullo impediēte, bellum iustū geremus. sine du-
bio pdidimus hominē, magnificeq; uicimus, cū illum ex
occultis insidijs in apertū latrociniū coniecimus. q̄ uero
non cruentum mucronem, ut uoluit, extulit, q̄ uiuis no-
bis egressus est, q̄ ei ferrū de manibus extorsimus, q̄ in
columes ciues, q̄ stantem urbem reliquit, quanto tādē
illū mœrore affiētum esse et profligatum putatis? iacet
ille nūc prostratus Quirites, & se perculsum atq; abie-
ctū esse sentit, et retorquet oculos proſeſto sæpe ad hāc
urbē, quā ex suis faucibus ereptā esse luet. quæ quidē
letari mihi uidetur, q̄ tātā pestē euomuerit, forasq; pro-
iecerit. at si quis est talis, quales esse oēs oportebat, qui in
hoc ipso, in quo exultat, & triumphat oratio mea,
me

me uehementer accuset, quòd tam capitale[m] hostem nò
 còprehenderim potius, q[uam] emis[erim]: nò est ista mea culpa
 Quirites, sed temporum . interemptum esse L. Catilinam,
 & grauissimo supplicio affectum iam pridè oportebat;
 idq[ue] à me & mos maiorum, & huius imperij seueritas
 & Resp. postulabat: sed q[uam] multos fuisse putatis, qui, quæ
 ego deferrem, non crederent? q[uam] multos, qui propter stul-
 titiam nò putarent? q[uam] multos, qui etiam defenderent? q[uam]
 multos, qui propter improbitatem facerent? ac si sublato
 illo depelli à uobis omne periculum iudicaret, iam pridè
 ego L. Catilinam non modo inuidiæ meæ, uerum etiam
 uitæ periculo sustulisset: sed cum uiderem, ne uobis qui-
 dem omnibus re etiã probata, si illum, ut erat meritis,
 morte mulcasset, fore, ut eius socios inuidia oppressus
 persequi nò possem; rem huc deduxi, ut tum palàm pu-
 gnare possetis, cum hostem aperte uideretis. què quidem
 ego hostem Quirites q[uam] uehemèter foris esse timendũ pu-
 tem, licet hinc intelligatis, quòd illud etiam moleste fe-
 ro, q[uod] ex urbe parũ comitatus exierit. utinam ille omnes
 secum suas copias eduxisset. Tògillum mihi eduxit, què
 * amare in prætexta calumnia cœperat; Publitium &
 Munatium, quorũ æs alienum contractum in popinam
 nullum Reip. motum afferre poterat: reliquit, quos ui-
 ros, quanto alieno ære, q[uam] ualentes, q[uam] nobiles, uos uidetis.
 itaque ego illũ exercitum ex Gallicanis legionibus & cū
 hoc delectu, quem in agro Piceno, & Gallico Q. Me-
 tellus habuit, ex his copijs, quæ à nobis quotidie còparan-
 tur, magnopere contemno, collectum ex senibus despera-
 tis, ex agresti luxuria, ex rusticis mendiculis, & decocto-
 ribus, ex ijs, qui uadimonia deserere, q[uam] illum exercitum

Cic. Orat.

o o

maluerunt: quibus ego non modo si aciem exercitus nostri, uerū etiam si edictum Prætoris ostendero, concidēt. hos, quos uideo uolitare in foro, quos stare ad curiam, quos etiā in senatū uenire, qui nitent unguentis, qui fulgent purpura, mallem secum suos milites eduxisset: qui si hic permanent, memētote non tam exercitum illū esse nobis, q̄ hos, qui exercitum deseruerunt, pertimescendos. atq; etiam hoc magis sunt timendi, q̄, quid cogitent, me scire sentiunt, neq; tamen permouentur. uideo, cui Apulia sit attributa, qui habeat Hetruriam, qui agrum Picenum, qui Gallicum, qui sibi has urbanas insidias cædis, atq; incendiorū depoposcerit. omnia superioris noctis cōsilia ad me perlata esse sentiūt: patefecit in senatu hesternodie: Catilina ipse pertimuit, profugit: hi quid expectant? nā illi uehementer errant, si illam meā pristinam lenitatem perpetuā sperant futurā. quod expectaui, iam sum assecutus, ut uos omnes factā esse aperte cōiurationē contra Remp. uideretis. nisi uero si quis est, qui Catilinæ similes cum Catilina sentire nō putet. nō est iam lenitati locus: seueritatem res ipsa flagitat. unū etiam nūc cōcedam: exeant, proficiantur, ne patiantur desiderio sui Catilinā miserum tabescere: demonstrabo iter: Aurelia uia profectus est: si accelerare uolent, ad uesperum cōsequentur. o fortunatā Remp. si quidē hanc sentinam huius urbis eiecerit. uno mehercle Catilina exhausto, reuoluta mihi, & recreata Resp. uidetur: quid enim malit aut sceleris fingi aut excogitari potest, quod non ille conceperit? quis tota Italia ueneficus, quis gladiator, quis latro, quis sicarius, quis parricida, quis testamentorum subiecto, quis circumscriptor, quis ganeo, quis nepos,

quis adulter, quæ mulier infamis, quis corruptor inuentutis, quis corruptus, quis perditus inueniri potest, qui se cum Catilina non familiarissime uixisse fateatur? quæ cædes per hosce annos sine illo facta est? quod nefarium stuprum non per illum? iam uero quæ tanta in ullo unquam homine inuentutis illecebra fuit, quanta in illo? qui alios ipse amabat turpissime, aliorum amoris flagitiosissime seruiebat: alijs fructum libidinum, alijs mortem parentum non modo impellendo, uerum etiam adiuvando pollicebatur. nunc uero quàm subito non solum ex urbe, uerum etiam ex agris ingentem numerum perditorum hominum collegerat? nemo non modo Romæ, sed nec ullo in angulo totius Italiæ oppressus ære alieno fuit, quæ non ad hoc incredibile sceleris fœdus asciuerit. atque ut eius diuersa studia in dissimili ratione perspicere possitis; nemo est in ludo gladiatorio paulo ad facinus audacior, qui se non intimum Catilinæ esse fateatur; nemo in scena leuior & nequior, qui se non eiusdem propè sodalem fuisse commemoret. atque idem tamen stuprorum, & scelerum exercitatione assuescens, frigore, & fame, & siti, ac uigilijs perferendis, fortis ab his istis suis socijs prædicabatur, cum industriæ subsidia, atque instrumenta uirtutis in libidine, audaciâque consumerentur. hunc uero si sui fuerint comites secuti, si ex urbe exierint, desperatorum hominum flagitiosi greges: ò nos beatos, ò Remp. fortunatam, ò præclaram laudem Consulatus mei: non enim iam sunt mediocres hominum libidines, non humanæ audaciæ ac tolerandæ: nihil cogitant, nisi cædes, nisi incendia, nisi rapinas: patrimonia sua profuderunt, fortunas suas obligauerunt: res eos iam pridem,

O R A T I O . II.

fides deficere nuper cœpit: eadem tamē illa, quæ erat in
abundantia, libido permanet. q̄ si in uino, & alea come
sationes solum, & scorta quærerent, essent illi quidē de
sperandi, sed tamen essent ferendi: hoc uero quis ferre
possit, inertes homines fortissimis uiris insidiari, stultissi
mos prudentissimis, ebriosos sobrijs, dormientes uigilanti
bus? qui mihi accubantes in conuiujs, complexi mulie
res impudicas, uino languidi, cōfecti cibo, fertis redimiti,
unguentis obliti, debilitati stupris, eruētant sermonibus
suis cædem bonorum, atque urbis incendia. quibus ego
confido impendere fatum aliquod, & pœnas iandiu im
probitati, nequitia, sceleri, libidini debitas aut instare iā
plane, aut certe iam appropinquare. quos si meus Con
sulatus, quoniā sanare non potest, sustulerit: non bre
ue nescio quod tēpus, sed multa secula propagarit Reip.
nulla est enim natio, quam pertimescamus; nullus Rex,
qui bellum populo R. inferre possit: omnia sunt exter
na unius uirtute terra, mariq; pacata: domesticum bel
lum manet: intus insidiæ sunt: intus inclusum periculū
est: intus est hostis: cū luxuria nobis, cū amētia, cū scelere
certandū est. huic ego me bello ducē profiteor Quirites:
suscipio inimicitias hominū perditorum: quæ sanari po
terunt, quacunq; ratione sanabo: quæ ressecanda erunt,
non patiar ad perniciem ciuitatis manare. proinde aut
exeant, aut quiescant, aut, si & in urbe, & in eadē men
te permanent, ea, quæ merentur, expectēt. at etiam sunt
Quirites, qui dicant à me in exilium eiectum esse Catili
nam. quod ego si uerbo assequi possem, istos ipsos eijcerē,
qui hæc loquūtur. homo enim uidelicet timidus & per
modestus uocē Consulis ferre nō potuit: simul atque ire

in exiliū iussus est, paruit. quid, q̄ hesterno die, cum do-
mi meæ penè interfectus essem, senatum in ædem Iouis
Statoris uocaui, rem omnem ad patres cōscriptos detu-
li? quò cū Catilina uenisset, quis eū senator appellauit?
quis salutauit? quis deniq; ita aspexit ut perditū ciuem,
ac non potius ut importunissimum hostem? quin etiam
principes eius ordinis partē illam subselliorū, ad quam
ille accesserat, nudā, atque inanem reliquerunt. hic ego
uehemens ille Consul, qui uerbo ciues in exilium eijcio,
quæsiui à Catilina, an nocturno cōuentu apud M. Lec-
cam fuisset, nec ne. cum ille, homo audacissimus, cōscien-
tia conuictus primo reticuiisset, patefeci cætera: quid ea
nocte egisset, ubi fuisset, quid in proxima constituisset,
quemadmodū esset ei ratio totius belli descripta, docui.
cum hæsitaret, cum cunctaretur, quæsiui quid dubitaret
proficisci eò, quò iampridem pararat, cum arma, cum se-
cures, cum fasces, cum tubas, cum signa militaria, cum
Aquilā illā argenteā, cui ille etiam sacrarium scelerum
domi suæ fecerat, scirem esse præmissam. in exilium eij-
ciebam, quem iam ingressum in bellum esse uidebam?
etenim, credo, Manlius iste centurio, qui in agro Fesula-
no castra posuit, bellum populo R. suo nomine indixit;
& illa castra nunc non Catilinam ducem expectant; &
ille eiectus in exilium, se Massiliam, ut aiunt, nō in hæc
castra conferet. ò conditionem miseram non modo ad-
ministrandæ, uerum etiam conseruandæ Reip. nunc si
L. Catilina consilijs, laboribus, periculis meis circumclu-
sus, ac debilitatus subito pertimuerit, sententiam muta-
uerit, deseruerit suos, consilium belli faciundi abiecerit,
ex hoc cursu sceleris, & belli iter ad fugam atq; in exi-

O R A T I O II.

lium conuerterit: nō ille à me spoliatus armis audaciæ,
 non obstupescens ac perterritus mea diligentia, non de
 spe, conatuq; depulsus, sed indemnatus, innocens in exiliū
 eiectus à Consule ui, & minis esse dicetur: & erūt, qui
 illum, si hoc fecerit, non improbum, sed timidū; me non
 diligentissimum Consulem, sed crudelissimum tyrānum
 existimari uelint. est mihi tanti Quirites huius inuidiæ
 falsæ, atq; iniquæ tempestatem subire, dū modo à uobis
 huius horribilis belli, ac nefarij periculum depellatur. di
 catur sanè eiectus esse à me, dum modo eat in exilium:
 sed, mihi credite, non est iturus. nunquam ego à dijs im
 mortalibus optabo Quirites inuidiæ meæ leuandæ causa,
 ut L. Catilinam ducere exercitum hostium, atque in ar
 mis uolitare audiat: sed triduo tamē audietis: multoq;
 magis illud timeo, ne mihi sit inuidiosum aliquando, q
 illum emiserim potius, quā q eiecerim. sed cum sint ho
 mines, qui illum, cum profectus sit, eiectum esse dicant:
 ijdem, si interfectus esset, quid dicerent? quanquam isti,
 qui Catilinam Massiliam ire dictitant, nō tam hoc que
 runt, quā uerentur. nemo est istorum tam miseri
 cors, qui illū non ad Manlium, quā ad Massilienses ire
 malit. ille autem si mehercules hoc, quod agit, nunquam
 ante cogitasset, tamen latrocinantem se interfici mallet,
 quā exulem uiuere. nūc uero, cum ei nihil adhuc præ
 ter ipsius uoluntatem, cogitationēq; acciderit, nisi quod
 uiuis nobis Roma profectus est: optemus potius, ut eat in
 exilium, quā queramur. sed cur tandiu de uno hoste
 loquimur? & de eo hoste, qui iā fatetur se esse hostem?
 & quem, quia, quod semper uolui, murus interest, non
 timeo? de ijs, qui dissimulant, qui Romæ remanent, qui

nobiscum sunt, nihil dicimus? quos quidem ego, si ullo modo fieri posset, non tã ulcisci studeo, quã sanare, & ipsos placare Reip. neque, id quare fieri nō possit, si me audire uoluerint, intelligo: exponã enim uobis Quirites, ex quibus generibus hominum istæ copię comparentur: deinde singulis medicinam cōsiliij, atque orationis meæ, si quã potero, afferam. Primũ genus est eorũ, qui magno in ære alieno maiores etiam possessiones habet, quarum amore adducti dissolui nullo modo possunt. horũ hominum species est honestissima: sunt enim locupletes: uoluntas uero & causa impudentissima. tu agris, tu ædificijs, tu argento, tu familia, tu rebus omnibus ornatus & copiosus sis, & dubites aliquid de possessione detraxere, ac fidem acquirere? quid enim expectas? bellum? quid? ergo in uastatione omniũ tuas possessiones sacrosanctas futuras putas? an tabulas nouas? errant, qui istas à Catilina expectant: meo beneficio tabulæ nouæ proferentur, uerũ auctionariæ: neque enim isti, qui possessiones habet, alia ratione ulla salui esse possunt. quod si maturius facere uoluissent, neq; id quod stultissimum est, certare cum usuris fructibus prædiorum: locupletioribus ijs, & melioribus ciuibus uteremur. sed hosce homines minime puto pertimescendos, q̃ aut deduci de sententia possunt, aut, si permanebũt, magis mihi uidentur uota facturi cōtra Remp. quã arma laturi. Alterum genus est eorum, qui quanquam premuntur ære alieno, dominationẽ tamen expectant, rerum potiri uolunt, honores, quos quieta Rep. desperant, perturbata cōsequi se posse arbitrantur. quibus hoc præcipiendum uidetur, unum scilicet & idem, quod cæteris omnibus,

ut desperent se id, quod conantur, consequi posse: primū omnium me ipsum uigilare, adesse, providere Reip. deinde magnos animos esse in bonis uiris, magnā concordia, maximam multitudinem, magnas præterea copias militum: deos denique immortales huic inuictō populo, clarissimo imperio, pulcherrimæ urbi contra tantā uim sceleris præsentis auxilium esse laturos. quod si iam sint id, quod cū summo furore cupiūt, adepti: num illi in cinere urbis, & sanguine ciuiū, quæ mente cōscelerata, ac nefaria cōcupierunt, se Consules, ac Dictatores, aut etiā Reges sperant futuros? non uident se cupere id, quod si adepti fuerint, fugitiuo alicui, aut gladiatori cōcedi sit necesse?

Tertiū genus est ætate iā confectū, exercitatione robustum: quo ex genere est ipse Manlius, cui nūc Catilina successit. hi sunt homines ex ijs colonijs, quas Fesulis Sylla constituit: quas ego uniuersas ciuium esse optimorum & fortissimorum uirorum sentio: sed tamen hi sunt coloni, qui se insperatis repentinisq; pecunijs sumptuosius insolentiusq; iactarunt: hi dum ædificant tanquam beati, dum prædijs, læteticis, familijs magnis, conuiuijs, apparatibus delectantur, in tantū æs alienum inciderunt, ut, si salui esse uelint, Sylla sit ijs ab inferis excitandus. qui etiā non nullos agrestes, homines tenues, atq; egentes, in eandē illā spem rapinarū ueterum impulerunt. quos ego utrosq; Quirites in eodem genere prædatorū, direptorumq; pono. sed eos hoc moneo, desinant furere, & proscriptiones, & Dictaturas cogitare: tātus. n. illorū temporū dolor iniustus est ciuitati, ut iam ista non modo homines, sed ne pecudes quidem mihi passuræ esse uideātur. Quartum genus est sanè uarium, & mix-

tum, & turbulentum: qui iam pridem premuntur: qui nunquā emergunt: qui partim inertia, partim male gerendo negotio, partim etiā sumptibus in uetere aere alieno uacillāt: qui uadimonij, iudicij, proscriptionibus bonorum defatigati, permulti et ex urbe, & ex agris se in illa castra conferre dicuntur. hosce ego non tam milites acres, quā inficiatores lentos esse arbitror. qui homines primum si stare nō possunt, corruant, sed ita, ut nō modo ciuitas, sed ne uicini quidem proximi sentiant: nā illud non intelligo, quamobrem, si uiuere honeste nō possunt, perire turpiter uelint, aut cur, minore dolore perituros se cum multis, quā si soli pereant, arbitrentur.

Quintū genus est parricidarum, sicariorum, denique omnium facinorosorū: quos ego à Catilina non reuoco: nam neq; diuelli ab eo possunt, & pereant sanè in latrocinio, quoniā sunt ita multi, ut eos capere carcer nō possit. Postremum autem genus est non solum numero, uerum etiam genere ipso, atque uita, quod proprium est Catilinæ, de eius delectu, immo uero de cōplexu eius, ac sinu, quos pexo capillo nitidos, aut imberbes, aut bene barbato uidetis, manicatis, & talaribus, ac tritis tunicis, uel amictos, non togis: quorum omnis industria uitæ, & uigilandi labor in antelucanis cœnis expromitur. in his gregibus omnes aleatores, omnes adulteri, omnes impuri, impudicīq; uersantur. hi pueri tam lepidi, ac delicati nō solum amare, & amari, neque cantare, & psallere, sed etiam sicas uibrare, & spargere uenena didicerunt: qui nisi exeunt, nisi pereunt; etiā si Catilina perierit, scito te hoc in Rep. seminarium Catilinarium futurū. uerū tamen quid sibi isti miseri uolūt? num suas secum mu-

ORATIO II.

lierculas sunt in castra ducturi? quemadmodum autem illis carere poterunt, his praesertim iam noctibus? quo autem pacto illi Apenninum atque illas pruinas ac nives perferent? nisi iccirco se facilius hiemem toleraturos putant, quod in conuiuijs nudi saltare didicerunt. o bellum magnopere pertimescendum, cum hanc sit habiturus Catilina scortatorum cohortem praetoriam. instruite nunc Quirites contra has tam praeclaras Catilinae copias uestra praesidia, uestrosque exercitus: et primum gladiatori illi confecto, et saucio Consules, imperatoresque uestros opponite: deinde contra illam naufragorum eiectionem ac debilitatam manum florem totius Italiae ac robur educite: iam uero urbes coloniarum, ac municipiorum respondebunt Catilinae tumulis siluestribus. neque uero ceteras copias, ornamenta, praesidia uestra cum illius latronis inopia, atque egestate debeo conferre. sed si omissis his rebus omnibus, quibus nos suppeditamus, eget ille, senatu, equitibus R. populo, urbe, aerario, uectigalibus, cumeta Italia, prouincijs omnibus, exteris nationibus; si, inquam, his rebus omissis ipsas causas, quae inter se confligunt, contendere uelimus: ex eo ipso, quam ualde illi iaceant, intelligere possumus: ex hac. n. parte pudor pugnat, illinc petulantia; hinc pudicitia, illinc stuprum; hinc fides, illinc fraudatio; hinc pietas, illinc scelus; hinc constantia, illinc furor: hinc honestas, illinc turpitudine; hinc continentia, illinc libido: denique aequitas, temperantia, fortitudo, prudentia, uirtutes omnes certant cum iniquitate, cum luxuria, cum ignauia, cum temeritate, cum uitijs omnibus: postremo copiae cum egestate, bona ratio cum perdita, mens sana cum amentia, bona denique spes cum omnium rerum desperatione con-

fligit. in huiusmodi certamine ac prælio non ne, etiam si
 hominum studia deficient, dii ipsi immortales cogent ab
 his præclarissimis uirtutibus tot, & tanta uicia superari?
 quæ cum ita sint Quirites, uos, quemadmodum iam antea
 dixi, uestra tecta custodijs, uigilijsq; defendite, mihi, ut
 urbi sine uestro motu ac sine ullo tumultu satis esset
 præsidij, consultum ac prouisum est. coloni omnes, munici
 pesq; uestri certiores à me facti de hac nocturna excur=
 sione Catilinæ, facile urbes suas finesq; defendet: gladi=
 tores, quam sibi ille maximam manum, & certissimam fore
 putauit, quanquam meliore animo sunt, quam pars patritio=
 rum, potestate tamen in uestra continebuntur: Q. Me=
 tellus, quem ego, prospiciens hoc, in agrum Gallicanum Pice=
 numq; præmisi, aut opprimet hominem, aut omnes eius
 motus, conatusq; prohibebit: reliquis autem de rebus con=
 stituendis, maturandis, agendis iam ad senatum refere=
 mus, quem uocari uidetis. Nunc illos, qui in urbe reman=
 serunt, atq; adeo qui contra urbis salutem omniumq; ue=
 strum in urbe à Catilina relictum sunt, quanquam sunt ho=
 stes, tamen, quia nati sunt ciues, monitos etiam atque etiam
 uolo. mea lenitas adhuc si cui solutior uisa est, hoc ex=
 pectauit, ut id, quod latebat, erumperet. quod reli=
 quum est, iam non possum obliuisci, meam hanc esse pa=
 triam, me horum esse Consulem; mihi aut cum his uiuen=
 dum, aut pro his esse moriendum. nullus est portæ custos,
 nullus insidiator uiae: si qui exire uolunt, consulere sibi
 possunt: qui uero in urbe se commouerit, cuius ego non
 modo factum, sed inceptum ullum, conatumue contra
 patriam deprehendero, sentiet in hac urbe esse Consules
 uigilantes, esse egregios magistratus, esse fortem sena=

O R A T I O II.

tum, esse arma, esse carcerem, quem uindictam nefariorum ac manifestorum scelerum maiores nostri esse uoluerunt. atque hæc omnia sic agentur Quirites, ut res maximæ minimo motu, pericula summa nullo tumultu, bellum intestinum, ac domesticum, post hominum memoriam crudellissimum & maximum me uno togato duce et imperatore sedetur. quod ego sic administrabo Quirites, ut, si ullo modo fieri poterit, ne improbus quidem quisquam in hac urbe poenā sui sceleris sufferat. sed si uis manifestæ audaciæ, si impendens patriæ periculum me necessario de hac animi lenitate deduxerint: illud profecto perficiam, quod in tanto, & tam insidioso bello uix optandum uidetur, ut ne quis bonus intereat, paucorumque poena uos omnes iam salui esse possitis. quæ quidem ego neque mea prudentia, neque humanis consilijs fretus polliceor uobis Quirites, sed multis, & non dubijs deorum immortalium significationibus: quibus ego ducibus in hac spem, sententiamque sum ingressus: qui iam non procul, ut quondam solebant, ab extero hoste atque longinquo, sed hic presentes suo numine, atque auxilio sua templa, atque urbis tecta defendunt: quos uos Quirites precari, uenerari, atque implorare debetis, ut quam urbem pulcherrimam, florentissimam, potentissimamque esse uoluerunt, hæc, omnibus hostium copijs terra, marique superatis, à perditissimorum ciuium nefario scelere defendant.

IN L. CATILINAM,

AD QUIRITES.

ORATIO XXI.

Emp. Quirites, uitamq; omniū uestrū,
 bona, fortunas, coniuges, liberosq; ue-
 stros, atque hoc domicilium clarissimū
 imperij, fortunatissimā pulcherrimāq;
 urbem hodierno die deorum immorta-
 lium summo erga uos amore, laboribus, consilijs, pericu-
 lisq; meis ex flamma, atq; ferro, ac penē ex faucibus fa-
 ti ereptā, & uobis conseruatam, ac restitutam uidetis. et
 si non minus nobis iucūdi, atq; illustres sunt ij dies, qui-
 bus conseruamur, q̄ illi, quibus nascimur; q̄ salutis cer-
 ta letitia est, nascendi incerta conditio; & q̄ sine sen-
 su nascimur, cum uoluptate conseruamur: profecto, quo-
 niam illum, qui hāc urbem condidit, Romulum ad deos
 immortales beneuolentia, fama q; sustulimus; esse apud
 uos, posterosq; uestros in honore debet dies is, qui eādē
 hanc urbem conditā, amplificatāq; seruauit: nam to-
 tius urbis tēplis, delubris, tectis omnibus subiectos prope
 iam ignes circundatosq; restinximus; ijdemq; gladios in
 Remp. distriētos retudimus, mucronesq; eorum à iugulis
 uestris reiecimus. quæ quoniam in senatu illustrata, pate-
 facta, compertaq; sunt per me: uobis iam exponā breui-
 ter Quirites: ut, & quanta, & q̄ manifesta, & qua ra-
 tione inuestigata, & cōprehensa sint, uos, qui & ignora-
 tis, & expectatis, scire possitis. Principio, ut Catilina pau-
 cis ante diebus erupit ex urbe, cū sceleris sui socios, et hu-
 iusce nefarij belli acerrimos duces Romæ reliquisset; sem

O R A T I O III.

per uigilaui, & prouidi Quirites, quēadmodum in tātis,
 & tam absconditis insidijs salui esse possemus. nam tū,
 cum ex urbe Catilinam eijciebam (non. n. i. uereor hu-
 ius uerbi inuidiā, cū illa magis sit timenda, quod uiuus
 egressus est) sed tū, cum illum exterminari uolebam, aut
 reliquam coniuratorū manum simul exituram, aut eos,
 qui remāssissent, infirmos sine illo ac debiles fore putabā.
 atq; ego, ut uidi, quos maximo furore, & scelere esse in-
 flāmatos sciebam, eos esse nobiscū, & Romæ remansisse:
 in eo omnes dies noctesq; cōsumpsi, ut, quid agerēt, quid
 molirētur, sentire, ac uiderem: ut, quoniam auribus ue-
 stris propter incredibilem magnitudinem sceleris mino-
 rem fidē faceret oratio mea, rem ita cōprehenderem, ut
 tum demum animis salutē uestræ prouideretis, cū oculis
 maleficiū ipsum uideretis. itaq; ut cōperi Legatos Allo-
 brogū bellitrāsalpini, & tumultus Gallici excitādi cau-
 sa à P. Lentulo esse sollicitatos, eosq; in Galliā ad suos ci-
 ues, eodem itinere cum literis, mandatisq; ad Catilinam
 esse missos, comitemq; ijs adiunctū Vulturciū, atq; huic
 datas esse ad Catilinā literas: facultatem mihi oblatam
 putauī, ut, quod erat difficillimū, quodq; ego semp opta-
 bam à dijs immortalibus, tota res nō solū à me, sed etiā
 à senatu, & à uobis manifeste deprehēderetur. itaq; he-
 sterno die L. Flaccum & C. Pōtinum Prætt. fortissimos,
 atq; amātissimos Reip. uiros, ad me uocaui: rem omnem
 exposui: quid fieri placeret, ostendi. illi autem, qui omnia
 de Rep. præclara atq; egregia sentirent, sine recusatione,
 ac sine ulla mora negotiū susceperunt, & cum adue-
 sperasceret, occulte ad pontē Miluium peruenērunt, at-
 que ibi in proximis uillis ita bipartiti fuerūt, ut Tiberis

inter eos & pons interesset. eodem autē & ipsi sine cuiusquam suspicionē multos fortes viros eduxerunt. & ego de præfectura Reatina cōplures delectos adolefcētes, quorum opera utor assidue in Reip. præsidio, cū gladijs miserī. interim tertia ferē uigilia exacta, cum iam pōtem cū magno comitatu Legati Allobrogū ingredi inciperēt, unaq; Vulturcius: fit in eos impetus: educūtur & ab illis gladij, & à nostris: res erat Prætoribus nota solis, ignorabatur à cæteris. tū interuentu Pontinī, atq; Flacci pugnæ, quæ erat cōmissa, sedatur: literæ, quæcūq; erant in eo comitatu, integris signis Prætoribus traduntur: ipsi cōprehensi ad me, cū iā dilucesceret, deducuntur. atque horū omniū scelerū improbiſſimorū machinatorē Cimbrū Gabinū statim ad me nihil dū suspicātem uocaui: deinde itē accersitur P. Statilius, & post eum Cethegus: tardissime autē Lentulus uenit, credo. q̄ in literis dādis præter consuetudinē proxima nocte uigilarat. cū uero summis ac clarissimis huius ciuitatis uiris, qui audita re frequentes ad me mane cōuenerant, literas à me prius aperiri, q̄ ad senatū referri placeret, ne, si nihil esset inuētū, temere à me tātus tumultus iniectus ciuitati uideretur: negaui me esse facturū, ut de periculo publico nō ad cōsiliū publicū rē integrā deferrem: etenim Quirites si ea, quæ erāt ad me delata, reperta nō essent, tamē ego non arbitrabar in tātis Reip. periculis esse mihi nimia diligētiā pertimescēdā. senatū frequētē celeriter, ut uidistis, coegi: atq; interea statim admonitu Allobrogū C. Sulpitiū Præt. fortem uirū misi, qui ex ædibus Cethegi, si quid telorum esset, efferret. ex quibus ille maximū sicarum numerū, & gladiatorum extulit. introduxi Vulturcium sine

O R A T I O III.

Gallis: fidē ei publicā iussu senatus dedi: hortatus sum, ut ea, quæ sciret, sine timore indicaret. tum ille dixit, cū uix se ex magno timore recreasset, à P. Lentulo se habere ad Catilinam mandata, & literas, ut seruorum præsidio uteretur, & ad Urbem quamprimum cum exercitu accederet: id autem eo consilio, ut, cum Urbē omnibus ex partibus, quemadmodum descriptum, distributumq; erat, incēdissent, cædemq; infinitā ciuium fecissent, præsto esset ille, qui & fugiētes exciperet, & se cum his urbanis ducibus coniungeret. introducti autē Galli, iussurandum sibi, & literas à P. Lentulo, Cethego, Statilio ad suam gentem datas esse, dixerunt, atq; ita sibi ab his et à L. Cassio esse præscriptū, ut equitatū in Italiam quamprimum mitterēt, pedestres sibi copias non defuturas: Lentulum autē sibi confirmasse, ex fatis Sibyllinis, Aruspicumq; responsis se esse tertium illum Cornelium, ad quem regnū huius urbis, atque imperiū peruenire esset necesse: Cinnam ante se, & Syllā fuisse, eundemq; dixisse, fatalem hunc esse annū ad interitū huius urbis, atq; imperij, qui esset decimus annus post uirginū absolutiōnem, post Capitolij autem incensionem uigesimus. hanc autem Cethego cum cæteris controuersiū fuisse dixerūt, q; cum Lentulo, & cæteris Saturnalibus cædē fieri, atq; Urbem incendi placeret, Cethego nimium id longum uideretur. ac, ne longū sit Quirites, tabellas proferri iussimus, quæ à quoque dicebantur datæ. primū ostendimus Cethego: signum cognouit. nos linū incidimus, legimus. erat scriptum ipsius manu Allobrogum senatui, & populo, sese, quæ eorum legatis confirmasset, esse facturum: orare, ut item illi facerent, quæ sibi Legati eorum

rū præcepissent . tum Cethegus, qui paulo ante aliquid de gladijs, ac sicis, quæ apud illū itidē erant deprehensæ, respondisset, dixissetq; se semper bonorum ferramento= rū studiosum fuisse; recitatis literis, debilitatus, atque abiectus, conscientia conuictus repēte conticuit. introdu= ctus Statilius, cognouit manum & sinum suum. reci= tata sunt tabellæ in eandem ferè sententiam: cōfessus est. tū ostendi tabellas Lentulo, & quæsiui, cognosceret ne signum: annuit. est uero, inquā, signū quidē notum, imago aui tui clarissimi uiri, qui amauit unice patriā, et ciues suos: quæ quidē te à tanto scelere etiā muta re uocare debuit. legūtur eadē ratione ad senatum Allo= brogum populumq; literæ. si quid de his rebus dicere uellet, feci potestatem. atque ille quidē primo negauit: post aut aliquādo, toto indicio exposito atque edito, sur= rexit: quæsiuit à Gallis, quid sibi esset cū ijs, quāobrem domū suam uenissent; itemq; à Vulturcio. qui cū illi breuiter cōstanterq; respondissent, per quē ad eū, quo= riesq; uenissent; quæsissetq; ab eo, nihil ne secū esset de fatis Sibyllinis locutus: tum subito ille scelere demens, quanta uis conscientiæ esset, ostendit: nam cum id posset inficiari, repente præter opinionē omnium confessus est: ita eū non modo ingeniū illud, & dicendi exercitatio, qua semper ualuit, sed etiā propter uim sceleris manife= sti atque deprehensi impudentia, qua superabat oēs, im= probitasq; defecit. Vulturcius uero subito proferri lite= ras atque aperiri iussit, quas sibi à Lentulo ad Catilinā datas esse dicebat: atque ibi uehemētissime perturbatus Lentulus, tamen signū & manū suam cognouit. erant autem scriptæ sine nomine, sed ita. QVI SIM, EX

Cic. Orat.

PP

ORATIO III.

EO, QVEM AD TE MISI, COGNO-
SCES. CVRA, VT VIR SIS: ET COGI-
TA, QVEM IN LOCVM SIS PROGRES-
SVS: ET VIDE, QVID IAM TIBI SIT
NECESSE: CVRA, VT OMNIVM TI-
BI AVXILIA ADIVNGAS, ETIAM
INFIMORVM. Gabinius deinde introductus, cū
primo impudenter respondere cœpisset, ad extremum
nihil ex ijs, quæ Galli insimulabant, negavit. ac mihi
quidē Quirites cū illa certissima sunt uisa argumenta,
atq; indicia sceleris, tabellæ, signa, manus, denique uni-
uscuiusque cōfessio: tū multo illa certiora, color, oculi,
uultus, taciturnitas: sic. n. obstupuerāt, sic terram intue-
bantur, sic furtim nō nunquam inter se aspiciebant, ut
non iam ab alijs indicari, sed ipsi à se uiderentur. Indi-
cijs expositis, atque editis Quirites, senatum consului, de
summa Reip. quid fieri placeret. dictæ sunt à principi-
bus acerrimæ ac fortissimæ sententiæ, quas senatus sine ul-
la uarietate est consecutus. & quoniā non dum est per-
scriptum S. C. ex memoria uobis Quirites, quid senatus
cēsuerit, exponā. primū mihi gratiæ uerbis amplissimis
aguntur, q̄ uirtute, consilio, prouidentia mea Resp. peri-
culis sit maximis liberata: deinde L. Flaccus & C. Pon-
tinus Prætt. q̄ eorum opera forti fideliq; usus essem,
merito ac iure laudantur: atque etiā uiro forti collegæ
meo C. Antonio laus impertitur, q̄ eos, qui huius coniu-
rationis participes fuissent, à suis et Reip. cōsilijs remo-
uisset. atque ita censuerunt, ut P. Lentulus, cū se Prætu-
ra abdicasset, tum in custodiam traderetur; itemq; ut
C. Cethegus, L. Statilius, P. Gabinius, qui omnes præ sen-

tes erant, in custodiam traderetur : atque idem hoc decretum est in L. Cassiū, qui sibi procurationē incendendæ urbis depoposcerat; in M. Cepariū, cui ad sollicitandos pastores Apuliā esse attributam erat indicatum; in P. Furiū, qui est ex ijs colonijs, quas Fesulas L. Sylla deduxit; in Q. Manlium Chilonē, qui unā cum hoc Furio semper erat in hac Allobrogū sollicitatione uersatus; in P. Umbrenū libertinum hominem, à quo primū Gallos ad Gabiniū pductos esse cōstabat. atque ea lenitate senatus est usus Quirites, ut ex tanta cōiuratione, tantāq; uī ac multitudine domesticorum hostium nouē hominū perditissimorū poena Rep. conseruata, reliquorum mentes sanari posse arbitraretur. atque etiā supplicatio dijs immortalibus pro singulari eorum merito, meo nomine decreta est Quirites : quod mihi primum post hanc urbem conditā togato contigit : & ijs decreta uerbis est, q̄ urbē incēdijs, cæde ciues, Italiā bello liberassē. quæ supplicatio si cū cæteris conferatur Quirites, hoc intersit, q̄ cæteræ bene gesta, hæc una conseruata Rep. constituta est. atque illud, quod faciēdum primum fuit, factum atque transactū est : nam P. Lentulus, quāquam patefactus indicijs, & cōfessionibus suis, iudicio senatus non modo Prætoris ius, uerum etiam ciuis amiserat, tamen magistratu se abdicauit, ut, quæ religio C. Mario clarissimo uiro non fuerat, quo minus C. Glauciam, de quo nihil nominatim erat decretum, Prætorē occideret, ea nos religione in priuato P. Lentulo puniēdo liberaremur. Nunc, quoniā Quirites sceleratissimi periculosissimiq; belli nefarios duces captos iam, & cōprehensos tenetis, existimare debetis, omnes Catilinæ copias, omnes

O R A T I O I I I .

spes, atque opes his depulsis urbis periculis cōcidisse. quē
 quidem ego cū ex urbe pellebam, hoc providebam ani-
 mo Quirites, remoto Catilina, nec mihi esse P. Lētuli so-
 mnum, nec L. Casij adipē, nec C. Cethegi furiosam te-
 meritatē pertimescendā. ille erat unus timendus ex his
 omnibus, sed tādīu, dum mōenibus urbis continebatur :
 omnia norat: omniū aditus tenebat : appellare, tentare,
 sollicitare poterat, audebat: erat ei consilium ad facinus
 aptū : consilio aut neque lingua, neq; manus deerat :
 iā ad ceteras res cōficiendas certos homines delectos ac
 descriptos habebat: neque uero, cū aliquid mādauerat,
 confectū putabat; nihil erat, quod non ipse obiret, oc-
 curreret, uigilaret, laboraret: frigus, sitim, famem ferre
 poterat. hunc ego hominem tam acrem, tam paratum,
 tam audacem, tam callidū, tam in scelere uigilantem,
 tam in perditis rebus diligentem nisi ex domesticis insi-
 dijs in castrense latrocinium compulisset, (dicā id, quod
 sentio, Quirites) non facile hanc tantam molem mali
 à ceruicibus uestris depulisset. nō ille uobis Saturnalia
 constituisset; neque tanto ante exitiū, ac fati diē Reip.
 denūciaisset; neq; cōmisisset, ut signū, ut literæ suæ, testes
 deniq; manifesti sceleris deprehenderētur. quæ nūc illo
 absente sic gesta sunt, ut nullū in priuata domo furtū
 unquam sit tam palām inuentum, q̄ hæc tanta in Rēp.
 coniuratio manifesto inuenta atque deprehensa est. q̄ si
 Catilina in urbe ad hanc diem remansisset: quanquam,
 quoad fuit, omnibus eius consilijs occurri, atque obsti-
 ti; tamen, ut leuissime dicam, dimicandum nobis cum
 illo fuisset, neque nos unq̄, dum ille in urbe hostis fuis-
 set, tātis periculis Remp. tanta pace, tanto otio, tanto si-

lentio, liberaſſemus. quanquam hæc omnia Quirites ita ſunt à me adminiſtrata, ut deorum immortalium nutu atque cōſilio & geſta & prouiſa eſſe uideātur. idq; cū coniectura conſequi poſſumus, q̄ uix uidetur humani cōſilij tantarū rerum gubernatio eſſe potuiſſe: tum uero ita præſentes his tēporibus opem & auxilium nobis tulerunt, ut eos penè oculis uidere poſſemus. nā ut illa omittam, uiſas nocturno tēpore ab occidente faces, ardo remq; cœli, ut fulminum iaētus, ut terræ motus, cæteraq; quæ tā multa nobis Conſulibus facta ſunt, ut hæc, quæ nunc ſunt, canere dij immortales uiderentur: hoc certe Quirites, quod ſum dicturus, neque prætermittendum, neque relinquendū eſt: nā proſecto memoria tenetis, Cotta, et Torquato Coſs. cōplures in Capitolio turres de cœlo eſſe percuffas, cū & ſimulacra deorum immortalium depulſa ſunt, & ſtatue ueterum hominum deiectæ, & legū æra liquefacta. tactus eſt etiā ille, qui hanc urbē condidit, Romulus, quem inauratum in Capitolio, parū, atq; lactentē, uberibus lupinis inhiātem, fuiſſe meministi. quo quidē tempore, cū Aruſpices ex tota Hetruria cōueniſſent, cædes, atque incēdia, & legū interitū, & bellum ciuile ac domesticum, & totius urbis ac imperij occaſum appropinquare dixerunt, niſi dij immortales omni rōne placati ſuo numine propè fata ipſa flexiſſent. itaque illorū reſponſis tunc & ludi decē per dies facti ſunt, neque res ulla, quæ ad placādum deos prineret, prætermiſſa eſt. ijdemq; iuſſerunt ſimulacrū Iouis facere maius, & in excelſo collocare, & contra atque ante fuerat, ad orientē cōuertere: ac ſe ſperare dixerunt, ſi illud ſignum, quod uidetis, ſolis ortū,

O R A T I O I I I .

Et forū curiamq; conspiceret, fore, ut ea consilia, quæ
 clām essent inita contra salutē urbis, atque imperij, illu-
 strarētur, ut à senatu populoq; R. perspicī possent. atq;
 illud ita collocandū Cōsules illi statuerūt: sed tāta fuit
 opis tarditas, ut neque à superioribus Cōsulibus, neque à
 nobis ante hodiernū diē collocaretur. hic quis potest esse
 Quirites tā auersus à uero, tam præceps, tā mente ca-
 ptus, qui neget hæc omnia, quæ uidemus, præcipueq;
 hāc urbē deorū immortalīū nutu, atque potestate admi-
 nistrari? etenim cū esset ita respōsum, cædes, incendia,
 interitumq; Reip. cōparari, et ea à perditis ciuibus: quæ
 tum propter magnitudinē scelerum nonnullis incredi-
 bilia uidebātur, ea nō modo cogitata à nefarijs ciuibus,
 uerum etiā suscepta esse sensistis. illud uero non ne ita
 præsens est, ut nutu Iouis Optimi Maximi factū esse ui-
 deatur? ut, cum hodierno die mane per forū meo iussu
 Et coniurati, Et corū indices in ædem Concordiæ duce-
 rentur, eo ipso tempore signum statueretur: quo col-
 locato, atque ad uos, senatumq; cōuerso, omnia Et sena-
 tus, Et uos, quæ erāt cōtra salutē omnium cogitata, il-
 lustrata, Et patefacta uidistis. quo etiā maiore sunt isti
 odio supplicioq; digni, qui nō solū uestris domicilijs atq;
 tectis, sed etiam deorū tēplis atque delubris sunt fune-
 stos ac nefarios ignes inferre conati: quibus ego si me
 restitisse dicam, nimium mihi sumam, Et non sim feren-
 dus: ille, ille Iupiter restitit: ille Capitoliū, ille hæc tem-
 pla, ille hanc urbem, ille uos oēs saluos esse uoluit. dijs
 ego immortalibus ducibus hanc mentē Quirites uolun-
 tatemq; suscepi, atque ad hæc tanta indicia perueni. iā
 uero illa Allobrogum sollicitatio à Lentulo, cæterisq; do-

mesticis hostibus, tãta res tã demeter credita & ignotis,
& barbaris, commissæq; literæ nunquam essent profe-
cto, nisi à dijs immortalibus huic tantæ audaciæ consi-
lium esse ereptum. quid uero, ut homines Galli ex ciui-
tate male pacata, quæ gēs una restat, quæ populo R. bel-
lum facere & posse, & nō nolle uideatur, spem impe-
rij & rerū amplissimarū ultro sibi à patritijs homini-
bus oblatā negligere, uestramq; salutem suis opibus
anteponerēt; id non ne diuinitus factū esse putatis? præ-
sertim qui nos nō pugnādo, sed tacēdo superare potue-
runt. quāobrem Quirites, quoniam ad omnia puluina-
ria supplicatio decreta est, celebratote illos dies cum con-
iugibus, ac liberis uestris: nā multi sæpe honores dijs im-
mortalibus iusti habiti sunt, ac debiti, sed profecto iustio-
res nunq̃: erepti. n. ex crudelissimo ac miserrimo inte-
ritu, & erepti sine cæde, sine sanguine, sine exercitu, si-
ne dimicatione, togati me uno togato duce et imperato-
re uicistis. etenim recordamini Quir. omnes ciuiles dis-
ensiones, neq; solū eas, quas audistis; sed et has, quas uos
met ipsi meministis, et uidistis. L. Sylla P. Sulpitium op-
pressit: C. Mariū custodē huius urbis, multosq; fortes ui-
ros partim eiecit ex ciuitate, partim interemit. Cn. Octa-
uius Cos. armis ex urbe collegam suum expulit. omnis
hic locus acruis corporum, & ciuium sanguine redū-
dauit. superauit postea Cinna cum Mario. tum uero
clarissimis uiris interfectis, lumina ciuitatis extincta
sunt. ultus est huius uictoriæ crudelitatem postea Sy-
lla, ne dici quidē opus est quanta diminutione ciuiū, &
quanta calamitate Reip. dissensit M. Lepidus à clarissi-
mo, et fortissimo uiro Q. Catulo: attulit nō tã ipsius in-

O R A T I O I I I .

teritus Reip. luctū, q̄ caterorum . atque illæ dissensiones
 erāt huiusmodi Quirites, quæ non ad delendā , sed ad
 commutandam Remp. pertinerent. non illi nullam esse
 Remp. sed in ea, quæ esset, se esse principes: neq; hāc ur-
 bē cōflagrare, sed se in hac urbe florere uoluerūt. atque
 illæ tamen oēs dissensiones, quarum nulla exitiū Reip.
 quæsiuit, eiusmodi fuerūt, ut nō reconciliatione concor-
 diæ, sed internicione ciuium dijudicatæ sint . in hoc au-
 tem uno post hominū memoriam maximo , crudelissi-
 moq; bello, quale bellum nulla unquam barbaria cum
 sua gēte gessit, quo in bello lex hæc fuit à Lentulo, Cati-
 lina, Cassio, Cethego cōstituta, ut omnes, qui salua Vrbe
 salui esse possent, in hostiū numero ducerentur , ita me
 gessi Quirites, ut oēs salui conseruaremini. & cum ho-
 stes uestri tantū superfuturum putassent, quantum infi-
 nitæ cædi restitisset ; tantū aut urbis , quantum flāma
 obire non potuisset : & urbē, & ciues integros incolu-
 mesq; seruaui . quibus pro tantis rebus Quirites nullū
 ego à uobis præmium uirtutis, nullum insigne honoris,
 nullum monimentum laudis postulo, præterq̄ huius diei
 memoriam sempiternam . in animis ego uestris omnes
 triūphos meos, omnia ornamenta honoris , monimenta
 gloriæ , laudis insignia cōdi & collocari uolo . nihil me
 mutū potest delectare, nihil tacitum, nihil denique hu-
 iusmodi, quod etiā minus digni assequi possint. memo-
 ria uestra Quirites nostræ res alentur , sermonibus cre-
 scent, literarū monimentis inueterascunt, & corroborā-
 buntur : eandemq; diem intelligo , quā spero æternam
 fore , & ad salutem urbis, & ad memoriam Consula-
 tus mei propagatam ; unōque tēpore in hac Rep. duos

ciues extitisse, quorum alter fines uestri imperij non ter-
ræ, sed cœli regionibus terminaret, alter eiusdē imperij
domicilium, sedemq; seruaret. sed quoniā earum re-
rum, quas ego gessi, non est eadē fortuna, atque condi-
tio, quæ illorum, qui externa bella gesserunt; q̄ mihi ui-
uendum sit cum illis, quos uici, ac subegi; illi hostes aut
interfectos, aut oppressos reliquerunt: uestrū est Quiri-
tes, si cæteris recta sua facta prosunt, mihi mea ne quā-
do obsint, providere: mentes enim hominū audacissi-
morum sceleratæ, ac nefariæ ne uobis nocere possent, ego
prouidi; ne mihi noceant, uestrū est providere. quan-
quam Quirites mihi quidem ipsi nihil iam ab istis noce-
ri potest: magnum enim est in uobis præsidium, quod
mihi in perpetuū comparatum est; magna in Rep. di-
gnitas, quæ me semp̄ tacita defendet; magna uis est cō-
scientiæ; quā qui negligent, cū me uiolare uolent, se
ipsi indicabūt. est etiam in nobis is animus Quirites, ut
non modo nullius audaciæ cedamus, sed etiā omnes im-
probos ultro semper laceffamus. q̄ si omnes impetus do-
mesticorum hostium, depulsi à uobis, se in me unum
conuererint: uobis erit providendum Quirites, qua
cōditione posthac eos esse uelitis, qui se pro salute uestra
obtulerint inuidiæ periculisq; omnibus: mihi quidē ipsi,
quid est, quod iā ad uitæ fructum possit acquiri? præ-
sertim cū neque in honore uestro, neque in gloria uir-
tutis quidquam uideam altius, quò quidem mihi libeat
ascendere. illud perficiam profecto Quirites, ut ea, quæ
gessi in Consulatu, priuatus tunc, atque ornem: ut si
qua est inuidia in cōseruanda Rep. suscepta, lædat inui-
dos, mihi ualeat ad gloriā. denique ita me in Rep. tra-

O R A T I O . III.

Et abo, ut meminerim semper quæ gesserim, curemque ut ea uirtute, non casu gesta esse uideantur. Vos Quirites, quoniam iam nox est, ueneramini illum Iouem custodem huius urbis, ac uestrum, atque in uestra tecta discedite, et ea, quanquam iam periculum est depulsum, tamen æque, ac priori nocte fecistis, custodijs, uigilijsque defendite. id ne uobis diutius faciendum sit, atque ut in perpetua pace esse possitis, providebo.

IN L. CATILINAM,
IN SENATV.
ORATIO XXII.

Ideo P.C. in me omnium uestrum ora,
atque oculos esse cōuersos: uideo uos nō
solū de uestro, ac Reip. uerum etiam,
si id depulsum sit, de meo periculo esse
solicitos. est mihi iucunda in malis, &
grata in dolore uestra erga me uolūtas: sed eā p̄ deos im-
mortales quāso deponite, atq; obliuisci salutis meæ, de uo-
bis, ac de liberis uestris cogitate. mihi quidē si hæc con-
ditio Cōsūlatūs data est, ut omnes acerbitates, omnes do-
lores, cruciatusq; perferrem, feram non solum fortiter,
sed etiā libēter, dum modo meis laboribus uobis popu-
loq; R. dignitas, salusq; pariat. ego sum ille Consul
P.C. cui nō forū, in quo omnis æquitas continetur; non
campus, consularibus auspicijs consecratus; non curia,
summū auxilium omniū gentium; nō domus, cōmune
perfugium; nō lectus, ad quietem datus; non denique
hæc sedes honoris sella curulis unquā uacua mortis pe-
riculo atq; insidijs fuit. ego multa tacui, multa pertuli,
multa cōcessi, multa meo quodā dolore in uestro timore
sanavi. nunc si hunc exitū Cōsūlatūs mei dii immor-
tales esse uoluerunt, ut uos P.C. populumq; R. ex cæde
misera, coniuges, liberosq; uestros, uirginesq; Vestales ex
acerbissima uexatione, tēpla, atq; delubra, hāc pulcher-
rimam patriā omnium nostrū ex fœdissima flāma, to-
tā Italiā ex bello, et uastitate eriperē: quæcūque mihi
unī proponetur fortuna, subeat. etenim si P. Lentulus

O R A T I O I I I I .

suū nomē induētus à uatibus fatale ad perniciē Reip.
 fore putauit : cur ego non læter meum Consulatum ad
 salutē Reip. propè fatalem extitisse? quare P. C. consu-
 lite uobis, prospicite patriæ, cōseruate uos, coniuges, libe-
 ros, fortunasq; uestras, populi R. nomen, salutemq; de-
 fendite, mihi parcere, ac de me cogitare desinite: nā pri-
 mū debeo sperare omnes deos, qui huic urbi præsent, ,
 pro eo mihi, ac mereor, relatueros gratiā esse : deinde, si
 quid obtigerit, æquo animo, paratoq; moriar: neq; enim
 turpis mors forti uiro potest accidere, neque immatura
 consulari, nec misera sapiēti. nec tamen ego sum ille fer-
 reus, qui fratris charissimi atq; amantiissimi præsentis
 mœrore nō mouear, horumq; omniū lacrymis, à quibus
 me circumfessum uidetis: neque meam mentē nō domū
 sæpe reuocat exanimata uxor, abiecta metu filia, et par-
 uulus filius, qui mihi uidetur amplecti Remp. tanquam
 obsidem Consulatus mei; neque ille, qui expectās huius
 exitū diei astat in conspectu meo, gener. moueor his re-
 bus omnibus, sed in eam partē, ut salui sint nobiscum o-
 mnes, etiam si uis aliqua me oppresserit, potius q̄ ut il-
 li et nos una Reip. peste pereamus. quare P. C. incumbite
 ad Reip. salutem, circumspecte oēs procellas, quæ impen-
 dent, nisi prouidetis. nō Ti. Gracchus, qui iterum Tribu-
 nus pl. fieri uoluit; non C. Gracchus, qui agrarios concit-
 tare conatus est; nō L. Saturninus, qui C. Memmium
 occidit, in discrimē aliquod, atq; in uestre seueritatis iu-
 diciū adducitur: sed tenētur ij, qui ad urbis incendium,
 ad uestrum omniū cædem, ad Catilinam accipiendum
 Romæ reslitterāt: tenētur literæ, signa, manus, denique
 uniuscuiusque cōfessio: sollicitatur Allobroges: seruitia

excitantur: Catilina accersitur: id est initum cōsiliū, ut interfectis omnibus, nemo ne ad deplorandū quidē populi R. nomē atque ad lamentandā tanti imperij calamitatē relinquatur. hæc omnia indices detulerūt, rei cōfessi sunt, uos multis iam indicijs iudicauistis: primū, q̄ mihi gratias egistis singularibus uerbis, & mea uirtute, atque diligētia perditorū hominum patefactam esse coniurationem decreuistis: deinde, q̄ P. Lentulum, ut se abdicaret Prætura, coegistis: tum, q̄ eum, & cæteros, de quibus iudicauistis, in custodiā dandos censuistis: maximeq̄, q̄ meo nomine supplicationem decreuistis; qui honos togato habitus ante me est nemini: postremo, hesternodie præmia Legatis Allobrogū, Titoq̄; Vulturcio dedistis amplissima. quæ sunt omnia eiusmodi, ut ij, qui in custodiā nominatim dati sunt, sine ulla dubitatione à uobis dānati esse uideantur. sed ego institui referre ad uos P. C. tanq̄ integrū, et de facto, quid iudicetis; et de pœna, quid cēseatis. illa prædicā, quæ sunt Consulibus. Ego magnū in Rep. uersari furorē, & noua quædam misceri, & concitari mala iam pridē uidebam: sed hanc tantam, tam exitiosam haberi coniurationē à ciuibus, nunquā putauī. nunc, quidquid est, quocūque uestræ mētes inclināt atque sentētiæ, statuendū uobis ante noctē est. quantū facinus ad nos delatū sit, uidetis. huic si paucos putatis affines esse, uehementer erratis. latius opinione disseminatū est hoc malū: manauit non solū per Italiā, uerum etiam transcendit alpes, & obscure serpēs multas iā provincias occupauit. id opprimi sustentando ac prolatando nullo pacto potest. quacunque rōne placet, celeriter uobis uindicandum est. uideo duas ad=

O R A T I O IIII.

huc esse sententias; unā D. Silani, qui censet eos, qui hæc delere conati sunt, morte esse mulctandos; alteram C. Cæsaris, qui mortis pœnam remouet, cæterorum suppliciorum omnes acerbitates amplectitur. uterque & pro sua dignitate, et pro rerū magnitudine in summa seueritate uersatur. alter eos, qui nos oēs, qui populū R. uita priuare conati sunt, qui delere imperium, qui populi R. nomē extinguere, puncto tēporis frui uita, et hoc cōmuni sp̄ritu nō putat oportere: atque hoc genus pœnæ sæpe in improbos ciues in hac Rep. esse usurpatū recordatur. alter intelligit, mortē à dijs immortalibus non esse supplicij causa cōstitutam, sed aut necessitatē naturæ, aut laborū, ac miseriarum quietē esse: itaq; eā sapientes nunquam inuiti, fortes etiam sæpe libenter oppetiuērūt. uincula uero, et ea sempiterna, certe ad singularem pœnā nefarij sceleris inuēta sunt. itaq; municipijs dispartiri iubet. habere uidetur ista res iniquitatē, si imperare uelis; difficultatē, si rogare. decernatur tamen, si placet: ego. n. suscipiā, et, ut spero, reperiam, qui id, quod salutis omniū causa statueritis, non putet esse suæ dignitatis recusare. adiungit grauem pœnam municipibus, si quis eorū uincula ruperit: horribiles custodias circūdat: et digna scelere hominū perditorū sancit, ne quis eorum pœnam, quos condemnat, aut per senatum, aut per populū lenare possit: eripit etiā, sp̄em, quæ sola hominē in miserijs consolari solet: bona præterea publicari iubet: uitā solā relinquit nefarijs hominibus: quā si eripuisset, multas uno dolore animi, ac corporis, & omnes scelerū pœnas ademisset. itaque, ut aliqua in uita formido improbis esset posita, apud inferos eiusmodi

quædã illi antiqui supplicia impijs cõstituta esse uoluerunt, q̃ uidelicet intelligebat his remotis nõ esse mortem ipsam pertimescendam. nũc P. C. ego mea uideo quid intersit. si eritis secuti sententiam C. Cæsaris; quoniam hanc is in Rep. uiam, quæ popularis habetur, secutus est, fortasse minus erunt hoc monitore & auctore huiusce sententiæ mihi populares impetus pertimescendi. sin illã alteram secuti eritis, nescio an amplius mihi negotij cõtrahatur: sed tamen meorũ periculorum rationes utilitas Reip. uendicat: habemus enim à C. Cæsare, sicut ipsius dignitas, et maiorũ eius amplitudo postulabat, sententiam tanquã obsidem perpetuæ in Remp. uoluntatis: intellectũ est, quid interest inter leuitatem concionatorum, & animum uere popularẽ, saluti populi consulentẽ. uideo, de istis, qui se populares haberi uolunt, abesse non neminẽ, ne de capite uidelicet ciuium R. sententiam ferat. is & nudius tertius in custodiam ciues R. Cethegum, & P. Lentulum dedit, & supplicationẽ mihi decreuit, & indices hesternò die maximis præmijs affectit. iam hoc nemini dubium est, qui reo custodiam, quæsitore gratulationem, indici præmium decreuit, quid de tota re, & causa iudicarit. at uero C. Cæsar intelligit, legem Semproniam esse de ciuibus R. cõstitutam; qui aut Reip. sit hostis, eum ciuem esse nullo modo posse; denique ipsum latorem legis Sempronie iussu populi pœnas Reip. dependisse. idem etiam ipsum largitorem Lentulum, & prodigum non putat, cum de perniciẽ Reip. et exitio huius urbis tam acerbe, tamq; crudeliter cogitarit, appellari posse popularem. itaque homo mitissimus atque lenissimus non dubitat P.

O R A T I O I I I I .

Lentulum æternis tenebris, uinculisq; mādare: et sancit
in posterum, ne quis huius supplicio leuando se iactare,
& in perniciē Reip. posthac popularis esse possit. adiun-
git etiam publicationem bonorum, ut omnes animi cru-
ciatus, et corporis etiam egestas ac mendicitas consequa-
tur. quāobrem siue hoc statueritis, dederitis mihi comitē
ad concionē populo R. charū, atque iucūdum: siue illam
Silani sententiam sequi malueritis, facile me, atque uos
à crudelitatis uituperatione defendetis, atque obtine-
bo eā multo leuiorem fuisse. quanquam P. C. quæ potest
esse in tāti sceleris immanitate puniēda crudelitas? ego
enim de meo sensu iudico: nā ita mihi salua Rep. uo-
bis cū perfrui liceat, ut ego, q̄ in hac causa uehementior
sum, nō atrocitate animi moueor, (quis enim est me mi-
tior?) sed singulari quadā humanitate, et misericordia:
uideor enim mihi hāc urbem uidere, lucem orbis terra-
rum, atque arcem omnium gentiū, subito uno incendio
concidentē: cerno animo sepultā patriā, miseros, atque
insepultos acervos ciuiū: uersatur mihi ante oculos aspe-
ctus Cethegi & furor in uestra cæde bacchantis. cum
uero mihi proposui regnantem Lentulum, sicut ipse se
ex fati sperasse confessus est, purpuratum esse hūc Ga-
biniū, cum exercitu uenisse Catilinam, tum lamentatio-
nem matrūfamilias, tum fugam uirginum atque pue-
rorū, ac uexationem uirginū Vestaliū; perhorresco; &
quia mihi uehemēter hāc uidetur misera, atque miserā-
da, iccirco in eos, qui ea perficere uoluerūt, me seuerū, ue-
hemētēq; præbeo: etenim quæro, si quis paterfamilias,
liberis suis à seruo interfecit, uxore occisa, incēsa domo,
suppliciū de seruis quāacerbissimū sumpserit; utrū is
clemens,

clemens, ac misericors, an inhumanus & crudelissimus esse uideatur? mihi uero importunus ac ferreus, qui nō dolore suū & cruciatū dolore nocentis, & cruciatu lenierit. sic nos in ijs hominibus, qui nos, qui cōiuges, qui liberos nostros trucidare uoluerūt, qui singulas uniuscuiusque nostrū domos, & hoc uniuersum Reip. domiciliū delere conati sunt, qui id egerūt, ut gentē Allobrogum in uestigijs huius urbis, atque in cinere deflagrati impij collocarent; si uehemētissimi fuerimus, misericordes habebimur; sin remissiores esse uoluerimus, summæ nobis crudelitatis in patriæ ciuiumq; perniciæ fama subeūda est. nisi uero cuiuspiam L. Cæsar uir fortissimus, et amātissimus Reip. crudelior nudius tertius est uisus, cum sororis suæ foeminæ lectissimæ uirū præsentē, et audientē uitæ

* priuandū esse dixit, cū auū iussu Cos. interfectū, filiūq; eius impuberē, Legatū à patre missū, in carcere necandū esse dixit. quorū quod simile fuit factū? quod initum delendæ Reip. consiliū? largitionis uoluntas tum in Rep. uersata est, et partiū quædā cōtentio. atque illo tempore huius auus Lētuli, clarissimus uir, armatus Gracchū est persecutus, & graue tū uulnus accepit, ne quid de summa dignitate Reip. minueretur: hic ad euertēda fundamēta Reip. Gallos accersuit, seruitia cōcitauit, Catilinā euocauit, attribuit nos trucidādos Cethego, ceteros ciues interficiēdos Gabinio, urbē inflāmandā Cassio, totā Italiā uastandā, diripiēdamq; Catilinæ. uereamini, cēseo, ne in hoc scelere tā immani ac nefario nimis aliquid seuerē statuissē uideamini: cū multo magis sit uerendū, ne remissione pœnæ crudeles magis in patriā, q̄ ne seueritate animaduersionis nimis uehemētes in acer

Cic. Orat.

q q

O R A T I O I I I I .

biſſimos hoſtes fuiſſe uideamini. ſed quæ exaudio P. C.
 diſſimulare nō poſſum: iactatur. n. uoces, quæ pueniunt
 ad aures meas, eorum, qui uereri uidentur, ut habeā ſa
 tis præſidiū ad ea, quæ uos ſtatueritis hodierno die, trāſi
 gēda. omnia prouiſa, parata, et cōſtituta ſunt P. C. cum
 mea ſumma cura, atque diligentia, tū multo etiā maio
 re populi R. ad ſummū imperiū retinendū, & ad com
 munes fortunas conſeruādas uoluntate. omnes ad ſunt
 omnium ordinū homines, omniū denique ætatū: plenū
 eſt forum, pleni oēs aditus huius loci ac templi: cauſa
 enim eſt poſt Urbem conditam hæc inuenta ſola, in qua
 oēs ſentirent unum atque idem, præter eos, qui, cū ſibi
 uiderent eſſe pereundum, cū omnibus potius, q̄ ſoli, peri
 re uoluerūt. hoſce ego homines excipio, & ſecerno liben
 ter: neque enim in improborum ciuium, ſed in acerbiſ
 ſimorum hoſtium numero habendos puto. cæteri uero,
 dij immortales, qua frequentia, quo ſtudio, qua uirtute
 ad cōmunem dignitatem, ſalutemq̄; conſentiunt? quid
 ego hic equites R. cōmemorem? qui uobis ita ſumma or
 dinis conſiliūq̄; concedunt, ut uobiſcum de amore Reip.
 certent: quos ex multorum annorum diſſenſione ad hu
 ius ordinis ſocietate, concordiamq̄; reuocatos, hodiernus
 dies uobiſcū, atque hæc cauſa coniungit: quam coniun
 ctionem ſi in Conſulatu confirmatam meo perpetuam
 in Rep. tenuerimus, confirmo uobis, nullū poſthac ma
 lum ciuile ac domeſticū ad ullā Reip. partem eſſe uen
 turum. pari ſtudio defendendæ Reip. conueniſſe uideo
 Tribunos ærarios, fortiſſimos uiros, ſcribas item uniuer
 ſos: quos cum caſu hic dies ad ærarium frequentaffet,
 uideo ab expectatione ſortis ad communem ſalutē eſſe

conuersos. omnis ingenuorum adest multitudo, etiā tenuissimorum: quis est enim, cui nō hęc tēpla, aspectus urbis, possessio libertatis, lux deniq; hęc ipsa, et hoc cōmune patriæ solū cum sit charum, tū uero dulce, atque iucundū? operæpretiū est P. C. libertinorū hominū studia cognoscere, qui sua uirtute fortunā ciuitatis cōsecuti, hęc uere suā patriam esse iudicant: quā quidā hinc nati, et summo nati loco, non patriā suam, sed urbem hostiū esse iudicauerūt. sed quid ego huiusce ordinis homines cōmemorem? quos priuatæ fortunæ, quos cōmunis Resp. quos deniq; libertas, ea, quæ dulcissima est, ad salutē patriæ defendendam excitauit. seruus est nemo, qui modo tolerabili cōditione sit seruitutis, qui nō audaciam ciuium perditorū perhorrescat, qui nō obstare cupiat, qui non tātum, quantum audet, et quantum potest, conferat ad cōmunem salutis uoluntatem. quare si quē uestrum forte cōmouet hoc, quod auditum est, lenonem quendam Lētuli concurrare circum tabernas, pretio sperantē sollicitari posse animos egentiū atque imperitorum: est id quidē cōceptum, atque tentatū; sed nulli sunt inuēti tam aut fortuna miseri, aut uoluntate perditī, qui nō ipsum illū sellæ, atque operis, et quæstus quotidiani locū, qui non cubile, ac lectulū suū, qui denique nō cursum hunc otiosum uitæ suæ saluū esse uelit. multo uero maxima pars corū, qui in tabernis sunt, immo uero (id enim potius est dicendū) genus hoc uniuersum amantiissimū est otij: etenim omne eorū instrumentū, omnis opera, ac quæstus frequentia ciuiū sustinetur, alitur otio: quorū si quæstus occlusis tabernis minui solet, quid tandē incensis futurū est? quæ cum ita sint P. C.

O R A T I O I I I I .

uobis populi R. præsidia non desunt : uos, ne populo R. deesse uideamini , provide. habetis Consulem ex plurimis periculis, et insidijs, atq; ex media morte nō ad uitam suam, sed ad salutē uestrā reseruatum : oēs ordines ad conseruandam Remp. mente, uoluntate, studio, uirtute, uoce cōsentiunt: obfessa facibus, & telis impiæ cōiurationis, uobis supplex manus tendit patria cōmunis: uobis se, uobis uitā omnium ciuium, uobis arcē, & Capitoliū, uobis aras penatiū, uobis illum ignem Vestæ perpetuum ac sempiternum, uobis omnia tēpla deorū, atq; delubra , uobis muros , atque urbis tēta commendat . præterea de uestra uita, de coniugū uestrarū, ac liberorū anima, de fortunis omnium , de sedibus, de focis uestris hodierno die uobis iudicandum est. habetis ducem memorem uestri, oblitū sui : quæ non semper facultas datur. habetis omnes ordines, oēs homines, uniuersum populū R. id quod in ciuili causa hodierno die primū uidemus, unū atque idē sentientem. cogitate, quātis laboribus fundatū imperium, quanta uirtute stabilitam libertatē, quanta deorum benignitate auctas , exaggeratasq; fortunas una nox penē delerit . id ne unq̃ posthac nō modo cōfici, sed ne cogitari quidem possit, uobis hodierno die providendū est. atq; hæc, non ut uos, qui mihi studio penē præcurritis , excitarem, locutus sum, sed ut mea uox, quæ debet esse in Rep. princeps, officio functa consulari uideretur. nunc, antequā ad sententiā redeo, de me pauca dicā. Ego, quanta manus est coniuratorū , quā uidetis esse permagnam, tantā me inimicorū multitudinem suscepisse uideo : sed eam esse iudico turpē , & infirmam, contēptam, & abiectam . q̃ si aliquando

alicuius furore, et scelere concitata manus ista plus ualuerit, quàm uestra ac Reip. dignitas: me tamen meorum factorum, atque consiliorum nunquam P. C. poenitebit: etenim mors, quam illi mihi fortasse minitantur, omnibus est parata; uitae tantam laudem, quanta uos me uestris decretis honestastis, nemo est affecutus: ceteris enim semper bene gesta, mihi uni conservata Reip. gratulationem deueuistis. sit Scipio clarus ille, cuius consilio, atque uirtute Annibal in Africam redire, atque ex Italia decedere coactus est: ornatur alter eximia laude Africanus, qui duas urbes huic imperio infestissimas, Carthaginem, Numantiamque, deleuit: habeatur uir egregius L. Paulus ille, cuius currum Rex potentissimus quondam, et nobilissimus Perses honestauit: sit in aeterna gloria Marius, qui bis Italiam obsidione, et metu seruitutis liberauit: anteponatur omnibus Pompeius, cuius res gesta, atque uirtutes iisdem, quibus solis cursus, regionibus, ac terminis continentur: erit profecto inter horum laudes aliquid loci nostrae gloriae. nisi forte maius est patefacere nobis prouincias, quod exire possimus; quam curare, ut etiam illi, qui absumunt, habeant quod uictores reuertantur. quanquam est in uno loco conditio melior externae uictoriae, quam domesticae: quod hostes alienigenae aut oppressi seruiunt, aut recepti beneficio se obligatos putant; qui autem ex numero ciuium dementia aliqua deprauati, hostes patriae semel esse coepunt, eos cum a perniciem Reip. repuleris, neque ui coecere, neque beneficio placare possis. quare mihi cum perditis ciuibus aeternum bellum susceptum esse uideo: quod ego uestro bonorumque omnium auxilio, memoriaque tantorum periculorum, quae non modo in hoc populo, qui

O R A T I O I I I I .

seruatus est, sed etiam in omnium gētium sermonibus,
 ac mētibus semper hārebit, à me, atq; à meis facile pro=
 pulsari posse confido. neque ulla profecto tāta uis repe=
 rietur, quæ coniunctionē uestrā equitumq; R. & tan=
 tam conspirationem bonorum omnium perfringere, et
 labefaētare possit. quæ cū ita sint patres conscripti, pro
 imperio, pro exercitu, pro prouincia, quā neglexi; pro
 triūpho, cæterisq; laudis insignibus, quæ sunt à me pro=
 pter urbis, uestræq; salutis custodiā repudiata; pro clien=
 telis, hospitijq; prouincialibus, quæ tamē urbanis opibus
 non minore labore tueor, q̄ comparo; pro his igitur o=
 mnibus rebus, & pro meis in uos singularibus studijs,
 proq; hac, quam conspiciatis, ad conseruandā Remp. di=
 ligentia nihil aliud à uobis, nisi huius temporis, totiusq;
 mei Consulatus memoriam, postulo: quæ dum erit ue=
 stris mentibus infixa, firmissimo me muro septū esse ar=
 bitrabor: q̄ si meam spem uis improborum fefellerit,
 atque superauerit, cōmendo uobis paruum meū filium:
 cui profecto satis erit præsidij non solum ad salutē, ue=
 rum etiam ad dignitatē, si eius, qui hæc omnia suo so=
 lus periculo conseruauerit, illum esse filiū memineritis.
 quapropter de summa salute uestra populiq; R. P. C. de
 uestris coniugibus, ac liberis, de aris, ac focus, de fanis, ac
 templis, de totius urbis tectis, ac sedibus, de imperio, de
 libertate, de salute Italie, deq; uniuersa Rep. decernite
 diligenter, ut instituisstis, ac fortiter: habetis enim Con=
 sulem, qui & parere uestris decretis non dubitet; et ea,
 quæ statueritis, quoad uiuet, defendere, & per se ipsum
 præstare possit.

PRO L. MURÆNA,
ORATIO XXIII.

¶ VAE precatus sum à dijs immortalibus iudices more institutoq; maiorū illo die, quo auspicato comitijs centuriatis L. Murēna Consulē renunciaui; ut ea res mihi magistratuiq; meo, populo plebiq; R. bene atque feliciter eueniret: eadem precor ab ijsdem dijs immortalibus ob eiusdem hominis Consulatum unā cum salute obtinendum, & ut uestre mentes atque sententiæ cum populi R. uoluntate suffragijsq; consentiant, eaq; res uobis populoq; R. pacem, tranquillitatem, otium, concordiamq; afferat. q̄ si illa solēnis comitiorum precatio consularibus auspicijs consecrata tātam habet in se uim & religionem, quantam Reip. dignitas postulat: idem ego sum precatus, ut ijs quoque hominibus, quibus hic Consulatus me rogāte datus esset, ea res fauste, feliciter, prospereq; eueniret. quæ cum ita sint iudices, et cum omnis deorum immortalium potestas aut trāslata sit ad uos, aut certe cōmunicata uobiscum: idem Cōsul eum uestre fidei cōmendat, qui antea dijs immortalibus cōmendauit, ut eiusdem hominis uoce & declaratus Consul, & defensus, beneficium populi R. cum uestra atque omnium ciuiū salute tueatur. & quoniā in hoc officio studium meæ defensionis ab accusatoribus, atque etiam ipsa susceptio causæ reprehensa est; antequam pro L. Murēna dicere instituo, pro me ipso pauca dicam: non quo mihi potior hoc quidem in tempore sit officij mei, quā hu-

O R A T I O

iusce salutis defensio; sed ut meo facto uobis probato, maiore auctoritate ab huius honore, fama, fortunisque omnibus inimicorum impetus propulsare possim. Et primū M. Catoni uitā ad certam rōnis normam dirigenti, et diligentissime perpendenti momēta officiorū omniū, de officio meo respondebo. Negat fuisse rectū Cato, me Et Consulem, Et legis ambitus latorē, et tam se uere gesto Cōsulatu, causam L. Murænæ attingere. cuius reprehensio me uehementer mouet, non solū ut uobis iudices, quibus maxime debeo, uerū etiā ut ipsi Catoni, grauissimo, atq; integerrimo uiro, rōnem facti mei probem. A quo tandē M. Cato est æquius Consulē defendi, q̄ à Consule? quis mihi in Rep. potest, aut debet esse cōiunctior, q̄ is, cui Resp. à me una traditur sustinenda, magnis meis laboribus Et periculis sustentata? q̄ si in ijs rebus repetendis, quæ mancipij sunt, is periculum iudicij præstare debet, qui se nexu obligauit: profecto etiā rectius in iudicio Cōsulis designati is potissimū Consul, qui Consulē declarauit, auctor beneficij populi R. defensorq; periculi esse debebit. ac si, ut nō nullis in ciuitatibus fieri solet, patronus huic causæ publice cōstituere tur, is potissime honore affecto defensor daretur, qui eodē honore præditus nō minus afferret ad dicendum auctoritatis, q̄ facultatis. q̄ si è portu soluentibus ij, qui iā in portu ex alto inuehūtur, præcipere summo studio solēt Et tempestatum rationem, Et prædonum, Et locorum; quod natura affert, ut eis faueamus, qui eadem pericula, quibus nos perfuncti sumus, ingrediantur: quo tandem animo me esse oportet, propè iam ex magna iactatione terrā uidentē, in hūc, cui uideo ma-

ximas Reip. tēpestates esse subeundas? quare si est boni Cōsulis, non solū uidere quid agatur, uerū etiā prouidere quid futurū sit: ostendā alio loco, quantum salutis cōmunis intersit, duos Cōsules in Rep. Calēdis Ian. esse. quod si ita est, non tā me officium debuit ad hominū amici fortunas, q̄ Resp. Consulem ad cōmunem salutē defendendā uocare. Nam q̄ legē de ambitu tuli, certe ita tuli, ut eam, quā mihi met ipsi iam pridem tulerim de ciuiū periculis defendendis, non abrogarem. etenim si largitionē factam esse confiterer, idq̄ recte factum esse defenderē: facerem improbe, etiā si alius legem tulisset. cum uero nihil cōmissum contra legē esse defendam: quid est, quod meam defensionē latio legis impediāt? Negat esse eiusdē seueritatis, Catilinā exitiū Reip. intra moenia molientem, uerbis, & penē imperio urbe expulisse, & nunc pro L. Muræna dicere. ego autē has partes lenitatis, et misericordiæ, quas me natura ipsa docuit, semper egi libēter: illā uero grauitatis seueritatisq̄ personā non appetui, sed ab Rep. mihi impositā sustinui, sicut huius imperij dignitas in summo periculo ciuium postulabat. q̄ si tum, cum Resp. uim & seueritatem desiderabat, uici naturam, & tā uehemens fui, q̄ cogebam, non quā uolebam: nunc, cum omnes me causæ ad misericordiam, atque ad humanitatē uocent, quanto tandē studio debeo naturæ meæ consuetudiniq̄ seruire? ac de officio defensionis meæ, ac de rōne accusationis tuæ fortasse etiam alia in parte orationis dicendū nobis erit. Sed me iudices nō minus hominis sapientissimi atq; ornatissimi Ser. Sulpitij conquestio, q̄ Catonis accusatio cōmouebat: qui grauissime & acer-

O R A T I O .

bissime ferre dixit, me familiaritatis necessitudinisq; oblitū, causam L. Murænæ cōtra se defendere. huic ego iudices satisfacere cupio, uosq; adhibere arbitros. nā cū graue est, uere accusari in amicitia: tū etiā, si falso accuseris, non est negligendū. ego Ser. Sulpiti me in petitione tua tibi omnia studia, atq; officia pro nostra necessitudine et debuisse cōfiteor, et præstitisse arbitror. nihil tibi Consulatū petēti à me defuit, quod esset aut abi amico, aut à gratioso, aut à Cōsule postulandum. abiit illud tēpus: mutata ratio est: sic existimo, sic mihi persuadeo, me tibi cōtra honorē L. Murænæ, quantum tu à me postulare ausus sis, tantum debuisse, contra salutem nihil debere: neque. n. si tibi tū, cū peteres Consulatum, affui, iccirco nūc, cum Murēnam ipsum petas, adiutor eodē pacto esse debeo. atque hoc nō modo non laudari, sed ne concedi quidē potest, ut amicis nostris accusantibus non etiam alienissimos defendamus. mihi aut cum Muræna iudices, & uetus, & magna amicitia est, quæ in capitis dimicatione à Ser. Sulpitio non iccirco obruetur, q̄ ab eodē in honoris contentione superata est. quæ si causa nō esset, tamen uel dignitas hominis, uel honoris eius, quē adeptus est, amplitudo summā mihi superbæ, crudelitatisq; famā inuississet, si hominis & suis & populi R. ornāmētis amplissimi causam tāti periculi repudiassem: neque. n. iā mihi licet, neque est integrū, ut meū laborē hominū periculis subleuādis non impertiā: nā cum præmia mihi tanta pro hac industria sint data, quanta antea nemini; labores, per quos ea ceperis, cū adeptus sis, deponere, esset hominis et astuti, & ingrati. q̄ si licet desinere, si te auctore possum, si nulla iner=

tia, nulla superbiæ turpitude, nulla inhumanitatis culpa suscipitur: ego uero libenter desino. sin aut fuga laboris desidia, repudiatio supplicii superbiæ, amicorum neglectio improbitatem coarguit: nimirum hæc causa est eiusmodi, quæ nec industrius, quam nec misericors, nec officiosus deserere possit. atq; huiusce rei coniecturâ de tuo ipsius studio Serui facillime ceperis. nã si tibi necesse putas etiã aduersarijs amicorum tuorum de iure cõsulëtibus respondere; et si turpe existimas, te aduocato illum ipsum, quẽ contra ueneris, causâ cadere: noli tã esse iniustus, ut, cũ tui fontes uel inimicis tuis pateant, nostros riuulos etiam amicis putes clausos esse oportere. etenim si me tua familiaritas ab hac causa remouisset, & si hoc idem Q. Hortensio, M. Crasso clarissimis uiris, si item cæteris, à quibus intelligo tuam gratiam magni æstimari, accidisset: in ea ciuitate Cõsul designatus defensorẽ non haberet, in qua nemini unquam infimo maiores nostri patronum deesse uoluerũt. ego uero iudices ipse me existimarem nefarium, si amico; crudelẽ, si misero; superbum, si Consuli defuissem. quare, quod dandũ est amicitie, large dabitur à me, ut tecum agã Serui non secus, ac si meus esses frater, qui mihi est charissimus: isto in loco quod tribuendum est officio, fidei, religioni, id ita moderabor, ut meminerim me contra amici studiũ pro amici periculo dicere. Intelligo iudices tres totius accusationis partes fuisse, & earum unã in reprehensione uitæ, alterã in cõtentione dignitatis, tertiam in criminibus ambitus esse uersatã. atque harũ trium partium prima illa, quæ grauissima esse debebat, ita fuit infirma, et leuis, ut illos lex magis quãdã accu-

satoria, quæ uera maledicendi facultas de uita L. Murenæ dicere aliquid coegerit. obiecta est. n. Asia: quæ ab hoc non ad uoluptatem et luxuriam expetita est, sed in militari labore peragrata. qui si adolescens patre suo imperatore non meruisset, aut hostem, aut patris imperium timuisse, aut à parente repudiatus uideretur. an, cum sedere in equis triumphantium prætextati potissimum filij soleant, huic donis militaribus patris triumphum decorare fugiendum fuit, ut rebus communiter gestis penè simul cum patre triumpharet? hic uero indices et fuit in Asia, et uiro fortissimo parenti suo magno adiumento in periculis, solatio in laboribus, gratulationi in uictoria fuit. et si habet Asia suspensionem luxuriæ quandam; non Asiam nunquam uidisse, sed in Asia continenter uixisse, laudandum est. quamobrem non Asiæ nomen obijciendum Murenæ fuit, ex qua laus familiæ, memoria generi, honos, et gloria nomini constituta est; sed aliquod aut in Asia susceptum, aut ex Asia deportatum flagitium, ac dedecus. meruisse uero stipendia in eo bello, quod tum populus R. non modo maximum, sed etiam solum gerebat, uirtutis; patre imperatore libentissime meruisse, pietatis; finem stipendiorum patris uictoriam, ac triumphum fuisse, felicitatis fuit. maledicto quidem iccirco nihil in hisce rebus loci est, quod omnia laus occupauit. Saltatorem appellat L. Murenæ Cato. maledictum est; si uere obijcitur, uehementis accusatoris; sin falso, maledici conuiuiatoris. quare, cum ista sis auctoritate, non debes M. Cato arripere maledictum ex trinio, aut ex scurrarum aliquo conuiuiio, neque temere Consulē populi R. saltatorem uocare; sed conspiciere, quibus præterea uitæ affectum esse ne-

cesse sit eū, cuiuere istud obijci possit: nemo. n. ferè saltat
sobrius, nisi forte insanit, neq; in solitudine, neq; in cō
uiuio moderato atque honesto. intēpestiui cōuiuij, amœ
nī loci, multarū deliciarū comes est extrema, saltatio. tu
mihi arripis id, quod necesse est omniū uitiorū esse po
stremū: relinquis illa, quibus remotis hoc uitīū omnino
esse non potest: nullū turpe conuiuium, non amor, non
comesatio, non libido, non sumptus ostenditur: & cum
ea nō reperiantur, quæ uoluptatis nomē habent, quæq;
uitiosa sunt; in quo ipsam luxuriā reperire nō potes,
in eo te umbrā luxuriæ reperturum putas? nihil igitur
in uitam L. Murænæ dici potest? nihil, inquam, omnino
iudices. sic à me Cōsul designatus defenditur, ut eius nul
la fraus, nulla auaritia, nulla perfidia, nulla crudelitas,
nullū petulans dictum in uitā proferatur. Bene habet.
iacta sunt fundamēta defensionis: nō dū enim nostris
laudibus, quibus utar postea, sed propè inimicorum con
fessione uirū bonum atque integrū hominem defendi
mus. quo cōstituto, facilius est mihi aditus ad contentio
nem dignitatis, quæ pars altera fuit accusationis. Sū
mā uideo esse in te Serui Sulpiti dignitatē generis, inte
gritatis, industriæ, cæterorumq; ornamentorū omnium,
quibus fretum ad Consulatus petitionē aggredi par est.
paria cognosco esse ista in L. Murænā, atq; ita paria, ut
neq; ipse dignitate uinci potuerit, neq; te dignitate su
perarit. Contēpsisti L. Murænæ genus, extulisti tuū. quo
loco si tibi hoc sumis, nisi qui patritius sit, neminē bono
esse genere natū: facis, ut rursus plebs in Auentinū se
uocanda esse uideatur. sin aut sunt amplæ et honestæ
familie plebeie: et proauus L. Murænæ, et auus Præto=

O R A T I O

res fuerunt, & pater, cum amplissime atq; honestissime ex Prætura triumphasset, hoc faciliorem huic gradum Consulatus adipiscendi reliquit, quòd is iam patri debitus, à filio petebatur. tua uero nobilitas Ser. Sulpiti, tametsi summa est, tamē hominibus literatis, & historicis est notior, populo uero & suffragatoribus obscurior: pater enim fuit equestri loco, auus nulla illustri laude celebratus: itaque nō ex sermone hominū recenti, sed ex annaliū uetustate eruenda est memoria nobilitatis tuæ. quare ego te semper in nostrum numerū aggregare soleo, q̃ uirtute, industriaq; perfecisti, ut, cum equitis R. esses filius, summa tamen amplitudine dignus putarere. nec mihi unquam minus in Q. Pompeio, nouo homine, et fortissimo uiro, uirtutis esse uisum est, quā in homine nobilissimo M. Aemilio: etenim eiusdē animi, atq; ingenij est, posteris suis, quod Pōpeius fecit, amplitudinē nominis, quam non acceperit, tradere, et, ut Scaurus, memoriā propē inter mortuū generis sui, uirtute renouare. quanquam ego iam putabam iudices, multis uiris fortibus ne ignobilitas obijceretur generis, meo labore esse perfectū, qui nō modo Curijs, Catonibus, Pompeijs, antiquis illis fortissimis uiris, nouis hominibus, sed his recentibus Marijs, et Didijs, et Celijs cōmemorandis iacebant. cū ego uero tanto interuallo claustra ista nobilitatis refregissem, ut aditus ad Consulatum posthac, sicut apud maiores nostros fuit, non magis nobilitati, quā uirtuti pateret: non arbitrabar, cum ex familia uetere, & illustri Cōsul designatus ab equitis R. filio Consule defenderetur, de generis nouitate accusatores esse dicturos: etenim mihi ipsi accidit, ut cū duobus patritijs, altero im-

probiſſimo atque audaciſſimo, altero modeſtiſſimo atq;
 optimo uiro, peterē: ſuperaui tamē dignitate Catilinā,
 gratia Galbā. q̄ ſi id crimen homini nouo eſſe deberet,
 profeſto mihi neq; inimici, neq; inuidi defuiſſent. omit
 tamus igitur de genere dicere, cuius eſt magna in utro=
 que dignitas: uideamus cætera. Quæſturā unā petijt,
 et ſum ego factus prior. Nō eſt reſpondendū ad omnia:
 neque. n. quēquam ueſtrum fugit, cum multi pares di=
 gnitate fiāt, unus autem primum ſolus poſſit obtinere,
 non eundem eſſe ordinem dignitatis, & renūciationis,
 propterea q̄ renunciatio gradus habeat, dignitas aut ſit
 perſæpe eadē omnium. ſed Quæſtura utriuſque prope=
 modum pari momento ſortis fuit. habuit hic lege Titia
 provinciā tacitam, & quietā: tu illam, cui, cum Quæ=
 ſtores ſortiuntur, etiā acclamari ſolet, Hoſtienſem, non
 tam gratioſam, & illuſtrem, q̄ negotioſam, & moleſtā.
 conſedit utriuſque nomen in Quæſtura: nullum. n. uo=
 bis ſors campū dedit, in quo excurrere uirtus cognoſcīq;
 poſſet. reliqui tēporis ſpatium in contentionē uocatur,
 ab utroque diſſimillima ratione tractatum. Seruius hic
 nobiſcum hanc urbanā militiam reſpondendi, ſcriben=
 di, cauēdi, plenam ſolicitudinis, ac ſtomachi ſecutus eſt:
 ius ciuile didicit: multū uigilauit: laborauit: præſto mul=
 tis fuit: multorū ſtultitiā perpeſſus eſt: arrogātiā
 pertulit: difficultatē exorbuit: uixit ad aliorum arbi=
 trium, non ad ſuū. magna laus, & grata hominibus,
 unum hominem elaborare in ea ſcientia, quæ ſit multis
 profutura. quid Muræna interea? fortiſſimo & ſapien=
 tiſſimo uiro, ſummo impatori Legatus L. Lucullo fuit.
 qua in legatione duxit exercitū: ſigna cōtulit: manū cō

O R A T I O

seruit : magnas copias hostiū fudit : urbes partim ui, par-
tim obsidione cepit : Asiam istam refertam, & eandem
delicatā sic obiit, ut in ea neque auaritiæ, neque luxu-
riæ uestigiū reliquerit : maximo in bello sic est uersatus,
ut hic multas res & magnas sine imperatore gesserit,
nullā sine hoc imperator. atq; hæc, q̄q̄ præsente L. Lu-
cullō loquar, tamē ne ab ipso propter periculum nostrū
concessam uideamur habere licentiam fingendi, publicis
literis testata sunt omnia : quibus L. Lucullus tantum
laudis impertit, quantū neque ambitiosus imperator, ne-
que inuidus tribuere alteri in cōmunicanda gloria de-
buit. summa in utroque est honestas, summa dignitas.
quā ego, si mihi per Seruiū liceat, pari atque eadem in
laude ponā : sed nō licet : agitatur rē militārē : infestatur
totā hāc Legationē : assiduitatis, & operarū harū quo-
tidianarū putat esse Consulatū. apud exercitum mihi
fueris, inquit, tot annos : forū nō attigeris : abfueris tan-
diū, et, cū longo interuallo ueneris, cum ijs, qui in foro
habitarunt, de dignitate contendas ? primū ista nostra
assiduitas Serui nescis quantū interdum afferat homi-
nibus fastidiū, quantum satietatis. mihi quidem uehemē-
ter expedit, positam in oculis esse gratiam : sed tamen
ego mei satietatē magno meo labore superauī : & tu
idē fortasse : ueruntamen utrique nostrū desiderii ni-
hil obfuisse. sed ut hoc omisso ad studiorū, atque artium
cōtentionē reuertamur : qui potest dubitari, quin ad Cō-
sulatū adipiscēdum multo plus afferat dignitatis rei mi-
litaris, q̄ iuris ciuilis gloria : uigilas de nocte, ut tuis cōsul-
toribus respondeas : ille, ut, quod intendit, mature cū
exercitu perueniat. te Gallorum, illum buccinarum
cantus

cātus exuscitat. tu actionem instituis, ille aciem instruit. tu caues ne tui cōsultores, ille ne urbes aut castra capiātur. ille tenet, et scit ut hostiū copiae, tu ut aquae pluuiæ arceantur. ille exercitatus est in propagandis finibus, tu in regendis. ac nimirum (dicendum est enim, quod sentio) rei militaris uirtus præstat cæteris omnibus. hæc nomen populo R. hæc huic urbi æternam gloriam peperit: hæc orbem terrarum parere huic imperio coegit. omnes urbanæ res, omnia hæc nostra præclara studia, & hæc forensis laus, & industria latet in tutela ac præsidio bellicæ uirtutis. simul atque increpuit suspicio tumultus, artes illico nostræ conticescunt. Et quoniam mihi uideris istam scientiam iuris tanquam filiolam osculari tuam, nō patiar te in tāto errore uersari, ut istud nescio quid, quod tantopere didicisti, præclarum aliquid esse arbitrare. alijs ego te uirtutibus, cōtinentiæ, grauitatis, iustitiæ, fidei, cæteris omnibus Consulatu, & omni honore semper dignissimum iudicaui: quod quidem ius ciuile didicisti, non dicam, operam perdidisti, sed illud dicam, nullā esse in illa disciplina munitam ad Consulatum uiam: omnes enim artes, quæ nobis populi R. studia conciliant, & admirabilem dignitatem, & pergratam utilitatem debet habere. summa dignitas est in ijs, qui militari laude antecellunt; omnia enim, quæ sunt in imperio, & in statu ciuitatis, ab ijs defendi, & firmari putantur: summa etiam utilitas; siquidem eorum consilio, & periculo cum Rep. tum etiam nostris rebus perfrui possumus. grauis etiam illa est, & plena dignitatis dicendi facultas, quæ sæpe ualuit in Consule deligendo, posse cōsilio, atq; oratione & senatus, & populi, & eorum, qui res

Cic. Orat.

rr

O R A T I O

iudicant, mentes permouere. quæritur Consul, qui dicen-
do non nunquā cōprimat tribunitios furores, qui cōcita-
tum populum flectat, qui largitioni resistat. nō mirū, si
ob hanc facultatē homines sæpe etiam non nobiles Cōsu-
latū consecuti sunt, præsertim cum hæc eadem res pluri-
mas gratias, firmissimas amicitias, maxima studia pa-
riat. quorum in isto uestro artificio Sulpiti nihil est. pri-
mum, dignitas in tam tenui scientia quæ potest esse? res
enim sunt paruæ, propè in singulis literis, atq; interpun-
ctionibus uerborū occupatæ. deinde, etiam si quid apud
maiores nostros fuit in isto studio admirationis, id enun-
ciatis uestris mysterijs totū est contemptum, & abiectū.
posset agi lege, nec ne, pauci quondā sciebant: fastos. n.
uulgo nō habebāt: erāt in magna potētia qui cōsuleban-
tur: à quibus etiā dies tanq̃ à Chaldæis petebātur. inuen-
tus est scriba quidā Cn. Flavius, qui cornicū oculos confi-
xerit, & singulis diebus ediscendos fastos populo propo-
suerit, & ab ipsis cautis iurisconsultis eorū sapientiā cō-
pilarit. itaq; irati illi, q̃ sunt ueriti, ne, dierū ratione per-
uulgata, & cognita, sine sua opera lege posset agi, notas
quasdā composuerunt, ut omnibus in rebus ipsi interef-
sent. cū hoc fieri bellissime posset; fundus Sabinus meus
est, immo meus, deinde iudiciū: noluerūt. fundus, inquit,
qui est in agro, qui Sabinus uocatur. satis uerbose. cedo,
quid postea? ego eum ex iure meū esse aio. quid tum? in-
de ego te ex iure manu consertū uoco. quid huic tam lo-
quaciter litigioso responderet ille, unde petebatur, nō ha-
bebat. transit idem iurisconsultus tibicinis Latīnī modo:
unde tu me, inquit, ex iure manu consertū uocaſti, inde
ibi ego te reuoco. Prætor interea ne pulchrum se ac bea-

tum putaret, atque aliquid ipse sua sponte loqueretur,
ei quoque carmen cōpositum est, cum cæteris rebus absur-
dum, tum uero nullo usu. utrisq; superstitibus præsen-
tibus: istam uia dico. inite uiam: præsto aderat sapiēs ille,
qui inire uiam doceret. redite uia: eodē duce redibant.
hæc iā tum apud illos barbatos ridicula credo uideban-
tur, homines, cum recte atque in loco cōstitissent, iuberi
abire, ut, unde abissent, eodem statim redirent. ijsdem
ineptijs fucata sunt illa omnia. quādo te in iure cōspicio.
et hæc, sed an ne tu, dicis qui causa uindicaueris? quæ dū
erāt occulta, necessario ab eis, qui ea tenebāt, petebātur:
postea uero peruulgata, atque in manibus iactata, et ex-
cussa, inaniissima prudētiæ reperta sunt, fraudis autē,
et stultitiæ plenissima: nā cum permulta præclare le-
gibus essent cōstituta, ea iureconsultorū ingenijs pleraq;
corrupta, ac deprauata sunt. mulieres omnes propter in-
firmitatem consilij maiores in tutorum potestate esse uo-
luerunt: hi inuenerunt genera tutorum, quæ potestate
mulierum continerentur. sacra interire illi noluerūt: ho-
rum ingenio senes ad coemptiones faciendas interimen-
dorum sacrorū causa reperti sunt. in omni deniq; iure
ciuili æquitatem reliquerunt, uerba ipsa tenuerunt: ut,
quia in alicuius libris exempli causa id nomen inuene-
rant, putarunt omnes mulieres, quæ coemptionem face-
rēt, Caias uocari. iam illud mihi quidem mirum uideri
solet, tot homines, tā ingeniosos, per tot annos etiam nūc
statuere non potuisse, utrum diem tertium, an perendi-
num; iudicem, an arbitrum; rē, an litem dici oporteret:
itaque, ut dixi, dignitas in ista scientia Consularis nunq̃
fuit, quæ tota ex rebus fictis commentitijsq; constaret;

O R A T I O

gratiæ uero multo etiam minus: quod enim omnibus pa-
 tet, & æque promptum est mihi, & aduersario meo, id
 esse gratum nullo pacto potest. itaq; nō modo beneficiū
 collocandi spem, sed etiā illud, quod aliquando fuit, licet
 consulere, iam perdidistis. sapiens existimari nemo potest
 in ea prudentia, quæ neque extra Romam usquā, neq;
 Romæ rebus prolatis quidquā ualet. peritus ideo haberi
 nemo potest, q̄ in eo, quod sciunt omnes, nullo modo pos-
 sunt inter se discrepare. difficilis autē res ideo non puta-
 tur, q̄ & per paucis, & minime obscuris literis contine-
 tur. itaq; si mihi homini uehemēter occupato stomachū
 moueritis, triduo me iuriscōsultū esse profitebor. etenim,
 quæ de scripto aguntur, scripta sunt omnia: neq; tamen
 quidquā tam anguste scriptum est, quo ego nō possim,
 quæ de re agitur, addere. quæ consuluntur autē, minimo *
 periculo respondētur. si id, quod oportet, respondetis, idē
 uideare respondiisse quod Seruius: sin aliter, etiam con-
 trouersum ius nosse, et tractare uideare. quapropter nō
 solum illa gloria militaris uestris formulis, atq; actioni-
 bus, antepōnda est: uerū etiam dicendi consuetudo lon-
 ge, & multū isti uestre exercitationi ad honorem ante-
 celled. itaque mihi uidentur pleriq; initio multo hoc ma-
 luisse: post, cum id assequi nō potuissent, istuc potissimū
 sunt delapsi. ut aiunt in Græcis artificibus, eos auletas
 esse, qui citharædi fieri non potuerint: sic non nullos
 uidemus, qui oratores euadere non potuerunt, eos ad
 iuris studium deuenire. magnus dicendi labor, magna
 res, magna dignitas, summa etiam gratia: etenim à
 uobis salubritas quædam, ab ijs, qui dicunt, salus ipsa pe-
 titur. deinde uestra responsa atque decreta et enertūtur

sæpe dicendo, & sine defensione oratoris firma esse non possunt. in qua re si satis profecissem, parcius de eius laude dicerem: nunc nihil de me dico, sed de ijs, qui in dicendo magni sunt, aut fuerunt. Duæ sunt artes, quæ possunt locare homines in amplissimo gradu dignitatis, una imperatoris, altera oratoris boni. ab hoc. n. pacis ornamenta retinentur: ab illo belli pericula repelluntur. cæteræ tamen uirtutes ipsæ per se multum ualēt, iustitia, fides, pudor, temperantia: quibus te Serui excellere omnes intelligunt: sed nunc de studijs ad honorē dispositis, non de insita cuiusq; uirtute disputo. omnia ista nobis studia de manibus excutiuntur, simul atq; aliquis motus nouus bellicum canere cœpit: etenim, ut ait ingeniosus poeta, & auctor ualde bonus, prælijs promulgatis TOLLITVR È MEDIO non solum ista uestra uerbosa stimulatio prudentiæ, sed etiam ipsa illa domina rerum SAPIENTIA: VI GERITVR RES: SPERNITVR ORATOR non solū odiosus in dicendo ac loquax, uerū etiam BONVS: HORRIDVS MILES AMATVR: uestrū uero studium totum iacet: NON EX IVRE MANV CONSERVTVM, SED MAGE FERRO, inquit, REM REPETVNT. quod si ita est, cedat opinor Sulpiti forum castris, otium militiæ, stylus gladio, umbra soli: sit deniq; in ciuitate ea prima res, propter quā ipsa est ciuitas omnium princeps. uerū hæc Cato nimium nos nostris uerbis magna facere demonstrat, & oblitos esse bellum illud omne Mithridaticum cum mulierculis esse gestū. quod ego longe secus existimo iudices, deq; eo pauca disserā: neque enim causa in hoc continetur. Nā si omnia

O R A T I O

bella, quæ cum Græcis gessimus, contemnenda sunt: deri-
 deatur de Rege Pyrrho triumphus M. Curij, de Philippo
 T. Flaminij, de Aetolis M. Fuluij, de Rege Perse L. Pau-
 li, de Pseudophilippo Q. Metelli, de Corinthijs L. Mum-
 mii. sin hæc bella grauiſſima, uictoriæq; eorum bellorū
 grauiſſimæ fuerunt: cur Asiatica nationes, atque ille à
 te hostis contemnitur? atqui ex ueterum rerum moni-
 mentis uel maximum bellum populum R. cū Antiocho
 gessiſſe uideo: cuius belli uictor L. Scipio, parta cum Pu-
 blio fratre gloria, quam laudem ille Africa oppressa co-
 gnomine ipso præ se ferebat, eandē hic sibi ex Asiæ no-
 mine assumpsit. quo quidem in bello uirtus enituit egre-
 gia M. Catonis proauj tui. quò ille, cū eſſet, ut ego mihi
 statuo, talis, qualem te eſſe uideo, nunquā cum Scipione
 eſſet profectus, si cum mulierculis bellandum eſſe arbi-
 traretur. neque uero cum P. Africano ſenatus egisset, ut
 Legatus fratri proficiſceretur, cum ipſe paulo ante An-
 nibale ex Italia expulſo, ex Africa eiecto, Carthagine op-
 preſſa, maximis periculis Rēp. liberauiſſet, niſi illud gra-
 ue bellū, & uehemēs putaretur. atqui si diligenter, quid
 Mithridates potuerit, & quid effecerit, & qui uir fue-
 rit, cōſideraris, omnibus Regibus, quibuſcum populus R.
 bellum geſſit, hunc Regem nimirū antepones: quem L.
 Sylla maximo, & fortiſſimo exercitu, pugna excitatū,
 non rudis imperator, ut aliud nihil dicā, cum bello inue-
 ctum totam in Aſiam cum pace dimiſit: quem L. Mu-
 ræna pater huiuſce uehementiſſime uigilantiſſimæq; ue-
 xatum, repreſſum magna ex parte, non oppreſſum reli-
 quit: qui Rex ſibi aliquot annis ſumptis ad confirman-
 das rationes, & copias belli, tātum ipſe opibus conatuq;

inualuit, ut se Oceanū cum Ponto, Sertorij copias cum suis coniuncturum putaret. ad quod bellum duobus Cōsulibus ita missis, ut alter Mithridatem persequeretur, alter Bithyniam tueretur: alterius res & terra, & mari calamitosæ, uehementer & opes Regis, & nomen auxerunt: L. Luculli uero res tantæ extiterūt, ut neque maius bellū cōmemorari possit, neq; maiore cōsilio, & uirtute gestū. nā cum totius impetus belli ad Cyzicenorum moenia consitisset, eamq; urbē sibi Mithridates Asiæ ianuam fore putauisset, qua effracta, & reuulsa tota pateret provincia: perfecta ab Lucullo hæc sunt omnia, ut urbs fidelissimorum sociorū defenderetur, ut omnes copie Regis diuturnitate obsidionis cōsumerētur. quid illā pugni naualem ad Tenedum, cum contento cursu, acerrimis ducibus, hostiū classis Italiā spe, atq; animis inflata peteret, mediocri certamine, & parua dimicatione commissam arbitraris? mitto prælia: prætereo oppugnationes oppidorum: expulsus regno tandē aliquando, tantū tamen consilio, atque auctoritate ualuit, ut se, Rege Armeniorū adiuncto, nouis opibus copijsq; renouarit. ac si mihi nūc de rebus gestis esset nostri exercitus imperatorisq; dicendū, plurima & maxima prælia cōmemorare possem: sed nō id agimus: hoc dico: si bellum hoc, si hic hostis, si ille Rex cōtemnendus fuisset; neque tāta cura senatus, & populus R. suscipiendū putasset, neque tot annos gessisset, neque tāta gloria L. Luculli; neq; uero eius belli cōficiendi curā tāto studio populus R. ad Cn. Pōpeium detulisset: cuius ex omnibus pugnis, quæ sunt innumerabiles, uel acerrima mihi uidetur illa, quæ cū Rege commissa est, & summa contentione pugnata. qua

rr iij

O R A T I O

ex pugna cum se ille eripuisset, & Bosporum confugisset, quò exercitus adire nò posset, etiam in extrema fortuna, & fuga nomen tamen retinuit regium. itaq; ipse Pópeius regno possesso, ex omnibus oris ac notis sedibus hoste pulso, tamen tantū in unius anima posuit, ut, cum omnia, quæ ille tenuerat, adierat, sperarat, uictoria possideret, tamen non ante, q̃ illum uita expulit, bellum cōfectum iudicarit. hunc tu hostē Cato contemnis? quo cum per tot annos, tot prælijs, tot imperatores bella gesserūt: cuius expulsi, & eiecti uita tanti æstimata est, ut morte eius nunciata, tum deniq; bellum cōfectum arbitraretur. hoc igitur in bello L. Muranā Legatum fortissimi animi, summi cōsiliij, maximi laboris cognitū esse defendimus, & hanc eius operā non minus ad Consulatū adipsandum, q̃ hanc nostram forensē industriam, dignitatis habuisse. At. n. in Præturæ petitione prior renūciatus est Seruius. pergitis ne uos, tāquā ex syngrapha, agere cū populo, ut quē locum semel honoris cuipiam dederit, eundē reliquis honoribus debeat? quod enim fretum, quem Euripum tot motus, tātas, tam uarias habere putatis agitationes fluctuū, quātas perturbationes, et quantos æstus habet ratio comitorum? dies intermissus unus, aut nox interposita sæpe perturbat omnia, & totam opinionē parua non nunquā cōmutat aura rumoris. sæpe etiam sine ulla aperta causa fit aliud, atq; existimamus, ut non nunquā ita factū esse etiam populus admiretur, quasi uero nò ipse fecerit. nihil est incertius uulgo, nihil obscurius uoluntate hominū, nihil fallacius ratione tota comitorum. quis L. Philippum, summo ingenio, opera, gratia, nobilitate, à M. Herennio superari

posse arbitratus est? quis Q. Catulū, humanitate, sapien-
tia, integritate antecellentem, à Cn. Mālio? quis M. Scau-
rum, hominem grauissimum, ciuem egregium, fortissi-
mum senatorem, à Q. Maximo? non modo horū nihil
ita fore putatū est, sed ne cū esset factum quidem, qua-
re ita factum esset, intelligi potuit. nam ut tempestates
sæpe certo aliquo cœli signo cōmouētur, sæpe improviso
nulla ex certa ratione, obscura aliqua ex causa excitan-
tur: sic in hac comitiorum tempestate populari sæpe in-
telligas, quo signo cōmota sit; sæpe ita obscura est, ut ca-
su excitata esse uideatur. sed tamē si est reddenda ratio,
duæ res uehemēter in Prætura desideratæ sunt, quæ am-
bæ in Consulatu tum Murænæ profuerūt; una, expecta-
tio muneris, quæ & rumore nō nullo, & studijs, sermo-
nibusq; cōpetitorum creuerat; altera, q̄ ij, quos in pro-
uincia, ac legatione omnis & liberalitatis, & uirtutis
sue testes habuerat, non dum decesserant. horum utrū-
q; ei fortuna ad Consulatus petitionē reſeruauit: nam
& L. Luculli exercitus, qui ad triumphum conuenerat,
idem comes L. Murænæ præsto fuit; & munus amplissi-
mum, quod petitio Præturæ desiderabat, Prætura resti-
tuit. nū tibi hæc parua uidentur adiuuenta, et subsidia
Cōsularis uoluntas militū: quæ cum per se ualet mul-
titudine, tum apud suos gratia; tum uero in Cōsule de-
clarando multum etiam apud uniuersum populum R.
auctoritatis habet suffragatio militaris: imperatores. n.
comitijs consularibus, non uerborum interpretes deligū-
tur. quare grauis est illa oratio: me saucium recreauit;
me præda donauit: hoc duce castra cepimus, signa cōtulā-
mus: nūquā iste plus militi laboris imposuit, q̄ sibi sum-

psit: ipse cū fortis, tum etiam felix. hoc quāti putas esse ad famam hominum, ac uoluntatē? etenim si tanta illis comitijs religio est, ut adhuc semper omen ualuerit prærogatiuū: quid mirū est, in hoc felicitatis famam, sermo nēq; ualuisse? sed si hæc leuiora ducis, quæ sunt grauissima, & hanc urbanā suffragationē militari anteponis: noli ludorū huius elegantiam, & scenæ magnificētiam ualde cōtemnere, quæ huic admodū profuerūt. nā quid ego dicā populum, ac uulgus imperitorū ludis magnopere delectari? minus est mirandū: quāquā huic causæ id satis est: sunt. n. populi, ac multitudinis comitia. quare si populo ludorū magnificentia uoluptatis est, non est mirandū, eam L. Murenæ apud populū profuisse. sed si nos met ipsi, qui & ab delectatione omni negotijs impedimur, & in ipsa occupatione delectationes alias multas habere possumus, ludis tamen oblectamur, & ducimur: quid tu admirare de multitudine indocta? L. Otho, uir fortis, meus necessarius, equestri ordini restituit nō solū dignitatem, sed etiam uoluptatem. itaque lex hæc, quæ ad ludos pertinet, est omnium gratissima, & honestissimo ordini cū splendore fructus quoq; incūditatis est restitutus. quare delectāt homines, mihi crede, ludi, etiā illos q̄ dissimulant, nō solū eos, qui fatentur: quod ego in mea petitione sensi: nā nos quoque habuimus scenā cōpetitricem. q̄ si ego, qui trinos ludos Aedilis feceram, tamē Antonij ludis cōmouebam: tibi, qui casu nullos feceras, nihil huius istam ipsam, quam irrides, argēteam scenā aduersatā putas? sed hæc sanē sint paria omnia: sit par forensis opera militari: sit par militari suffragatio urbana: sit idē, magnificētissimos et nullos unquā fecisse ludos: qd?

in ipsa Prætura nihil ne existimas inter tuam & istius sortem interfuisse? huius sors ea fuit, quā omnes tui necessarii tibi optabamus, iuris dicundi, in qua gloriam conciliat magnitudo negotij, gratiā æquitatis largitio: qua in sorte sapiens Prætor, qualis hic fuit, offensionē uitæ æquabilitate decernendi, beneuolentiā adiūgit lenitate audiendi. egregia, & ad Cōsulatū apta prouincia, in qua laus æquitatis, integritatis, facilitatis, ad extremū ludorū uoluptate cōcluditur. quid tua sors? tristis, atrox, quæstio peculatus, ex altera parte lacrymarū, & squaloris, ex altera plena catenarū, atque iudicū. cogendi iudices inuiti, retinendi cōtra uoluntatem, scriba dñatus, ordo totus alienus: Syllana gratificatio reprehensa: multi uiri fortes, & propè pars ciuitatis offensa est: lites seueræ æstimate. cui placet, obliuiscitur: cui dolet, meminit. postremo tu in prouinciā ire noluisti. nō possum id in te reprehendere, quod in me ipso & Prætor, & Consul probaui: sed tamē L. Muræna prouincia multas bonas gratias cū optima existimatione attulit. habuit proficiens delectum in Umbria: dedit ei facultatem Resp. liberalitatis: qua usus, multas sibi tribus, quæ municipijs Umbriæ cōficiuntur, adiunxit. ipse autē in Gallia, ut nostri homines desperatas iā pecunias exigerent, æquitate, diligentiaq; perfecit. tu interea Romæ scilicet amicis præsto fuisti. fateor. sed tamen illud cogita, nō nullorū amicorum studia minui solere in eos, à quibus prouincias cōtemni intelligant. & quoniam ostendi iudices parem dignitatem ad Cōsulatus petitionem, disparē fortunam prouincialium negotiorū in Muræna atq; in Sulpitio fuisse: dicam iam apertius, in quo meus necessarius fuerit

O R A T I O

inferior Seruius, & ea dicam uobis audientibus amisso iam tempore, quæ ipsi soli re integra sæpe dixi. Petere Cōsulatum nescire te Serui, per sæpe dixi: & in ijs rebus ipsis, quas te magno & forti animo & agere, & dicere uidebam, tibi solitus sum dicere, magis te fortem senato rem mihi uideri, q̄ sapientem candidatum. primū accu- sandi terrores, & minæ, quibus tu quotidie uti solebas, sunt fortis uiri, sed & populi opinionem à spe adipiscē- di auertunt, & amicorum studia debilitant. nescio quo pacto semper hoc fit, neq; in uno aut altero animaduer sum est, sed iā in pluribus; simul atque candidatus accu- sationē meditari uisus est, ut honorem desperasse uidea- tur. quid ergo? acceptam iniuriam persequi non placet? immo uehementer placet: sed aliud tempus est petendi, aliud persequendi. petito rem ego, præsertim Consulatus, magna spe, magno animo, magnis copijs & in forū, & in campum deduci uolo: nō placet mihi inquisitio cādi- dati prænuncia repulsæ; non testium potius, q̄ suffraga- torum comparatio; non minæ magis, quàm blanditiæ; non declamatio potius, q̄ salutatio: præsertim cum iam hoc nouo more omnes ferè domos omnium concurrant, & ex uultu candidatorum coniecturam faciant, quan- tū quisq; animi, & facultatis habere uideatur. uides ne tu illum tristem, demissum? iacet, diffidit, abiecit hastas. serpit hic rumor. scis tu illum accusationem cogitare? inquirere in competitores? testes quærere? alium faciam, quoniam sibi hic ipse desperat. eiusmodi candidatorum amici intimi debilitantur, studia deponunt, aut testatū rem abijciunt, aut suam operam, & gratiam iudicio, & accusationi reseruant. accedit eodem, ut etiā ipse cādida

tus totum animum, atque omnem curā, operam, diligētiāq; suā in petitione nō possit ponere: adiūgitur enim accusationis cogitatio, non parua res, sed nimirum omnium maxima: magnū est enim te comparare ea, quibus possis hominē è ciuitate, præsertim non inopem, neq; infirmum, exturbare, qui & per se, & per suos, & uero etiam per alienos defendatur: omnes. n. ad pericula propulsanda concurrimus; et qui nō aperte inimici sumus, etiam alienissimis in capitis periculis amicissimorum officia, & studia præstamus. quare ego expertus & petēdi, & defendendi, & accusandi molestiam, sic intellexi, in petēdo studiū esse acerrimum, in defendendo officium, in accusando laborem. itaq; sic statuo, fieri nullo modo posse, ut idem accusationē, & petitionē Consularis diligenter adornet, atque instruat. unū sustinere pauci possunt, utrūq; nemo. tu, cum de curriculo petitionis deflexisses, animumq; ad accusandum transtulisses, existimasti te utrique negotio satisfacere posse? uehementer errasti: quis. n. dies fuit, posteaquā in istā accusandi denūciationē ingressus es, quē tu non totū in ista ratione cōsumpseris? legem ambitus flagitasti, quæ tibi nō deerat: erat enim seuerissime scripta Calpurnia: gestus est mos et uolūtati, & dignitati tuæ: sed tota illa lex accusationē tuā, si haberes nocentem reū, fortasse armasset: petitioni uero refragata est. pœna grauior in plebem tua uoce efflagitata est: cōmoti, animi tenuiorū, exilium in nostrum ordinem. concessit senatus postulationi tuæ: sed non libenter duriorē fortunæ cōmuni conditionē te auctore cōstituit. morbi excusationi pœna addita est: uolūtas offensa multorum, quibus aut contra ualitudinis cōmodū la-

O R A T I O

borandum est, aut incōmodo morbi etiā ceteri uitæ fructus relinquēdi. quid ergo? hæc quis tulit? is, qui auctoritati senatus, uolūtati tuæ paruit: deniq; is tulit, cui minime proderant. illa, quæ mea summa uoluntate senatus frequēs repudiauit, mediocriter aduersata tibi esse existimas? cōfusionē suffragiorū flagitasti, prorogationē legis Maniliæ, æquationem gratiæ, dignitatis, suffragiorum. grauiter homines honesti, atq; in suis ciuitatibus, & municipijs gratiosi tulerunt, à tali uiro esse pugnātū, ut oēs & dignitatis, & gratiæ gradus tollerentur. idē edititios iudices esse uoluisti, ut odia occulta ciuium, quæ tacitis nūc discordijs continētur, in fortunas optimi cuiusq; erūperent. hæc omnia tibi accusandi uia muniebant, adipiscendi obsepiebāt. atq; ex omnibus illa plaga est iniecta petitioni tuæ nō tacēte me maxima: de qua ab homine ingeniosissimo & copiosissimo Hortētio multa grauiissime dicta sunt: quo etiā mihi durior locus est dicēdi datus: ut, cū ante me et ille dixisset, et uir summa dignitate, & diligētia, & facultate dicēdi M. Crassus, ego in extremo non partē aliquā agerē causæ, sed de tota re dicere, quod mihi uideretur. itaq; in iisdē rebus ferē uersor, & quod possum iudices, occurro uestræ sapiētiae. sed tamē Serui quā te securim putas iniecisse petitioni tuæ, cū tu populum R. in eum metum adduxisti, ut pertimesceret, ne Consul Catilina fieret, dum tu accusationē comparares, deposita atq; abiecta petitione? etenim te inquirere uidebāt tristē ipsum: mæstos amicos, obseruationes, testificationes, seductiones testiū, secessionem subscriptorum animaduertebant: quibus rebus certe ipsi candidatorum uultus obscuriores uideri solent: Catilinam inte-

rea alacrem, atque latum, stipatū choro iuuentutis, ual-
latum indicibus, atque sicarijs, inflatū cum spe militum,
tum collegæ mei, quemadmodum dicebat ipse, promissis,
circunflente colonorum Aretinorum & Fesulanorum
exercitu. quam turbā dissimillimo ex genere distingue-
bant homines percussi Syllani temporis calamitate. uul-
tus erat ipsius plenus furoris, oculi sceleris, sermo arro-
gantie, sic, ut ei iam exploratus, & domi conditus Con-
sulatus uideretur. Muræna. cōtemnebat: Sulpitium ac-
cusatorem suum numerabat, non competitorem: ei uim
denūciabat: Reip. minabatur. quibus rebus qui timor bo-
nis omnibus iniectus sit, quantaq; desperatio Reip. si ille
factus esset, nolite à me commoneri uelle, uosmet ipsi uo-
biscum recordamini. meministis enim, cum illius nefarij
gladiatoris uoces percrebuisent, quas habuisse in concio-
ne domestica dicebatur; cum miserorum fidelem defen-
sorē negasset inueniri posse, nisi eū, qui ipse miser esset;
integrorum & fortunatorum promissis saucios & mi-
seros credere non oportere; quare qui consumpta reple-
re, erepta recuperare uellent, spectarent quid ipse debe-
ret, quid possideret, quid auderet; minime timidum, &
ualde calamitosum esse oportere eum, qui esset futurus
dux, & signifer calamitosorum: tum igitur his rebus au-
ditis meministis fieri S. C. referente me, ne postero die co-
mitia haberentur, ut de his rebus in senatu agere posse-
mus. itaq; postridie frequenti senatu Catilinam excita-
ui, atque eum de ijs rebus iussi, si quid uellet, quæ ad me
allatæ essent, dicere. atque ille, ut semper fuit apertissi-
mus, non se purgauit, sed indicauit atque innuit: tum
enim dixit, duo corpora esse Reipublicæ, unum debile

O R A T I O

infirmo capite, alterum firmum sine capite; huic, cū ita
 de se meritum esset, caput se uiuo non defuturum. cōge-
 muit senatus frequens, neque tamē satis seuerē pro rei
 indignitate decreuit: nā partim ideo fortes in decernen-
 do nō erāt, quia nihil timebāt; partim quia timebāt. tū
 erupit ē senatu triumphans gaudio, quem omnino uiuū
 illinc exire non oportuerat, præsertim cum idem ille in
 eodem ordine paucis diebus ante Catoni fortissimo uiro
 iudicium minitanti ac denunciāti respondisset, si quod
 esset in suas fortunas incendium excitatum, id se nō a-
 qua, sed ruina restinēturum. his tum rebus commotus,
 Et q̄ homines iam tum coniuratos cum gladijs in cam-
 pum deduci à Catilina sciebam, descendi in campum cū
 firmissimo præsidio fortissimorum uirorum, Et cum il-
 la lata insigni q̄ lorica, nō quæ me tegetet, (etenim scie-
 bam Catilinam nō latus aut uentrem, sed caput Et col-
 lum solere petere) uerū ut omnes boni animaduernerēt,
 Et, cū in metu Et periculo Consulem uiderent, id quod
 est factum, ad opem præsidium q̄ meum concurrerent.
 itaque cū te Serui remissiozem in petendo putarēt, Ca-
 tilinam Et spe, Et cupiditate inflammatum uiderēt, o-
 mnes, qui illā ab Rep. pestē depellere cupiebant, ad Mu-
 rænam se statim contulerunt. magna est autem comitijs
 consularibus repentina uoluntatū inclinatio, præsertim
 cū incubuit ad uirum bonum, Et multis alijs adiuuen-
 tis petitionis ornatum. qui cum honestissimo patre atq̄
 maioribus, modestissima adolescentia, clarissima legatio-
 ne, Prætura probata in iure, grata in munere, ornata in
 prouincia, petisset diligēter, Et ita petisset, ut neq̄ minā
 ti cederet, neq̄ cuiquā minaretur: huic mirādū est ma-
 gno

gno adiumento Catilinæ subitam spem Consulatus ad-
 piscendi fuisse? Nūc mihi tertius ille locus est oratio
 nis de ambitus criminibus, perpurgatus ab ijs, qui ante
 me dixerunt, à me, quoniam ita Muræna uoluit, retra-
 ctandus. quo in loco Posthumio familiari meo, ornatissi-
 mo uiro, de diuisorum indicijs, & de deprehensis pecu-
 nijs; adolescenti ingenioso & bono, Ser. Sulpitio, de equi-
 tum centurijs; M. Catoni, homini in omni uirtute ex-
 cellenti, de ipsius accusatione, de S. C. de Rep. respōdebo.
 sed pauca, quæ meū animū repente mouerunt, prius de
 L. Muræna fortuna cōquerar. Nā cum sæpe antea iudi-
 ces & ex aliorum miserijs, & ex meis curis, laboribusq;
 quotidianis fortunatos eos homines iudicārē, qui remo-
 ti à studijs ambitionis, otium, ac trāquillitatē uitæ se-
 cuti sunt: tum uero in his L. Muræna tātis, tamq; im-
 prouisis periculis ita sum animo affectus, ut nō queam
 satis neq; cōmunem omnium nostrum conditionē, neq;
 huius euentū fortunamq; miserari: qui primum dum
 ex honoribus continuis familiæ, maiorumq; suorū unū
 ascendere gradum dignitatis conatus est, uenit in pericu-
 lū, ne & ea, quæ relicta, et hæc, quæ ab ipso parta sunt,
 amittat: deinde propter studium nouæ laudis etiam in
 ueteris fortunæ discrimen adducitur. quæ cū sunt gra-
 uia indices, tū illud acerbissimum est, quòd habet eos ac-
 cusatores, nō qui odio inimicitiarū ad accusandum, sed
 qui studio accusandi ad inimicitias descenderent: nam
 ut omittam Ser. Sulpitium, quem intelligo non iniuria
 L. Muræna, sed honoris contentione permotum; accusat
 paternus amicus Cn. Posthumius, uetus, ut ait ipse, uici-
 nus, ac necessarius, qui necessitudinis causas complureis

Cir. Ora.

ss

O R A T I O

protulit, simultatis nullam commemorare potuit; accusat Ser. Sulpitius sodalis filij, cuius ingenio paterni omnes necessarij munitiores esse debebāt; accusat M. Cato. qui quāquā à Muræna nulla re unquam alienus fuit tamen ea conditione nobis erat in hac ciuitate natus, ut eius opes, & ingenium præsidio multis etiā alienissimis,
 * uix cuiquam inimicus esse deberet. Respondebo igitur Posthumio primum, qui nescio quo pacto mihi uidetur prætorius candidatus in consularem, quasi desultorius in quadrigarū curriculum, incurrere. cuius cōpetitores si nihil deliquerunt, dignitati eorum concessit, cū petere destitit: sin autem eorum aliquis largitus est, expectendus amicus est, qui alienam potius iniuriam, quā suam persequatur.

Ea omnia, quæ & Posthumio, & Ser. Sulpitio adolescenti responsa sunt, desiderantur.

Venio nunc ad M. Catonem, quod est firmamētū ac robur totius accusationis: qui tamen ita grauis est accusator, & uehemens, ut multo magis eius auctoritatē, quā

criminationem pertimescā. in quo ego accusatore iudices primū illud deprecabor, ne quid L. Muræne dignitas illius, ne quid expectatio Tribunatus, ne quid totius uitæ splendor, & gravitas noceat; deniq; ne ea soli huic obsint bona M. Catonis, quæ ille adeptus est, ut multis prodesse posset. bis Cōsul fuerat P. Africanus, et duos terrores huius imperij, Carthaginē, Numantiamq; deleuerat, cū accusauit L. Cottā. erat in eo summa eloquētia, summa fides, summa integritas, auctoritas tāta, quāta in ipso imperio populi R. quod illius opera tenebatur. sæpe hoc maiores natu dicere audiui, hanc accusatoris eximiam dignitatem plurimum L. Cottæ profuisse. noluerunt sapientissimi homines, qui tum rē illam iudicabant, ita quenquā cadere in iudicio, ut nimis aduersarij uiribus abiectus uideretur. quid Sergium Galbā (nam traditum memoriæ est) non ne proauo tuo, fortissimo atq; florentissimo uiro, M. Catoni incumbenti ad eius perniciem populus R. eripuit? semper in hac ciuitate nimis magnis accusatorum opibus & populus uniuersus, & sapientes, ac multum in posterū prospicientes iudices restiterunt. nolo, accusator in iudicium potentiā afferat, nō uim maiore aliquā, nō auctoritatem excellentē, nō nimiā gratiā: ualeant hæc omnia ad salutem innocentium, ad opem impotentum, ad auxiliū calamitosorum; in periculo uero, & in perniciē ciuiū repudientur. nā si quis hoc forte dicet, Catonem descēsurum ad accusandū non fuisse, nisi prius de causa iudicasset: iniquam legē iudices, & miseram conditionem instituet periculis hominum, si existimabit iudicium accusatoris in reum pro aliquo præiudicio ualere oportere. ego tuum con-

O R A T I O

filium Cato, propter singulare animi mei de tua uirtu-
 te iudicium, uituperare non audeo, nō nulla in re forsi-
 tan conformare, & leuiter emendare possim. nō multa
 peccas, inquit ille fortissimo uiro senior magister: sed
 si peccas, te regere possum. at ego te uerissime dixerim
 peccare nihil, neq; ulla in re te esse huiusmodi, ut corri-
 gēdus potius, q̄ leuiter inflectēdus esse uideare: finxit. n.
 te ipsa natura ad honestatē, grauitatem, temperantiā,
 magnitudinem animi, iustitiā, ad omnes denique uirtu-
 tes magnū hominem, & excelsum: accessit his tot do-
 ctrina nō moderata, nec mitis, sed, ut mihi uidetur, pau-
 lo asperior, & durior, q̄ aut ueritas, aut natura paria-
 tur. & quoniam non est nobis hęc oratio habenda aut
 cū imperita multitudine, aut in aliquo conuentu agre-
 stiū, audacius paulo de studijs humanitatis, quæ & mi-
 hi & uobis nota et iudicāda sunt, disputabo. in M. Ca-
 tone iudices hęc bona, quæ uidemus, diuina, et egregia,
 ipsius scitote esse propria: quæ nō nūquam requirimus,
 ea sunt omnia nō à natura, sed à magistro. fuit. n. qui-
 dam, summo ingenio uir, Zeno, cuius inuentorū æmu-
 li Stoici nominatur. huius sententiæ sunt & præcepta
 eiusmodi; sapiētem gratia nunq̄ moueri, nunq̄ cuius-
 quā delicto ignoscere; neminem misericordem esse, nisi
 stultū & leuem; uiri nō esse, neq; exorari, neque pla-
 cari; solos sapientes esse, si distortissimi sint, formosos; si
 mendicissimi, diuites; si seruitutem seruiant, Reges: nos
 autē, qui sapientes nō sumus, fugitiuos, exules, hosteis, in-
 sanos denique esse dicunt; omnia peccata esse paria;
 omne delictū scelus esse nefarium; nec minus delinque-
 re eum, qui gallum gallinaceū, cū opus nō fuerit, quàm

eum, qui patrem suffocauerit; sapientem nihil opinari, nullius rei poenitere, nulla in re falli, sententiã mutare nunquã. hæc homo ingeniosissimus M. Cato auctoribus eruditissimis inductus arripuit, neq; disputãdi causa, ut magna pars, sed ita uiuendi. petũt aliquid publicani: caue quidquã habeat momenti gratia. supplices aliqui ueniunt miseri & calamitosi: sceleratus & nefarius fueris, si quidquã misericordia adductus feceris. fatetur aliquis se peccasse, & eius delicti ueniã petit: nefarium est facinus ignoscere. at leue delictũ est: omnia peccata sunt paria. dixisti quippiam: fixum & statutum est. non reductus es, sed opinione: sapiens nihil opinatur. errasti aliqua in re: male dici putat. hac ex disciplina nobis illa sunt. dixi in senatu me nomen cõsularis cãdidati delaturum. iratus dixisti: nũquã, inquit, sapiens irascitur. at temporis causa: improbi, inquit, hominis est mēdacio fallere; mutare sententiã, turpe est; exorari, scelus; miseri, flagitium. nostri autem illi, (fatebor enim Cato me quoq; in adoleſcētia diffisum ingenio meo quæsisse adiumenta doctrinæ) nostri, inquã, illi à Platone et Aristotele, moderati homines & tēperati, aiũt, apud sapientem ualere aliquãdo gratiã; uiri boni esse, misereri; distincta genera esse delictorũ, & dispares poenas; esse apud hominem cõstantē ignoscendi locum; ipsum sapientem sæpe aliquid opinari, quod nesciat; irasci nõ nũquã, exorari eũdē, & placari; quod dixerit, interdum, si ita rectius sit, mutare; de sententia decedere aliquãdo; omnes uirtutes mediocritate quadã esse moderatas. hos ad magistros si qua te fortuna Cato cũ ista natura detulisset, nõ tu quidem uir melior esses, nec fortior, nec tēperan-

O R A T I O

tior, nec iustior, (neq; n. esse potes) sed paulo ad lenitatem propensior: non accusares nullis adductus inimicijs, nulla laceffitur iniuria prudentissimum hominem, summa dignitate, atq; honestate præditum: putares, cum in eiusdem anni custodia te atq; L. Muranæ fortuna posuisset, aliquo te cum hoc Reip. uinculo esse coniunctum: quod atrociter in senatu dixisti, aut non dixisses, aut seposuisses, aut mitiorem in partem interpretarere. ac te ipsum, quatum ego opinione auguror, nunc et animi quodam impetu concitatum, & ui nature atq; ingenij elatum, & recentibus præceptorum studijs flagrantem iam usus flectet, dies leniet, ætas mitigabit: etenim isti ipsi mihi uidentur uestri præceptores & uirtutis magistri fines officiorum paulo longius, quam natura uellet, protulisse, ut, cum ad ultimum animo contendissemus, ibi tamen, ubi oporteret, consistere remus. nihil ignoueris: immo aliquid, non omnia. nihil gratiæ causa feceris: immo resistito gratiæ, cum officium & fides postulabit. misericordia comotus ne sis etiam in dissoluenda seueritate: sed tamen est laus aliqua humanitatis. in sententia permaneto: enim uero, nisi sententia alia uicerit melior. huiusmodi Scipio ille fuit: quem non poenitebat facere idem, quod tu; habere eruditissimum hominem, & penè diuinum domi: cuius oratione, & præceptis, quæque erant eadem ista, quæ te delectant, tamen asperior non est factus, sed, ut accepi à senibus, lenissimus. quis uero C. Lælio comior? quis iucundior, eodem ex studio isto? quis illo grauior? sapientior? possum de L. Philippo, de C. Gallo dicere hæc eadem: sed te domum iam deducam tuam. quæquam ne existimas Catone proauo tuo commodiorem, comiorem, moderatiorem fuisse ad omnem

rationem humanitatis? de cuius præstanti uirtute cum uere grauiterq; diceres, domesticū te habere dixisti exēplum ad imitandū. est illud quidem exēplum tibi propositum domi: sed tamen naturæ similitudo illius ad te magis, qui ab illo ortus es, quàm ad unūquenq; nostrū peruenire potuit: ad imitadū uero tā mihi propositum exemplar illud est, quā tibi. sed si illius comitatem & facilitatem tuæ grauitati seueritatiq; asperseris, nō ista quidē erūt meliora, quæ nūc sunt optima, sed certe condita iucūdus. quare ut ad id, quod institui, reuertar, tolle mihi ē causa nomē Catonis: remoue, ac prætermitte auctoritatē, quæ in iudijs aut nihil ualere, aut ad salutē debet ualere: cōgredere mecū criminibus ipsis: quid accusas Cato? quid affers in iudiū? quid arguis? ambitū accusas: non defendo. me reprehendis, quod idem defendam, quod lege punierim: puniui ambitum, non innocentiam: ambitum uero ipsum uel tecū accusabo, si uoles. dixisti S.C. me referente esse factum; si mercede corrupti obuiam candidatis issent, si conducti sectarentur, si gladiatoribus uulgo locus tributus, & item prandia si uulgo essent data, contra legem Calpurniam factum uideri. ergo ita senatus iudicat, contra legem facta hæc uideri, si facta sint: decernit quod nihil opus est, dū cādidatus morem gerit: nā, factum sit nec ne, uehementer quæritur: si factum sit, quin contra legem sit, dubitare nemo potest. est igitur ridiculū, quod est dubium, id relinquere incertum; quod nemini dubium potest esse, id iudicare. atq; id decernitur omnibus postulātib; candidatis: ut ex S.C. neq; cuius intersit, neque contra quem sit, intelligi possit. quare doce, à L. Muraena

O R A T I O

rena illa esse commissatū egomet tibi contra legem cō=
 missa esse cōcedā. multi obuiam prodierunt de prouin=
 cia decedenti, Cōsulatum petenti: solet fieri. eccui autē
 nō proditur reuertenti? quæ fuit ista multitudo? pri=
 mum, si tibi istam rationē nō possim reddere, quid ha=
 bet admirationis, tali uiro, aduenienti, candidato cōsula=
 ri obuiam prodisse multos? quod nisi esset factū, ma=
 gis mirādum uideretur. quid, si etiam illud addā, quod
 à consuetudine nō abhorret, rogatos esse multos? num
 aut criminofum sit, aut mirādum, qua in ciuitate roga=
 ti infimorū hominū filios propè de nocte ex ultima sæ=
 pe urbe deductū uenire soleamus, in ea nō esse grau=
 tos homines prodire hora tertia in campum Martium,
 præsertim talis uiri nomine rogatos? quid, si omnes so=
 cietates uenerūt? quarum ex numero multi hic sedent
 iudices. quid, si multi homines nostri ordinis, honestissi=
 mi? quid, si illa officiosissima, quæ neminem patitur nō
 honeste in urbē introire, tota natio candidatorū? si de=
 niq; ipse accusator noster Posthumius obuiam cū bene
 magna caterua sua uenit? quid habet ista multitudo
 admirationis? omitto cliētes, uicinos, tribules, exercitū to=
 tū Luculli, qui ad triumphū per eos dies uenerat: hoc di=
 co, frequentia in isto officio gratuitā nō modo dignitati
 ullius unquā, sed ne uolūtati quidē defuisse. at sectabā=
 tur multi: doce, mercede; concedam esse crimen: hoc
 quidem remoto, quid reprehēdis? quid opus est, inquit,
 sectatoribus? à me tu id quæris? quid opus sit eo, quo
 semper usi sumus? homines tenues unū habēt in nostrū
 ordinem aut promerendi, aut proferendi beneficij locū,
 hanc in nostris petitionibus operam, atque assesta=

tionem : neque enim fieri potest , neq; postulandū est à nobis, aut ab equitibus R. ut suos necessarios candidatos seētetur totos dies: à quibus si domus nostra celebratur, si interdum ad forum deducimur, si uno basilicæ spatio honestamur, diligēter observari uidemur, et coli. tenuiorum & nō occupatorum amicorum est ista assiduitas, quorū copia bonis, & beneficiis deesse non solet. noli igitur eripere hunc inferiori generi hominum fruētū officij Cato : sine eos, qui omnia à nobis sperant, habere ipsos quoque aliquid, quod nobis tribuere possint. si nihil
* erit præter ipsorum suffragium, tenue est: si ut suffragantur, nihil ualent gratia: ipsi deniq; ut solent loqui, non dicere pro nobis, non spondere, non uocare domum suam possunt : atq; hæc à nobis petunt omnia ; neque ulla re alia, quæ à nobis consequuntur, nisi opera sua cōpensari putant posse . itaque & legi Fabiæ, quæ est de numero seētatorum, & S. C. quod est L. Cæsare Cos. factum, restiterunt : nulla est enim pœna, quæ possit obseruitiam tenuiorum ab hoc uetere instituto officiorū excludere. at spectacula sunt tributim data, & ad prædium uulgo uocati. etsi hoc factum à Muræna omnino iudices nō est, ab eius amicis autem more & modo factum est : tamen admonitus re ipsa, recordor quātum hæc quæstiones in senatu habitæ punctorum nobis Seruī detraxerint : quod. n. tempus fuit aut nostra, aut patrum nostrorum memoria, quo hæc siue ambitio est, siue liberalitas, non fuerit, ut locus & in circo, & in foro daretur amicis, & tribulibus ? hæc homines tenuiores primum ne dum qui ea suis tribulibus uetere instituto assequebantur *

Desunt non nulla.

præfectū fabrū semel locū tribulibus suis dedisse: quid statuēt in uiros primarios, qui in Circo totas tabernas tribulium causa cōpararūt? hæc omnia sectatorū, spectaculorum, prandiorū item crimina à multitudine in tuam nimiam diligentia Serui coniecta sunt: in quibus tamē Muræna ab senatus auctoritate defenditur. quid enim? senatus nūc obuiam prodire crimen putat? nō, sed mercede: cōvince. nūc sectari multos? nō, sed cōductos: doce. nūc locum ad spectandum dare, aut ad prandium inuitare? minime, sed uulgo, passim. quid est uulgo? uersos. nō igitur, si L. Natta, summo loco adolescēs, qui, & quo animo iā sit, & qualis uir futurus sit, uidemus, in equitum centurijs uoluit esse & ad hoc officium necessitudinis, et ad reliquū tempus gratiosus, id erit eius uitrice fraudi, aut crimini: nec, si uirgo Vestalis huius propinqua, & necessaria locū suū gladiatorū concessit huic, nō et illa pie fecit, et hic à culpa est remotus. omnia hæc sunt officia necessariorū, cōmoda tenuiorū, munia candidatorum. at. n. agit mecum austere, & Stoice Cato: negat uerum esse allici beneuolentiā cibo: negat iudicium hominum in magistratibus mādādis corrupti uoluptatibus oportere. ergo, ad cœnam petitionis causa

si quis uocat, condēnetur. quippe, inquit : tu mihi sum=
mū imperium, summam auctoritatem, tu gubernacula
Reip. petas fouendis hominum sensibus, & deliniendis
animis, & adhibendis uoluptatibus? utrum lenociniū,
inquit, à grege delicatæ iuuentutis, an orbis terrarū im=
periū à populo R. petebas? horribilis oratio: sed eā usus,
uita, mores, ciuitas ipsa respuit: neq; tamen Lacedæmo=
nij auctores istius uitæ, atq; orationis, qui quotidianis
epulis in robore accūbūt; neq; uero Cretes, quorū nemo
gustauit unquā cubans, melius, quā Romani homines,
qui tempora uoluptatis, laborisq; dissipant, Resp. suas
retinuerunt: quorū alteri uno aduentu nostri exerci=
tus deleti sunt, alteri nostri imperij præsidio disciplinā
suā, legesq; cōseruāt. quare noli Cato maiorū instituta,
quæ res ipsa publica, quæ diuturnitas imperij cōprobat,
nimiū seuera oratione reprehendere. fuit eodem ex stu=
dio uir eruditus apud patres nostros, et honestus homo,
& nobilis, Qu. Tubero. is, cum epulum Qu. Maximus
Africani patruī sui nomine populo R. daret, rogatus est
à Maximo, ut tricliniū sterneret, cū esset Tubero eiusdē
Africani sororis filius: atq; ille homo eruditissimus, ac
Stoicus strauit pelliculis hædinis lectulos Punicanos, &
exposuit uasa Samia: quasi uero esset Diogenes Cyni=
cus mortuus, & non diuini hominis Africani mors ho=
nestaretur: quem cū supremo eius die Maximus lauda=
ret, gratias egit dijs immortalibus, q̄ ille uir in hac Rep.
potissimū natus esset: necesse. n. fuisse, ibi esse terrarū
imperium, ubi ille esset. huius in morte celebranda gra=
uiter tulit populus Rom. hanc peruersam sapientiam
Tuberonis: itaque homo integerrimus, cuius opti=

O R A T I O

mus, cum esset L. Pauli nepos, P. Africani, ut dixi, sororis filius, his hœdinis pelliculis Prætura deiectus est. odit populus R. priuatam luxuriam, publicam magnificentiã diligit: nō amat profusas epulas, sordes & inhumanitatem multo minus: distinguit rationem officiorum ac tēporum, uicissitudinem laboris ac uoluptatis. Nā quod ais nulla re allici hominū mentes oportere ad magistratum mandandum, nisi dignitate: hoc tu ipse, in quo summa est dignitas, nō seruas: cur enim quenquam, ut studeat tibi, ut te adiuuet, rogas? rogas tu me, ut mihi præsus, ut cōmittam ego me tibi. quid tãdem? istuc me rogari oportet abs te, an te potius à me, ut pro mea salute laborem, periculumq; suscipias? quid, quòd habes nomen clatorem? in eo quidem fallis, & decipis: nā si nomine appellari abs te ciueis tuos honestū est, turpe est eos notiores esse seruo tuo, quā tibi: sin etiā noris, tamen per monitorē appellādi sunt? cur ante petis, quā insusurrauit? aut quid, cū admoneris, tamē, quasi tute noris, ita salutas? quid, posteaq; es designatus, multos salutas negligētius? hæc omnia ad rōnē ciuitatis si dirigas, recta sunt; sin perpendere ad disciplinæ præcepta uelis, reperiantur prauissima. quare nec plebi R. eripiēdi fructus isti sunt ludorū, gladiatorū, conuiuiorū, quæ omnia maiores nostri cōparauerūt: nec candidatis ista benignitas adimenda est, quæ liberalitatem magis significat, q̄ largitionē. at enim te ad accusandum Resp. adduxit. credo Cato te isto animo, atq; ea opinione uenisse: sed tu imprudētia laberis: ego, quod facio iudices, cū amicitie dignitatisq; L. Murænæ gratia facio, tū me pacis, otij, concordie, libertatis, salutis, uitæ denique omnium uestrum causa

facere clamo, atq; obtestor. audite, audite Consulem iudices, nihil dicam arrogantius, tantum dicā, totos dies, atque noctes de Rep. cogitātem. usque eò L. Catilina Remp. despexit atque contēpsit, ut ea copia, quā secum eduxit, se hāc ciuitatem oppressurū arbitraretur? latius patet illius sceleris contagio, q̄ quisquā putat: ad plures pertinet: intus, intus, inquā, est equus Troianus, à quo nūquā me Consule dormientes opprimemini. quæris à me, quid ego Catilinā metuā? nihil; & curavi, ne quis metueret: sed copias illius, quas hic uideo, dico esse metuēdas: nec tā timendus est nunc exercitus L. Catilinæ, q̄ isti, qui illū exercitū deseruisse dicuntur: non. n. deseruerunt, sed ab illo in speculis, atq; insidijs relictī, in capite, atq; in ceruicibus nostris restiterūt. hi & integrū Cōsulem, & bonū imperatorem, & naturā, & fortunā cum Reip. salute coniunctū deiici de urbis præsidio, & de custodia ciuitatis uestris sententijs deturbari uolūt. quorū ego ferrum, & audaciam reieci in campo, debilitauī in foro, compressi etiā domi meæ sæpe iudices; his uos si alterum Consulem tradideritis, plus multo erunt uestris sententijs, q̄ suis gladijs cōsecuti. magni interest iudices, id quod ego multis repugnātibus egi, atq; perfecī, esse Calēdis Ian. in Rep. duos Consules. nolite arbitrari, mediocribus cōsilijs, aut usitatis uijs, aut lege improba, aut perniciofa largitione auditū aliquādo aliquod malū Reip. quæri. inita sunt in hac ciuitate cōsilia iudices urbis delēdæ, ciuiū trucidandorū, nominis R. extinguendi. atq; hæc ciues, ciues, inquā, (si eos hoc nomine appellari fas est) de patria sua & cogitāt, & cogitauerūt. horum ego quotidie cōsilijs occurro, audaciam debilito.

O R A T I O

sceleri resisto. sed uos moneo iudices: in exitu est iā meus
 Consulatus: nolite mihi subtrahere uicarium meae dili-
 gentiae: nolite adimere eum, cui Remp. cupio tradere
 incolumē ab his tantis periculis defendēdam. atque ad
 haec mala iudices quid accedat aliud, nō uidetis? te, ap-
 pello Cato: nō ne prospicis tēpestatē anni tui? iam enim
 hesternā cōcione intonuit uox pernicioſa designati Tri-
 buni collegae tui: contra quem multū tua mens, multū
 omnes boni prouiderunt, qui te ad Tribunatus petitiō-
 nē uocauerūt. omnia, quae per hoc triēniū agitata sunt
 iā ab eo tempore, quo à L. Catilina, & Cn. Pisone initū
 consilium senatus interficiendi scitis esse, in hos dies, in
 hos menses, in hoc tempus erumpunt. qui locus est iudi-
 ces, quod tempus, qui dies, quae nox, cū ego non ex istorū
 insidijs ac mucronibus non solum meo, sed multo etiā
 magis diuino consilio eripiar, atque euolem? neque isti
 me meo nomine interfici, sed uigilantem Consulem de
 Reip. praesidio dimouere uolūt: nec minus uellent Cato
 te quoq; aliqua ratione, si possent, tollere: id quod,
 mihi crede, & agunt, & moliuntur. uident, quantū in
 te sit animi, quantū ingenij, quantum auctoritatis, quā-
 tum Reip. praesidij: sed cū cōsulari auctoritate, & au-
 xilio spoliata uim tribunitiā uiderint, tum se facilius
 inermē, & debilitatum te oppressuros arbitrantur. nā,
 ne sufficiatur Consul, non timent: uident in tuorū pote-
 state collegarum fore: sperant sibi Silanum, clarum ui-
 rū, sine collega, te sine Consule, Remp. sine praesidio obijci
 posse. his tantis in rebus, tantisq; in periculis, est tuum
 M. Cato, qui nō mihi, non tibi, sed patriae natus es, uide-
 re quid agatur, retinere adiutorem, defensorem, socium

opes intuetur. nolite per deos immortales iudices hac cū
 re, qua se honestiorem fore putauit, etiam cæteris ante
 partis honestatibus, atque omni dignitate, fortunaq; pri
 uare. atque ita uos Muræna iudices orat, atq; obsecrat,
 si iniuste neminem læsit, si nullius aures uoluntatem ue
 uiolauit, si nemini, ut leuissime dicam, odio nec domi, nec
 militiæ fuit; sit apud uos modestiæ locus, sit demissis ho
 minibus perfugiū, sit auxilium pudori. misericordiā spo
 liatio Consulatus magnam habere debet iudices: unā
 enim eripiuntur cum Consulatu omnia. inuidiam uero
 his temporibus habere Consulatus ipse nullā potest: obij
 citur. n. concionibus seditioforum, insidijs coniuratorum,
 telis Catilinæ: ad omne deniq; periculum, atque ad om
 nem inuidiā solus opponitur. quare, quid inuidēdū Mu
 ræna, aut cuiquam nostrū sit in hoc præclaro Cōsulatu,
 non uideo iudices: quæ uero miseranda sunt, ea et mihi
 ante oculos uersantur, & uos uidere, & perspicere pote
 stis. si, quod Iupiter omen auertat, hunc uestris sentētijs
 afflixeritis, quò se miser uertet? domum ne? ut eā ima
 ginem clarissimi uiri parentis sui, quam paucis ante die
 bus laureatam in sua gratulatione conspexit? eandē de
 formatam ignominia, lugentemq; uideat? an ad matrē?
 quæ misera modo Consulem osculata filium suum, nūc
 cruciatur, & sollicita est, ne eūdem paulo post spoliatum
 omni dignitate conspiciat. sed quid ego matrem, aut do
 mum appello? quem noua pœna legis & domo, & pa
 rente, & omnium suorum cōsuetudine, conspectuq; pri
 uat. ibit igitur in exilium miser? quò? ad orientis ne
 parteis, in quibus annos multos Legatus fuit, & exerci
 tus duxit, & res maximas gessit? at habet magnum do

Cic. Orat.

tt

lorem, unde cum honore decesserit, eodem cum ignominia reuerti. an se in contrariam partem terrarum abdet? ut Gallia transalpina, quem nuper summo cum imperio libentissime uiderit, eundem lugentem, mœrentem, exulem uideat? in ea porro prouincia quo animo C. Murenā fratrem suum aspiciet? qui huius dolor? qui illius mœror erit? quæ utriusque lamentatio? quanta autem perturbatio fortunæ, atque sermonis? quòd, quibus in locis paucis ante diebus factum esse Consulē Murenā nunciū literæq; celebrassent, & unde hospites atque amici gratulatum Romam concurrerint, repente eò accedat ipse nuncius suæ calamitatis. Quæ si acerba, si misera, si luctuosa sunt, si alienissima māsuetudine, & misericordia uestra iudices, conseruate populi R. beneficium, reddite Reip. Cōsulem, date hoc ipsum pudori, date patri mortuo, date generi, & familiæ, date etiam Lanuuiο municipio honestissimo, quod in hac causa frequens, mœstūq; uidistis: nolite à sacris patrijs Iunonis Sospitæ, cui omnes Consules facere necesse est, domesticum, & suum Consulē potissimum auellere. quem ego uobis, si quid habet aut momenti cōmendatio, aut auctoritatis confirmatio mea, Consul Consulē iudices ita cōmendo, ut cupidissimum otij, studiosissimum bonorum, acerrimum contra seditionem, fortissimum in bello, inimicissimum huic cōiurationi, quæ nunc Remp. labefactat, futurū esse promittam, & spondeam.

PRO L. FLACCO,
ORATIO XXIII.

VM in maximis periculis huius urbis
 atq; imperij, grauiſſimo atque acerbis-
 ſimo Reip. caſu, ſocio atque adiutore
 cōſiliorū periculorumq; meorū L. Flac-
 co cædem à uobis, coniugibus, liberis
 ueſtris, uſtatatem à templis, delubris, urbe, Italia de-
 pellebam, ſperabam iudices honoris potius L. Flacci me
 adiutorem futurum, quàm miſeriarum deprecatozem:
 quod enim eſſet præmium dignitatis, quod populus R.
 cum huius maioribus ſemper detuliſſet, huic denegaret?
 cum L. Flaccus ueterem Valeriæ gentis in liberanda pa-
 tria laudem propè quingenteſimo anno Reip. retuliſſet.
 ſed ſi forte aliquando aut beneficij huius obtreçtator,
 aut uirtutis hoſtis, aut laudis inuidus extitiſſet, exiſtima-
 bam L. Flacco multitudinis potius imperitæ, nullo ta-
 men cum periculo, quàm ſapientiſſimorum & leçtiſſi-
 morum uirorum iudicium eſſe ſubeundum: etenim
 quibus auctōribus, & deſenſoribus omnium tum ſalus
 eſſet nō ciuium ſolum, uerum etiam gentium deſenſa,
 ac retenta, neminem unquā putauī per eos ipſos pericu-
 lum huius fortunis atque inſidias creaturum. q̄ ſi eſſet
 aliquando futurum, ut aliquis de L. Flacci perniciæ co-
 gitaret: nunquam tamen exiſtimaui iudices D. Læ-
 lium, optimi uiri filium, optima ipſum ſpe præditum,
 ſummæ dignitatis, eam ſuſcepturum accuſationem, quæ
 ſcleratorum ciuium potius odio & furori, quàm ipſius
 uirtuti atque inſtitutæ adoleſcentiæ conueniret: etenim

t t ij

O R A T I O

cum à clarissimis uiris iustissimas inimicitias sæpe cū bene meritis ciuibus depositas esse uidissem, nō sum arbitratus quenquā amicum Reip. posteaquā L. Flacci amor in patriam perspectus esset, nouas huic inimicitias nulla accepta iniuria denunciaturū. sed quoniam iudices multa nos & in nostris rebus, & in Rep. fefellerunt: ferimus ea, quæ sunt ferenda: tantum à uobis petimus, ut omnia Reip. subsidia, totum statū ciuitatis, omnem memoriam temporū præteritorū, salutem præsentīū, spem reliquorum in uestra potestate, in uestris sententijs, in hoc uno iudicio positam esse, & defixam putetis. si unquam Resp. consilium, grauitatē, sapientiā, providentiam iudicum implorauit, hoc tempore, hoc, inquam, tēpore implorat. nō estis de Lydorum, aut Mysorum, aut Phrygum, qui huc cōpulsī concitatiq; uenerunt, sed de uestra Rep. iudicaturi, de ciuitatis statu, de cōmuni salute, de spe bonorum omniū, si qua reliqua est etiā nunc, quæ fortium ciuium mentes, cogitationesq; sustētet. omnia alia perfugia bonorum, præsidia innocentum, subsidia Reip. consilia, auxilia, iura ceciderunt. quē enim alium appellem? quem obtester? quem implorem? senatum ne? at is ipse auxilium petit à uobis, & confirmationem auctoritatis suæ uestre potestati permissam esse sentit. an equites R? iudicabitis princeps eius ordinis quinquaginta, quid cū omnibus senseritis. an populum R? at is quidem omnem suam de bonis potestatem tradit uobis. quamobrem nisi hoc loco, nisi apud uos, nisi per uos iudices nō auctoritatem, quæ amissa est, sed salutem nostrā, quæ spe exigua extremaq; pendet, tenuerimus: nihil est præterea, quò cōfugere possimus. nisi forte, quæ res hoc iudicio tentetur,

quid agatur, cui causæ fundamenta iaciantur, iudices non uidetis. damnatus est is, qui Catilinam signa patriæ inferentem interemit. quid est causæ, cur non is, qui Catilinam ex urbe repulit, pertimescat? rapitur ad pœnā, qui indicia cōmunis exitij cepit: cur sibi confidat is, qui ea proferenda, & patefacienda curauit? socij consiliorum, ministri, comitesq; uexantur: quid auctores, quid duces, quid principes sibi expectent? atque utinā inimici nostri ac bonorum omnium mecum potius contendant: utrum tamen omnes boni, duces nostri an comites fuerint ad communem conseruandam salutem *

Desit fortasse quippiam.

Hunc igitur uirum Læli quibus tandem rebus oppugnatus fuit P. Seruilio imperatore in Cilicia Tribunus mil. ea res siletur. fuit M. Pisoni Quæstor in Hispania: uox de Quæstura nulla missa est. bellum Cretense ex magna parte gessit, atque unā cum summo imperatore sustinuit: muta est huius tēporis accusatio. Præturæ iurisdictio, res uaria, & multiplex ad suspiciones, & similitates, nō attingitur: ea uero in summo & periculossissimo Reip. tempore etiam ab inimicis laudatur. at à testibus læditur: antequā dico, à quibus, qua sse, qua ui, qua re cōcitatis, qua leuitate, qua egestate, qua perfidia, qua audacia præditis, dicā de genere uniuerso, & de conditione omnium nostrum. per deos immortales, iudices, uos, quo modo is, qui anno ante Romam

tt iij

ius dixerat, anno post in Asia ius dixerit, à testibus quæ
 retis ignotis, ipsi coniectura nihil iudicabitis: in tam ua-
 ria iurisdictione tam multa decreta, tot hominum gra-
 tiosorum læsæ uolūtates: quæ est unquā iacta non suspi-
 cio, quæ tamen solet esse falsa, sed iracundiæ uox aut do-
 loris? Et is est reus auaritiæ, qui in uberrima re turpe
 cōpendium, in maledicentissima ciuitate, in suspiciosissi-
 mo negotio maledictum omne, nō modo crimen effugit.
 prætereo illa, quæ prætereunda non sunt; nullum huius
 in priuatis rebus factum auarū, nullam in re pecunia-
 ria cōtentionem, nullā in re familiari sordem posse pro-
 ferri. quibus igitur testibus ego hosce possum refutare,
 nisi uobis? Timolites ille uicanus, homo nō modo nobis,
 sed ne inter suos quidem notus, uos docebit qualis sit L.
 Flaccus. quem uos modestissimum adolescentem, prouin-
 ciæ maximæ sanctissimum uirum, nostri exercitus for-
 tissimum militem, diligentissimum ducem, temperatissi-
 mum Legatum, Quæstoremq; cognouerunt: quem uos
 præsentēs constantissimū senatorem, iustissimum Præto-
 rem, ac amantissimum Reip. ciuem iudicastis. de quibus
 uos alijs testes esse debetis, de ijs ipsi alios testes audietis?
 at quos testes? primum dicam, id quod est cōmune, Græ-
 cos: nō quo nationi huic ego unus maxime fidem dero-
 gem: nam si quis unquā de nostris hominibus à genere
 isto, studio ac uolūtate nō abhorrens fuit, me Et esse ar-
 bitror, Et magis etiā tum, cum plus erat otij, fuisse: sed
 sunt in illo numero multi boni, docti, prudentes, qui ad
 hoc iudiciū deducti nō sunt; multi imprudentes, illitera-
 ti, leues, quos uarijs de causis uideo cōcitatos. ueruntamē
 hoc dico de toto genere Græcorum, tribuo illis literas, do

multarum artium disciplinam: nō adimo sermonis lepo-
rem, ingeniorum acumen, dicendi copiam: denique etiā,
si qua sibi alia sumunt, nō repugno: testimoniorum re-
ligionem & fidem nūquā ista natio coluit; totiusq; hu-
iusce rei quæ sit uis, quæ auctoritas, quod pondus, igno-
rant. unde illud est, da mihi testimonium mutuū? num
Gallorū, num Hispanorum putatur? totum istud Græ-
corū est: ut, etiam qui Græce nesciunt, hoc quibus uer-
bis à Græcis dici soleat, sciāt. itaq; uidete, quo uultu, qua
cōfidentia dicant: tum intelligetis, qua religione dicant,
nūquā nobis ad rogatum respondent, semper accusatori
plus q̄ ad rogatum: nunquā laborant, quemadmodum
pro bent, quod dicunt, sed quēadmodum se explicent di-
cendo. iratus Flacco dixit M. Lurco, quod, ut ipse aiebat,
libertus erat eius turpi iudicio cōdemnatus: nihil dixit,
quod læderet eum, cum cuperet: impediēbat enim reli-
gio: tamen id, quod dixit, quanto cum pudore, quo tre-
more & pallore dixit? q̄ promptus homo P. Septimius?
q̄ iratus de iudicio & de uillico: tamen hæsitabat, tamē
eius iracundiæ religio non nunquam repugnabat. inimi-
cus M. Celijs, q̄ cum in re manifesta putasset nefas esse
publicanum iudicare contra publicanum, sublatus erat
ē numero Recuperatorum: tamen tenuit se, neque attu-
lit in iudicium quidquam ad lædendum, nisi uolunta-
tem. hi si Græci fuissent, ac nisi nostri mores ac disci-
plina plus ualerent, quā dolor ac simultas, omnes se
spoliatos, uexatos, fortunis euersos esse dixissent. Græcus
testis cum ea uoluntate processit, ut lædat, non iuristu-
randi, sed lædendi uerba meditatur. uinci, refelli, coar-
gui, putat esse turpissimum: ad id se parat, nihil aliud

t t iij

O R A T I O

curat: itaque non optimus quisq; , nec grauiſſimus , ſed
impudiciſſimus, loquaciſſimusq; deligitur . uos autē in
priuatis minimarum rerum iudicijs teſtem diligēter ex
penditis : etiam ſi formam hominis, ſi nomen, ſi tribum
noſtis, mores tamē exquirendos putatis. qui autem dici
teſtimonium ex noſtris hominibus, ut ſe ipſe ſuſtētat, ut
omnia uerba moderatur, ut timet , ne quid cupide , ne
quid iracūde, ne quid plus minus ue, quā ſit neceſſe, di
cat. nū illos idē putatis? quibus inſiurandū iocus eſt ; te
ſtimoniū, ludus ; exiſtimatio ueſtra, tenebræ ; laus, mer
ces, gratia, gratulatio propoſita eſt omnis in impudenti
mendacio. ſed non dilatabo orationē meā: etenim poſſet
eſſe infinita, ſi mihi libeat totius gentis in teſtimonijs di
cendis explicare uanitatē. ſed propius accedā: de his ue
ſtris teſtibus dicā. Vehemētē accuſatorem naſci ſumus
iudices, et inimicū in omni genere odioſum ac moleſtū;
quē ſpero his rebus fore magno uſui & amicis, & Reip.
ſed certe inflāmatuſ incredibili cupiditate hanc cauſam
accuſationēq; ſuſcepit. qui comitatuſ in inquirendo? co
mitatū dico? immo uero quātus exercituſ? quæ iactura?
qui ſumptuſ? quanta largitio? quæ quanquam utilia
ſunt cauſæ, timide tamē dico, quōd uereor, ne Læliuſ ex
his rebus , quas ſibi ſuſcepit gloriæ cauſa putet aliquid
oratione mea ſermonis in ſeſe, aut inuidiæ eſſe quæſitū.
itaq; hāc partē totā relinqvā: tātū à uobis petā iudiceſ,
ut, ſi quid ipſi audiſtis cōmuni fama atque ſermone, de
uī, de manu, de armis, de copijs, meminereſis quarū rerū
inuidia lege hac recēti ac noua certuſ eſt inqueſitioni co
mitū numeruſ cōſtitutuſ. Sed ut hāc uim omittā, quāta
illa ſunt? quæ quoniam accuſatorio iure & more ſunt

facta, reprehendere nō possumus, quēri tamē cogimur.
 primum, q̄ distributis partibus sermo est tota Asia dissipa-
 tus, Cn. Pompeium, q̄ L. Flacco est uehementer inimi-
 cus, contendisse à Lælio paterno amico ac perneccessario,
 ut hunc hoc iudicio arcefferet, omnemq̄ ei suā auctori-
 tatem, gratiam, copias, opes ad hoc negotium conficien-
 dum detulisse. id hoc uerisimilius Græcis hominibus uis-
 debatur, q̄ paulo ante familiarem Lælium in eadē pro-
 uincia Flacco uiderant. Pompeij autem auctoritas cum
 apud omnes tanta est, quāta esse debet, tū excellit in ista
 prouincia, quam nuper & prædonum, & Regum bello
 liberauit. adiūxit illa, ut eos, qui domo exire nolebāt, te-
 stimonij denunciatione terreret; qui domi stare non po-
 terant, largo & liberali uiatico commoueret. sic adoles-
 cens ingenij plenus locupletes metu, tennes præmio, stul-
 tos errore permouit: sic sunt expressa ista præclara, quæ
 recitatur, psephismata, nō sententijs neque auctoritati-
 bus declarata, nec iureiurando constricta, sed porrigen-
 da manu, profundendoq̄; clamore multitudinis concita-
 tæ. ò morem præclarum disciplinamq̄, quam à maiori-
 bus accepimus, si quidem teneremus, sed nescio quo pa-
 cto iam de manibus elabatur. nullam illi nostri sapiētis-
 simi, & sanctissimi uiri uim cōcionis esse uoluerūt. quæ
 scisceret plebs, aut quæ populus iuberet summta concio-
 ne, distributis partibus tributim, et cēturiatim, descriptis
 ordinibus, classibus, ætatibus, auditis auctoribus, re mul-
 tos dies promulgata, et cognita, iuberi, uetariq̄; uoluerūt.
 Græcorum autem totæ Resp. sedētis concionis temerita-
 te administratur. itaque ut hanc Græciā, quæ iādiu suis
 consilijs perculsa & afflicta est, omittā: illa uetus, quæ

O R A T I O

quondā opibus, imperio, gloria floruit, hoc uno malo concidit, libertate immoderata ac licentia concionū. cum in theatro imperiti homines rerum omnium rudes ignariq; confederant, tum bella inutilia suscipiebant, tum seditiofos homines Reip. præficiebant, tum optime meritos ciues è ciuitate eiiciebant. q̄ si hæc Athenis tum, cum illæ non solum in Græcia, sed propè cunctis gentibus eminebant, accidere sunt solita: quā moderationem putatis in Phrygia aut in Mysia concionū fuisse? nostras conciones illarum nationū homines plerunque perturbant: quid, cum soli sunt ipsi, tandem fieri putatis? cæsus est uirgis Cynicus ille Athenagoras, qui in fame frumentum exportare erat usus: data cōcio Lælio est: processit ille, & Græcus apud Græcos nō de culpa sua dixit, sed de pœna questus est. porrexerūt manus: psephisma natum est. hoc testimonium est? nuper epulati, paulo ante omni largitione saturati Pergameni, quod Mithridates, qui multitudinē illā non auctoritate, sed sagina tenebat, se uelle dixit, id sutores & Zonarij conclamarunt. hoc testimonium est ciuitatis? ego testes à Cilicia publice duxi: uerum erāt ea testimonia nō concitata cōcionis, sed iurati senatus. quare iam nō est mihi contentio cum teste: uobis uidendum est, sint ne hæc testimonia putanda. adolescens bonus, honesto loco natus, disertus, cum maximo ornatissimoq; comitatu uenit in oppidū Græcorum: postulat cōcionem: locupletes homines & graues, ne sibi aduersentur, testimonij denūciatione deterret: egentes & leues spe legationis & uiatico publico, priuata etiam benignitate prolebat: opifices & tabernarios atque illam omnē fecem ciuitatum quid est negotij concitare? in cum præsertim,

qui nuper summo cum imperio fuerit, summo autē in amore esse propter nomen ipsum imperij non potuerit. mirandum uero est, homines eos, quibus odio sunt nostræ secures, nomen acerbitati, scriptura, decumæ, portorium morti, libenter arripere facultatem lædendi, quæcūque detur. mementote igitur, cum audietis psephismata, non audire uos testimonia, audire temeritatē uulgi, audire uocem leuissimi cuiusq; audire strepitum imperitorum, audire concionem concitatam leuissimæ nationis. itaque perscrutamini penitus naturam rationemq; criminum: iam nihil præter speciem, nihil præter terrorem ac minas reperietis.

Deesse uidentur non nulla.

In ærario nihil habent ciuitates, nihil in uectigalibus. duæ rationes cōficiendæ pecuniæ, aut uersura, aut tributo. nec tabulæ creditoris proferuntur, nec tributi confectio ulla recitatur. quod uero facile falsas rationes inferre, & in tabulas, quodcūque cōmodū est, referre soleant, ex Cn. Pōpeiū literis ad Hypsæū, & Hypsæi ad Pōpeium missis quæso cognoscite. LITERAE POMPEII ET HYPSAEI. satis ne uobis coarguere his auctoribus dissolutam Græcorū consuetudinem licetiamq; impudentē uidemur? nī si forte, qui Cn. Pōpeiū, qui præsentem, qui nullo impellente fallebant, eos urgente Lælio in absentē, & in L. Flaccū aut timidos fuisse, aut religiosos putamus. sed fuerint

O R A T I O

incorruptæ literæ domi: nūc uero quā habere auctoritatem, aut quam fidem possunt? triduo lex ad Prætorē deferri, iudicū signis obsignari iubet: trigesimo die uix deferuntur. ne corrumpi tabulæ facile possint, iccirco lex obsignatas in publico poni uoluit: at obsignantur corruptæ. quid refert igitur, tātō post ad iudices deferātur, an omnino non deferantur? quid, si testium studiū cum accusatore sociatū est? tamen ne isti testes habebuntur? ubi est igitur illa expectatio, quæ uersari in iudicijs solet? nā antea, cū dixerat accusator acriter & uehementer, cūq; defensor suppliciter demisseq; respōderat; tertius ille erat expectatus locus testiū; qui aut sine ullo studio dicebāt, aut cum dissimulatione aliqua cupiditatis. hoc uero quid est? unā sedēt, ex accusatorū subsellijs surgunt, nō dissimulant, nō uerentur. de subsellijs queror? una ex domo prodeunt: si uerbo titubarint, quō reuertātur nō habebunt. an quisquam esse testis potest, quē accusator sine cura interroget, nec metuat ne sibi aliquid, quod ipse nolit, respondeat? ubi est igitur illa laus oratoris, quæ uel in accusatore antea, uel in patrono spectari solebat? bene testē interrogauit: callide accessit: reprehendit: quō noluit, adduxit: conuicit, & elinguem reddidit. quid tu istum roges Læli, qui, priusquam hoc, te rogo, dixeris, plura etiā effundet, quā tu ei domi ante præscripseris? quid ego autem defensor rogem? nam aut oratio testium refelli solet, aut uita lædi. qua disputatione orationem refellā eius, qui dicit, dedimus, nihil amplius? in hominem dicendū est igitur, cum oratio argumentationem non habet. quid dicam in ignotum? quærendum est ergo, & deplorandum, id quod iandudum facio, de

omni accusationis iniquitate: primum de cōmuni genere testiū: dicit enim natio minime in testimonijs dicēdis religiosa. propius accedo: nego esse ista testimonia, quæ tu ipse psephismata appellas; sed & fremitum egētiū, & motū quendā temerarium Græculæ concionis. intra bo etiam magis: qui gessit, non adest: qui numerasse dicitur, nō est deductus: priuatæ literæ nullæ proferuntur, publicæ retentæ sunt in accusatorū potestate: summa est in testibus: hi uiuunt cum inimicis, adsunt cum aduersarijs, habitant cū accusatoribus. utrū hic tandem, disceptationem & cognitionē ueritatis, an innocentie labem aliquam, aut ruinam fore putatis? multa. n. sunt eiusmodi iudices, ut etiā si in homine ipso, de quo agitur, negligenda sint, tamen in imitatione atque in exemplo pertimescenda uideantur. si quem infimo loco natum, nullo splendore uitæ, nulla cōmendatione famæ defenderē, tamen ciuis ciuem à ciuibus cōmunis humanitatis iure, ac misericordia deprecarer, ne ignotis testibus, ne incitatis, ne accusatoris cōfessoribus, cōuiuijs, cōtubernalibus, ne hominibus leuitate Græcis, crudelitate barbaris ciuē ac supplicem uestrū dederetis, ne periculosam imitationē exempli reliquis in posterum proderetis. sed cum L. Flacci res agatur, cuius ex familia quī primus Consul factus est, primus in hac ciuitate Consul fuit; cuius uirtute Regibus exterminatis, libertas in Rep. cōstituta est: quæ usque ad hoc tēpus honoribus, imperio, rerum gestarū gloria continuata permansit; cumq; ab hac perēni, cōtestataq; uirtute maiorū non modo non degenerarit L. Flaccus. sed, id quod maxime florere in generis sui gloria uiderat, laudē patriæ in libertatē uindicandæ Prætor adæ-

O R A T I O

mauerit: in hoc ego reo ne quod perniciosum exemplū
 prodatur, pertimescam? in quo, etiam si quid errasset, om-
 nes boni cōniendum esse arbitrarētur: quod quidem
 ego non modo nō postulo, sed contra iudices uos oro &
 obtestor, ut totam causam quā maxime intētis oculis (ut
 aiunt) acerrime cōtemplemini. nihil religione testatum,
 nihil ueritate fundatū, nihil dolore expressum; cōtraq;
 omnia corrupta libidine, iracundia, studio, pretio, periur-
 rio reperientur. etenim iam uniuersa istorum cognita
 cupiditate, accedam ad singulas querelas criminatio-
 nesq; Græcorum. Classis nomine pecuniam ciuitati-
 bus imperatam queruntur. quod nos factū iudices confi-
 temur: sed si hoc crimen est; aut in eo est, q̄ non licuerit
 imperare; aut in eo, q̄ non opus fuerit nauibus; aut in
 eo, q̄ nulla hoc Prætore classis nauigarit. licuisse ut intel-
 ligas, cognosce quid me Consule senatus decreuerit, cum
 quidem nihil à superioribus continuorum annorum de-
 cretis decesserit. SENATVS CONSULTVM.
 proximum est ergo, ut, opus fuerit classe, nec ne, quæra-
 mus. utrū igitur, hoc Græci statuent, aut ullæ exteræ na-
 tiones, an uestri Prætores, uestri duces, uestri imperatores?
 equidē existimo, in eiusmodi regione atq; prouincia, quæ
 mari cinēta, portibus distincta, insulis circumdata esset,
 non solum præsidij, sed etiam ornandi imperij causa na-
 uigādum fuisse: hæc enim ratio ac magnitudo animorū
 maioribus nostris fuit, ut, cum in priuatis rebus, suisq;
 sumptibus minūto contenti tenuissimo cultu uiuerēt, in
 imperio atq; in publica dignitate omnia ad gloriā splē-
 doremq; reuocarent: quæritur enim in re domestica cō-
 tinētiae laus, in publica dignitatis. quid, si etiam præsidij

causa classem habuit? quis erit tam iniquus, qui reprehendat? nulli erant praedones: quid? nullos fore, quis prestare poterat? minuis, inquit, gloriam Pompeij: immo tu auges molestiam: ille enim classes praedonum, urbes, portus, rei et pericula sustulit; pacem maritimam summa uirtute, atque incredibili celeritate confecit: illud uero neque suscepit, neque suscipere debuit, ut, si qua usquam nauicula praedonum apparuisset, accusandus uideretur: itaque ipse in Asia, cum omnia iam bella terra marique confecisset, classem tamen iisdem istis ciuitatibus imperauit. quod si tum statuit opus esse, cum ipsius praesentis nomine tuta omnia et pacata esse poterant: quid, cum ille decessisset, Flacco existimatis statuendum et faciendum fuisse? quid nos hic? non ne ipso Pompeio auctore, Silano et Muræna Coss. decreuimus ut classis in Italia nauigaret? non ne eo ipso tempore, cum L. Flaccus in Asia remiges imperabat, nos hic in mare superum et inferum sestertium ter et quadragies rogabamus? quid postremo anno? non ne M. Curio et P. Sestilio Quæst. pecunia in classem est erogata? quid? hoc omni tempore equites in ora maritima non fuerunt? illa est. n. gloria diuina Pompeij; primum, praedones eos, qui tum, cum illi bellum maritimum gerendum datum est, toto mari dispersi uagabantur, reductos esse omnes in potestatem; deinde, Syriam esse nostram, Ciliciam teneri, Cyprum per Ptolemaum Regem nihil audere; praeterea, Cretam Metelli uirtute esse nostram; nihil esse, unde profiscantur, nihil quod reuertantur; omnes sinus, promontoria, litora, insulas, urbes maritimas claustris imperij nostri contineri. quod si Flacco Praetore nemo in mari praedo fuisset, tamen huius diligentia reprehend-

O R A T I O

denda non esset : iccirco enim, q̄ hic classem habuisset,
 existimarem non fuisse. quid, si L. Oppij, L. Agrij, C. Ce-
 stij equitum R. huius etiam clarissimi uiri Cn. Domitij,
 qui in Asia tum Legatus fuit, testimonio doceo, eo ipso
 tempore, quo tu ipse negas classem habendam fuisse, com-
 plures à prædonibus esse captos? tamen Flacci consilium
 in remigibus imperandis reprehendetur? quid, si etiā oc-
 cisus est à piratis Adramitenus, homo nobilis, cuius est fe-
 re nobis omnibus nomen auditum; Acinas pugil Olym-
 pionices? hoc est apud Græcos (quoniā de eorum graui-
 tate dicimus) propè maius & gloriosius, q̄ Romæ trium-
 phasse. at neminem cepisti. q̄ multi oræ maritimæ claris-
 simi uiri præfuerunt, qui, cum prædonem nullum cepis-
 sent, mare tamen tutū præstiterunt? casus est enim in ca-
 piendo, locus, seuentus, occasio: defendendi facilis est cau-
 tio, non solum latibulis occultorum locorum, sed etiam
 tempestatum moderatione, & cōuersione. Reliquum est,
 ut quæeratur, utrum nostra ista classis cursu & remis,
 an sumptu tantum, & literis nauigarit. num igitur ne-
 gari potest, cuius rei cuncta testis est Asia, bipartito clas-
 sem distributam fuisse, ut una pars supra Ephesum, alte-
 ra infra Ephesum nauigaret? hac classe M. Crassus, uir
 amplissimus, ab Hemo in Asiam, his nauibus Flaccus ex
 Asia in Macedoniā nauigauit. in quo igitur Prætoris est
 diligentia requirēda? in numero nauium, & in descriptio-
 ne æquabili sumptus? dimidium eius, quo Pompeius erat
 usus, imperauit: nū potuit parcius? descripsit autem pe-
 cuniā ad Pompeij rationē, quæ fuit accōmodata L. Syllæ
 descriptioni, qui cum omnes Asiæ ciuitates pro portione
 in prouincias descripsisset, illam rationem in imperando
 sumptu

sumptu & Pompeius, & Flaccus secutus est: neque est adhuc tamē ea summa cōpleta. nō refert uero. quid lucretur? cū n. genus imperatæ pecuniæ suscipit, id, quod tu crimen esse uis, cōfitetur. qui igitur probari potest, in ea pecunia non referenda crimen sibiipsum facere, in qua crimen esset nullum, si referret? at enim negas fratrem meum, qui L. Flacco successerit, pecuniam ullam in remiges imperasse. equidē Q. fratris mei laude deletor, sed alijs magis grauioribus, atq; maioribus. aliud quiddam statuit, aliud uidit, existimauit, quocunq; tempore auditum quid esset de prædonibus, q̄ uellet subito se classem cōparaturū: deniq; hoc primus frater meus in Asia fecit, ut hoc sumptu remigū ciuitates leuaret: crimen autem tū uideri solet, cum aliquis sumptus instituit eos, qui antea nō erāt instituti, nō cum successor aliquid immutat de institutis priorū. Flaccus, quid alij postea facturi essent, scire nō poterat; quid fecissent, uidebat. sed quoniā de cōmuni totius Asiæ crimine dictū est, aggrediar iā ad singulas ciuitates: ex quibus sit sanē nobis prima ciuitas Aemonēsis. Citat præco uoce maxima Legatos Aemonenses. procedit unus Aesclepiades. prodeat. etiam ne præconem mentiri coegisti? est. n. credo, is uir iste, ut ciuitatis nomen sua auctoritate sustineat, dānatus turpissimis iudicijs domi, notatus literis publicis: cuius de probris, adulterijs, ac stupris extant Aemonensium literæ: quas ego nō solum propter longitudinem, sed etiam propter turpissimam obscœnitatem uerborum prætereūdas puto. dixit publice datū drachmarum CC & VI millia: dixit tantum, nihil ostendit, nihil protulit: sed adiunxit id, quod certe, quoniā erat

Cic. Orat.

u u

O R A T I O

domesticum, docere debuit; se priuatim drachmas CC VI dedisse. quātū sibi ablatum homo impudentissimus dicit, tantū nunq̄ est ausus, ut haberet, optare. ab A. Sestilio dicit se dedisse & à suis fratribus. potuit dare Sestilius: nam fratres quidem consortes sunt mendicitatis. audiamus igitur Sestilium: fratres deniq; ipsi prodeant: q̄ uolent impudenter, mentiantur, et, quod nunquā habuerint, dedisse se dicāt: tamen aliquid fortasse corā producti dicent, in quo reprehendātur. nō deduxi, inquit, Sestiliū. cedo tabulas: nō de p̄rtavi. fratres saltem exhibe: nō denunciaui. quod ergo unus Asclepiades, fortuna egens, uita turpis, existimatione dānatus, impudētia atq; audaciā fretus, sine tabulis, sine auēctore legerit, id nos quasi crimen aut testimonium pertimescamus? idē laudationem, quā nos ab Aemonēsis Flacco datam proferebamus, falsam esse dicebat. cuius quidē laudationis iactura exoptāda nobis fuit: nā ut signū publicū inspexit praeclarus iste auēctor suae ciuitatis, solere suos ciues, ceterosq; Græcos ex tēpore, quod opus sit, obsignare dixit. tu uero tibi habeto istā laudationem: nec. n. Aemonensiū testimonio Flacci uita, & dignitas nititur: das. n. mihi, quod hac causa maxime postulat, nullā grauitatem, nullam constantiā, nullum firmū in Græcis hominibus consiliū, nullā deniq; esse testimonij fidem. nisi uero hactenus ista formula testimonij, atq; oratiōis tuae describi, ac distingui potest, ut Flacco absenti aliquid ciuitates tribuisse dicātur, Lælio præsenti, per se agēti, uī legis, iure accusationis, opibus præterea suis terrenti, ac mināti, nihil temporis causa scripsisse, aut obsignasse uideantur. equidem in minimis rebus sepe res magnas

vidi iudices apprehendi, ac teneri, ut in hoc Asclepiade.
 hæc, quæ à nobis prolata laudatio, ob signata erat creta
 illa Asiatica, quæ ferè est omnibus nota nobis: qua utũ-
 tur omnes non modo in publicis, sed etiam in privatis
 literis, quas quotidie videmus mitti à publicanis sæpe
 unicuiq; nostrũ, neq; n. testis ipse signo inspecto falsum
 nos proferre dixit, sed leuitatem totius Asiæ protulit,
 de qua nos & libenter, & facile concedimus. nostra igitur
 laudatio, quam ille temporis causa nobis datam di-
 cit, datam quidem confitetur, consignata creta est: in il-
 lo autem testimonio, quod accusatori dicitur datũ, cer-
 esse videmus. hic ego iudices, si uos Aemonensium decre-
 tis, si cæterorum Phrygum literis permoueri putarẽ, uo-
 ciferarer, & quantũ maxime possem, contenderem, te-
 starer publicanos, excitarem negotiatores, uestram etiã
 conscientiam implorarem: cera deprehensa, considerem
 totius testimonij fictam audaciam manifesto cõprehen-
 sam, atq; oppressam teneri. nunc uero non insultabo ue-
 hementius, nec uolito in hoc insolentius, neq; in istũ
 nugatorem tanquam in aliquem testem inuehar, neq;
 in toto Aemonensium testimonio, siue hic confictum
 est, ut apparet, siue missum domo est, ut dicitur, com-
 mouebor: etenim quibus ego istam laudationem remit-
 tam, quoniam sunt, ut Asclepiades dicit, leues, horum
 testimoniũ non pertimescam. Venio nunc ad Dory-
 lensium testimonium, qui producti tabulas se publicas
 ad speluncas perdidisse dixerunt. o pastores nescio quos
 cupidos literarum, siquidem nihil istis præter literas ab-
 stulerunt. sed aliud esse causæ suspicamur, ne forte
 isti parum uersuti esse uideantur. pœna est, ut opi-

u u ij

O R A T I O

nor, Dorylensium grauior, q̄ apud alios, falsarū & cor-
 ru ptarum literarum. si ueras protulissent, criminis ni-
 hil erat: si falsas, erat pœna. bellissimū putarunt, dicere
 amissas. quiescant igitur, & me hoc in lucro ponere, at-
 que aliud agere patiantur. non sinūt: supplet enim ille
 nescio quis, & priuatim dicit se dedisse. hoc uero ferri
 nullo modo potest. qui de tabulis publicis recitat, ijs, quæ
 in accusatoris potestate fuerūt, nō debet habere auctori-
 tatem. sed tamen indicium fieri uidetur, cum tabulæ
 illæ ipsæ, cuiusquemodi sunt, proferūtur. cum uero is,
 quē nemo uestrū uidit unquā, nemo, qui mortalis esset,
 audiuit, tantum dicit, dedi: dubitabitis iudices, quin ab
 hoc ignotissimo Phryge nobilissimum ciuem uindicetis?
 atq; huic eidē nuper tres equites R. honesti, & graues,
 cum in causa liberali eū, qui asserebatur, cognatū suū
 esse diceret, nō crediderūt. qui hoc euenit, ut qui locus
 ples testis doloris, & sanguinis sui nō fuerit, idē sit gra-
 uis auctor iniuriæ publicæ? atq; hic Dorylēsis nuper cū
 efferretur magna frequētia, cōfessuq; uestro, mortis il-
 lius inuidiā in L. Flaccum Lælius cōferebat. facis iniuste
 Læli, si putas periculo nostro uiuere tuos cōtubernales,
 præsertim quod tua negligētia factum arbitremur: ho-
 mini. n. Phrygi, qui arborem fici unquā uidiisset, fisci-
 nam ficorum obiecisti: cuius mors te ex aliqua parte re-
 leuauit: edacem enim hospitem amisisti: Flacco uero
 quid profuit? qui ualuit tandiu, dū huc prodiret, mor-
 tuus est aculeo iā dimisso, ac dicto testimonio. at istud
 columē aētionis tuæ Mithridates, posteaq; biduus reten-
 tus testis à nobis, effudit, quæ uoluit, omnia, reprehēsus,
 conuictus, fractusq; discessit: ambulat cum lorica: me=

tuit homo doctus & sapiens, ne L. Flaccus nunc se scelere alliget, cum iam testem illum effugere non possit: ut, qui ante dictum testimonium sibi temperarit, cum tamen aliquid assequi posset; is nunc id agat, ut ad falsum avaritiæ testimonium verum etiam maleficii crimen adiungat. sed de hoc teste, totoque Mithridatico disseruit & subtiliter, & copiose Quæ Hortensius. nos, ut instituimus, ad reliqua pergamus. Caput est omnium Græcorum concitandorum, qui cum accusatoribus sedet, Heraclides ille Tennes, homo ineptus, & loquax, sed, ut sibi uidetur, ita doctus, ut etiam magistrum aliorum se esse dicat: & qui ita sit ambitiosus, ut omnes uos, nosque quotidie persalutet, Tennes usque ad illam ætatē in senatum uenire non potuit: & qui se artem dicendi traditurum etiam cæteris profiteatur, ipse omnibus turpissimis iudicijs conuictus est. pari felicitate unā Legatus uenit Nicomedes, qui neque in senatum ulla cōditione peruenire potuit, & furti, & pro socio dānatus est. nam princeps Legationis Lysanias adeptus est ordinē senatoriū; sed cum Remp. nimium amplecteretur, peculatus dānatus, & bona, & senatorium nomen amisit. hi tres etiam ærarij nostri tabulas falsas esse uoluerunt: nam seruos nouem se professi sunt habere, cum omnino sine comite uenissent. decreto scribendo primum uideo affuisse Lysaniā: cuius fratris bona, quæ is populo non soluebat, Prætore Flacco publice uenierunt. præterea Philippus est Lysaniæ gener, & Hermobius: cuius frater Poles itē pecuniæ publicæ est cōdemnatus. dicunt se Flacco, & ijs, qui simul essent, drachinarum XV millia dedisse. cum ciuitate mihi res est acerrima, & conficientissima literarum: in qua nummus moueri

O R A T I O

nullus potest sine quinque Prætoribus, tribus Quæstoribus, quatuor mæsarijs, qui apud illos à populo creantur. ex hoc tanto numero deductus est nemo: & cū illā pecuniā nominatim Flacco datā referāt, maiore etiā aliquā, cū huic ijdē darent, in ædem sacrā reficiendam se perscripsisse dicūt. quod minime cōuenit: nā aut omnia occulte referenda fuerūt, aut aperte omnia. cū perscribunt nominatim Flacco, nihil timent, nihil uerentur: cū operi publico referūt, ijdem homines subito eūdem, quē cōtēpserāt, pertimescūt. si Prætor dedit, ut est scriptū, à Quæstore numerauit, Quæstor à mensa publica, mensa aut ex uectigali, aut ex tributo. nūquā erit istud simile criminis, nisi mihi totā rationem omni et personarū genere, & literarū explicaris. uel quod est in eodem decreto scriptū, homines clarissimos ciuitatis, amplissimos uos honoribus, hoc Prætorē circūuētos. cur hī neque in iudicio adsunt, neque in decreto nominātur? nō. n. credo significari isto loco illum, qui se erigit, Heraclidē. utrū. n. in clarissimis est ciuibus is, quem iudicatū hic duxit Hermippus? qui hāc ipsam Legationem, quā habet, nō accepit à suis ciuibus, sed usque Tymolo petiuit: cui nullus honos in sua ciuitate habitus est unquā. res autē ea, quæ tenuissimis cōmittebatur, huic uni in uita cōmissa sola est. custos T. Aufidio Prætorē frumēto publico est positus: pro quo cū à P. Varino Prætorē pecuniā accepisset, celauit suos ciues, ultroq; ijs sumptū intulit. quod postea quā Tenni literis à P. Varino missis cognitū, atque patefactū est; cumq; eadem de re Cn. Lentulus, qui Censor fuit, Tennitarum patronus literas misisset: Heraclidem istū Tenni nemo postea uidit. atque ut eius impu=

dentia perspicere possitis, causam ipsam, quæ leuissimi hominis animū in Flaccum incitauit, quæso cognoscite.

Fundum Cymæū Romæ mercatus est de pupillo Mecutonio, cum uerbis se locupletem faceret, haberet nihil præter illam impudentiam, quā uideris: pecuniam sumpsit mutuā à Sex. Schola indice hoc nostro primario uiro, qui & rē agnoscit, neque hominem ignorat: qui tamen credidit P. Fuluij Veratij lectissimi hominis fidei. is cum solueret, sumpsit à C. & M. Fusijs, equitibus R. primarijs uiris. hic Hercule cornici oculum, ut dicitur: nam hunc Hermippum, hominē eruditum, ciuem suū, cui debebat esse notissimus, percussit: eius. n. fide sumpsit à Fusijs. securus Hermippus Tennum proficiscitur, cum iste sese pecuniam, quā huius fide sumpserat, à discipulis suis diceret Fusijs persoluturum: habebat enim rhetor iste adolescentes quosdā locupletes, quos dimidio redderet stultiores, quā acceperat, ubi nihil possent discere nisi ignorantiam literarum: neminem quidem adeo infatuare potuit, ut ei nūmum ullū crederet: itaq; cum Roma clām esset profectus, multosq; minutis mutationibus fraudauisset, in Asiam uenit, Hermippoq; percontanti de nomine Fusiano, respondet se omnem pecuniā Fusijs persoluisse. interim, neque ita longo intervallo, libertus à Fusijs cū literis ad Hermippum uenit: pecunia petitur ab Hermippo: Hermippus ab Heraclide petit, ipse tamen Fusijs satisfacit absentibus, & fidem suā liberat: hūc æstuātē & tergiuersantem iudicio ille persequitur: à Recuperatoribus causa cognoscitur. nolite existimare iudices non unā & eādē omnibus in locis esse fraudatorum & inficiatorū impudentiam: se-

cit eadem omnia, quæ nostri debitores solent: negavit se se omnino uersuram ullam fecisse Romæ: Fusiorum se affirmavit nunquam omnino nomen audisse: Hermippum uero ipsum, prudentissimum, atque optimum uirum, ueterem amicum, atque hospitem meum, splendidissimum, atque ornatissimum ciuitatis suæ, probris omnibus maledictisque uexauit. sed cum se homo uolubilis quadam præcipiti celeritate dicendi in illa oratione iactaret, repetere testimonijs Fusiorum nominibusque recitatis homo audacissimus pertimuit, loquacissimus obmutuit: itaque Recuperatores contra istum rem minime dubiam prima actione iudicauerunt. cum iudicatum non faceret, addictus Hermippo, et ab hoc ductus est. habetis et honestatem hominis, et auctoritatem testimonijs, et causam omnem simultatis. atque is ab Hermippo missus, cum ei pauca mancipia uendidisset, Romam se contulit: deinde in Asiam rediit, cum iam frater meus Flacco successisset: ad quem adiit, causamque ita detulit, Recuperatores ui Flacci coactos et metu falsum inuitos iudicauisse. frater meus pro sua æquitate prudentiaque decreuit, ut, si iudicatum negaret, in duplum iret; si metu coactos diceret, haberet eosdem Recuperatores. recusauit, et quasi nihil esset actum, nihil iudicatum, ab Hermippo ibidem mancipia, quæ ipse ei uendiderat, petere coepit. M. Gratidius Legatus, ad quem est aditum, actionem se daturum negavit, re iudicata stari ostendit placere. iterum iste, cui nullus esset usquam consistendi locus, Romam se retulit: persequitur Hermippus, qui nunquam istius impudentie cessit: petit Heraclides à C. Plorio senatore, uiro primario, qui Legatus in Asia fuerat, mancipia quedam, quæ se, cum iudicatum esset, per uim uendidisse dicebat. Quæ Naz

so, vir ornatissimus, qui Prætor fuerat, iudex sumitur. qui cum sententiam secundum Plotium se dicturum ostenderet, & ab eo iudice abiret, quod iudicium lege non erat, causam totam reliquit. satis ne uobis iudices uideor ad singulos testes accedere, neque, ut primo constitueram, tantummodo cum uniuerso genere conflagere? Venio ad Lysaniam eiusdem ciuitatis, peculiarem tuum Deciane testem, quem tu cum ephebum Tenni cognosces; quoniam te nudus delectarat, semper nudum esse uoluisti. abduxisti Tenno Apollonidem: pecuniam adolescentulo grandi fœnore, fiducia tamen accepta, occupauisti: hanc fiduciam commissam tibi tenes hodie, ac possides. eum tu testem sperare recuperandi fundi paterni uenire ad testimonium dicendum coegisti: qui quoniam testimonium dixit, quidnam sit dicturus, expecto: noui genus hominum, noui consuetudinem, noui libidinem: itaque etsi teneo, quid sit dicere paratus, nihil tamen contra disputabo prius, quam dixerit: totum enim conuertet, atque alia finget. quamobrem & ille seruet, quod parauit: & ego me ad id, quod attulerit, integrum conseruabo. Venio nunc ad eam ciuitatem, in quam ego multa & magna officia contuli, & quam meus frater in primis colit atque diligit. quæ si ciuitas per uiros bonos grauesque homines querelas ad uos detulisset, paulo commouerer magis: nunc uero quid putem? Trallianos Meandrio causam commisisse, homini egenti, sordido, sine honore, sine existimatione, sine censu? ubi erant illi Pythodorus & Lepison? ceteri homines apud nos noti, inter suos nobiles? ubi illa magnifica & gloriosa ostentatio ciuitatis? non ne esset puditum, si hanc causam agerent seuerè, non modo Legatum, sed Trallianum omni-

no dici Meādrum? huic illi Legato, huic publico testi-
patronū suū iam inde à patre atque maioribus L. Flac-
cū maētandū ciuitatis testimonio tradidissent: nō est ita
iudices, non est profecto. uidi ego in quodam iudicio nu-
per Philodorum testem Trallianū, uidi Parrhasium, ui-
di Archidemum, cum quidem idem hic mihi Meādrus
quasi ministrator aderat, subiiciens, quid in suos ciues,
ciuitatemq; si uellem, dicerem: nihil. n. illo homine le-
uius, nihil egentius, nihil inquinatius. quare si hunc ha-
bent auctorem Tralliani doloris sui, si hūc custodem li-
terarū, si hunc testē iniuriæ, si hūc auctorem querelarū,
remittant spiritus, comprimāt animos suos, sedent arro-
gantiam, fateantur in Meādrii persona esse expressam
faciem ciuitatis: sin istū semper illi ipsi domi proteren-
dum esse & cōculcandum putauerunt, desināt putare
auctoritatem esse in eo testimonio, cuius auctor inuen-
tus est nemo. sed exponā, quid in re sit, ut, quāobrem ista
ciuitas neque se uere Flaccum oppugnarit, neque beni-
gne defenderit, scire possitis. Erat ei Castriciano nomi-
ne irata, de quo toto respōdit Hortēsius: inuita soluerat
Castricio pecuniam iandiu debitā: hinc totū odiū, hinc
omnis offensio. quò cū uenisset Lælius ad iratos, & il-
lud Castricianū uulnus dicēdo refricuisset, siluerūt, neq;
in illa concione adfuerūt, neq; ipsius decreti ac testimo-
nij auctores esse uoluerūt. usq; eò orba fuit ab optima-
tibus illa concio, ut princeps principū esset Meādrus:
cuius lingua quasi flabello seditionis illa tum est egen-
tium cōcio uentilata. itaq; ciuitatis pudētis, ut ego sem-
per existimaui, & grauis, ut ipsi existimari uolūt, iustū
dolorē querelasq; cognoscite. Quæ pecunia fuerit apud

se Flacci patris nomine collata à ciuitatibus, hanc à se esse ablatā querūtur. alio loco quērā, quid licuerit Flacco: nūc tantum à Trallianis requiro, quā pecuniam à se ablatā queruntur, suam ne dicant, sibi à ciuitatibus collatam in usum suum. cupio audire. non, inquit, dicimus. quid igitur? delatā ad nos, creditam nobis L. Flacci patris nomine ad eius dies festos atque ludos. quid tū? hāc te, inquit, capere nō licuit. iam id uidero: sed primū illud tenebo. queritur grauis, locuples, ornata ciuitas, quod non retinet alienum: spoliata se dicit, quod id non habet, quod eius non fuit. quid hoc impudētius dici aut fingi potest? deletū est oppidum, quo in oppido uno pecunia à tota Asia ad honores L. Flacci poneretur. hāc pecunia ab honoribus trāslata in quāsum & fœnerationem, recuperata est multis post annis. quæ ciuitati facta est iniuria? at moleste fert ciuitas. credo: amissum est. n. præter spem, quod erat spe deuoratū lucrum. at queritur. impudenter facit: non enim omnia, quæ dolemus, eadē iure queri possumus. at accusat uerbis grauissimis. non ciuitas, sed imperiti homines à Meādrīo concitati. quo loco etiā atque etiā facite ut recordemini, quæ sit temeritas multitudinis, quæ lenitas propria Græcorum, quid in cōcione seditiosa ualeat oratio. hic in hac grauissima & moderatissima ciuitate, cum est forum plenum iudiciorū, plenum magistratū, plenum optimorum uiro- rum & ciuium, cum speculatur atque obsidet rostra uindex temeritatis & moderatrix officij curia; tamen quantos fluctus excitari cōcionum uidetis? quid uos fieri censetis Trallibus? an id, quod Pergamī? nisi forte hæ ciuitates existimari uolunt, facilius una se epistola

O R A T I O

Mithridatis moueri impelliq; potuisse, ut amicitia populi R. fidem suā, iura omnia officij humanitatisq; uiolarent, q̄ ut filiū testimonio laderet, cuius patrem armis pellendū à suis mœnibus censuissent. quare nolite mihi ista nomina ciuitatum nobilium opponere: quos. n. hostes hæc familia cōtempnit, nūquā eosdem testes pertimescet. uobis autem est confitendum, si consilijs principum uestre ciuitates reguntur, non multitudinis temeritate, sed optimatum consilio bellum ab istis ciuitatibus cū populo R. esse susceptum. sin ille tum motus est temeritate imperitorū excitatus, patiamini me delicta uulgi à publica causa separare. at. n. istam pecuniam huic capere non licuit. utrum uultis, patri Flacci licuisse, nec ne? si licuit, sicuti certe licuit; ad eius honores collatam, ex quibus ipse nihil capiebat, patris pecuniam recte abstulit filius. si non licuit, tamen illo mortuo nō modo filius, sed quiuis hæres rectissime potuit auferre. ac tum quidem Tralliani, cum ipsi graui fœnore istam pecuniā multos annos occupauissent, à Flacco tamen omnia, quæ uoluerunt, impetrauerunt: neq; t. i fuerunt impudentes, ut id, quod Lælius dixit, dicere auderent, hæc eis pecuniam abstulisse Mithridatem: quis enim erat, qui non sciret in ornādis studiosiorem Mithridatem, q̄ in spoliandis Trallianis fuisse? quæ quidem à me si, ut dicenda sunt, dicentur, grauius agerem iudices, quā adhuc egi, quantā Asiaticis testibus fidem habere uos conueniret: renocarem animos uestros ad Mithridatici belli memoriam, ad illam uniuersorum ciuium R. per tot urbes uno puncto temporis miseram crudelemq; cædem; Pretores nostros deditos, Legatos in uincula coniectos, nominis propè Ro-

mani memoriã cū uestigio imperij nō modo ex ædibus
Græcorum,uerum etiam ex literis esse deletam. Mithri
datem deum,illum patrem,illum conseruatorem Asiæ,
illum Dionysium,Bacchum,Liberum nominabāt. unū
atq; idem erat tempus,cum L. Flacco Cos.portas tota
Asia claudebat,Cappadocem autem illum non modo re
cipiebat suis urbibus,uerum etiam ultro uocabat.liceat
hæc nobis,si obliuisci nō possumus,at tacere. liceat mihi
potius de leuitate Græcorum queri,q̃ de crudelitate. au
ctoritatem isti habeant apud eos, quos esse omnino no
luerunt: nam, quoscunq; potuerunt togatos, intereme
runt; nomen ciuium R. quātum in ipsis fuit, sustule
runt. in hac igitur urbe se iactent, quam oderūt; apud
eos, quos inuiti uident; in ea Rep. ad quā opprimendam
non animus eis, sed uires defuerunt: aspiciant hunc flo
rem Legatorum laudatorumq; Flacci ex uera, atque in
tegra Græcia: tum se ipsi expendāt, tum his se compa
rent, tum, si audebunt, dignitati horum opponāt suam.
adsunt Atheniēses, unde humanitas, doctrina, religio,
fruges, iura, leges ortæ, atq; in omnes terras distributæ
put. itur: de quorū urbis positione propter pulchritudi
nē etiā inter deos certamen fuisse proditū est: quæ uetu
state ea est, ut ipsa ex sese suos ciues genuisse dicatur, et
eorum eadē terra parens, altrix, patria dicatur: aucto
ritate autem tāta est, ut iam fractum propè ac debilita
tum Græciæ nomen huius urbis laude nitatur. adsunt
Lacedæmonij: cuius ciuitatis spectata ac nobilitata uir
tus non solum natura corroborata, uerum etiā discipli
na putatur: qui soli toto orbe terrarum septingentos iā
annos amplius unis moribus, et nunquam mutatis legi=

O R A T I O

bus uiuūt. adsunt ex Achaia cuncta multi Legati, Bœotia, Thessalia, quibus locis nuper Legatus L. Flaccus imperatore Metello præsuit. neq; uero te Massilia prætereo, quæ L. Flaccū militem Quæstoremq; cognosti: cuius ego ciuitatis disciplinā, atq; grauitatē non solū Græciæ, sed haud scio an cunctis gentibus antepōndam iure dicam: quæ tam procul à Græcorum omnium regionibus, disciplinis, linguaq; diuisa, cum in ultimis terris cinctā Gallorum gentibus barbariæ fluctibus alluatur, sic optimatū consilio gubernatur, ut omnes eius instituta laudare facilius possint, q̄ æmulari. hisce utitur laudatoribus Flaccus, his innocētiæ testibus, ut Græcorū cupiditati Græcorum auxilio resistamus. quanquā quis ignorat, qui modo unquam mediocriter res istas scire curauit, quin tria Græcorum genera sint uere? quorū uni sunt Athenienses, quæ gens Ionum habebatur. Aeoles alteri, Dores tertij nominabātur. atq; hæc cūcta Græcia, quæ fama, quæ gloria, quæ doctrina, quæ plurimis artibus, quæ etiam imperio & bellica laude floruit, parū quēdam locū, ut scitis, Europæ tenet, semperq; tenuit: Asiæ maritimā oram bello superatam cinxit urbibus, nō ut munitam coloniis illam augeret gentē, sed ut obsessam teneret. quamobrem quæso à uobis Asiatici testes, ut, cū uere recordari uoletis quantum auctoritatis in iudiciū afferatis, uosmet ipsi describatis Asiā, nec, quid alienigenæ de uobis loqui soleāt, sed quid uosmet ipsi de genere uestro statuatis, memineritis. nāq; ut opinor, Asia uestra constat ex Phrygia, Mysia, Caria, Lydia. utrū igitur nostrum est, an uestrū hoc uetus prouerbiū, Phrygē plagis fieri solere meliorē? quid de tota Caria? non ne hoc

uestra uoce uulgatum est, siquid cum periculo experiri uelis, in Caria id potissimum esse faciundum? quid porro in Græco sermone tam tritum, atq; celebratum est, quā, si quis despicatui ducitur, ut Mysorum ultimus esse dicatur? nam quid ego dicam de Lydia? quis unquā Græcus comœdiam scripsit, in qua seruus primarum partium non Lydus esset? quamobrem quæ uobis fit iniuria, si statuimus uestro nobis iudicio standum esse de uobis? equidem mihi iam satis superq; dixisse uideor de Asiatico genere testium: sed tamen uestrum est iudices, omnia, quæ dici possunt in hominum leuitatem, inconstantiam, cupiditatem, etiam si à me minus dicuntur, uestris animis & cogitatione comprehendere. Sequitur auri illa inuidia Iudaici. hoc nimirum est illud, q non longe à gradibus Aurelij hæc causa dicitur: ob hoc crimen hic locus abs te Læli atq; illa turba quæ sita est. scis, quanta sit manus, quanta cōcordia, quantum ualeat in concionibus. summissa uoce agam, t. utum ut iudices audiant: neq; enim desunt, qui istos in me atq; optimum quenq; incitent: quos ego, quo id facilius faciūt, non ad iuuabo. cū aurum Iudæorum nomine quotannis ex Italia & ex omnibus uestris prouincijs Hierosolymam exportari soleret, Flaccus sanxit ediçto, ne ex Asia exportari liceret. quis est iudices, qui hoc nō uere laudare possit? exportari aurum non oportere, cum sæpe antea senatus, tum me Consule grauissime iudicauit. huic autē barbaræ superstitioni resistere, seueritatis; multitudinē Iudæorum flagrantem non nunquam in concionibus pro Rep. cōtemnere, grauitatis summæ fuit. at Cn. Pompeius captis Hierosolymis, uictor ex illo fano nihil attri-

O R A T I O

git. in primis hoc, ut multa alia, sapienter. in tam suspiciosa, ac maledica ciuitate locū sermoni obrectatorum nō reliquit: non. n. credo religionem & Iudeorū, & hostium impedimēto præstantissimo imperatori, sed pudorem fuisse. ubi ergo crimen est? quoniam quidem furtū nusquam reprehendis, edictum probas, iudicatum fateris, quæsitum & probatum palām nō negas, actum esse per uiros primarios res ipsa declarat. Apameæ manifeste comprehensum, ante pedes Prætoris in foro expēsū est auri pondo centum paulo minus per Sex. Cæsum equitē R. castissimū hominē, atq; integerrimū, Laodiceæ uiginti pondo paulo amplius per hunc ipsum L. Peduceum iudicem nostrum, Adrymeti per Cn. Domitiū Legatum. Pergami non multum auri ratio constat: aurū in ærario est: furtum nō reprehenditur: inuidia quæritur, à iudicibus oratio auertitur, uox in coronam turbamq; effunditur. sua cuiq; ciuitati religio Læli est, nostra nobis, stātibus Hierosolymis, pacatisq; Iudæis, tamē istorum religio sacrorū à splendore huius imperij grauitate nominis nostri, maiorū institutis abhorrebat: nunc uero hoc magis, q̃ illa gens, quid de imperio nostro sentiret, ostendit armis; q̃ chara dijs immortalibus esset, docuit, q̃ est uicta, quòd elocata, q̃ seruata. quamobrem, quoniam, quod crimen esse uoluisti, id totum uides in laudem esse conuersum, ueniamus iam ad ciuium R. querelas. ex quibus sit sanè prima Deciani. Quid tibi tandem Deciane iniuriæ factum est? negotiaris in libera ciuitate. primum patere me esse curiosum: quousq; negotiaberē? præsertim cum sis isto loco natus. annos iā triginta in foro uersaris, sed tamē Pergameno. lōgo in
teruallo,

teruallo, si quando tibi peregrinari commodum est,
Romam aduenis, affers faciem nouam, nomen uetus,
purpuram Tyriam. in qua tibi inuideo, quod unis uesti-
mentis tandiu lautus es. uerum esto, negotiari libet:
cur non Pergami, Smyrnæ, Trallibus? ubi & multixi-
ues R. sunt, & ius à nostro magistratu dicitur. otium
te delectat: lites, turba, Prætor odiosi: Græcorum liber-
tate gaudes. cur ergo unus tu Apollonidenses amanti-
mos populi R. fidelissimos socios, miseros habes, quàm
aut Mithridates, aut etiam pater tuus habuerit unquã
cur his per te frui libertate sua, cur denique esse liberis
non licet? homines sunt tota ex Asia frugalissimi, san-
ctissimi, à Græcorum luxuria & leuitate remotissimi,
patres familias suo contenti, aratores, rusticani: agros
habent & natura per bonos, & diligentia culturaq;
meliores. in hisce agris tu prædia habere uoluisti. omni-
no mallet, & magis erat tuum, si iam te crassi agri
delectabant, hic alicubi in Crustumino, aut in Capena-
ri parauisses: uerum esto: Catonis est dictum, pedibus
compensari pecuniam. longe omnino à Tyberi ad Cai-
cum: quo in loco etiam Agamemnon cum exercitu er-
rasset, nisi ducem Telephum inuenisset. sed concedo id
quoque: placuit oppidum: regio delectauit: emissæ.
Amyntas est genere, honore, existimatione, pecunia
princeps illius ciuitatis: huius socrum, mulierem imbe-
cilli consilij, satis locupletem, pellexit Decianus ad sese:
& cum illa, quid ageretur, nesciret, in possessione præ-
diorum eius familiam suam collocauit: uxorem ab-
duxit ab Amynta pregnantem, quæ peperit apud De-
cianum filiam, hodieq; apud Decianum est & uxor

Cic. Orat.

xx

O R A T I O

Amyntæ, & filia. num quid harum rerum à me fingitur Deciane? sciunt hæc omnes nobiles, sciunt boni uiri, sciunt denique nostri homines, sciunt mediocres negotiatores. exurge Amynta, repete à Deciano non pecuniam, nō prædia, socrum denique sibi habeat, restituat uxore, reddat misero patri filiam: nam membra, quæ debilitauit lapidibus, fustibus, ferro; manus, quas contudit; digitos, quos confregit; neruos, quos concidit, restituere nō potest: filiam, filiam, inquam, erumnofo patri Deciane redde. hæc Flacco te non probasse miraris? cui quæso tandem probasti? emptiones falsas, prædiorum proscriptiones cum mulierculis aperta circumscriptione fecisti. tutor his rebus Græcorum legibus ascribendus fuit: Ptolemaocratem scripsisti, mercenarium, & administrum consiliorum tuorum. adductus est in iudicium Ptolemaocrates de dolo malo, & de fraude à Dione huius ipsius tutelæ nomine. qui concursus ex oppidis finitimis undique? qui dolor animorum? quæ querela? condemnatus est Ptolemaocrates sententijs omnibus: irritæ uēditiones, irritæ proscriptiones: non restituis? defers ad Pergamenos, ut illi reciperent in suas literas publicas præclaras proscriptiones, & emptiones tuas: repudiant, reiiciunt: at qui homines? Pergameni laudatores tui: ita enim mihi gloriari uisus es laudatione Pergamenorum, quasi honorem maiorum tuorum affecutus esses; & hoc te superiorem putabas esse quàm Lælium, quòd te ciuitas Pergamena laudaret. num honestior est ciuitas Pergamena, quàm Smyrnæ? at ne ipsi quidem dicunt. uellem tārū habere otij, ut possem recitare psephismata Smyrnæorum, quæ fecerunt in Castritium mortuum:

PRO L. FLACCO.

primum ut in oppidum introferretur, quod alijs non conceditur: deinde ut ferrent ephēbi: postremo ut imponeretur aurea corona mortuo. hæc P. Scipioni clarissimo uiro, quum esset Pergami mortuus, facta non sunt. at Castitium, quibus uerbis dii immortales, decus patriæ, ornamentum populi Romani, florem iuuentutis appellant. quare Deciane, si cupidus es gloriæ, alia ornamenta censeo quæras: Pergameni te deriserunt. quid? tu ludite non intelligebas? quum tibi hæc uerba recitabant, clarissimum uirum, præstantissima sapientia, singulari ingenio, mihi crede, ludebant: quum uero coronam auream literis imponebant, re uera non plus aurum tibi, quàm monedulæ committebant. ne tum quidem hominum uenustatem, & facietas perspicere potuisti? isti igitur, isti Pergameni per scriptiones, quas tu afferebas, repudiauerunt. P. Orbius, homo & prudens, & innocens, contra te omnia decreuit. in P. Globulum meum necessarium fuisti gratiosior. utinam neque ipsum, neque me pœniteret. Flaccum in
* curia decreuissent. ueridicas adiūgis causas inimicitiarum, quod patri L. Flacci Aedili Curuli pater tuus Tribunus pl. diem dixerit. at istud nec ipsi quidem patri Flacci ualde molestum esse debuit; præsertim cum ille, cui dies dicta est, Prætor postea factus sit, & Consul;

O R A T I O

ille, qui diem dixit, non potuerit priuatus in
 ciuitate consistere. sed si iustas inimicitias pu-
 tabas, cur, cum Tribunus militum Flaccus
 esset, in eius legione miles fuisti, cum tibi
 per leges militares effugere liceret iniquitatē
 Tribuni? cur autem per te inimicum pater-
 num in consilium uocauit? quæ quidē quā-
 sanēte solita sint obseruari, scitis omnes. nunc
 accusamur ab ijs, qui in consilio nobis faue-
 runt. decreuit Flaccus: num aliud, atque opor-
 tuit? in liberos: num aliter, ac censuit sena-
 tus? in absentem decreuit: quum ibidē esses,
 quum prodire nolles, non est hoc in absentem
 reum. SENATVS CONSULTVM,
 ET DECRETVM FLACCI. quid, si
 non decreuisset, sed edixisset, quis posset uere
 reprehendere? num etiam fratris mei literas
 plenissimas humanitatis, & æquitatis repre-
 * hensusus? quas easdem mulieres à me datas
 apud Pataranos requisuit. Recita literas Q.
 Ciceronis, quid? hæc Apollonidenses occasio-
 ne facta ad Flaccum detulerunt? apud Or-
 bium acta non sunt? ad Globulū delata non
 sunt? ad senatum nostrum me Consule non
 ne Legati Apollonidenses omnia postulata de
 iniurijs unius Deciani detulerunt? ad hæc,
 prædia etiam in censu dedicauisti: mitto, q
 aliena; mitto, quòd possessa per uim; mit-
 to, quòd conuiēta ab Apollonidensibus; mit-

PRO L. FLACCO.

ro, quòd à Pergamenis repudiata ; mitto etiã,
quòd à nostris magistratibus in integrum re=
stituta ; mitto , quòd nullo in iure, neque in
re, neque possessione tua : illud quero, sint ne
ista prœdia censui censendo ? habeant ius ciui
le ? sint, nec ne sint, mancipi ? subsignari apud
ærarium , apud Censorem possint ? in qua tri
bu denique ista prœdia censuisti ? commisisti,
si tempus aliquod grauius accidisset , ut ex
ijsdem prœdijs & Apolloniæ, & Romæ impe=
ratum , esset tributum . uerum esto : glorio=
sus fuisti : uoluisti magnum agri modum cen
seri , & eius agri , qui diuidi plebi Romanæ
non potest . census es præterea numeratæ pe=
cuniæ centum triginta millia . eam opinor ti=
bi numerata non esse abs te . sed hæc omitto .
census es mancipia Amyntæ : neque huic ul=
lam in eo fecisti iniuriam : possidet enim ea
mancipia Amyntas : ac primo quidem perti=
nuit , quum te audisset seruos suos esse cen=
sum : retulit ad iurisconsultos : constabat in=
ter omnes , si aliena censendo Decianus sua
facere posset, eum maxima habiturum esse

Desunt non nulla.

Habetis causam inimicitiarum, qua causa in=
x x iij

O R A T I O

flammatus Decianus ad Lælium detulerit hanc
 optimam accusationem. nam ita questus est Læ-
 lius, quum de perfidia Deciani diceret: qui mi-
 hi auctor fuit, qui causam ad me detulit,
 quem ego sum secutus; is à Flacco corruptus
 est, is me deseruit, ac prodidit. siccine tu au-
 ctor tandem eum, cui tu in consilio fauisses,
 apud quem omnes gradus dignitatis tuæ reti-
 nuisses, prudentissimum hominem, nobilissima
 familia natum, optime de Republica meritum
 in discrimen omnium fortunarum uocauiſti?
 scilicet defendam Decianum, qui tibi in suspi-
 cionem nullo suo delicto uenit. non est, mihi
 crede, corruptus: quid enim fuit, quod ab eo
 redimeretur? ut duceret iudicium? cui sex
 horas omnino lex dedit. quantum tandem ex
 his horis detraheret, si tibi morem gerere uo-
 luisse? nimirum illud est, quod ipse suspi-
 catur. inuidisti ingenio subscriptoris tui. quod
 ornabat facile locum quem prehenderat, &
 acute testes interrogabat, aut circunueniebat,
 * fortasse fecisti & tu & populi sermo ne ex-
 ciperes, iccirco Decianum usque ad coronam
 applicuisti. sed ut hoc uerisimile est, ita haud
 uerisimile Decianum à Flacco esse corruptum.
 ita scitote iudices esse cætera: uel quod ait Lu-
 ceius, L. Flaccum sibi dare cupisse, ut à fide se
 abduceret, sestertium uicies. & eum tu accu-
 sas auaritiæ, quem dicis sestertium uicies uo-

luisse perdere? nam quid emebat, cum te emebat? ut ad se transires? quam partem causæ tibi daremus? an ut enūciare cōsilia Lælij? qui testes ab eo prodirent? quid? nos nō uidebamus habitare unā? quis hoc nescit? tabulas in Lælij potestate fuisse, nō dubiū est. an, ne uehemēter, ne copiose accusares? nunc facis suspicionem: ita enim dixisti, ut nescio quid abs te impetratum esse uideatur. at enim Androni Sestilio grauis iniuria facta est, & nō ferenda, q̄, cum esset uxor Valeria intestata mortua, sic egit eam rem Flaccus, quasi ad ipsum hæreditas pertineret. in quo quid reprehendas, scire cupio: quōd falsum intenderit? qui doces? ingenua, inquit, fuit. ò peritum iuris hominem. quid? ab ingenuis mulieribus hæreditates lege non ueniunt? in manum, inquit, cōuenerat. nūc audio: sed quæro, utrum usu, an coemptione. usu non potuit: nihil enim potest de tutela legitima sine omniū tutorū auctoritate diminui. coemptione? omnibus ergo auctoribus: in quibus certe Flaccum fuisse nō dices. Relinquitur illud, quod uociferari non desistit, non debuisse, cum Prætor esset, suum negotium agere, aut mentionem facere hæreditatis. maximas audio tibi L. Luculle, qui de L. Flacco sententiā laturus es, pro tua eximia liberalitate, maximisq; beneficijs in tuos uenisse hæreditates, cum Asiam prouinciam cōsulari imperio obtineres. si quis eas suas esse dixisset, cōcessisses? tu T. Vecti, si qua tibi in Africa uenerit hæreditas, usu amittes? an tuū nulla auaritia, salua dignitate retinebis? at istius hæreditatis iam Globulo Prætor Flacci nomine petita possessio est. nō igitur impressio, non occasio, non uis, non tempus, non imperium, nō secures ad iniuriam faciendam Flac-

cū animum impulerunt. itaque eodē etiam M. Lurco, uir
 optimus, meus familiaris, conuertit aculeum testimoni
 sui : negauit , à priuato pecuniam in prouincia Præto=
 rem petere oportere. cur tandem M. Lurco non oportet?
 eripere, extorquere, accipere cōtra leges nō oportet : pe=
 tere nō oportere, nūquā ostendes, nisi docueris nō licere.
 an legationes sumere liberas exigendi causa, sicut & tu
 ipse nuper & multi uiri boni sæpe fecerunt, rectum est;
 quod ego non reprehendo, socios uideo queri: Prætorē ,
 si hæreditatem in prouincia non reliquerit, non solū re=
 prehendum, uerum etiam condemnandū putas? do=
 ti, inquit, Valeria pecuniā omnem suā dixerat. nihil isto
 rum explicari potest, nisi ostenderis, illā in tutela Flacci
 nō fuisse. si fuit: quæcūq; sine hoc auctore est dicta dos,
 nulla est. sed tamen Lurconē, quanquā pro sua dignita=
 te moderatus est in testimonio dicendo religioni suæ, ta=
 men iratū Flacco esse uidistis : neque. n. occultauit cau=
 sam iracūdiæ suæ, neque reticendā putauit: questus liber=
 tum suum Flacco Prætorē esse damnatum . ò conditio=
 nes miseras administrandarum prouinciarum : in quī=
 bus diligentia plena simultatum est, negligentia uitupe=
 rationum ; ubi seueritas periculosa est , liberalitas in=
 grata ; sermo insidiosus , assentatio perniciofa ; frons o=
 mnium familiaris, multorum animus iratus; iracundiæ
 occultæ, blanditiæ apertæ: uenientis Prætores expectāt,
 præsentibus inseruiunt, abeuntes deserūt. sed omittamus
 querelas , ne nostrum consilium in omittendis prouin=
 cijs laudare uideamur . Literas misit de uillico P. Septi=
 mij , hominis ornati , qui uillicus cædem fecerat. Septi=
 mium ardentem iracundia uidere potuistis . in Lur=
 conis

conis libertum iudiciū ex ediēto dedit. hostis est Lurco. quid igitur? hominum gratiosorum, splendorumq; libertis fuit Asia tradenda? an simultates nescio quas cū libertis uestris Flaccus exercuit? an uobis in uestris uestro rumq; causis seueritas odio est, eandem laudatis cū de nobis iudicatis? at iste Andro spoliatus bonis, ut dicitis, ad dicendū testimoniū nō uenit. quid, si ueniat? decisio- nis arbiter C. Celius fuit, quo splendore uir, qua fide, qua religione? obsignator C. Sestilius Lurconis sororis fi- lius, homo & pudens, & constās, & grauis. si uis erat, si fraus, si metus, si circumscriptio, quis pactionem fieri, quis adesse istos cogit? quid, si ista omnia pecunia huic adolescentulo L. Flacco reddita est? si petita? si rediēta? si per hunc Antiochū paternum huius adolescentis liber- tum, seni illi Flacco probatissimū? uidemur ne non solū auaritiæ crimen effugere, sed etiam liberalitatis laudē assequi singularem? cōmunem enim hæreditatem, quæ equaliter ad utrunq; lege uenisset, concessit adolescēti propinquo suo, nihil ipse attigit de Valerianis bonis: quod statuerat facere, adductus huius pudore, & non amplissimis patrimoni copijs, id nō solū fecit, sed etiam prolixè cumulateq; fecit. ex quo intelligi debet, eū con- tra leges pecunias nō cepisse, qui tā fuerit in hæredita- te concedēda liberalis. At Falcidianū crimen ingens. talenta quinquaginta se se Flacco dicit dedisse. audia- mus hominē: nō adest. quo modo igitur dicet? epistolam mater eius profert, & alterā soror. scriptū ad se dicunt esse ab illo, tātā pecuniā Flacco datā. ergo is, qui si aram tenens iuraret, crederet nemo; per epistolā, quod uolet, iniuratus probabit? at qui uir? q; nō amicus suis ciuibus?

O R A T I O

qui patrimonium satis lautum, quod hic nobiscū conficere potuit, Græcorum conuiuijs maluit dissipare. quid attinuit relinquere hāc urbem? libertate tam præclara carere? adire periculum nauigandi? quasi bona comesse Romæ nō liceret. nūc deniq; materculæ suæ festiuus filius aniculæ minime suspiciosa purgat se per epistolā, ut eā pecuniam, quam confecerat, nō consumpsisse, sed Flacco dedisse uideatur. at fructus isti Trallianorū Globulo Præt. uenierant: Falcidius emerat HS nongentis millibus. si dat tantā pecuniā Flacco, nempe iccirco dat, ut rata sit emptio: emit igitur aliquid, quod certe multo pluris esset: dat de lucro, nihil detrahit de uiuo: minus igitur lucri facit. cur Albanum uenire iubet? cur matri præterea blanditur? cur epistolis & sororis, & matris imbecillitatem aucupatur? postremo cur nō audimus ipsum? retinetur, credo, in prouincia, mater negat. uenisset, inquit, si esset denūciatū. tu certe coegisses, si ullum firmamentū in illo teste posuisses. sed hominē ab negotio abducere noluisti: magnum erat ei certamē propositum, magna cum Græcis contētio qui tamen, ut opinor, iacent uicti: nā iste unus totā Asiam magnitudine poculorū, bibendoq; superauit. sed tamē quis tibi Læli de epistolis istis indicauit? mulieres negant se scire. quis? is ipse? igitur ille tibi, se ad matrem & sororem scripsisse, narrauit? an etiā scripsit rogatu tuo? at uero M. Ebutiū, cōstātissimū et pudētissimū hominem, Falcidij affinem, nihil interrogas? nihil eius generū pari fide præditū C. Manlium? qui profecto de tanta pecunia, si esset data, nihil audisse non posset. his tu igitur epistolis Deciane recitatis, his mulierculis produētis, illo absente

auēctore laudato, tantum ~~et~~ crimen probaturum puta-
sti? præsertim cum ipse non deducendo Falcidium, iudi-
cium feceris, plus falsam epistolā habiturā pōderis, quā
ipsius præsentis fictam uocem, & simulatum dolorem.
Sed quid ego de epistolis Falcidij, aut de Androne Sesti-
lio, aut de Deciani cēsu tādiu disputo, postremo de salu-
te omnium nostrū, de fortunis ciuitatis, de summa Reip.
taceo? quā uos uniuersam in hoc iudicio uestris hume-
ris, uestris, inquā, humeris iudices sustinetis. uidetis, in
quo motu tēporū, quanta in conuersione rerū ac pertur-
batione uersemur. cū alia multa certi homines, tum hoc
uel maxime moliūtur, ut uestre quoq; mentes, uestra iu-
dicia, uestra sententiæ optimo cuiq; infestissimæ atque
inimiciissimæ reperiātur. grauius iudicia pro Reip. digni-
tate, multa de coniuratorū scelere fecistis. nō putāt satis
cōuersam esse Rēp. nisi in eādē impiorum pœnā opti-
me meritos ciues detruserint. oppressus est C. Antonius.
esto: habuit quādā ille infamiam suā: neq; tamen ille
ipse, pro meo iure dico, uobis iudicibus dānatus esset, cu-
ius dānatione sepulcrum L. Catilinæ floribus ornatum,
hominū audacissimorum, ac domesticorū hostium cōuē-
tu epulisq; celebratū est. ista Catilinæ facta sunt. nūc
à Flacco Lentuli pœnæ per uos expetuntur. quam pote-
stis P. Lentulo, qui uos in complexu liberorum coniu-
gumq; uestrarum trucidatos incendio patriæ sepelire co-
natus est, mactare uictimam gratiorem, quā si L. Flacci
sanguine illius nefariū in uos omnes odiū saturaueri-
tis? litemus igitur Lentulo, parētemus Cethego, reuocē-
mus eiectos, nimie pietatis & summi amoris in patriā
uicissim nos pœnas, si ita dijs placet, sufferamus. nos

O R A T I O

iam ab indicibus nominamur, in nos crimina finguntur,
nobis pericula comparantur. quæ si per alios agerent, si
deniq; per populi nomen ciuium imperitorum multitu-
dinem concitassent, æquiore animo ferre possemus. illud
uero ferri nō potest, q̃ per senatores, & per equites R.
qui hæc omnia pro salute omnium cōmuni cōsilio, una
mente atq; uirtute gesserunt, harū rerum auctores, du-
ces, principes spoliari omnibus fortunis, ac de ciuitate ex-
pelli posse arbitratur. etenim populi R. perspicunt eam
mentem, & uolūtatem: omnibus rebus, quibus potest, po-
pulus R. significat, quid sentiat: nulla uarietas est inter
homines opinionis, nulla uolūtatis, nulla sermonis. qua-
re, si quis illuc me uocat, uenio: populū R. disceptatorem
nō modo nō recuso, sed etiā deposco. uis absit, ferrū ac la-
pides remoueātur, operæ faceessant, seruitia sileant: ne-
mo erit tam iniustus, qui me audierit, sit modo liber &
ciuis, quin potius de præmijs meis, quā de pœna, cogitā-
dum putet. ò dij immortales, quid hoc miserius? nos, qui
P. Lentulo ferrū & flāmā de manibus extorsimus, impe-
ritæ multitudinis iudicio confidimus, lectissimorum ci-
uium & amplissimorum sententias pertimescimus. M.
Aquilinū patres nostri multis auaritiæ criminibus, testi-
monijsq; conuictū, quia cum fugitiuis fortiter bellū ges-
serat, iudicio liberauerunt. Consul ego nuper defendi
C. Pisonem: qui quia Cōsul fortis constansq; fuerat, in-
columis est Reip. cōseruatus: defendi item Consul L. Mu-
renam Cōsulem designatū: nemo illorum iudicum cla-
rissimis uiris accusantibus audiendum sibi de ambitu pu-
tauit, cum, bellum iā gerente Catilina, omnes me aucto-
re duos Consules Calendis Ian. scirent esse oportere. in-
nocens

nocens & bonus uir, & omnibus rebus ornatus, bis hoc anno me defendente absolutus est A. Thermus. quanta Reip. causa letitia populi R. quanta gratulatio consecuta est semper graues & sapientes iudices in rebus iudicandis, quid utilitas ciuitatis, quid communis salus, quid Reip. tempora poscerent, cogitauerunt. cum tabella uobis dabitur iudices, non de Flacco dabitur solū, dabitur de duobus auctoribusq; cōseruandae ciuitatis, dabitur de omnibus bonis ciuibus, dabitur de uobismet ipsis, dabitur de liberis uestris, de uita, de patria, de salute cōmuni. non iudicatis in hac causa de exteris nationibus, non de socijs: de uobis ac uestra Rep. iudicatis. q̄ si prouinciarum uos ratio magis mouet, q̄ uestra: ego uero non modo non recusō, sed etiam postulo, ut prouinciarū auctoritate moueamini: etenim opponemus Asiae prouinciæ primū magnam partem eiusdem prouinciæ, quæ pro huius periculis Legatos laudatoresq; misit; deinde prouinciā Galliā, prouinciā Ciliciā, prouinciā Hispaniā, prouinciā Cretā. Græcis autem, Lydis, & Phrygibus, & Mysis obsistent Massilienses, Rhodij, Lacedæmonij, Athenienses, cuncta Achaia, Thessalia, Bæotia. Septimio & Celio testibus P. Seruilius & Q. Metellus, huius pudoris, integritatisq; testes, repugnabunt. Asiaticæ iurisdictioni urbana iurisdictione respondebit. annui temporis criminationem omnis ætas L. Flacci & perpetua uita defendet. & si prodesse L. Flacco iudices debet, q̄ se Tribunum militum, q̄ Quæstorem, q̄ Legatum imperatoribus clarissimis, exercitibus ornatissimis, prouincijs grauissimis dignum suis maioribus præstitit: profit, quod hic uobis uidentibus, in periculis communibus omnium uestrum sua pericula

cum meis contunxit: profint honestissimorum municipio-
rum, coloniarumq; laudationes: profint etiam senatus, po-
puliq; R. præclara et uera laudatio. ò nox illa, quæ penè
æternas huic urbi tenebras attulisti, cū Galli ad bellum,
Catilina ad urbem, coniurati ad ferrum, & flammam
uocabantur; cum ego te Flacce, cœlum, noctemq; conte-
stans, flens flentem obtestabar; cum tuæ fidei optimæ et
spectatissimæ salutem urbis & ciuium commendabam.
tu, tu Flacce Prætor communis exitij nuncios cepisti: tu
inclusam in literis Reip. pestem deprehendisti. tu pericu-
lorum indicia, tu salutis auxilia ad me, & ad senatum
attulisti. quæ tibi tum gratiæ sunt à me actæ? quæ ab se-
natus? quæ à bonis omnibus? quis tibi, quis C. Pōtinio, for-
tissimo uiro, quenquam bonum putaret unquam nō sa-
lutem, uerum honorem ullum denegaturū? ò Nonæ il-
læ Decembres, quæ me Consule fuistis, quem ego diē ue-
re natalem huius urbis, aut certe salutarē appellare pos-
sum. ò nox illa, quam iste est dies consecutus, fausta huic
urbi; miserum me, metuo ne funesta nobis. qui tum ani-
mus L. Flacci? (nihil dicam enim de me) qui amor in pa-
triam? quæ uirtus? quæ grauitas extitit? sed quid ea cō-
memoro, quæ tum, cū agebātur, uno consensu omnium,
una uoce populi R. uno orbis terræ testimonio in cœlum
laudibus efferebantur? nunc uereor, ne non modo non
profint, uerum etiam aliquid obsint: etenim multo
acriorem improborum interdum memoriam esse sentio,
quàm bonorum. ego te, si quid grauius acciderit, ego te,
inquā, Flacce perdidero. mea dextra illa, mea fides, mea
promissa, cum te, si Remp. conseruaremus, omnium bo-
norum præsidio, quoad uiueres, nō modo munitum, sed

etiam ornatum fore pollicebar. putavi, speravi, etiam si
honor noster uobis uilius fuisset, salutem certe charā fu-
turam. at L. Flaccū quidem iudices, si, quod dii immor-
tales omen auertāt, grauis iniuria afflixerit, nūquā ta-
mē prospexisse uestre salutis, cōsuluisse uobis, liberis, cōiu-
gibus, fortunis uestris pœnitebit: semper ita sentiet, talē
se animū & generis dignitati, & pietati suæ, & patriæ
debuisse: uos ne pœniteat tali ciui nō pepercisse, per deos
immortales iudices prouidete. quotus. n. quisque est, qui
hanc in Rep. sectā sequatur? qui uobis, qui uestri simili-
bus placere cupiat? qui optimi atque amplissimi cuiusq;
hominis, atque ordinis auctoritatem magni putet? illam
uiā sibi uident expeditiorem ad honores, & ad omnia,
quæ cōcupiuerūt. sed cætera sint eorū: sibi habeāt poten-
tiā, sibi honores, sibi cæterorū cōmodorū summas facul-
tates: liceat ijs, qui hæc salua esse uoluerūt, ipsis esse sal-
uis: nolite iudices existimare eos, quibus integrū est, qui
nō dū ad honores accesserūt, non expectare huius exitū
iudicij. si L. Flacco tantus amor in bonos omnes, tantū in
Rep. studiū calamitati fuerit, quem posthac tā amentem
fore putatis, qui non illā uiā uitæ, quā ante præcipitē
& lubricā esse ducebat, huic planæ & stabili præponen-
dam esse arbitretur? q̄ si talium ciuium uos iudices tæ-
det, ostendite: mutabunt sententiam, qui potuerint: con-
stituent, quid agant, quibus integrum est: nos, qui iam
progressi sumus, hunc exitum nostre temeritatis fere-
mus. sin hoc animo quāplurimos esse uultis, declarabitis
hoc iudicio, quid sentiat. huic, huic misero puero, ue-
stro ac liberorum uestrorum supplici iudices, hoc iudicio
uiuendi præcepta dabit. cui si patrem cōseruatis, quæ-

O R A T I O

lis ipse debeat esse ciuis, præscribetis: sin eripitis, ostende-
tis bonæ rationi, & constanti, & graui nullum à uobis
fructum esse propositum: qui uos, quoniam est id ætatis,
ut sensum iam percipere possit ex mœrore patrio, auxi-
lium non dum patri ferre possit, orat ne suum luctum
patris lacrymis, patris mœrorem suo fletu augeatis: qui
etiam me intuetur, me uultu appellat, meam quodāmo-
do flens fidem implorat, ac repetit eam, quam ego patri
suo quondā pro salute patriæ sponderim dignitatem.
miseremini familiæ iudices, miseremini fortissimi pa-
tris, miseremini filij: nomen clarissimū, & fortissimū, uel
generis, uel uetustatis, uel hominis causa, Reip. reseruate.

PRO P. SYLLA.
ORATIO XXV.

Axime uellem iudices, ut P. Sylla et an-
 tea dignitatis suae splendore obtinere,
 et post calamitatem acceptam mode-
 stiae fructum aliquem potuisset percipe-
 re. sed quoniam ita tulit casus infestus,
 ut amplissimo in honore cum communi ambitionis inuidia,
 tum singulari Antronij odio euerteretur; et in his pri-
 stinae fortunae reliquijs miseris, et afflictis, tamen habe-
 ret quosdam, quorum animos ne supplicio quidem suo sa-
 tiare posset: quaque ex huius incommodis magnam animo
 molestiam capio, tamen in ceteris malis facile patior obla-
 tum mihi tempus, in quo boni uiri lenitatem meam, mise-
 ricordiamque notam omnibus quodam, nunc quasi intermissam
 agnoscerent, improbi, ac perditici uires edomiti, atque uicti
 praecipitante Rep. uehementem me fuisse, atque fortem,
 conseruata mentem, ac misericordem faterentur. et quo-
 niam L. Torquatus meus familiaris ac necessarius iudi-
 ces existimauit, si nostram in accusatione sua necessitatem
 familiaritatemque uiolasset, aliquid se de auctoritate mea
 defensionis posse detrabere, cum huius periculi propulsatio-
 ne coniungam defensionem officij mei. quo quidem genere
 non uterer orationis iudices hoc tempore, si mea solum
 interesset: multis enim mihi locis et data facultas est, et
 saepe dabitur de mea laude dicendi. sed ut ille iudices, quam
 tu de mea auctoritate diripuisset, tantum se de huius prae-
 sidijs diminuturum sperauit: sic hoc ego sentio, si mei facti
 rationem uobis constantiamque huius officij ac defensionis pro

O R A T I O

bauero, causam quoque me P. Syllæ probaturum. ac pri-
 mū abs te illud L. Torquate quæro, cur me à cæteris cla-
 rissimis uiris, ac principibus ciuitatis in hoc officio, atq;
 in hoc defensionis iure secernas: quid. n. est, quāobrem abs
 te Q. Hortensij factum clarissimi uiri atq; ornatissimi
 ciuis non reprehendatur, reprehendatur meū? nam si ini-
 tum est consilium à P. Sylla inflāmandæ ciuitatis, huius
 extinguendi imperij, delendæ urbis, mihi maiorē hæc res
 dolorem, q̃ Q. Hortensio, mihi maius odium afferre de-
 bet? meum denique grauius esse iudiciū, qui adiunāus
 in his causis, qui oppugnandus, qui defendendus, qui de-
 serendus esse uideatur? ita, inquit: tu enim inuestigasti, tu
 patefecisti coniurationem: quod cum dicit, non attendit,
 eum, qui patefecerit, hoc curasse, ut id omnes uiderent,
 quod antea fuisset occultum. quare ista coniuratio si pa-
 tefacta per me est, tam patet Hortensio, q̃ mihi. quem cū
 uideas honore hoc, auctoritate, uirtute, consilio præditū
 non dubitasse, quin innocentē P. Syllā defenderet: quæ-
 ro, cur, qui aditus ad causam Hortensio patuerit, mihi in-
 terclusus esse debuerit? quæro illud etiam, si me, qui de-
 fendo, reprehendendū putas esse, quid tandem existimes
 de his summis uiris & clarissimis ciuibus, quorum stu-
 dio & dignitate celebrari hoc iudicium & ornari, cau-
 sam defendi huius innocentis uides: nō enim una est ra-
 tio defensionis ea, quæ posita est in oratione: omnes, qui
 adsunt, qui laborant, qui saluum uolunt, pro sua parte,
 atq; auctoritate defendunt. an uero in quibus subsellijs
 hæc ornamenta ac lumina Reip. uiderem, in his me ap-
 parere nollem, quorum ego opera illum in locum, at-
 que in hanc celsissimam sedem dignitatis atque honoris

multis meis ac magnis laboribus & periculis ascēdissem?
atq; ut intelligas Torquate quem accuses; si te id offen-
dit, q̄ ego, qui hoc genere quæstionis defenderim nemi-
nē, non desim P. Syllæ; recordare de cæteris, quos adesse
huic uides: intelliges, & de hoc, et de cæteris iudiciū meū
& horū par atque unū fuisse. quis nostrū adfuit Var-
gunteio? nemo; ne hic quidem Q. Hortēsius, præsertim
qui illum solus antea de ambitu defendisset: non. n. iam
se ullo officio cum illo coniunctum arbitrabatur, cum il-
le tanto scelere commisso omnium officiorum societate
diremisset. quis nostrum Ser. Syllam, quis P. Lentulum,
quis M. Leccam, quis Cornelium defendendum putauit?
quis his horū adfuit? nemo: quid ita? quia cæteris in cau-
sis etiā nocentes, uiri boni, si necessarij sunt, non defen-
dendos esse non putant; in hoc crimine non solum leuī-
tatis est culpa, uerum etiam quædam contagio sceleris, si
defendas eū, quem obstrictum esse patriæ suspicere. quid
Antronio? non ne sodales, non collegæ sui, non ueteres
amici, quorum ille copia quondam abundarat, non hi
omnes, qui sunt in Rep. principes, defuerunt? immo etiā
testimonio plerique læserunt? statuerant tantū illud esse
maleficium, quod nō modo non occultari per se, sed etiā
aperiri, illustrariq; deberet. quamobrem quid est quod
mirere, si cum ijsdem me in hac causa uides adesse, cum
quibus in cæteris intelligis abfuisse? nisi uero me unum
uis ferum præter cæteros, me asperum, me inhuma-
num existimari, me singulari immanitate & crudelita-
te præditum. hanc mihi tu si propter res meas gestas im-
ponis in omni uita mea personam Torquate, uehemēter
erras. me natura misericordē, patria seuerū, crudelē nec

O R A T I O

patria, nec natura esse uoluit. denique istā ipsam perso-
 nam uehementem & acrem, quam mihi tum tēpus, &
 Resp. imposuit, iā uoluntas, & natura ipsa detraxit: illa
 enim ad breue tempus seueritatem postulauit, hæc in o-
 mni uita misericordiam lenitatēq; desiderat. quare ni-
 hil est, quod ex tanto comitatu uirorū amplissimorū me
 unū abstrahas: simplex officium atque una est omnium
 bonorum causa: nihil erit, quod admirere possis, si in
 ea parte, in qua hos animaduuerteris, me uidebis: nulla est
 enim in Rep. causa mea propria: tempus agēdi fuit ma-
 gis mihi proprium, q̄ cæteris; doloris uero, & timoris, &
 periculi fuit illa causa cōmunis: neq; enim princeps tūc
 ad salutem esse potuissem, si esse alij comites noluis-
 sent: quare necesse est, quod mihi Consuli præcipuū fuit præ-
 ter alios, id iam priuato cum cæteris esse cōmune. neque
 ego hoc partiendæ inuidiæ, sed cōmunicandæ laudis cau-
 sa loquor. oneris mei partem nemini impertio, gloriæ bo-
 nis omnibus. in Antronium testimonium dixisti, inquit:
 Syllam defendis. hoc totū eiusmodi est iudices, ut, si ego
 sim inconstans ac leuis, nec testimonio fidem tribui con-
 uenerit, nec defensionī auctoritatem: sin est in me ratio
 Reip. religio priuati officij, studium retinendæ uolunta-
 tis bonorum, nihil minus accusator debet dicere, quā a
 me defendi Syllam, testimonio læsum esse Antronium: ui-
 deor enim non solum studium ad defendendas causas,
 uerum opinionis aliquid & auctoritatis afferre: qua et
 moderate ego utar iudices, & omnino non uterer, si ille
 me non coegisset. Dæ cōiurationes abs te Torquate
 constituuntur: una, quæ Lepido, & Tullo Coss. patre
 tuo Consule designato facta esse dicitur: altera, quæ me
 Consule.

Consule. harū in utraq; Syllam dicis fuisse. patris tui, fortissimi uiri, atq; optimi Cōsulis, scis me cōsilijs nō interfuisse: scis me, cum mihi summus tecum usus esset, tamen illorū expertem temporum, & sermonū fuisse: credo, q̄ non dum penitus in Rep. uersabar, q̄ non dum ad propositum mihi finem honoris perueneram, q̄ mea me ambitio, & forensis labor ab omni illa cogitatione abstraheret. quis ergo intererat uestris cōsilijs? omnes hi, quos uides huic adesse, & in primis Q. Hortensius: qui cum propter honorem, ac dignitatem, atq; animum eximium in Remp. tum propter summā familiaritatē, summūq; amorem in patrem tuum, tū communibus, tum prācipuis patris tui periculis commouebatur. ergo istius coniurationis crimen defensum ab eo est, qui interfuit, qui cognouit, qui particeps & cōsilijs uestri fuit, & timoris. cuius in hoc crimine propulsando cū esset copiosissima atq; ornatissima oratio, tamēnō minus inerat auctoritatis in ea, q̄ facultatis. illius igitur cōiurationis, quæ facta contra uos, delata ad uos, à uobis prolata esse dicitur, ego testis esse non potui: modo enim nihil comperi, sed uix ad aures meas istius suspicionis fama peruenit. qui uobiscū in cōsilio fuerunt, qui uobiscum illa cognorūt, quibus ipsis periculū tū conflare putabatur, qui Antronio nō adfuerūt, qui in illum testimonia grauiā dixerunt, hūc defendūt, huic adsunt, in huius periculo declarāt, se non crimine cōiurationis, ne adessent cæteris, sed hominū maleficio deterritos esse. mei Cōsultus autē tēpus, & crimen maxime coniurationis à me defendetur. atq; inter nos partitio nō est fortuito iudices, nec temere facta: sed cū uideremus eorū criminum

Cic Orat.

yy

O R A T I O

nos patronos adhiberi, quorū testes esse possemus, uterq;
 nostrū id sibi suscipiendū putauit, de quo aliquid scire
 ipse atq; existimare potuisset. & quoniā de criminibus
 superioris cōiuratiōis Hortēsiū diligēter audistis, de hac
 cōiuratione, quæ me Consule facta est, hoc primum at=
 tendite. Multa, cū essem Consul, de summis Reip. pe=
 riculis audiui, multa quæsiui, multa cognoui: nullus un=
 quā de Sylla nuncius ad me, nullū indicium, nullæ literæ
 peruenerunt, nulla suspicio. multum hæc uox fortasse
 deberet ualere eius hominis, qui Cōsul insidias Reip. cō=
 silio inuestigasset, ueritate aperuisset, magnitudine ani=
 mi uindicasset, cū ipse nihil audisse de P. Sylla, nihil su=
 spicatū esse diceret: sed ego non dum uxor hac uoce ad
 hunc defendendū, ad purgandum me potius uxor, ut
 mirari Torquatus desinat, me, qui Antronio abfuerim,
 Syllam defendere: quæ enim Antronij fuit causa? quæ
 Syllæ est? ille ambitus iudiciū tollere, ac disturbare pri=
 mū conflato uoluit gladiatorum ac fugitiuorū tumul=
 tu, deinde, id quod uidimus omnes, lapidatione, atq; con=
 cursu: Sylla, si sibi suus pudor ac dignitas nō prodesset,
 nullum auxiliū requisuit. ille damnatus ita se gerebat
 non solū consilijs & sermonibus, uerum etiam aspectu
 atq; uultu, ut inimicus esse amplissimis ordinibus, infe=
 stus bonis omnibus, hostis patriæ uideretur: hic se ita fra=
 ctum illa calamitate atq; afflictum putauit, ut nihil si=
 bi ex pristina dignitate superesse arbitraretur, nisi quod
 modestia retinuisset. hac uero in coniuratione quid tā
 coniunctum, quā ille cum Catilina, cum Lentulo? quæ
 tanta societas ullis inter se rerū optimarum, quanta ei=
 cum illis sceleris, libidinis, audaciæ? quod flagitium? en=

tulus non cum Antronio concepit? quod sine eodē illo Catilina facinus admisit? cū interim Sylla cum eisdem ipsis non modo noctem solitudinemq; nō quæreretur, sed ne mediocri quidē sermone & congressu coniungeretur. illum Allobroges maximarū rerum uerissimi indices, illum multorū literæ, ac nuncij coarguerunt: Syllā interea nemo insinulauit, nemo nominauit. postremo, eiecto, siue emissō iam ex urbe Catilina, ille arma misit, cornua, tubas, falces, signa, legiones; ille relictus intus, expectatus foris, Lentuli pœna compressus, conuertit se aliquando ad timorem, nunquam ad sanitatem: hic contra ita quieuit, ut eo tempore omni Neapoli fuerit, ubi neq; homines fuisse putantur huius afines suspicionis, & locus est ipse non tam ad inflāmandos calamitosorum animos, quā ad consolandos accommodatus. propter hanc igitur tantam dissimilitudinē hominum atque causarū dissimilem me in utroq; præbui. ueniebat. n. ad me, & sæpe ueniebat Antronius multis cū lacrymis supplex, ut se defenderē: & se meū condiscipulum in pueritia, familiārē in adolescentia, collegam in Quæstura cōmemorabat fuisse: multa mea in se, non nulla etiam sua in me proferebat officia. quibus ego rebus indices ita fleētebar animo atq; frangebatur, ut etiā ex memoria, quas ipse mihi fecerat insidias, deponerem; ut iam immissum esse ab eo C. Corneliū, qui me in sedibus meis, in conspectu uxoris meæ ac liberos meorum trucidaret, obliuiscerer. quæ si de uno me cogitasset, qua mollitia sum animi ac lenitate, nunquam mehercule illius lacrymis ac precibus restitissim: sed cum mihi patriæ, cum uestrorum pericu-

yy ij

O R A T I O

lorum, cum huius urbis, cum illorum delubrorū atque templorum, cum puerorum infantiū, cum matronarum ac uirginum ueniebat in mētem, & cum illæ infestæ ac funestæ faces, uniuersumq; totius urbis incendium, cū teli, cum cædes, cum ciuiū cruor, cum ciuis patriæ uersari ante oculos, atque animum memoria refricare cœperat; tū denique ei resisteb. i. neque solū illi hosti ac par-ricidæ, sed his etiam propinquis illius Marcellis patri et filio, quorum alter apud me parentis grauitatem, alter filij suauitatē obtinebat: neq; me arbitrabar sine summo scelere posse, quod maleficiū in alijs uindicassē, idē in illorum socio, cum scirē, defendere. atque idē neque P. Syllam supplicem ferre, neque eosdē Marcellos, neq; huius M. Messalæ hominis necessarij preces sustinere potui: neque. n. est causa aduersata naturæ; nec homo, nec res misericordiæ meæ repugnauit: nusquā nomen, nusquā uestigiū fuerat, nullum crimē, nullum indicatiū. suscepi causam Torquate, suscepi, & feci libēter, ut me, quem boni cōstantem semper, ut spero, existimassent, eūdem ne improbi quidem crudelem dicerēt. Hic ait se ille iudices regnum meū ferre non posse. quod tandem Torquate regnū? Consulatus, credo mei, in quo ego impe-
raui nihil, sed cōtra patribus conscriptis, & bonis omni-
bus parui. quo in magistratu nō institutū est à me iu-
dices regnum, sed nō permissum. quem tum in tātō im-
perio, tanta potestate non dicis fuisse Regem, nūc priua-
tum regnare dicis? quo tandem nomine? q. in quos te
stimoniam dixisti, inquit, damnati sunt; quem defendis,
sperat se absolutum iri. hic tibi ego de testimonijs meis
hoc respōdeo; si falsum dixerim, te in eos dixisse; sin ue

rum, non esse hoc regnare, cum uerū iuratos dicas probare. de huius spe tantū dico, nullas à me opes P. Syllā, nullam potentiam, nihil deniq; præter fidem defensionis expectare. nisi tu, inquit, causam recepisses, nunquā mihi restitisset, sed indicta causa profugisset. si iam hoc tibi concedā, Q. Hortensium, tanta grauitate hominē, si hos tales uiros non suo stare iudicio, sed meo; si hoc tibi dem, quod credi non potest, nisi ego huic adessem, hos adfuturos non fuisse: uter tādē Rex est, is ne, cui innocētes homines non resistunt; an is, qui calamitosos nō deserit? at hic etiā, id quod tibi necesse minime fuit, facetus esse uoluisti, cū Tarquiniū, & Numam, & me tertium peregrinū Regem esse dixisti. mitto iā de Rege quærere: illud quæro, peregrinum cur me esse dixeris: nam si ita sum, non tam est admirandum Regem esse me, quia, ut tu uis, etiam peregrini Reges Romæ fuerūt, quā Cōsulem Romæ fuisse peregrinū. hoc dico, inquit, te esse ex municipio. fateor, & addo etiam, ex eo municipio, unde iterū iā salus huic urbi imperioq; missa est. sed scire ex te peruelim, quamobrem, qui ex municipijs ueniant, peregrini tibi esse uideantur: nemo. n. istuc M. illi Catoni senī, cū plurimos haberet inimicos, nemo T. Corūcano, nemo Curioni, nemo huic ipsi nostro C. Mario, cū ei multi inuiderent, obiecit unquā. equidē uehementer lator, eū esse me, in quem tu, cum cuperes, nullam cōtumeliam iacere potueris, quæ non ad maximā partem ciuiū cōueniret. sed tamen te à me pro magnis causis nostræ necessitudinis monendum esse etiā atque etiam puto. non possunt omnes esse patritij; si uerum quæris, ne curant quidem: nec se æquales tui propter

O R A T I O

istam causam abs te anteiri putant. at si tibi nos peregrini uidemur, quorū iam & nomē, & honos inueterauit & huicurbi, & hominū famæ, ac sermonibus: quā tibi illos cōpetitores tuos peregrinos uideri necesse erit, qui iā ex tota Italia delecti tecū de honore, & de omni dignitate cōtendūt? quorū caue tu quenq̃ peregrinū appelles, ne peregrinorū suffragijs obruare. qui si attulerint neruos & industriā; mihi crede, excutient tibi istā uerborū iactationē, & te ex somno sæpe excitabūt, nec patientur se abs te, nisi uirtute uincētur, honore superari. ac si iudices cæteris patritijs me & uos peregrinos uideri oporteret, à Torquato tamē hoc uitium sileretur: est. n. ipse à materno genere municipalis, honestissimi ac nobilissimi generis, sed tamen Asculani. aut igitur doceat Picētes solos nō esse peregrinos, aut gaudeat suo generi me meū non anteponere. quare neq; me peregrinū posthac dixeris, ne grauius refutare; neq; Regem, ne derideare. nisi forte regium tibi uidetur, ita uiuere, ut nō modo homini nemini, sed ne cupiditati quidē ulli seruias; cōtēnere omnes libidines; nō auri, nō argenti, non cæterarū rerū indigere; in senatu sentire libere; populi utilitati magis cōsulere, q̃ uolūtati; nemini cedere, multis obsistere. si hoc putas esse regiū, me Regē cōfiteor esse. sin te potētia mea, si dominatio, si deniq; aliquod dictū arrogans aut superbū mouet: quin tu id potius profers, q̃ uerbi inuidiā cōtumeliāq; maledicti? ego, tantis à me beneficijs in Rep. positus, si nullū aliud mihi præmiū à senatu populoq; R. nisi honestū otium postularē, quis non cōcederet? sibi haberent honores, sibi imperia, sibi prouincias, sibi triūphos, sibi alia præclaræ laudis insignia:

mihi liceret eius urbis, quam conseruassẽm, conspectu,
tranquillo animo, & quieto frui. quid, si hoc nõ postu-
lo; si ille labor meus pristinus, si sollicitudo, si operæ, si
uigiliæ deseruiunt amicis, præsto sunt omnibus; si neq;
amici in foro requirunt studium meum, neque Resp. in
curia; si me non modo rerũ gestarũ uacatio, sed neque
honoris, neq; ætatis excusatio uendicat à labore; si uo-
luntas mea, si industria, si domus, si animus, si aures pa-
tent omnibus; si mihi ne ad ea quidem, quæ pro salute
omniũ gessi, recordanda & cogitanda quidquã relinqui-
tur temporis: tamẽ hoc regnũ appellabitur? cuius uica-
rius qui uelit esse, inueniri nemo potest; longe abest re-
gni suspicio. si quæris, qui sint Romæ regnũ occupare co-
nati; ut ne replices annalium memoriam, ex domesticis
imaginibus inuenies. res. n. gestæ, credo, meæ me nimis
extulerũt, ac mihi nescio quos spiritus attulerũt. quibus
de rebus tam clavis, tã immortalibus iudices hoc possum
dicere, me, qui è summis eripuerim periculis urbẽ hanc,
& uitam omnium ciuiũ, satis adeptum fore, si ex hoc
tãto in omnes mortales beneficio nullum in me pericu-
lum redundabit: etenim in qua ciuitate res tantas ges-
serim, memini; & in qua urbe, intelligo. plenum forum
est eorum hominum, quos ego à uestris ceruicibus depu-
li iudices, à meis nõ remoui. nisi uero paucos fuisse arbi-
tramini, qui conari aut sperare possent se tantũ impe-
rium posse delere. horũ ego facies eripere de manibus,
& gladios extorquere potui, sicut feci: uoluntates uerò
consceleratas ac nefarias nec sanare potui, nec tollere.
quare non sum nescius, quanto periculo uiuam in
tanta multitudine improborum, cum mihi unicũ

O R A T I O

omnibus improbis æternū uideam bellum esse susceptū. q̄ si illis meis præsijs forte inuides; & si ea tibi regia uidentur, q̄ omnes boni omniū generū atque ordinum suam salutem cū mea coniungunt: consolare te, q̄ omnium mentes improborum mihi uni maxime sunt infensæ, & aduersæ. qui me nō solū iccirco oderunt, q̄ eorū conatus impios, & furorem cōsceleratum repressi; sed eo etiā magis, q̄ nihil iam se simile me uiuo conari posse arbitratur. at uero quid ego miror, si quid ab improbis de me improbe dicitur, cū L. Torquatus, primum ipse his fundamētis adolescentiæ iactis, ea spe proposita amplissimæ dignitatis, deinde L. Torquati fortissimi Cōsulis, constantissimi senatoris, semper optimi ciuis filius, interdum efferatur immoderatione uerborū? qui cum suppressa uoce de scelere P. Lētuli, de audacia cōiuratorum omnium dixisset, tantū modo ut uos, qui ea probatis, exaudire possētis; de supplicio P. Lentuli, de carcere magna & queribūda uoce dicebat. in quo primū illud erat absurdum, q̄ cum ea, quæ leuiter dixerat, uobis probare uolebat, eos autem, qui circū iudiciū stabant, audire nolebat; non intelligebat, ea, quæ clare diceret, ita illos audituros, quibus se uēditabat, ut uos quoq; audiretis, qui id non probabatis. deinde alterum iā oratoris uitiū, nō uidere quid quæque causa postulet: nihil est enim tam alienum ab eo, qui alterum coniurationis accuset, quā uideri coniuratorum pœnam mortemq; lugere. quod cum is Tribunus pl. facit, qui unus uidetur ex illis ad lugendos coniuratos relictus: nec mirum est. difficile est enim tacere, cum doleas: te, si quid eiusmodi facis, non modo talem adolescentem, sed in ea

causa, in qua te uindictam cōiurationis uelis esse, uehe-
menter miror: sed reprehendo tamen illud maxime, q̃
isto ingenio, & prudentia præditus causam Reip. nō te-
nes, qui arbitrare plebi R. res eas nō probari, quas me Cō-
sule omnes boni pro salute cōmuni gesserūt. ecquem tu
horū, qui adsunt, quibus te cōtra ipsorū uolūtate uendi-
tabas, aut tā sceleratū statuis fuisse, ut hæc omnia perire
uoluerit; aut tā miserū, ut & se perire cuperet, &
nihil haberet, quod saluū esse uellet? an uero clarissimū
uirū generis uestri ac nominis nemo reprehēdit, qui filiū
suum uita priuauit, ut in cæteris firmaret imperiū: tu
Remp. reprehendis, quæ domesticos hostes, ne ab ijs ipsa
necaretur, necauit? itaq; attende iam Torquate, q̃ ego
non defugiam auctoritatem Consulatus mei. maxima
uoce, ut omnes exaudire possint, dico, semperq; dicā. ad-
estote omnes animis, qui adestis corporibus, quorum ego
frequentia magnopere lator: erigite mentes auresq; ue-
stras, & me de inuidiosis rebus, ut ille putat, dicēte attē-
dite. ego Cōsul, cū exercitus perditorū ciuiū clandestino
scelere conflatus crudelissimū, & luētiosissimū exitiū
patriæ cōparasset; cū ad occasum interitūq; Reip. Ca-
tilina in castris, in his autē tēplis atque tectis dux Len-
tulus esset constitutus: meis consilijs, meis laboribus, mei
capitis periculis, sine tumultu, sine delectu, sine armis,
sine exercitu, quinq; hominibus cōprehensis atq; cōfos-
sis, incensione urbem, internicione ciues, uastitate Italiā,
interitu Remp. liberaui. ego uitam omnium ciuium, sta-
tū orbis terræ, urbem hanc denique, sedem omnium no-
strum, arcem Regum ac nationum exterarū, lumen gē-
tium, domicilium imperij, quinq; hominum amentium

O R A T I O

ac perditorum pœna redemi. an me existimasti hæc iniuratum in iudicio non esse dicturum, quæ iuratus in maxima concione dixissem? atq; etiam illud addam, ne qui forte incipiat improbus subito te amare Torquate, & aliquid sperare de te; atq; ut idem omnes exaudiant, clarissima uoce dicam, harum omnium rerum, quas ego in Consulatu pro salute communi suscepi, & gessi, L. ille Torquatus, cum esset meus contubernalis in Consulatu, cum signifer esset iuuentutis, atq; in Prætura fuisset, auctor, adiutor, particeps extitit. cum princeps, cum auctor, cum signifer esset iuuentutis; parens eius, homo amatissimus patriæ, maximi animi, summi consilij, singularis constantiæ, cum esset æger, tamen omnibus rebus illis interfuit, nunquam est à me digressus, studio, consilio, auctoritate unus adiuuit plurimum, cum infirmitatem corporis animi uirtute superaret. uides ne, ut eripiam te ex improborum subita gratia, & reconciliem bonis omnibus? qui te & diligunt, & retinent, retinebuntq; semper, nec, si à me forte descueris, iccirco te à se, & à Rep. & à tua dignitate deficere patientur. Sed iam redeo ad causam: atq; hoc uos iudices testor: mihi de memet ipso tam multa dicendi necessitas quedam imposita est ab illo: nam si Torquatus Syllam solum accusasset, ego quoq; hoc tempore nihil aliud agerem, nisi eum, qui accusatus esset, defendere: sed cum ille tota illa oratione in me esset inuectus, et cum initio, ut dixi, defensionem meam auctoritate spoliare uoluisset, etiam si dolor meus respondere non cogeret, tamen ipsa causa hæc à me orationem flagitasset. Allobrogibus nominatum Syllam esse dicis. quis negat Syllæ indicium? at uide, quemadmodum nominatus sit.

L. Cassium dixerunt comemorasse, cum ceteris Antro-
nium secum facere. quæro, num Syllam dixerit Cassius:
nunquam. sese aiunt quæsisse de Cassio, quid Sylla sen-
tiret. uidete diligentiam Gallorum, qui uitam hominū
naturamq; nō nossent, ac tantum audissent, eos, pari ca-
lamitate qui fuerāt, esse in eadem uoluntate. quid tū?
Cassius si respondisset idem sentire, & secū facere Syl-
lam, tamen mihi nō uideretur in hunc id criminofum
esse debere. quid ita? quia qui barbaros homines ad bel-
lū impelleret, non debebat minuire illorū suspiciōē, et
purgare eos, de quibus illi aliquid suspicarentur. non re-
spondit tamē unā facere Syllam: etenim esset absurdū,
cum ceteros sua sponte nominasset, mentionē Syllæ fa-
cere nullā, nisi admonitum, & interrogatum. nisi forte
uerisimile est, P. Syllæ nomen in memoria Cassio non
fuisse. si nobilitas hominis, si afflicta fortuna, si reliquæ
pristinæ dignitatis nō tam illustres fuissent, tamen An-
troniū comemoratio memoriam Syllæ retulisset: etiam,
ut arbitror, cum auctoritates principum coniurationis
ad incitādos animos Allobrogum colligeret Cassius, &
cum sciret exteras nationes maxime nobilitate moueri,
nō prius Antronium, quā Syllam, nominasset. iam ue-
ro illud probari minime potest, Gallos Antronio nomi-
nato putasse propter calamitatis similitudinem sibi ali-
quid de Sylla esse quæredū, Cassio, si hic esset in eodem
scelere, ne cū appellasset quidē Antronium, huius in men-
tem uenire potuisse. sed tamē quid respondit de Sylla
Cassius? se nescire certū nō purgat, inquit. dixi antea: ne
si argueret quidem tum denique, cum esset interroga-
tus, id mihi criminofum uideretur. sed ego in iudicijs,

O R A T I O

Et quæstionibus nō hoc quærendū arbitror, num pur-
 getur aliquis, sed nū arguatur: etenim cū negat se scire
 Cassius, utrum subleuat Syllam, an satis probat se nesci-
 re? subleuat apud Gallos: quid ita? ne indicent? quid?
 si periculū esse putasset, ne ulli unquā indicarent, de se
 ipso confessus esset? nesciuit. credo iudices celatum esse
 Cassiū de Sylla uno: nā de cæteris certe sciebat, et ea do-
 mi eius pleraq; cōflata esse constabat. qui negare noluit
 esse in eo numero Syllam, quo plus spei Gallis daret, di-
 cere autē falsum non ausus est, nescire dixit. atqui hoc
 perspicuū est, cū is, qui de omnibus scierit, de Sylla se sci-
 re negarit, eādē uim esse negationis huius, quā si extra
 coniurationem hunc esse se scire dixisset: nā cuius scien-
 tiam de omnibus constat fuisse, eius ignoratio de aliquo
 purgatio debet uideri. sed iam nō quæro, purget ne Cas-
 sius Syllam: illud mihi tantū satis est, contra Syllam ni-
 hil esse in indicio. Exclusus hac criminatione Torqua-
 tus, rursus in me irruit, me accusat: ait me aliter, ac di-
 ctū est, in tabulas publicas retulisse. o dii immortales (uo-
 bis. n. tribuā, quæ uestra sunt: nec uero possum meo tā-
 tum ingenio dare, ut tot ris, tantas, tā uarias, tam repē-
 tinas in illa turbulentissima tempestate Reip. mea spon-
 te dispexerim) uos profecto animum meum tū conser-
 uande patriæ cupiditate incendiistis: uos me ab omnibus
 cæteris cogitationibus ad unā salutem Reip. contulistis:
 uos deniq; in tātis tenebris erroris et inscientiæ clarissi-
 mum lumen prætulistis mēti meæ. uidi ego hoc iudices;
 nisi, recenti memoria senatus, auctoritatē huius indicij
 monumentis publicis testatus essem, fore ut aliquādo nō
 Torquatus, neq; Torquati quispiā similis, (nā id me mul-

tum fefellit) sed ut aliquis patrimonio naufragus, inimicus otij, bonorū hostis, aliter indicata hæc esse diceret, quo facilius uento aliquo in optimū quēq; excitato, posset in malis Reip. portum suorum malorum aliquē inuenire: itaque introductis in senatū indicibus, constitui senatores, qui omnia indicum dicta, interrogata, responsa perscriberet: at quos uiros? nō solū summa uirtute, & fide, cuius generis in senatu facultas maxima, sed etiam quos sciebā memoria, scientia, cōsuetudine & celeritate scribendi facillime, quæ diceretur, persequi posse; C. Cosconiu, qui tunc erat Prætor; M. Messalī, qui tū Præturam petebat; P. Nigidium, App. Claudium. credo esse neminem, qui his omnibus aut uere referendis, aut etiam scribendis putet ingeniu defuisse. quid deinde? quid feci? cum scirem ita indicium in tabulas publicas relatu, ut illæ tabulæ priuata tamen custodia more maiorum contineretur: nō occultauī, nō continui domi, sed describi ab omnibus statim librarijs, diuidi passim, & peruulgari, atq; edi populo R. imperauī: diuisi toti Italiæ, diuisi in omnes prouincias: eius indicij, è quo salus oblata esset omnibus, expertem esse neminem uolui. itaq; dico locū in orbe terrarum esse nullum, quo in loco populi R. nomen sit, quin eodē perscriptū hoc indicium peruenerit. in quo ego tā subito, & exiguo, et turbido tēpore multa diuinitus, ita ut dixi, nō mea sponte prouidi: primū, ne qui posset tantum aut de Reip. aut de alicuius periculo meminisse, quātū uellet: deinde, ne cui liceret unq̄ reprehendere illud indicium, aut temere creditū criminari: postremo, ne quid iam à me, ne quid ex meis comētarijs quæreretur; ne aut obliuio mea, aut memoria

O R A T I O

videretur nimia: ne deniq; aut negligētiæ turpis, aut diligētia crudelis putaretur. sed tamen abs te Torquate quæro, cū indicatus tuus inimicus esset, & esset eius rei frequens senatus & recens memoria testis; tibi meo familiari, & contubernali prius etiā edituri fuerint indicium scribæ mei, si uoluisses, q̄ in codicem retulissent: cū uideres aliter fieri, cur tacuisti? passus es? non mecū aut, cū familiari meo questus es? aut, quoniam tam facile inueheris in amicos, iracundius aut uehementius expostulasti? tu, cum tua uox nūquam sit audita; cum indicio lecto, descripto, diuulgato, quieueris, tacueris: repente tantam rem enunciare audeas, & in eum locum te deducas, ut ante, q̄ me commutati indicij coargueris, te summæ negligentie tuo iudicio conuictū esse fateare? mihi cuiusquā salus tanti fuisset, ut meā negligere? per me ego ueritatem patefactam contaminare aliquo mendacio? quenq̄ deniq; ego iuua rem, à quo & crudeles insidias in Rēp. factas, & in me potissimū Consulē putarem? q̄ si iam essem oblitus seueritatis, & constanter meæ, tamēne amens eram, ut, cum literæ posteritatis causa repertæ sint, quæ subsidio obliuioni esse possent, ego recētē putarem memoriā cuncti senatus cōmētario meo posse superari? fero ego te Torquate iandudum, fero, & nō nunquā animū incitatū ad ulciscendam orationē tuā reuoco ipse, & reflecto: permitto aliquid iracundiæ tuæ, do adolescētiæ, cedo amicitie, tribuo parenti: sed nisi aliquē modum uitæ constitueris, coges oblitū me nostræ amicitie habere rationē meæ dignitatis. nemo unquam me tenuissima suspitione perstrinxit, quē non præuenterim. sed mihi hoc credas uelim: nō ijs libe=

tissime soleo respondere, quos mihi uideor facillime posse
superare. tu, quoniam minime ignoras consuetudinē di
cendi meā, noli hac noua lenitate abuti mea: noli acu
leos orationis meae, qui recoditi sunt, excussos arbitrari:
noli id putare omnino à me esse omissum, si quid est ti
bi remissum, atq; cōcessum. cum illae ualent apud me ex
cusationes iniuriæ tuæ, iratus animus tuus, ætas, amicitia
nostra: tū non dū statuo te uiriū satis habere, ut ego
tecum luctari, & cōgredi debeam. q̄ si esses usu atque
ætate robustior, essem idē qui soleo cum sum lucessitus:
nūc tecū sic agā, tulisse ut potius iniuriā, q̄ retulisse gra
tiā uidear. neq; uero, quid mihi irascere, intelligere pos
sum: si, quod eum defendo, quem tu accusas; cur tibi
quoque ipse non succenseo, qui accuses eū, quem ego de
fendo? inimicū, inquis, accuso meū. & amicum ego de
fendo meum. nō debes tamen quenq̄ in coniurationis
quæstione defendere: immo nemo magis eū, de quo ni
hil est suspicatus, q̄ is, qui de alijs multa cogitauit. cur
dixisti testimonium in alios? quia coactus. cur damnati
sunt? quia creditū est. regnū est dicere in quē uelis, ac de
fendere quē uelis: immo seruitus est, non dicere in quē
uelis, ac defendere quem uelis. ac si cōsiderare cōperis,
utrū magis mihi hoc necesse fuerit facere, an tibi; intel
liges, honestius te inimicitiarū modū statuere potuisse, q̄
me humanitatis. an uero cū honos agebatur amplissi
mus familiæ uestræ, hoc est Cōsulatus parētis tui, sapien
tissimus uir familiarissimis suis nō succēsit pater tu
us, cū Syllā & defenderēt & laudarēt? intelligebat hāc
nobis à maioribus esse traditam disciplinam, ut nullius
amicitia ad propulsanda pericula impediremur. & erat

O R A T I O

huic iudicio longe dissimilis illa contentio. tum afflicto
P. Sylla Consulatus uobis pariebatur, sicuti partus est: ho-
noris erat certamen: ereptum repetere uos clamitabatis,
ut uicti in cāpo, in foro uinceretis: tū qui cōtra uos pro
huius salute pugnabāt, amiciissimi uestri, quibus nō ira
scebamini, Consulatum uobis eripiebant, honori uestro
repugnabāt, & tamē id inuiolata uestra amicitia, inte-
gro officio, ueteri exēplo atq; instituto optimi cuiusque
faciebāt. ego uero quibus ornamētis aduersor tuis? aut
cui dignitati uestrae repugno? quid est, quod iam ab hoc
expetas? honor ad patrem, insignia honoris ad te delata
sunt. tu ornatus erūnis uenis ad eum lacerandum, quē
interemisti: ego iacētē & spoliatū defendo, & prote-
go. atq; hic tu & reprehendis me, quia defendam, &
irasceris: ego autē non modo tibi non irascor, sed ne re-
prehēdo quidē factum tuum: te. n. existimo tibi statuis-
se, quid faciendū putares, & satis idoneum officij iudicē
posuisse. At accusat C. Cornelij filius, idemq; ualere de-
bet, ac si pater indicaret. ò patrem Cornelium sapientē,
qui, quod prēmij solet esse in iudicio, reliquerit; quod
turpitudinis in cōfessione, id per accusationē filij susce-
perit. sed quid est tandē, quod indicat per istū puerum
Cornelius? si est causa mihi ignota, cū Hortētio cōmunica-
ta, respōdeat Hortēsius. sin ut ais illū comitatum Antro-
nij & Catilinæ, cū in campo cōsularibus comitijs, quæ
à me habita sunt, cēdem facere uoluerunt: Antronium
tum in cāpo uidimus. ecquid dixi uidisse nos? ego uidi:
uos. n. tum iudices nihil laborabatis, neque suspicabami-
ni: ego tectus præsidio firmo amicorum, Catilinæ tum
& Antronij copias & conatum repressi. num quis est
igitur

igitur, qui tum dicat in campum aspirasse Syllam? atque
qui si tum se cum Catilina societate sceleris cōiunxerat,
cur ab eo discedebat? cur cum Antronio non erat? cur
in pari causa non paria signa reperiuntur criminis? sed
quoniam Cornelius ipse etiam nunc de indicando dubi-
tat, ut dicitis, informat ad hoc adumbratum indicium fi-
lium: quid tandem de illa nocte, cum inter falcarios ad
M. Leccam nocte ea, quæ consecuta est posterum diē No-
narū Nou. me Consule Catilinæ denunciatione cōuenit?
quæ nox omniū temporum coniurationis acerrima fuit,
atque acerbißima. tū Catilinæ dies exeundi, tum cæteris
manendi cōditio, tum descriptio totam per urbem cædis
atque incendiōrū constituta est: tunc tuus pater Corneli,
id quod tandem aliquando confitetur, illam sibi officio-
sam provinciam depoposcit, ut, cum prima luce Consu-
lem salutatum ueniret, intronissus meo more, et iure
amicitiæ, me in meo lectulo trucidaret. hoc tempore, cū
arderet acerrime coniuratio, cum Catilina egrederetur
ad exercitiū, Lentulus in urbe relinqueretur, Cassius in-
cēdijs, Cethegus cædi præponeretur, Antronio, ut occupa-
ret Hetruriam, præscriberetur, cum omnia ordinaretur,
instituerentur, pararentur, ubi fuit Sylla Corneli? num
Romæ? immo longe abfuit. num in ijs legionibus, quò se
Catilina referebat? multo etiā longius. num in agro Ca-
merti, Piceno, Gallico, quas oras maxime quasi morbus
quidam illius furoris peruaserat? nihil uero minus: fuit
enim, ut iam ante dixi, Neapoli: fuit in ea parte Italiæ,
quæ maxime ea suspitione caruit. quid ergo indicat, aut
quid affert aut ipse Cornelius, aut uos, qui ab eo hæc mā-
data defertis? gladiatores emptos esse Fausti simulatio-

Cic. Orat.

Z Z

O R A T I O

ne ad cædem ac tumultum. ita prorsus: interpositi sunt gladiatores, quos testamēto patris uidemus deberi. Arrepta est familia, quæ si esset prætermissa, posset alia familia Fausti munus præbere. utinā quidē hæc ipsa non modo iniquorum inuidiæ, sed & æquorū expectationi satisfacere posset. Properatū uehementer, cum longe tempus muneris abesset. quasi uero tēpus dandi muneris nō ualde appropinquaret. Nec opinante Fausto, cū is neque sciret, neq; uellet, familia est cōparata. at literæ sunt Fausti, per quas ille precibus à P. Sylla petit, ut emat gladiatores, & ut hos ipsos emat: neque solū ad Syllam missæ, sed ad L. Cæsarem, Q. Pompeium, C. Memmium, quorum de sententia tota res gesta est. At præfuit familiæ Cornelius. iam si in comparanda familia suspicio est nulla; q̄ præfuit, nihil ad rem pertinet. sed tamen munere seruili obtulit se ad ferramēta prospicienda, præfuit uero nunquā: cāq; res per bellum Fausti libertum omni tempore administrata est. At. n. Cincius est ab hoc in ulteriore Hispaniam missus, ut eam prouinciam perturbaret. primum, Cincius iudices L. Iulio C. Figulo Coss. profectus est aliquanto ante furorem Catilinæ, & ante suspicionem huius coniurationis: deinde, est profectus non tam primum, sed cum in iisdem locis aliquāto ante eadem de causa aliquot annos fuisset: ac profectus est non modo ob causam, sed etiā necessariam causam, magna ratione cum Mauritaniæ Rege contracta. tum autem, illo profectō, Sylla procurante eius rem, & gerēte, plurimis & pulcherrimis P. Cincij prædijs uenditis, æs alienū eiusdem dissolutum est: ut quæ causa ceteros ad facinus impulit, cupiditas retinendæ possessionis, ea Cin-

cio non fuerit prædijs diminutis. iam uero illud q̄ incre-
dibile, q̄ absurdum; qui Romæ eadem facere, qui hanc
urbem inflāmare uellet, eum familiarissimum suum di-
mittere ab se & mādare in ultimas terras? utrum, quo
facilius Romæ ea, quæ conabatur, efficeret, si in Hispa-
nia turbatū esset? at hæc ipsa per se sine ulla cōiunctio-
ne agebantur. an in tantis rebus, tam nouis cōsilijs, tam
periculosjs, tam turbulentis hominē amantissimum sui,
familiarissimum, coniunctissimū officijs, usu, cōsuetudi-
ne, dimittendum esse arbitraretur? uerisimile nō est, ut,
quē in secundis rebus, quem in otio secū semper habuif-
set, hunc in aduersis, & in eo tumultu, quem ipse cōpa-
rabat, ab se dimitteret. ipse autē Cincius (nō enim mihi
deferenda est causa amici ueteris atque hospitis) is ho-
mo est, aut ea familia ac disciplina, ut hoc credi possit,
eum bellum Reip. facere uoluisse: ut cuius pater, cū cæ-
teri deficerent finitimi ac uicini, singulari extiterit in
Remp. nostram officio, & fide, is sibi nefarium bellum
contra patriā suscipiendum putaret. cuius æs alienū ui-
demus iudices nō libidine, sed negotij gerendi studio esse
contractum: qui ita Romæ debuit, ut in prouincijs, et in
regnis maximæ ei pecuniæ deberentur: quas cum pete-
ret, nō cōmisit, ut sui procuratores quidquā oneris absen-
te se sustinerent: uenire omnes suas possessiones, & pa-
trimonio se ornatissimo spoliari maluit, q̄ ullam moram
cuiquam fieri creditorū suorum. à quo quidē genere iu-
dices ego nunquā timui, cū in illa Reip. tempestate uer-
sarer. illud erat genus hominū horribile & pertimescen-
dum, qui tātō amore suas possessiones amplexi tenebāt,
ut ab ijs membra diuelli citius ac distrahi posse diceres.

Z Z ij

O R A T I O

Cincius nunquā sibi cognationē cum prædijs esse existi-
 mauit suis: itaq; se non modo ex suspitione tātī sceleris,
 uerum etiā ex omni hominū sermone nō armis, sed pa-
 trimonio suo uendicauit. Iam uero, quod subiicit, Pō
 peianos esse à Sylla impulsos, ut ad istā coniurationē, et
 ad hoc nefariū facinus accederēt, id cuiusmodi sit, intel-
 ligere nō possum. an tibi Pompeiani cōiurasse uidentur?
 quis hoc unquā dixit? aut quæ fuit istius rei uel minima
 suspicio? disiunxit, inquit, eos à colonis, ut hoc dissidio ac
 dissensione facta oppidū in sua potestate posset, & Pom-
 peianos habere. primum, omnis Pompeianorum colono-
 rumq; dissensio delata ad patronos est, cum iam inuete-
 rasset, ac multos annos esset exagitata: deinde, ita à pa-
 tronīs res cognita est, ut nulla in re à cæterorum senten-
 tijs Sylla dissenserit: postremo, coloni ipsi sic intelligunt,
 nō Pompeianos à Sylla magis, q̄ sese esse defensos. atque
 hoc iudices ex hac frequētia colonorum, honestissimorū
 hominum, intelligere potestis: qui adsunt, laborant, hunc
 patronū, defensorem, custodem illius colonix, si in omni
 fortuna, atque omni honore incolumē habere nō potue-
 runt, in hoc tamen casu, quo afflētus iacet, per uos tuta-
 ri conseruareq; cupiunt. adsunt pari studio Pompeiani,
 qui ab illis etiā in crimen uocantur: qui ita de ambi-
 tione, & de suffragijs suis cum colonis dissenserunt, ut
 idem de cōmuni salute sentiret. ac ne hæc quidem P. Syl-
 læ mihi uidetur silentio prætereunda esse uirtus, q̄, cum
 ab hoc illa colonia deducta sit, & cum cōmoda colono-
 rum à fortunis Pompeianorum populi R. fortuna diui-
 serit, ita charus utrisq; est, atque iucūdus, ut nō alteros
 dimouisse, sed utrosq; constituisse uideatur. at enim &

gladiatores & omnis ista uis rogationis Cæcilie causa cōparabantur : atque hoc in loco in L. Cæciliū, prudentissimū, atque ornatissimū uirū, uehementer inuectus est : cuius ego de uirtute & cōstantia iudices tantū dico, talē hunc in ista rogatione, quā promulgauit non de tollenda, sed de leuanda calamitate fratris sui, fuisse, ut cōsultum esse uoluerit fratri, tamen cum Rep. pugnare noluerit ; promulgarit impulsus amore fraterno, destiterit fratris auctoritate deductus. atque in ea re per L. Cæciliū Sylla accusatur, in qua re est uterque laudandus. Primum Cæcilius, qui id promulgarit, in quo res iudicatas uidebatur uoluisse rescindere, ut statueretur : Sylla recte reprehendit : status enim Reip. maxime iudicatis rebus cōtinetur: neque ego tantū fraterno amorī dandū arbitror, ut quisquā de salute suorum cōsulat, cōmunē relinquat. nihil de iudicio ferebat: sed pœnam ambitus eam ferebat, quæ fuerat nuper superioribus legibus constituta : itaque hac rogatione nō iudicū sententiam, sed legis uitium corripiebat. nemo iudiciū reprehēdit, cum de pœna queritur, sed legem: damnatio enim est iudicū, quæ manebat ; pœna legis, quæ leuabatur. noli igitur animos eorum ordinum, qui præsunt iudicijs summa cū grauitate, & dignitate, alienare à causa. nemo labefactare iudiciū est conatus: nihil est eiusmodi promulgatum : semper Cæcilius in calamitate fratris sui iudicū potestatem perpetuandam, legis acerbiteratē mitigandam putauit. sed quid ego de hoc plura disputem? dicerem fortasse, & facile, & libenter dicerem: si paulo etiā longius, q̄ finis quotidiani officij postulat, pietas & fraternus amor L. Cæciliū protulisset, implorarem sensus

O R A T I O

uestros, uniuscuiusque indulgentiam in suos testarer, pe-
 terem errato ueniam L. Cæcilij ex intimis uestris cogita-
 tionibus, atque ex humanitate cõmuni. lex dies fuit pro-
 posita paucos, ferri cœpta nũquã: posita est in senatu,
 populũ R. latuit: cum in Capitolium nos senatũ conuo-
 cassemus, nihil est actum prius: & id mandato Syllæ
 Q. Metellus Prætor se loqui dixit, Syllam illam roga-
 tionem de se nolle ferri. ex illo tempore L. Cæcilius mul-
 ta de Rep. egit: agrariæ legi, quæ tota à me reprehensa
 & abiecta est, intercessorem fore professus est: improbis
 largitionibus restitit: senatus auctoritatem nunquã im-
 pediuit: ita se gessit in Tribunatu, ut onere deposito do-
 mestici officij, nihil postea nisi de Reip. cõmodis cogitarit.
 atque in ipsa rogatione, ne per uim quid ageretur, quis
 tamen uestrum Syllam aut Cæcilium uerebatur? non ne
 omnis seditionis timor, atq; opinio ex Antronij improbi-
 tate pendebat? eius uoces, eius minæ ferebantur: eius
 aspectus, concursatio, stipatio, greges hominum perditio-
 rum metum nobis seditionesq; afferebāt: itaque P. Syl-
 la, hoc importunissimo tũ honoris, tum etiã calamitatis
 socio, atq; comite, & secũdas fortunas amittere coactus
 est, & in aduersis sine ullo remedio, atque alleuamento
 permanere. Hic tu epistolã meã sæpe recitas, quã ego
 ad Cn. Põpeiũ de meis rebus gestis, & de summa Reip.
 misi: & ex ea crimen aliquod in P. Syllam quæris: &
 si fauorẽ incredibilem biennio ante conceptũ erupisse in
 meo Consulatu scripsi, me hoc demonstrasse dicit, Syllã in
 illa fuisse superiore cõiuratione. scilicet is sum, qui existi-
 mẽ Cn. Pisonem, & Catilinã, & Vargunteium, & An-
 troniũ nihil scelerate, nihil audacter ipsos per sese sine

P. Sylla facere potuisse. de quo etiā si quis dubitasset anteā, nū id, quod tu arguis, cogitasset, interfecto patre tuo Cōsule descēdere Calendis Ian. cum liētoribus? sustulisti hanc suspiciōē, cū dixisti hūc, ut Catilinā Cōsulem efficeret, contra patrē tuū operas & manū cōparasse. quod si tibi ego cōfiteor, tu mihi cōcedas necesse est, hūc, cū Catilinā suffragaretur, nihil de suo Consulatu, quē iudicio amiserat, per uim recuperādo cogitauisse: neq; n. istorū facinorū tantorum, tam atrociū crimen iudices P. Syllae persona suscipit. iam enim faciā, criminibus omnibus ferē dissolutis, cōtra atq; in cāteris causis fieri solet, ut nūc denique de uita hominis, ac de moribus dicā: etenim de principio studuit animus occurrere magnitudini criminis, satisfacere expectationi hominū, de me aliquid, & de ipso, qui accusatus est, dicere: nūc iā reuocādi estis eō, quō uos ipsa causa etiā tacente me cogit, animis. Omnibus in rebus iudices, quæ grauiiores maioresq; sunt, quid quisq; uoluerit, cogitarit, admiserit, nō ex crimine, sed ex moribus eius, qui arguitur, est pōderādū: neq; n. potest quisquā nostrū subito fingi, neque cuiusquā repēte uita mutari, aut natura cōuerti. circūspicite paulisper mētibus uestris, ut alia omittamus, hosce ipsos homines, qui huic affines sceleri fuerūt. Catilina cōtra Remp. cōiurauit. cuius aures unquā hoc respuerūt, conatū esse hominē usq; à pueritia non solū intemperātia, & scelere, sed etiā cōsuetudine, & studio in omni flagitio, stupro, cāde uersatū? quis eū contra patriā pugnantem perisse miratur, quem semper omnes ad ciuile latrocinium natū putauerunt? quis Lentuli societates cum indicibus? quis insaniam libidinum? quis peruersam, atque impiam

O R A T I O

religionem recordatur, qui illum aut nefarie, aut stulte
 cogitasse miretur? quis de C. Cethego, atque eius in Hi-
 spaniā profectiōe, ac de uulnere Q. Metelli Pij cogitat,
 cui nō ad illius pœnam carcer ædificatus esse uideatur?
 omitto cæteros, ne sit infinitum: tantū à uobis peto, ut ra-
 citi de omnibus, quos coniurasse cognitum est, cogitetis:
 intelligetis unūquenque illorū prius à sua uita, q̄ nostra
 suspiciōe esse damnatū. ipsum illū Antronium (quoniā
 eius nomen finitimum maxime est huius periculo et cri-
 mini) non sua consuetudo, ac uita cōuincit? semper au-
 dax, petulans, libidinosus. quem in stuprorum defensio-
 nibus nō solum uerbis uti improbissimis solitum esse sci-
 mus, uerum etiam pugnis, & calcibus; quem exturbare
 homines è possessionibus, cædē facere uicinorū, spoliare
 fana sociorū, uī conatum et armis disturbare iudicia, in
 bonis rebus omnes contēnere, in malis pugnare cōtra bo-
 nos, nō Reip. cedere, non fortunæ ipsi succumbere: huius
 si causa nō manifestissimis rebus teneretur, tamen eum
 mores ipsius, ac uita cōuincerent. agedum conferte nunc
 cum illius uita uitā P. Syllæ, uobis populoq; R. notissimā
 iudices, & eā ante oculos uestros proponite. ecquod hu-
 ius factū, aut cōmissum nō dicā audacius, sed quod cui-
 quā paulo minus consideratū uideretur factum, quero?
 uerū ecquod unquā ex ore huius excidit, unde quisquā
 posset offendi? at uero in illa graui I. Syllæ uictoria tur-
 bulentaq; quis P. Sylla mitior? q̄ multorum hic uitam
 est à L. Sylla deprecatus? quā multi sunt summi ho-
 mines & ornatiissimi, & nostri et equestris ordinis, quo-
 rum pro salute se hic Syllæ obligauit? quos ego nomi-
 narem: neque enim ipsi nolunt, & huic animo gra-

tissimo ad sunt: sed quia maius est beneficium, quod posse debet civis civi dare, ideo à vobis peto, ut, quod potuit, tempori tribuatis; quod fecit, ipsi. quid reliqua constantiam vite commemorem? dignitatem, liberalitatem, moderationem in privatis rebus, splendorem in publicis? quæ ita à fortuna deformata sunt, ut tamē à natura inchoata comparerent. quæ domus? quæ celebratio quotidiana? quæ familiaris dignitas? quæ studia amicorum? quæ ex quoque ordine multitudo? hæc diu multum, et multo labore quæ sita una eripuit hora. accepit P. Sylla iudices uehemens uulnus, et mortiferum, uerū tamē eiusmodi, quod uidetur eius uita, et natura accipere potuisse: honestatis, et dignitatis habuisse nimis magnam iudicatus est cupiditatem. quam si nemo alius habuit in Consulatu petendo, cupidior iudicatus est hic fuisse, quam ceteri. sin etiam in alijs non nullis fuit iste Consulatus amor, fortuna in hoc fuit fortasse grauior, quam in ceteris. postea uero quis P. Syllam, nisi moerentem, demissum, afflictumque, uidit? quis unquam est suspicatus hunc magis odio, quam pudore, hominum aspectum, lucemque uitare? qui dum multa haberet inuita metra urbis, et fori propter summa studia amicorum, quæ tamen ei sola in malis restiterunt, abfuit ab oculis uestris, et, cum lege retineretur, ipse se exilio penè mulctauit. in hoc uos pudore iudicij, et in hac uita tanto scelere locum fuisse creditis? aspiciate ipsum, contuemini os, conferte crimen cum uita usque ad hoc tempus explicata: tum crimē recognoscite. mitto Remp. quæ fuit semper Syllæ charissima. hos ne amicos, tales uiros, tam cupidos sui, per quos res eius secundæ quondam erant ornatæ, nunc subleuantur aduersæ, crudelissime perire uoluit, ut cum Lætulo,

O R A T I O

Et Catilina, Et Cethego foedissimam uitam ac miserrimam turpissima morte proposita degeret? non inquam cadit in hos mores, non in hunc pudorem, non in hanc uitam, non in hunc hominem ista suspicio. noua quaedam illa immanitas exorta est: incredibilis fuit ac singularis furor: ex multis ab adolescentia collectis perditorum hominum uitis repente tanta ista importunitas inauditi sceleris exarsit. nolite iudices arbitrari hominum illum impetum, Et conatum fuisse: neque. n. ulla gens tam barbara, aut tam immanis unquam fuit, in qua non modo tot, sed unus tam crudelis hostis patriae sit inuentus. belluae quaedam illae ex portentis immanes, ac ferae, forma hominum indutae extiterunt. perspicite etiam atque etiam iudices: nihil enim est, quod in hac causa dici possit uehementius. penitus introspicite Catilinam, Antronij, Cethegi, Lentuli ceterorumque mentes: quas uos in his libidines, quae flagitia, quas turpitudines, quantas audacias, quam incredibiles furores, quas notas scelerum, quae indicia parricidiorum, quantos acervos facinorum reperietis? ex magnis, Et diuturnis, Et iam desperatis Reip. morbis ista repente uis erupit, ut, ea confecta Et eiecta, conalescere aliquando Et sanari ciuitas possit: neque enim est quisquam, qui arbitretur illis inclusis in Rep. pestibus diutius hoc imperium stare potuisse: itaque eos non ad perficiendum scelus, sed ad luendas Reip. poenas furiae quaedam incitauerunt. in hunc igitur gregem uos nunc P. Syllam iudices ex his, qui cum hoc uiuunt atque uixerunt, honestissimorum hominum gregibus reicietis? ex hoc hominum numero, ex hac familiari dignitate in impiorum partem, atque in parricidarum coetum ac numerum transfere=

tis? ubi erit igitur illud fortissimum præsidium pudoris?
quo in loco nobis uita ante acta proderit? quod ad tem=
pus existimationis partæ fructus reseruabitur, si in ex=
tremo discrimine ac dimicatione fortunæ deseruerit, si
nō aderit, si nihil adiuuabit? quæstiones nobis seruorū ac
tormenta accusator minitatur. in quibus quāquam nil
periculi suspicamur, tamen illa tormenta gubernat do=
lor, moderatur natura cuiusque tum animi, tum corpo=
ris, regit quæsitio, flectit libido, corrumpit spes, infirmat
metus, ut in tot rerum angustiis nihil ueritati loci relin=
quatur. uita P. Syllæ torqueatur: ex ea quærat, num
quæ occultetur libido, num quod lateat facinus, nū quæ
crudelitas, num quæ audacia: nihil erroris erit in causa,
nec obscuritatis indices, si à uobis uitæ perpetuæ uox ea,
quæ grauissima debet esse, audietur. nullū in hac causa
testem timemus: nihil quēquam scire, nihil uidisse, nihil
audisse arbitramur. sed tamen si nihil uos P. Syllæ for=
tuna mouet indices, uestra moueat: uestra enim, qui cū
summa elegantia, atq; integritate uixistis, hoc maxime
interest, nō ex libidine, aut similitate, aut leuitate testiū
causas honestorum hominum ponderari, sed in magnis
disquisitionibus, repētiniq; periculis uitā uniuscuiusq;
esse testem. quam uos indices nolite armis suis spolia=
tam atque nudatam obicere inuidiæ, dedere suspicio=
ni: munite communem arcem bonorum: obstruite per=
fugia improborū: ualeat ad pœnam & ad salutem plu=
rimum, quā solam uidetis ipsam ex ui sua naturaq; fa=
cillime perspicui, subito flecti fingiq; non posse. quid uero
hæc auctoritas, (semper. n. de ea dicendū est, quāquam
à me timide modiceq; dicetur) quid, inquam, hæc aucto

O R A T I O

ritas nostra, qui à cæteris coniurationis causis abstinui-
 mus, P. Syllam defendimus, nihil hunc tandem iuuabit?
 graue, si appetimus aliquid: si, cū cæteri de nobis silent,
 nō etiam nosmet ipsi tacemus, graue: sed si lædimur, si
 accusamur, si in inuidiam uocamur; profecto cōceditis
 iudices, ut nobis libertatē retinere liceat, si minus liceat
 dignitatem. Accusati sunt uno nomine cōsulares: ut iam
 uideatur honoris amplissimi nomen plus inuidiæ, quàm
 dignitatis afferre. affuerūt, inquit, Catilinæ, illumq; lau-
 darunt. nulla tū patebat, nulla erat cognita coniuratio:
 defendebant amicum, aderant supplici, uitæ eius turpi-
 tudinē in summis eius periculis non insequēbātur. quin
 etiam parens tuus Torquate Consul reo de pecunijs repe-
 tundis Catilinæ fuit aduocatus, improbo homini, at sup-
 plici, fortasse audaci, at aliquādo amico. cui cum adfuit
 post delatā ad eū primā illam coniurationem, indicauit
 se audisse aliquid, nō credidisse. at idē non adfuit alio in
 iudicio, cum adessent cæteri. si postea cognorat ipse ali-
 quid, quod in Cōsulatu ignorasset: ignoscendū est ijs, qui
 postea nihil audierunt. sin illa res de pecunijs repetūdis
 prima ualuit: non inueterata, q̄ recens debuit esse gra-
 uior. sed si tuus parens etiam in illa suspitione periculi
 sui, tamē humanitate adductus aduocationem hominis
 improbissimi sella curuli, atq; ornamentis & suis et Cō-
 sulatus honestauit: quid est, quāobrem cōsulares, qui Cat-
 linæ adfuerunt, reprehendantur? at ijdem ijs, qui ante
 hunc causam de coniuratione dixerunt, nō adfuerūt: tā-
 to scelere astrictis hominibus statuerunt nihil à se adiu-
 menti, nihil opis, nihil auxiliij ferri oportere. atque ut de
 eorū cōstātia atque animo in Remp. dicam, quorū tacita

grauitas, & fides de unoquoque loquitur, neq; cuiusquā ornamenta orationis desiderat: potest quisquam dicere, unquā meliores, fortiores, cōstantiores consulares fuisse, quā ijs tēporibus et periculis, quibus penē oppressa est Resp? quis non de communi salute apertissime, quis non fortissime, quis non cōstantissime sensit? neque ego precipue de cōsularibus disputo: nam hæc hominū ornatissimorum, qui Prætores fuerunt, & uniuerſi senatus cōmunis est laus: ut cōstet, post hominum memoriam nunquam in illo ordine plus uirtutis, plus amoris in Remp. plus grauitatis fuisse. sed quia sunt descripti consulares, de his tantum mihi dicendū putauī, quod satis esset, attestāte memoria omnium, neminem esse ex illo honoris gradu, qui nō omni studio, uirtute, auctoritate incubuerit ad Remp. conseruandā. sed quid? ego, qui Catilinam non laudaui, qui reo Catilinæ Consul nō adfui, qui testimonium de coniuratione dixi in alios, adeo ne uobis alienus à sanitate, adeo oblitus constantiæ meæ, adeo immemor rerum à me gestarum esse uideor, ut, cum Consul bellum gesserim cum coniuratis, nunc eorum ducem cōseruare cupiam? & in animum inducam, cuius nuper ferrum retulerim, flāmamq; restinxerim, eiusdem nunc causam uitamq; defendere? si mediusfidius iudices non me ipsa Resp. meis laboribus & periculis conseruata, ad grauitatem animi & cōstantiam sua dignitate renocaret, tamē hoc natura est insitum, ut, quem timueris, qui cum de uita fortunisque contenderis, cuius ex insidijs euaseris, hunc semper oderis. sed cum agatur honos meus amplissimus, gloria rerum gestarum singularis, cum, quoties quisquā est in hoc scelere conuiētus, toties reno-

O R A T I O

uetur memoria per me inuenta salutis: ego sim tam de-
mens, ego cōmittam, ut ea, quæ pro salute omniū gessi,
casu magis & felicitate à me, q̄ uirtute & cōsilio gesta
esse uideantur? quid ergo? hoc tibi sumis, dicet fortasse
quispiam, ut, quia tu defenderis, innocens iudicetur? ego
uero iudices nō modo nihil mihi assumo, in quo quispiā
repugnet; sed etiā, si quid ab omnibus cōceditur, id red-
do ac remitto. non in ea Rep. uersor, non ijs temporibus
caput meū obtuli pro patria periculis omnibus, non aut
ita sunt extincti quos uici, aut ita grati quos seruaui, ut
eo mihi plus appetere coner, q̄ quantum omnes inimici
inuidi q̄ patiantur. graue esse eum uideretur, qui inue-
stigarit coniurationē, qui patefecerit, qui oppresserit, cui
senatus singularibus uerbis gratias egerit, cui uni toga-
to supplicationē decreuerit, dicere in iudicio: nō defende-
rē, si coniurasset. non dico id, quod graue est: dico illud,
quod in his causis coniurationis nō auctoritati assumā,
sed pudori meo: ego ille coniurationis inuestigator atq;
ultor, certe non defenderem Syllam, si coniurasse arbi-
trarer: ego iudices de tantis omnium periculis cum quæ-
rerem omnia, multa audirem, nō crederem omnia, caue-
rem omnia, dico hoc, quod initio dixi, nullius indicio, nul-
lius suspicione, nullis literis de re P. Syllæ rem ulla ad
me esse delatam. quamobrē uos dii patrij ac penates, qui
huic urbi atq; huic imperio præsidetis, qui hoc imperiū,
qui hanc libertatē, populum q̄; R. qui hæc teēta atque tē-
pla me Cōsule, uestro numine auxilio q̄; seruaſtis, testor,
integro me animo ac libero P. Syllæ causam defendere,
nullum à me sciente facinus occultari, nullum scelus su-
sceptum contra salutem omnium defendi ac tegi. nihil

de hoc Consul cōperi, nihil suspicatus sum, nihil audiui. itaque idē ego ille, qui uehemēs in alios, qui inexorabilis in ceteros esse uisus sum, persolui patriæ, quod debui: reliqua iā à me meæ perpetuæ consuetudini naturæq; debentur. tam sum misericors iudices, quàm uos; tam mitis, quàm qui lenissimus. in quo uehemēs fui uobiscum, nihil feci nisi coactus: Reip. præcipit. ari subueni: patriam demersam extuli, misericordia ciuium adducti tunc fuimus tam uehementes, q̄ necesse fuit. salus esset omnium amissa una nocte, nisi esset seueritas illa suscepta. sed ut ad sceleratorum pœnam amore Reip. sum adductus, sic ad salutem innocentium uoluntate deducor. nihil uideo esse in hoc P. Sylla indices odio dignum, misericordia digna multa: neque. n. nunc propulsandæ calamitatis suæ causa supplex ad uos indices cōfugit, sed ne qua generi ac nomini suo nota nefariæ turpitudinis inuratur. nā ipse quidē, si erit uestro iudicio liberatus, quæ habet ornamenta, quæ solatia reliquæ uitæ, quibus letari et perfrui possit? domus erit, credo, exornata: aperientur maiorum imagines: ipse ornatū ac uestitum recuperabit. omnia indices hæc amissa sunt: omnia generis, nominis, honoris insignia atq; ornamenta unius iudicij calamitate occiderunt. sed ne extinctor patriæ, ne proditor, ne hostis appelletur, ne hanc labē tanti generis in familia relinquat, id laborat, id metuit; cui honoris integros fructus non sit traditurus, ne æternā memoriam dedecoris relinquat. hic uos orat iudices paruus, ut se aliquando si non integra fortuna, at afflicta patri suo gratulari sinatis. huic misero notiora sunt iudiciorū itinera & fori, q̄ disciplinarum. non iam de uita P. Syllæ indices, sed de sepultura con-

O R A T I O

tenditur. uita erepta est superiore iudicio: nūc, ne corpus
 eijciatur, laboramus: quid enim est huic reliqui, quod eū
 in uita hac teneat? aut quid est, quāobrem hac cuiquā
 uita uideatur? nuper is homo fuit in ciuitate P. Sylla, ut
 nemo ei se neque honore, neq; gratia, nec fortunis ante-
 ferret. nūc spoliatus omni dignitate, quæ erepta sunt, nō
 repetit: quod fortuna in malis reliqui fecit, ut cū paren-
 te, cum liberis, cum fratre, cum his necessarijs lugere suā
 calamitatem liceat, id sibi ne eripiatis, indices uos obtesta-
 tur. Te ipsum iam Torquate expletum huius miserijs,
 pateat. etsi nihil aliud Syllæ nisi Consulatum abstulisse-
 tis, tamen eo uos cōtentos esse oportebat: honoris. n. con-
 tentio uos ad causam, non inimiciæ deduxerunt. sed cū
 huic omnia cum honore detracta sint; cū in hac fortu-
 na misera ac luctuosissima destitutus sit: quid est, quod
 expetas amplius? lucis ne hāc usurā eripere uis plenam
 lacrymarum atque mœroris, in qua cum maximo cru-
 ciatu atque dolore retinetur? libenter reddiderit adem-
 pta ignominia fœdissimi criminis. an uero inimicum ut
 expellas? cuius ex miserijs, si esses crudelissimus, uidendo
 fructū caperes maiorem, quā audiendo. ò miserum, et
 infelicē illum diem, quo Consul omnibus centurijs P. Syl-
 la renūciatus est: ò falsam spem: ò uolucrem fortunam:
 ò cæcam cupiditatem: ò præposteram gratulationem.
 q̄ cito illa omnia ex lætitia & uoluptate ad luctum &
 lacrymas reciderūt: ut, qui paulo ante Consul designa-
 tus fuisset, retineret repente nullū uestigium pristinae di-
 gnitatis: quid. n. erat mali, quod huic spoliato honore, fa-
 ma, fortunis deesse uideretur? aut cui nouæ calamitati
 locus ullus relictus esset? urget eadē fortuna, quæ cœpit:
 reperit

reperit nouum mœrorem: non patitur hominem calamitosum uno modo afflictum uno in luctu perire. Sed iam impediōr egomet iudices dolore animi, ne de huius miseria plura dicam. uestræ iam sunt partes iudices: in uestra mansuetudine atque humanitate causam totā repono. uos & reiectione interposita nihil suspiciatibus nobis repentini in nos iudices consedistis, ab accusatoribus delecti ad spem acerbitatis, à fortuna nobis ad præsidium innocentie constituti. ut ego, quid de me populus R. existimaret, quia seuerus in improbos fueram laboraui, & quæ prima innocentis mihi defensio est oblata, suscepi: sic uos seueritatem iudiciorum, quæ per hos menses in homines audacissimos facta est, lenitate ac misericordia mitigate. hoc cum impetrare à uobis ipsa causa debet: tum est uestri animi atque uirtutis declarare, nō esse eos uos, ad quos potissimum interposita reiectione deuenire cōueniret. in quo ego iudices uos, quātum meus amor in uos postulat, tantum hortor, ut communi studio, quoniam in Rep. coniuncti sumus, māsuetudine, & misericordia uestra falsam à nobis crudelitatis famam repellamus.

PRO A. LICINIO
ARCHIA POETA.
ORATIO XXVI.

I quid est in me ingenij iudices, quod sentio q̄ sit exiguum; aut si qua exercitatio dicendi, in qua me non inficior mediocriter esse uersatum; aut si huiusce rei ratio aliqua ab optimarū artium studiis, & disciplina profecta, à qua ego nullum confiteor atatis meæ tempus abhorruisse: earum rerum omnium uel in primis hic A. Licinius fructum à me repetere propè suo iure debet: nam quoad longissime potest mens mea respicere spatium præteriti temporis, & pueritiæ memoriam recordari ultimam, inde usque repetens, hunc uideo mihi principem & ad suscipiendā, & ad ingrediendam rationem horum studiorum extitisse. q̄ si hæc uox huius hortatu, præceptisq; conformata, nō nullis aliquando saluti fuit: à quo id accepimus, quo cæteris opitulari, & alios seruare possemus, huic profecto ipsi, quantum est situm in nobis, & opē, & salutem ferre debemus. ac ne quis à nobis hoc ita dici forte miretur, q̄ alia quædam in hoc facultas sit ingenij, neque hæc dicēdi ratio aut disciplina: nec nos quidē huic cuncti studio penitus unquā dediti fuimus: etenim omnes artes, quæ ad humanitatem pertinent, habent quoddā commune uinculum, & quasi cognatione quadā inter se continētur. sed ne cui uestrum mirum esse uideatur, me in quæstione legitima, & in iudicio publico, cū res agatur apud Prætorem populi R. lectissimum uirum,

Et apud seuerissimos iudices, tanto conuentu hominū
ac frequentia, hoc uti genere dicendi, quod nō modo à
consuetudine iudiciorum, uerum etiam à forēsi sermo-
ne abhorreat: quæso à uobis, ut in hac causa mihi detis
hanc ueniam, accommodatam huic reo, uobis, quem ad-
modum spero, non molestam, ut me pro summo poeta
atq; eruditissimo homine dicentē, hoc concursu homi-
num literatissimorum, hac uestra humanitate, hoc de-
niq; Prætorē exercente iudiciū, patiamini de studijs hu-
manitatis ac literarum paulo loqui liberius, Et in eius-
modi persona, quæ propter otium ac studium minime
in iudicijs periculisq; tractata est, uti propè nouo quo-
dam, Et inusitato genere dicendi. quod si mihi à uobis
tribui concediq; sentiam, perficiam profecto, ut hunc
A. Licinium nō modo non segregandum, cum sit ciuis, à
numero ciuium, uerum etiam, si non esset, putetis ascen-
dendum fuisse. Nam ut primum ex pueris excessit Ar-
chias, atq; ab ijs artibus, quibus ætas puerilis ad humani-
tatem informari solet, se ad scribendi studium cōtulit:
primum Antiochiæ (nam ibi natus est, loco nobili, Et ce-
lebri quondam urbe, Et copiosa, atq; eruditissimis ho-
minibus, liberalissimisq; studijs affluenti) celeriter ante-
cellere omnibus ingenij gloria contigit: post in cæteris
Asiæ partibus, cunctaq; Græciæ sic eius aduētus celebra-
batur, ut famā ingenij expectatio hominis, expectatio-
nē ipsius aduētus admiratioq; superaret. erat Italia tūc
plena Græcarū artiū ac disciplinarum; studiaq; hæc Et
in Latio uehementius tum colebātur, quàm nunc ijs-
dem in oppidis; Et hic Romæ propter tranquillitatem
Reip. non negligebantur: itaq; hunc Et Tarentini, Et

Rhegyni, & Neapolitani ciuitate cæterisq; præmijs donarunt; & omnes, qui aliquid de ingenijs poterant iudicare, cognitione atq; hospitio dignū existimarunt. hac tanta celebritate famæ, cum esset iā absentibus notus, Romam uenit Mario Consule, & Catulo: nactus est primum Cōsules eos, quorum alter res ad scribendum maximas, alter cum res gestas, tum etiā studium atque au res adhibere posset. statim Luculli, cū prætextatus etiā tum Archias esset, eum domū suā receperunt. sed enim hoc nō solum ingenij ac literarum, uerum etiā naturæ atque uirtutis fuit, ut domus, quæ huius adoleſcētiae prima fuerit, eadem esset familiarissima senectuti. erat tēporibus illis iucundus Q. Metello illi Numidico, et eius Pio filio: audiebatur à M. Aemilio: uiuebat cum Q. Catulo, & patre & filio: à L. Crasso colebatur: Lucullos uero, & Drusum, & Octauios, & Catonem, & totam Hortēſiorum domum deuinctam consuetudine cū teneret, afficiebatur summo honore, quod eum nō solū colebāt, qui aliquid percipere aut audire studebāt, uerū etiam si qui forte simulabant. interim satis longo intervallo, cum esset cum L. Lucullo in Cili ciā profectus, & cum ex ea prouincia cum eodem Lucullo decederet, uenit Heraclæam: quæ cum esset ciuitas æquissimo iure ac fœdere, ascribi se in eam ciuitatem uoluit, idq; cum ipse per se dignus putaretur, tum auctoritate, & gratia Luculli ab Heraclienſibus impetrauit. data est ciuitas Silani lege & Carbonis, si qui fœderatis ciuitatibus ascripti fuissent, si tū, cum lex ferebatur, in Italia domicilium habuissent, & si sexaginta diebus apud Prætorē essent professi. cum hic domicilium Romæ multos iam annos

haberet, professus est apud Prætorem Q. Metellum familiarissimum suum. si nihil aliud, nisi de ciuitate ac lege, dicimus, nihil dico amplius, causa dicta est: quid. n. horum infirmari Gracche potest? Heracleæ ne esse eum ascriptum negabis? adest uir summa auctoritate, & religione, & fide L. Lucullus, qui se nō opinari, sed scire; nō audiuisse, sed uidisse; nō interfuisse, sed egisse dicit. adsunt Heraclienses Legati, nobilissimi homines: qui huius iudicii causa cum mandatis, & cum publico testimonio uenerunt, qui hunc ascriptum Heracliensem dicūt.

Hic tu tabulas desideras Heracliensium publicas, quas Italico bello incenso tabulario interisse scimus omnes. est ridiculum ad ea, quæ habemus, nihil dicere, quærere quæ habere nō possumus; & de hominū memoria tacere, literarū memoriā flagitare; & cū habeas amplissimi uiri religionem, integerrimi municipij iusiurandum, fidemq; ea, quæ deprauari nullo modo possunt, repudiare, tabulas, quas idem dicis solere corrumpi, desiderare.

At domicilium Romæ nō habuit, is, qui tot annis ante ciuitatem datam sedem omnium rerū ac fortunarū suarum Romæ collocauit. At nō est professus, immo uero ijs tabulis professus, quæ solæ ex illa professione collegioq; Prætorum obtinent publicarum tabularum auctoritatem: nam cū Appij tabulæ negligentius asseruatæ dicerentur, Gabinij, quandiu incolumis fuit, leuitas, post dānationem calamitas omnem tabularū fidem resignasset; Metellus, homo sanctissimus modestissimūq; omnium, tanta diligentia fuit, ut L. Lentulum Prætore, & ad iudices uenerit, & unius nominis litura se commotum esse dixerit. his igitur tabulis nullam liturā in

nomē A. Liciniū uidetis. quæ cum ita sint, quid est quod de eius ciuitate dubitetis? præsertim cū alijs quoque in ciuitatibus fuerit ascriptus. etenim cū mediocribus multis, & aut nulla, aut humili aliqua arte præditis gratuito ciuitatem in Græcia homines impertiebātur, Rhegy- nos credo, aut Locrenses, aut Neapolitanos, aut Tarenti- nos, quod scenicis artificibus largiri solebāt, id huic summa ingenij prædito gloria noluisse. quid? cū cæteri non modo post ciuitatem datā, sed etiam post legem Papiam aliquo modo in eorum municipiorum tabulas irrepse- runt: hic, qui nec utitur quidem illis, in quibus est scri- ptus, q̄ semper se Heracliensem esse uoluit, reijcietur? Censuram nostram requiris scilicet: est enim obscurum, pro- ximis Censoribus hūc cum clarissimo imperatore L. Lu- cullo apud exercitum fuisse, superioribus cum eodem Quæstore fuisse in Asia, primis Iulio & Crasso nullam populi partem esse censam. sed quoniam census non ius ciuitatis confirmat, ac tātummodo indicat, eum, qui sit cēsus, ita se iam tū gessisse pro ciue: ijs temporibus, quæ tu criminariis, ne ipsius quidem iudicio in ciuium R. iu- re esse uersatum, & testamentum sepe fecit nostris le- gibus, & adiit hæreditates ciuium R. & in beneficijs ad ærarium delatus est à L. Lucullo Præt. & Cos. quære ar- gumēta, si qua potes: nūquam. n. hic neque suo, neque amicorū iudicio reuincetur. Quæres à nobis Græ- che, cur tantopere hoc homine delectemur? quia suppe- ditat nobis, ubi & animus ex hoc forēsi strepitu reficia- tur, & aures cōuitio defessæ cōquiescāt. an tu existimas aut suppetere nobis posse, quod quotidie dicamus in tā ta uarietate rerum, nisi animos nostros doctrina exco-

lamus; aut ferre animos tantam posse contentionem, nisi eos doctrina eadem relaxemus? ego uero fateor me his studijs esse deditum. cæteros pudeat, si qui ita se literis abdiderunt, ut nihil possint ex his neque ad cõmunẽ afferre fructum, neque in aspectum lucemq; proferre: me autem quid pudeat? qui tot annos ita uiuo iudices, ut ab illis nullo me unquam tempore aut cõmodũ, aut otium meum abstraxerit, aut uoluptas auocarit, aut deniq; somnus retardarit. quare quis tãdem me reprehendat, aut quis mihi iure succenseat, si, quantũ cæteris ad suas res obeũdas, quantũ ad festos dies ludorũ celebrandos, quantũ ad alias uoluptates, & ad ipsam requiẽ animi & corporis conceditur temporis, quantum alij tribuunt tẽpestiuis conuiujs, quantũ denique alex, quantũ pilæ, tantũ mihi egomet ad hæc studia recolenda sumptero? atque hoc adeo mihi concedendũ est magis, q̃ ex his studijs hæc quoque crescit oratio, & facultas: quæ quantacũq; in me est, nunquam amicorũ periculis defuit: quæ si cui leuior uidetur, illa quidẽ certe, quæ summa sunt, ex quo fonte hauriam, sentio. nam nisi multorum præceptis, multisq; literis mihi ab adolescẽtia suasisset, nihil esse in uita magnopere expetendũ, nisi laudẽ atq; honestatem; in ea autem persequenda omnes cruciatus corporis, omnia pericula mortis atq; exiliij parũ esse ducenda: nunquam me pro salute uestra in tot ac tantas dimicationes, atq; in hos profligatorũ hominum quotidianos impetus obiecisset. sed pleni omnes sunt libri, plenæ sapientum uoces, plena exemplorum uetustas: quæ iacerent in tenebris omnia, nisi literarum lumen accenderet. quàm multas nobis imagines, non

solum ad intuendum, uerum etiā ad imitandum, fortissimorum uirorū expressas scriptores & Græci & Latini reliquerunt: quas ego mihi semper in administranda Rep. proponens, animū, & mentem meā ipsa cogitatione hominum excellentium cōformabam. quæret quispiam, quid illi ipsi summi uiri, quorum uirtutes literis proditæ sunt, istāne doctrina, quam tu laudibus effers, eruditi fuerunt? difficile est hoc de omnibus cōfirmare: sed tamen est certum, quid respōdeam. ego multos homines excellenti animo ac uirtute fuisse, & sine doctrina, naturæ ipsius habitu propè diuino, per se ipsos & moderatos, & graues extitisse fateor: etiā illud adiungo, sæpius ad laudem atq; uirtutem naturam sine doctrina, quā sine natura ualuisse doctrinā. atq; idem ego contēdo, cū ad naturam eximiam atq; illustrem accesserit ratio quædā cōformatioq; doctrinæ, tū illud nescio quid præclarum ac singulare solere existere. ex hoc esse hunc numero, quem patres nostri uiderūt, diuinum hominē Africanū; ex hoc C. Lælium, L. Furium, modestissimos homines & cōtinentissimos; ex hoc fortissimū uirum, & illis temporibus doctissimū, M. Catonem illum senē: qui profecto si nihil ad percipiendam colēdamq; uirtutem literis adiunarentur, nunq̃ se ad earū studium contulissent. q̃ si nō hic tātus fructus ostenderetur, & si ex his studijs delectatio sola peteretur: tamen, ut opinor, hanc animi remissionem humanissimam ac liberalissimam iudicaretis: nam cæteræ neque temporum sunt, neq; ætatum omnium, neque locorū: hæc studia adolescentiam alunt, senectutem oblectant, secundas res ornant, aduersis perfugium ac solatium præbent, delectāt

domi, non impediunt foris, pernoctant nobiscū, peregrinatur, rusticatur. ꝓ si ipsi hæc neque attingere, neque sensu nostro gustare possemus, tamen ea mirari debemus, etiā cū in alijs uideremus. quis nostrū tam animo agresti ac duro fuit, ut Roscij morte nuper nō cōmoueretur? qui cū esset senex mortuus, tamen propter excellentem artem ac uenustatē uidebatur omnino mori nō debuisse. ergo ille corporis motu tantum amorē sibi cōciliarat à nobis omnibus, nos animorū incredibiles motus celeritatēq; ingeniorū negligemus? quoties ego hunc Archiā uidi indices, (utar. n. uestra benignitate, quoniā me in hoc nouo genere dicendi tam diligenter attenditis) quoties ego hūc uidi, cum literam scripsisset nullā, magnum numerum optimorum uersuum de ijs ipsis rebus, quæ tum agerentur, dicere ex tempore? quoties reuocatum eandem rem dicere commutatis uerbis atque sententijs? quæ uero accurate cogitateq; scripsisset, ea sic uidi probari, ut ad ueterum scriptorum laudem peruenirent. hunc ego nō diligam? non admirer? non omniratione defendendum putem? atqui sic à summis hominibus, eruditissimisq; accepimus, cæterarum rerum studia & doctrina, & præceptis, & arte constare, poetam natura ipsa ualere, & mentis uiribus excitari, et quasi diuino quodā spiritu afflari. quare suo iure noster ille Ennius sanctos appellat poetas, ꝓ quasi deorum aliquo dono atque munere cōmendati nobis esse uideātur. sit igitur indices sanctum apud uos humanissimos homines hoc poetæ nomen, quod nulla unquā barbaria uiolauit. saxa & solitudines uoci respōdēt; bestię sæpe immanes cantu flectuntur atq; consistūt: nos instituti re-

bus optimis non poetarum uoce moueamur? Homerum Colophonij ciuem esse dicunt suum, Chij suū uendicāt, Salaminij repetunt, Smyrnæi uero suū esse confirmāt; itaque etiam delubrum eius in oppido dedicauerūt: per multi alij præterea pugnant inter se, atq; contendunt. ergo illi alienū, quia poeta fuit, post mortem etiā expectunt: nos hūc uiuum, qui & uoluntate & legibus noster est, repudiabimus? præsertim cū omne olim studium atque omne ingenium contulerit Archias ad populi R. gloriam laudemq; celebrandam: nam & Cimbricas res adolescēs attigit; & ipsi illi C. Mario, qui durior ad hæc studia uidebatur, iucundus fuit: neq; enim quisquā est tam auersus à musis, qui nō mandari uersibus æternū suorum laborum facile præconium patiatur. Themistoclem illum, summum Athenis uirum, dixisse aiunt, cū ex eo quæreretur, quod acroama, aut cuius uocem libētissime audiret; eius, à quo sua uirtus optime prædicaretur. itaque ille Marius item eximie L. Plotiū dilexit, cuius ingenio putabat ea, quæ gesserat, posse celebrari. Mithridaticum uero bellum magnū atq; difficile, et in multa uarietate terra mariq; uersatum, totū ab hoc expressum est. qui libri nō modo L. Lucullum, fortissimū, & clarissimum uirum, uerum etiam populi R. nomen illustrent: populus enim R. aperuit Lucullo imperante Pontum, & regijs quondam opibus, & ipsa natura regionis uallatum: populi R. exercitus eodem duce nō maxima manu innumerabiles Armeniorum copias fudit: populi R. laus est, urbem amicissimam Cyzicenorū eiusdem consilio ex omni impetu regio, ac totius belli ore ac faucibus ereptam esse, atq; conseruatam: nostra sem-

per feretur, & prædicabitur L. Lucullo dimicante cum
interfectis ducibus depressa hostium classis, & incredi-
bilis apud Tenedū pugna illa naualis: nostra sunt tro-
phæa, nostra monimenta, nostri triumphī. quare, quorū
ingenijs hæc ferūtur, ab ijs populi R. fama celebratur.
charus fuit Africano superiori noster Ennius: itaq; etiā
in sepulcro Scipionum putatur is esse constitutus mar-
more. at ijs laudibus certe nō solum ipsi, qui laudātur,
sed etiam populi R. nomen ornatur. in cœlū huius pro-
auus Cato tollitur: magnus honos populi R. rebus adiū-
gitur: omnes deniq; illi Maximi, Marcelli, Fuluij non
sine cōmuni omnium nostrum laude decorantur. ergo
illū, qui hæc fecerat, Rudium hominem maiores nostri
in ciuitatem receperunt: nos hūc Heracliensem, multis
ciuitatibus expetitum, in hac autem legibus constitutū,
de nostra ciuitate eijciemus? nā si quis minorem gloriæ
fructum putat ex Græcis uersibus percipi, quā ex Latī-
nis, uehementer errat, propterea q̄ Græca leguntur in
omnibus ferè gentibus, Latina suis finibus, exiguis sanè,
continentur. quare si res eæ, quas gessimus, orbis terræ
regionibus definiūtur, cupere debemus, quò minus ma-
*nuum nostrarum tela peruenerint, eodem gloriam fa-
mamq; penetrare: q̄ cum ipsis populis, de quorum re-
bus scribitur, hæc ampla sunt; tum ijs certe, qui de ui-
ta gloriæ causa dimicant, hoc maximū & periculorum
incitamentum est, & laborum. quā multos scriptores
rerum suarum magnus ille Alexander secum habuisse
dicitur? atq; is tamen, cum in Sigæo ad Achillis tumu-
lum astitisset, o fortunate, inquit, adolescēs, qui tuæ uir-
tutis Homerum præconem inueneris. & uere: nam nisi

Ilias extitisset illa, idem tumulus, qui corpus eius conte-
 xerat, nomē etiā obruisset. quid noster hic Magnus, qui
 cum uirtute fortunam adæquauit? non ne Theophanē
 Mitylenæū, scriptorem rerū suarum, in concione militū
 ciuitate donauit, & nostri illi fortes uiri, sed rustici ac
 milites, dulcedine quadam gloriæ commoti, quasi parti-
 cipes eiusdē laudis magno illud clamore approbauerūt?
 itaque, credo, si ciuis R. Archias legibus non esset, ut ab
 aliquo imperatore ciuitate donaretur, perficere non po-
 tuit. Sylla cū Hispanos, & Gallos donaret, credo hunc
 petentem repudiasset. quē nos in concione uidimus, cū
 ei libellum malus poeta de populo subiecisset, q̄ epigrā-
 ma in eum fecisset tātūmodo alternis uersibus longiu-
 sculis, statim ex ijs rebus, quas tunc uendebat, iubere ei
 præmium tribui sub ea conditione, ne quid postea scri-
 beret. qui sedulitatē mali poetæ duxerit aliquo tamen
 præmio dignā, huius ingenium, & uirtutem in scribēdo,
 & copiā nō expetisset? quid? à Q. Metello Pio, familia-
 rissimo suo, qui ciuitate multos donauit, neque per se,
 neque per Lucullos impetrauisset? qui præsertim usque
 eò de suis rebus scribi cuperet, ut etiam Cordubæ natis
 poetis, pingue quiddā sonātibus atq; peregrinū, tamē au-
 res suas dederet. neq; n. est hoc dissimulandum: quod
 obscurari nō potest, sed præ nobis ferendum: trahimur
 omnes laudis studio, & optimus quisq; maxime gloria
 ducitur. ipsi illi philosophi, etiā in illis libellis, quos de cō-
 tēnenda gloria scribūt, nomen suum inscribunt: in eo
 ipso, in quo prædicationem nobilitatemq; despiciūt, præ-
 dicari de se, ac nominari uolunt. Decimus quidem Bru-
 tus, summus ille uir & imperator, Accij amicissimi sui

carminibus templorum ac monumentorum aditus exor-
 nauit suorum . iam uero ille, qui cum Aetolis Ennio co-
 mite bellauit, Fuluius non dubitauit Martis manubias
 musis consecrare . quare in qua urbe imperatores pro-
 pè armati poetarum nomen, & musarum delubra co-
 luerunt, in ea non debent togati iudices à musarum ho-
 nore, & à poetarum salute abhorrere. atque ut id libè-
 tius faciatis, iam me uobis iudices indicabo , & de meo
 quodam amore gloriæ, nimis acri fortasse, ueruntamen
 honesto, uobis confitebor: nam quas res nos in Consula-
 tu nostro uobiscum simul pro salute huius urbis, atque
 imperij, & pro uita ciuium, proq; uniuersa Rep. gessi-
 mus, attigit hic uersibus, atq; inchoauit: quibus auditis,
 quòd mihi magna res, & iucunda uisa est, hūc ad per-
 ficiendum hortatus sum: nullam enim uirtus aliā mer-
 cedem laborum periculorumq; desiderat , præter hanc
 laudis, & gloriæ: qua quidem detracta iudices, quid est
 quod in hoc tam exiguo uitæ curriculo, et tã breui tã-
 tis nos in laboribus exerceamus ? certe , si nihil animus
 præsentiret in posterū, & si, qbus regionibus uitæ spatiū
 circumscriptum est, eisdem omnes cogitationes termina-
 ret suas ; nec t. itis se laboribus frangeret, neque tot cu-
 ris, uigilijsq; angeretur , nec toties de uita ipsa dimica-
 ret. nūc insidet quædā in optimo quoque uirtus, quæ no-
 ètes & dies animum gloriæ stimulis concitat, atque ad
 monet, non cum uitæ tempore esse dimittendam com-
 memorationem nominis nostri, sed cum omni posterita-
 te adæquandam . an uero tam parui animi uideamur
 esse omnes, qui in Rep. atq; in his uitæ periculis labori-

O R A T I O

busq; uersamur, ut, cum usque ad extremum spatium
 nullum tranquillum atque otiosum spiritum duxerim-
 mus, nobiscum simul moritura omnia arbitremur? an,
 cum statuas & imagines non animorum simulacra, sed
 corporum studiose multi summi homines reliquerint,
 consiliorum relinquere ac uirtutum nostrarum effigie
 non ne multo malle debemus, summis ingenijs expres-
 sam, & politā? ego uero omnia, quæ gerebam, iā tū in-
 gerendo spargere me ac disseminare arbitrabar in orbis
 terræ memoriam sempiternam. hæc uero siue à meo sen-
 su post mortem abfutura sunt, siue, ut sapientissimi ho-
 mines putauerunt, ad aliquam animi mei partem perti-
 nebunt, nūc quidem certe cogitatione quadam, speq; de-
 lector. quare conseruate iudices hominē pudore eo, quē
 amicorum studijs uidetis comprobari, tum dignitate, tū
 etiam uenustate; ingenio autem tanto, quantū id con-
 uenit existimari, quod summorum hominū ingenijs ex-
 petitum esse uideatis; causa uero eiusmodi, quæ benefi-
 cio legis, auctoritate municipij, testimonio Luculli, tabu-
 lis Metelli cōprobetur. Quæ cū ita sint, petimus à uobis
 iudices, si qua nō modo humana, uerum etiam diuina
 in tantis negotijs commēdatio debet esse, ut cū, qui uos,
 qui uestros imperatores, qui populi R. res gestas semper
 ornauit, qui etiā his recentibus nostris uestrisq; domesti-
 cis periculis æternum se testimonium laudum daturum
 esse profitetur, quiq; est eo numero, qui semper apud
 omnes sancti sunt habiti, atq; dicti, sic in uestram acci-
 piatis fidem, ut humanitate uestra leuatus potius, quā
 acerbitate uiolatus esse uideatur. quæ de causa pro mea

consuetudine breuiter simpliciterq; dixi iudices, ea con-
fido probata esse omnibus: quæ non fori, neque iudi-
ciali consuetudine & de hominis ingenio, & commu-
niter de ipsius studio locutus sum, ea iudices à uobis spe-
ro esse in bonam partem accepta, ab eo, qui iudicium
exercet, certe scio.

AD POPVLVM, ET EQVITES R. AN=
TEQVAM IRET IN EXILIVM.
ORATIO XXXII.

SI quando inimicorum impetū propul=
sare ac propellere cupistis, defendite
nunc uniuersi unum, qui ne omnes cō=
cideretis, ardoreq; flammæ cōflagrare
tis, mei capitis periculo non dubitauī
prouidere: nam quem uirtutis gloria cū summa laude
ad cœlum extulit, eundem inimicorū inuidia indignis=
sime oppressum deprimit ad supplicium. si liberū conce=
ptam dulcedinē animo inclusam cōtinetis, nolite eo uel
le carere, qui charissimam uestram procreationem sibi
esse duxit: est. n. liberale officiū, serere beneficiū, ut me=
tere possis fructum. fidei conducit, in loco debitū retri=
buere: illic. n. animi uolūtas propēsa cōprobat, hic me=
moria collaudatur. itaq; si omnibus graue seruitutis iu=
gum esse debet in libertate educatis, sit is uestris animis
acceptissimus, qui à uestro corpore iugum acerbissimū
repulit seruitutis. & si maiores uestri eos imperatores,
qui militum uirtute hostium fregerunt furorem, iucū=
dissimo fructu libertatis recōciliato non solū statuis di=
gnos putarūt, sed etiā æterna triūphi laude decorarūt:
tum uos eū Consulem, qui non militū præsenti fortitu=
dine, sed sua eximia animi uirtute hostilē ciuiū mētē se=
natus auctoritate uindicauit, existimate uobis retinēdū
in ciuitate esse. si quæ beneficia singulis ciuibz, priua=
timq; dātur, ea solēt ijs esse fructuosa, à qbus sunt pro=
fecta: iure et merito possum ego uos ad defensionē meæ
salutis

salutis adhortari, quos conseruauī uniuerfos : nam neq;
maius est defendere unum, q̄ populum ; neque uerius à
singulis, q̄ ab omnibus repetere officij præmium, & fru
ctum: propterea q̄ in unius periculo sæpe contentio par
ua est, ut leuis sit labor defensori sustinendus ; in Reip.
insidijs, quo firmitus est quod oppugnatur, eo paratiores
sunt inimici ; ut ijs sine magna solitudine, industria,
uirtute non queat resisti: & singulorum opes sæpe sunt
tenues, & infirmæ ad gratiam referendam, ut opitulari
bene merentibus non queant, si maxime cupiant ; uni
uersorum auxilium eo plurimum prodest, quòd firmio
ribus opibus est nixum . iure igitur, quoniam & maior
impensa in patriam officij facta est, q̄ in priuata sit de
fensione ; & plus à uobis præsidij, q̄ à cæteris opib, ad
salutem potest afferri : uos obtestor, quos mihi & debe
re, & posse intelligo opitulari: non conuenit enim, cum
ego ad promerendum officium tam fuerim expeditus,
uos ad referendam gratiam esse tardiores ; ne, cuius am
plitudinem ac gloriam laude, atq; honoribus amplifica
re debeatis, eius incolumitatem & salutem deferendam
existimetis : etenim errat, si quis arbitratur M. Tullium
iccirco in capitis periculum uocari, q̄ deliquerit aliquid,
q̄ patriam læserit, q̄ improbe uixerit . non citatur reus
audaciæ : uirtutis reus citatur. non accusatur, q̄ Remp.
ui oppugnarit, sed q̄ homo nouus perniciosum nobilium
restinxerit furorem. nō obest mihi turpis, & nocens, sed
honestissime laudatissimeq; acta uita non odio bonorū,
sed inuidia premor malorum. intelligunt homines, tot, et
tam præclaris testimonijs, monimentisq; uirtutis cōpara
tis, M. Tullio, dum sit incolumis, fore uoluptati . iccirco

Cic. Orat.

BB

O R A T I O

uitam eripere cupiunt, ut cum spiritu sensum quoq; adi-
 māt iucunditatis. non'ne igitur indignū est, eos præmijs
 meis inuidere, qui uirtute certare noluerunt? eos in con-
 tentionem honoris uenire, qui officijs se superari æquissi-
 mo animo tulerunt? si dulcis est gloria, cōsequere uirtu-
 tem, noli abijcere labores, petere honorem: honorē dico?
 immo uero famā, fortunas, familiā, liberos, caput, cor-
 pus, ipsum denique sanguinē, & animā. cedo inuitus de
 Rep. cedo oppressus de fortuna, de dignitate: discedo à
 Rep. uictus audacia malorum. liceat manere si nō illum
 M. Tullium custodem urbis, defensore omnium, patrem
 patriæ, at certe reliquias Tullij: liceat in cōspectu ciuiū,
 in hac urbe, quā ex parricidarum faucibus eripuit, re-
 manere, tecta omnium, fana deorum, uniuersam uidere
 periculo liberatam suo ciuitatem: liceat ex hac flamma
 euolare, præsertim qui illud impiū incendium perditorū
 hominum lacrymis potius meis, q̄ sanguine uestro restin-
 gui malui: neque enim peto, ut mihi detis uitam, sed da-
 tam repeto, ut reddatis. si meministis quod dedi, uos non
 debetis obliuisci, sed retribuere quod debetis. uos, uos ob-
 testor dii immortales, qui meæ mēti lumina prætulistis,
 cū cōsensum extinxi cōiurationis, arcemq; urbis ab incē-
 dio, ac flāma liberaui; liberosq; uestros è gremio, et cōple-
 xu matrum ad cædem, & cruorem nō sum passus ab-
 strahi. nū igitur potest fieri, à clientibus ut recipiar, cū,
 à quibus debeam retineri, reijcere instituant? socij quō
 fugiāt, cum aditus custodi patriæ præclusus sit? quomo-
 do spes salutis reliquis residebit, cū ciuibz præclusa sit
 expectatio incolumitatis? pax & cōcordia extraneis gi-
 gnetur, cum iam domesticis nō insideat, sed publice pro-

uidenti eripiat? nam quid ego improborum facta re-
nouē oratione, ut redintegratione illius cōiurationis ani-
mos uulnerem uestros? auxilium ab alienis efflagitabo,
cum ciues uestros deferatis? sociorum inuocem subsidiū,
cum à ciuibus interclusum sit præsidiū? quam colere
gentem nunc institutam? utrum, ut custos accipiar, an
ut proditor excludar? si ut cōseruator, uestra erit igno-
minia: si ut oppugnator, præcisa erunt omnia: itaque,
quod putauī fore gaudium, id exitit exitium. si Quiri-
tes eundē in cæterorum periculis haberemus animum,
quem in nostris difficultatibus, & pro innocentissimo
quoque propugnare, & nocentissimū quēque oppugna-
re nobis utilissimum esse arbitramur; & si cum opti-
mi cuiusq; rebus aduersis nostrā salutē, cum deterrimo-
rum hominū secundis nostra pericula putaremus cōiuna-
ta: frequentes profecto talibus conatibus obuiā ire ni-
teremur, neque partim innocētia freti, partim nobilita-
te nixi, partim potētia ac multitudine amicorum fulti,
cum perfacile exilimarem aduersariorū uim, ac fa-
ctiōē à nobis repelli posse subito ipsi simili periculo cir-
cūuenti, in nostro euentu aliorū reminiscētes casus, iu-
re id nobis accidere nequicq; quereremur: quis enim est
Quirites, qui, nunc cū inimicorum nostrorum uim atq;
uiolentiam perspiciat, quiq; nostrum ipsum periculosis-
simum casum recognoscat, qui non sibi ac suis diffidat
fortunis? quo enim se satis tutum arbitrat? præsidi-
o? uirtutis & gloriæ? at ea nos ipsa hoc tempore op-
pugnant. multitudine amicorum? aperuerunt nō fortes
esse se amicos, si in eorum potestate nostra sita salus non
est. paucitate inimicorum? at id nō in ipsis, sed in alio-

O R A T I O

rum uoluntate positum est: nam non satis est, ne cui iniuriam facias, providere, si tamen sunt uoluntarij inimici, qui tuis præmijs te oppugnent. atq; cū hæc omnia omnibus sint grauiā, atq; acerba, tum uero nobis misera atq; intoleranda, quorum & officia in Remp. recentissima, & incōmoda ob Remp. frequentissima in familia uersantur. nunc si eadē conditio disceptationis proponeretur, æqui auditores adhibebuntur, aures nō obtusæ criminatione, sed uacuae præbebuntur: qui sunt affecuti summum gradū honoris, nō dispoliābuntur honore: qui sperāt, facilius & procliuus ad laudem nobilitatis perueniēt. quamobrem nolo me duce supplicij uos ad fraudem deduci, ut ego ad pristinum statum recidam casus. nūc igitur si lingua est cōcertandum, innocentiae uirtute fretus supero: si facta compēsanda sunt, conferamus æquitatem: si uiolentiae impetu opprimimur, cedam pro omnibus unus tribunitio furori, quoniā laborē pro cunctis ferre cōsueui. si igitur aliquo tempore ijs hominibus cōsuluistis, quorum animus est religionis pietate defunctus, debetis mihi quoque prospicere, qui numini deorū cōsecratum sartum tectum ab omni piaculo cōseruauī, & uos ut tutam tranquillamq; fortunam traheretis, mea perfeci uigilantia: nam me, quem paulo ante fortuna crexerat ad gloriam, uirtus extulit ad laudem, populus tribuit honorem, eundem Tribuni furor exagitat, depulit ad calamitatem. & quoniam animaduertistis illam cōspirationem conflatam ita esse restinctam, ut nulla scintilla cōpareat incendiū, uos quoque tribunitiā sedate temeritatem. qui nunc se mihi inimicum ostēdit, se prius esse uestrum professus est inimicum. ne rei cru-

delitas experta in me, in uos conualeſcat, & calamitas
remorata longius ſerpat atq; progrediatur, præcauete.
nunc uel ſolus delectus ad calamitatem, uel primus uo=
catus ad tale periculum, omnium animos iure deſeo cō=
mouere. omnia ſunt immutata. manus ad demonſtran=
dam religantur iniuriā: lingua inciditur ad deploran=
dam calamitatē: animus præcluditur ad exponendam
rei indignitatem. humilitatē generis obijciunt nobis, qui
nouam rationem ſuſcitant, ueteres maiorū obterūt lau=
des. ſed quid ego plura de illorum aut in me maledictis,
aut in uos ſcelerate loquar factis? quorum cognita im=
probitas me tacente coarguitur turpitudine uirtutis: ut de
iis nō ſit neceſſe inimicos prædicare, de quorū ſcelere ne
amici quidem, aut ipſi poſſunt negare. uos ego appello,
quorū de me maxima eſt poteſtas: apud uos loquor de
mea calamitate, quos habui ſemper innocētiae & uirtu=
tis meae teſtes. igitur ex ciuitate bene meritis de Rep. ci=
uis exturbatur? innocens expellitur cōſularis homo? non
facultatibus uſus quondā minimis, amicorū multorum
præſidio munitus, nunc partim ab inuidis, partim ab in=
imicis circumuentus eget indigne? huic ſi opem non tuleris
in periculo capitis, uos, credo, retinebitis ueſtram li=
bertatem: qui neq; tanta ualetis auctoritate, neq; tāto=
rum officiorum impenſam egiſtis in patriam. mihi cre=
dite, hoc in uno incōmodū cōfirmatum, multorum infir=
mabit incolumitatem: & ſi initio nō erit refutatum, im=
pune ad omniū perniciem conualeſcet. proinde aut in
meo periculo ſalutem integram præſtate cōmunem, aut
in ueſtris hoc idem incōmodum expeſtate fortunis. ne=
mo tam perdita auctoritate, tam facinorosa inuētus eſt

O R A T I O

uita, qui cum de scelere fateretur, non tamen sententijs prius iudicū conuinceretur, q̄ supplicio addiceretur. ego repente uī tribunitia correptus, nō modo loquēdi libere in iudicio, sed ne consistendi quidē in ciuitate habeo potestātē. eijcior non solum sine teste, sine indice, sine crimine, sed sine etiam scelere, sine accusatore. hostibus in bello qui dissidēt uolūtate, dimicāt armis, uitā quotidie oppugnāt, in ipsa acie cum praeliantur, licet loqui, licet disputare: mihi in pace ciui, qui perditorum hominū fregi furorē, pro fortunis meis apud uos loqui non licebit? serui, qui ad suppliciū cāsi uerberibus trahuntur, apud eos sēpe disputant, quos necare uoluerunt: ego cōsularis apud uos non loquar, quos conseruari? tacebo, si necesse est: tacebo, inq̄, animo æquo, quoniā uirtus mea me tacēte agit causam meā. itaq; ut ego in cōcione mea nihil ponam de rebus meis gestis, tamen in animis & memoria uestra largiter relinquā. isti modo uideant, qua ratione hāc inultam meam fugam ferre possint. etenim si à me, ut isti existimant, Lentuli mortui sordes, si Catilinæ notissimus furor, si amētia Cethegi, si luxuries ac stupra Cassij pœnas repetunt, profecto istis hora nulla, eiecto Tullio, uacua periculo, aut periculi expectatione relinquetur. itaq; illi in dies nō meis insidijs, quæ nullæ à me parātur; sed suorū scelerum cōsciētia cruciati, mihi absenti et populo R. pœnas dabūt. quas ob res ego inimicorū amētiæ, cupiditatiq; paucorum, omniū salutis causa decedā: neq; eò deducā, aut progredi pariar, ut opera mea manus inter uos cōseratis, cædesq; ciuiū inter se fiat: multoq; potius ipse patria liberisq; meis carebo, q̄ propter unum me uos de fortunis uestris, reiūq; publicæ di-

micetis: sic enim ab initio fui animatus, ut nō magis me
mea causa putarem esse natum, q̄ Reip. procreatum. sed
illud queror, q̄ nō iam ad unius perniciem, sed ad uni-
uersorum instruitur calamitatem: cōqueri, cōmiserari,
dicere, expurgare, suspicionem dimouere, crimē diluere
nō licere: ore oppresso ceruices esse præbendas. quæ ta-
men omnia iam non sunt tam calamitosa, q̄ mihi sunt
subeunda; q̄ perniciosa, q̄ in Remp. sunt introducta.
quamobrem statutū est, atque decretū, in his temporibus
ciuitatis omnia perpeti, quæ uolet furor libidinosus. uim
uolunt afferre: præsto sum. eicere uolunt: exeo indicta
causa. nolunt audire: causam non dico. aliud quippiā co-
nantur: agant: nihil duri, nihil acerbi mihi erit, quod
Remp. tutabitur: nō enim illis uictus cedo, sed incolumi-
bus uobis me condono: neq; enim mors miserāda est, quæ
ob Remp. capitur; neq; exiliū turpe, quod uirtute susci-
pitur: cum præsertim non nullā hæ pænæ habeāt in se
consolationem: nam uitā si eripiunt, non adiment gloriā
immortalē: si exilio mulētabunt corpus, non animum à
Rep. remouebūt: nā, ubicūque ero, hoc cogitabo, hæc sem-
per cura mea erit, meq; uobis ereptum, nō à uobis repu-
diatū, existimabo. illud ab uniuersis postulo petoq; si, dū
in ciuitate manere licitū est, nemini iniuste periculum
creaui, nemini innocenti fui calamitati, si omnibus auxi-
lio præsidioq; esse consueui, plurimosq; in hac ciuitate
sum tutatus, uti uos liberos meos in uestrā fidē recipia-
tis, eosq; defendatis, ne ue inimicos meos in familiā no-
stram longius progredi patiamini; utiq; siue hinc
abiero, siue ero hic oppressus, ea maneat opinio & exi-
stimatio, quæ uirtute parata, nō quæ infelicitate illata est.

O R A T I O

Nunc ego te Iupiter optime maxime, cuius nutu ac di-
 tione sola terrarū gubernantur, teq; particeps cōnubij,
 socia regni Regina Iuno, teq; Tritonia; armipotens, Gor-
 gona, Pallas, Minerva, cæteriq; dij, deæq; immortales, qui
 excellenti tumultu ciuitatis sedem Capitoli in saxo inco-
 litis constitutā, ut non solum cūctam intueri, sed etiam
 tueri possitis ciuitatem; à quorum ego quondā altari-
 bus impiam manum ciuium remouī; à quorum tēplis
 meo periculo funestam facem repulī, ne illustrissimū or-
 bis terrarum monumentum cum principis omnīū terra-
 rum occideret ciuitate; teq; Iupiter Stator, quem uere
 huius imperij Statorem maiores nostri nominauerūt, cu-
 ius in templo hostilem impetū Catilinæ repulī à muris,
 cuius templum à Romulo uictis Sabinis in Palatii radi-
 ce cum uictoria est collocatum: oro atque obsecro, ferte
 opem pariter Reip. cūctæq; ciuitati, meisq; fortunis, resi-
 stite tribunitio furori, faucte innocētiae, subuenite solitu-
 dini, miseremini senectutis, nolite eum supplicē à uobis
 absterrere & excludere, qui in suo magistratu funestā
 facem à uestris repulit templis. si C. Mario auxilio fui-
 stis, q̄ in cliuo Capitolino improborum ciuiū cædem fe-
 cerat; si P. Scipioni, q̄ Annibalis furibūdā mentem à
 uestris repulit templis; si denique Cn. Pompeio, q̄ terra-
 mariq; hostes reddidit pacatos: sic nūc in meis calamita-
 tibus aliq̄ ferte opem diuinam: ut sæpe multorū in peri-
 culis fecistis, sic nunc in meis miserijs diuinū aliquod au-
 xilium ex numen ostendite. deinde uos, quorum potestas
 proxime ad deorum immortalium numen accedit, oro
 atque obsecro, quibus sigillatim sæpe supplex ad pedes
 iacui; ut eum, quem singuli stratum atque abiectum

subleuastis, nunc uniuersi cōseruatum uelitis. si neminē
unquam uestrum læsi; si nemini innocētī obfui; si etiā
ē contrario, ut quisq; auxilium meum desiderauit, opem
ferre nō dubitauī; si deniq; quæcunq; administraui, ex
uestra auctoritate & patrum conscriptorum uoluntate
feci; si malui inimicorū cupiditati, q̄ Reip. & legitimæ
auctoritati pœnas sufferre: ut existimetis, ex illo crude=
lissimo inimicorū impetu ereptum, in antiquum statū
dignitatis restitui conuenire. sed quoniā neq; mihi libe=
re loquēdi, neque uobis clemēter audiēdi, neque omnino
iudicandi paucorum furore & audacia facta est pote=
stas, sed oppressa est Resp. armis, metu debilitata seruili,
uti liberū spiritum ducendi nullam habeat potestatem:
cedam inermis armatis, innocens nocētibus, priuatus fu=
ribundo magistratui: neque enim Q. Metellus quicquā
de uirtute sua detraxit, q̄ cessit L. Saturnino furētī; ne=
que C. Cotta, q̄ Q. Varroni Tribuno pl. inferiore gene=
re orto cedendū putauit; neque C. Marius; qui quātas
res gesserit, uestra uobis libertas indicio esse poterit: neq;
uero M. Tullius suum animum uestra abalienauit pote=
state, cum præcipuum uobis obsidem sui animi, uestram
reliquerit libertatem. quamobrem testor deos, deasq; o=
mnes immortales, uestrasq; maxime mentes, me nō uitæ
turpitudine, non pro magnitudine scelerū, non propter
reliquæ ætatis infamiā pœnas iure & lege persoluere;
sed propter uirtutis inuidiam, propter iucundissimā in=
genij laudem, propter magnitudinem rerum gestarum,
crudelissime ciuitate priuari. quod si idē accidit Q. Ce=
pioni, si Mācino, si Rutilio, mihi quoque hoc accidisse nō
magnopere erit mirandū, cum præsertim non generi

O R A T I O

antiquitate, sed uirtutis ornamenti summam laudem sim
consecutus. Nunc ego uos equites R. obtestor, quorum uir-
tute nomen Romanum uictoriam cum laude possidet
coniunctam, quorum factis gloriantur ciues, letantur so-
cij, gemunt hostes; ut, si erga uos omni tempore optime
fui animatus, si mea pericula neglexi, dum timorem à
patria propulsarem; si æque liberis uestris prospexi, ac
uos parentibus consuestis; ut nunc me uelitis uestris opi-
bus defensum, incolumem in hac ciuitate retinere, quæ cum
à scelerata coniuratione esset incensa, meo ductu ac labo-
re restincta est; nec patiamini me à liberis meis abstra-
ctum, à coniuge abreptum, ab aris focusq; innocentem pro-
iectum uitam degere in exilio, miserrimi mortalis casum
subire. proicitur Tullius in exilium. itaque nimirum in-
nocens ab inimico, religiosus à scelerato, beneuolus huic
ciuitati ab hoste. ò misera uitæ ratio, quæ tandiu resides
in uoluptate, quādiu fortunæ poscit libido. ego ne inimi-
cus huic ciuitati? quāobrem? quia inimicos necavi. ego
ne hostis? quid ita? quia hostes interfeci. en conditionem
huius temporis. antea gloria & laude dignissimi ducebā-
tur, qui hæc perfecerunt: nunc scelerati & parricidæ es-
se dicuntur, qui hæc administrarunt. sint sanè scelerati:
superet istorum uictoria, si modo uictoria appellanda est,
in qua ciuitatis inest luctus: habeant hanc palmam ex
innocentis cruore. tantum à uobis illud equites R. peto &
rogo, ut, quem sæpenumero uestra laude cohonestastis,
eundem in dubijs uitæ periculis uestra uirtute cōseruetis.

AD QUIRITES POST REDITVM.
ORATIO XXVIII.

Qvod precatus à Ioue optimo maximo,
 cæterisq; dijs immortalibus sum Quiri-
 tes eo tempore, cū me, fortunasq; meas
 pro uestra incolumitate, otio, concor-
 diaq; deuoui, ut, si meas rationes unquā
 uestre saluti anteposuissem, sempiternam pœnam susti-
 nerē mea uoluntate susceptam; sin & ea, quæ ante ges-
 seram, conseruandæ ciuitatis causa gessiissem, & illā mi-
 seram profectionem uestre salutis gratia suscepissem, ut
 quod odiū scelerati homines, & audaces in Remp. et in
 omnes bonos conceptū iandiu continerent, id in me unū
 potius, q̄ in optimū quenque, & in uniuersam Remp. de-
 flecterent, hoc si animo in uos, liberosq; uestros fuisset,
 ut aliquando uos, patres conscriptos, Italiamq; uniuersam
 memoria mei, misericordia, desideriiq; teneret: eius
 deuotionis me esse conuictum iudicio deorum immorta-
 lium, testimonio senatus, cōsensu Italiæ, cōfessione inimi-
 corum, beneficio diuino immortalisq; uestro maxime læ-
 tor Quirites. & si homini nihil est magis optandum, q̄
 prospera, æquabilis, perpetuaq; fortuna, secundo uitæ si-
 ne ulla offensione cursu: tamē si mihi trāquilla & placida
 omnia fuissent, incredibili quadā et penē diuina, qua
 nunc uestro beneficio fruor, lætitiæ uoluptate caruissem.
 quid dulcius hominum generi à natura datum est, q̄ sui
 cuique liberi: mihi uero & propter indulgentiā meam,
 & propter excellens eorū ingeniū uita sunt mea chario-
 res: tamen non tanta uoluptate erant suscepti, quanta

O R A T I O

nunc sunt restituti. nihil cuiquam fuit unquam iucundius, quàm mihi meus frater: nō tam id sentiebam cum fruebar, q̄ tunc cum carebam, & posteaquam uos me illi, & mihi eum reddidistis. res familiaris sua quēq; delectat: reliquæ meæ fortunæ recuperatæ plus mihi nunc uoluptatis afferunt, q̄ tunc incolumi afferebant. amicitia, consuetudines, uicinitates, clientelæ, ludi deniq; & dies festi quid haberent uoluptatis, carēdo magis intellexi, quàm fruendo. iam uero honos, dignitas, locus, ordo, beneficia uestra, quanquam mihi semper clarissima uisa sunt, tamē ea nunc renouata illustriora uidentur, quàm si obscurata non essent. ipsa autem patria, dii immortales, dici uix potest, quid charitatis, quid uoluptatis habet? quæ species Italiæ? quæ celebritas oppidorū? quæ forma regionū? qui agri? quæ fruges? quæ pulchritudo urbis? quæ humanitas ciuium? quæ Reip. dignitas? quæ uestra maiestas? quibus ego omnibus antea rebus sic fruebar, ut nemo magis. sed tanquam bona ualetudo iucundior est eis, qui è graui morbo recreati sunt, quàm qui nūquam ægro corpore fuerunt: sic ea omnia desiderata magis, q̄ assidue percepta, delectant. quorsum igitur hæc disputo? quorsum? ut intelligere possitis, neminem unquam tāta eloquentia fuisse, neque tā diuino atq; incredibili genere dicendi, qui uestrorū magnitudinem multitudinemq; beneficiorum, quæ in me fratremq; meum, liberosq; nostros contulistis, non modo augere aut ornare oratione, sed enumerare, aut consequi possit. à parētibus, id quod necesse erat, paruus sum procreatus, à uobis natus sum consularis. illi mihi fratrem incognitum, qualis futurus esset, dederunt: uos spectatū & incredibili pietate cogni-

tum reddidistis. Remp. illis accepi temporibus eam, quæ penè amissa est: à uobis eam recuperavi, quam aliquādo omnes unius opera seruata iudicauerunt. dii immortales mihi liberos dederunt, uos reddidistis. multa præterea à dijs immortalibus optata consecuti sumus: nisi uestra uoluntas fuisset, omnibus diuinis muneribus caruissemus. uestros denique honores, quos eramus gradatim singulos assecuti, nunc à uobis uniuersos habemus: ut, quantum antea parentibus, quantū dijs immortalibus, quantum uobismet ipsis, tantum hoc tempore, uniuerso cuncta populo R. debeamus. nam cum in ipso beneficio uestro tanta magnitudo est, ut eam complecti oratione nō possim: tum in studijs uestris tanta animorum declarata est uoluntas, ut nō solum calamitatem mihi detraxisse, sed etiam dignitatem auxisse uideamini: nō enim pro meo reditu, ut pro P. Popilij nobilissimi hominis adolescentis filij, et multi præterea cognati atque affines deprecati sunt; nō, ut pro Q. Metello clarissimo uiro iam spectata ætate filius; non L. Dalmaticus consularis, summa auctoritate uir; non Q. Metellus censorius, non eorum liberi; non Q. Metellus Nepos, qui tum Consulatum petebat; non sororum filij Luculli, Seruili, Scipiones: permulti enim tum Metelli aut Metellarum liberi pro Q. Metelli reditu uobis ac patribus uestris supplicauerunt. quòd si ipsius summa dignitas, maximeq; res gestæ non satis ualerent, tamen filij pietas, propinquorum preces, adolescentium squalor, maiorū natu lacrymæ populum R. mouere potuerunt. nam C. Marij, qui post illos ueteres clarissimos consulares, uestra patrumq; memoria tertius ante me consularis subiit indignissimam fortunā

O R A T I O

præstantissima sua gloria, dissimilis fuit ratio: non enim ille deprecatione rediit, sed in dissensu civium, exercitu se armisq; reuocauit. me autē nudū à propinquis, nulla cognatione munitum, nullo armorum ac tumultus metu, C. Pisonis generi mei diuina quædam et inaudita auctoritas, atq; uirtus, fratrisq; mei miserrimi, atq; optimi quotidianæ lacrymæ, sordesq; lugubres à uobis deprecatae sunt. frater erat unus, qui suo squalore uestros oculos inflecteret; qui suo fletu desiderium mei memoriãq; renouaret; qui statuerat Quirites, si uos me sibi non reddidissetis, eandem subire fortunã; & tãto in me amore extitit, ut negaret fas esse non modo domicilio, sed ne se pulcro quidem se à me esse seiunctum. pro me præsentē senatus hominumq; præterea uiginti millia uestem mutauerunt: pro eodem me absente unius squalorem sordesq; uidistis. unus hic, qui domi, q̄ in foro posset esse, mihi pietate filius, inuentus est beneficio parens, amore, idē qui semper fuit, frater. nam coniugis miseræ squalor & luctus, atque optimæ filiæ mœror assiduus, filijq; parui desiderium mei, lacrymæq; pueriles aut itineribus necessarijs, aut magna parte teētis, ac tenebris continebãtur. quare hoc maius est uestrum in nos promeritum, quod nō multitudini propinquorū, sed nobismet ipsis nos reddidistis. sed quemadmodum propinqui, quos ego parare non potui, mihi ad deprecandam calamitatem meã non affuerūt. sic, illud quod mea uirtus præstare debuit, adiutores, auctores, hortatoresq; ad me restituendum ita multi fuerunt, ut longe superiores omnes hac dignitate copiaq; superarem. nunquã de P. Popilio, clarissimo, atque fortissimo uiro; nunquam de Q. Metello, nobilissi

mo & constantissimo ciue; nunquam de C. Mario, custo
 de ciuitatis, atque imperij uestri, in senatu mentio facta
 est. tribunitijs superiores illi rogationibus, nulla auctori-
 tate senatus sunt restituti; Marius uero non modo non
 à senatu, sed etiam oppresso senatu est restitutus: nec re-
 rum gestarum memoria in reditu C. Marij, sed exerci-
 tus, atque arma ualuerunt: at de me, ut ualeret, semper se-
 natus flagitauit; ut aliquando perficeretur, cum primū
 licuit, frequentia atque auctoritate perfecit. nullus in eo-
 rum reditu motus municipiorū, & coloniarum factus
 est: at me in patriam ter suis decretis Italia cuncta re-
 uocauit. illi inimicis interfectis, magna ciuium cæde fa-
 cta, reducti sunt: ego ijs, à quibus eiectus sum, prouincias
 obtinentibus, inimico autem optimo uiro, & mitissimo,
 altero Consule referente reductus sum, cum is inimicus,
 qui ad meam perniciem uocem suam communibus hosti-
 bus præbisset, spiritu duntaxat uiueret, re quidē infra
 omnes mortuos amandatus esset. nunq̃ de Popilio L. Op-
 mius fortissimus Consul, nunq̃ de Q. Metello nō modo
 C. Marius, qui erat inimicus, sed ne is quidem, qui secu-
 tus est, M. Antonius homo eloquentissimus cum A. Albi-
 no collega senatum aut populum est cohortatus. at pro-
 me superiores Consules semper, ut referrent, efflagitati
 sunt: sed ueriti sunt ne gratiæ causa facere uiderentur,
 q̃ alter mihi affinis erat, alterius causam capitis recepe-
 ram: qui prouinciarū fœdere irretiti, totum illum annū
 querelas senatus, luctum bonorum, Italiæ gemitū pertu-
 lerunt. Calēdis uero Ian. posteaq̃ orba Resp. Consul is fidē
 tanquam legitimi tutoris implorauit, P. Lentulus Con-
 sul, parens, deus, salus nostræ uitæ, fortunæ, memoriæ, no

O R A T I O

minis, simul ac de solēni religione retulit, nihil humana-
rum rerum sibi prius, quā de me agendum iudicauit.
atq; eo die confecta res esset, nisi is Tribunus pl. quem
ego maximis beneficijs Quæstorem Consul ornaueram,
cum & cunctus ordo, & multi eū summi uiri orarent,
& Cn. Oppius socer, optimus uir, ad pedes eius flens iac-
ceret, noctem sibi ad deliberandum postulasset: quæ deli-
beratio non in reddenda, quemadmodum nō nulli arbi-
trabantur, sed, ut patefactum est, in augenda mercede
consumpta est. postea res acta est in senatu alia nulla: et
cū uarijs rationibus impediretur, uoluntate tamen per-
specta senatus, causa ad uos mense Ian. deferbatur. hic
tantum interfuit inter me & inimicos meos. ego cū ho-
mines in tribunali Aurelio palam conscribi, cēturiariq;
uidissem; cum intelligerem ueteres ad spem cedis Cati-
linæ copias esse reuocatas; cum uiderem ex ea parte ho-
mines, cuius partis nos uel principes numerabamur, par-
tim quod mihi inuiderent, partim quod sibi timerent,
aut proditores esse, aut desertores salutis meæ; cum duo
Consules empti pactione prouinciarum, auctores se ini-
micis Reip. tradidissent; cum egestatem, auaritiam, libi-
dines suas uiderent expleri non posse, nisi me constriētū
domesticis hostibus dedidissent; cum senatus equitesq; R.
flere pro me ac mutata ueste uobis supplicare edictis at-
que imperijs uetarentur; cum omnium prouinciarum
pactiones, cū omnia cum omnibus fœdera, reconciliatio-
nes gratiarū sanguine meo sancirentur; cum omnes bo-
ni non recusarent, quin uel pro me, uel mecum perirēt:
armis decertare pro mea salute nolui, quod & uincere
et uinci luctuosum Reip. fore putauī. at inimici mei mēse

Ian.

Ian. cum de me ageretur, corporibus ciuium trucidatis,
 flumine sanguinis meum reditum intercludendū puta
 uerunt. itaq; cum ego abfui, eam Remp. habuistis, ut
 æque me, atq; illam restituendam putaretis. ego autē,
 in qua ciuitate nihil ualeret senatus, omnis esset impu
 nitas, nulla iudicia, uis & ferrū in foro uersaretur, cum
 privati se parietum præsidio, nō legum tuerentur, Tri
 buni pl. uobis inspectantibus uulnerarentur, ad magi
 stratuū domos cum ferro & facibus iretur, Consulis fa
 sces frangerentur, deorum immortalium templa incen
 derentur, Remp. nullam esse putauī: itaq; neque Rep.
 exterminata, mihi locum in hac urbe esse duxi; nec, si
 illa restitueretur, dubitauī quin me secū ipsa reduceret.
 an ego, cum mihi esset exploratissimum, P. Lentulum
 proximo anno Consulem futurum, qui illis ipsis Reip.
 periculosissimis tēporibus Aedilis curulis me Cōsule om
 nium meorum consiliorum particeps, periculorumq; so
 cius fuisset: dubitarem, quin is me confectum consula
 ribus uulneribus cōsulari medicina ad salutē reduceret?
 hoc duce, collega autem eius, clementissimo atq; optimo
 uiro, primo nō aduersante, post etiam adiuuante, reli
 qui magistratus penē omnes fuerunt defensores salutis
 meæ: ex quibus excellenti animo, uirtute, auctoritate,
 præsidio T. Annius & P. Sestius, præstanti in me bene
 uolentia, & diuino studio extiterunt. eodemq; P. Len
 tulo auctore, & pariter referente collega, frequentissi
 mus senatus uno dissentiente, nullo intercedēte, dignita
 tem meam quibus potuit uerbis amplissimis ornauit, sa
 lutem uobis, municipijs, colonijsq; omnibus cōmēdauit.
 ita me nudum à propinquis, nulla cognatione munitū

Cic. Orat.

CC

Consules, Prætores, Tribuni plebis, senatus, Italia cuncta
semper à uobis deprecata est: deniq; omnes, qui uestris
maximis beneficijs honoribusq; sunt ornatì, producti ad
uos ab eodem, non solum ad me conseruandum uos co-
hortati sunt, sed etiam rerum mearum gestarum aucto-
res, testes, laudatoresq; fuerunt. quorum princeps ad co-
hortandum uos & ad rogandos fuit Cn. Pompeius, uir
omnium, qui sunt, fuerunt, erunt, uirtute, sapientia, ac
gloria princeps. qui mihi unus uni priuato amico eadē
omnia dedit, quæ uniuersæ Reip. salutem, otium, digni-
tatem. cuius oratio fuit, quemadmodum accepi, tripar-
tita. primum uos docuit, meis consilijs Remp. esse ser-
uatam; causamq; meam cum cōmuni salute coniunxit;
hortatusq; est, ut auctoritatem senatus, statū ciuitatis,
fortunas ciuis bene meriti defenderetis: tū in peroran-
do posuit, uos rogari à senatu, rogari ab equitibus R. ro-
gari ab Italia cuncta: denique ipse ad extremum pro
mea uos salute non rogauit solum, uerum etiā obse-
crauit. huic ego homini Quirites tantum debeo, quātum
hominem homini debere uix fas est. huius cōsilia, P. Len-
tuli sententiam, senatus auctoritatē uos secuti, in eo me
loco, in quo uestris beneficijs fueram, ijsdem centurijs,
quibus collocaratis, reposuistis. eodem tempore audistis
eodem ex loco summos uiros, ornatissimos atq; amplissi-
mos homines, principes ciuitatis, omnes cōsulares, omnes
prætorios eadem dicere, ut omnium testimonio per me
unum Remp. conseruatam esse cōstaret. itaque cum P.
Seruilius, grauiissimus uir, & ornatissimus ciuis, dixisset,
opera mea Remp. incolumem magistratibus deinceps
traditam, dixerunt in eandem sententiam cæteri. sed

audistis eo tempore clarissimi uiri nō solum auctorita-
tem, sed etiam testimonium L. Gellij : qui , quia suam
classē attentatam magno cum suo periculo penē sen-
sit, dixit in concione uestra, si ego Consul, cum fui, non
fuissem, Remp. funditus interituram fuisse. En ego tot
testimonijs Quirites, hac auctoritate senatus, tanta con-
sensione Italiae, tanto studio bonorum omnium, agente
P. Lentulo, consentientibus ceteris magistratibus, depre-
cante Cn. Pompeio, omnibus hominibus fauentibus, dijs
deniq; immortalibus frugum ubertate, copia , uilitate
reditum meum comprobātibus, mihi, meis, Reip. restitu-
tus, tantum uobis, quantum facere possum, Quirites pol-
licebor : primum qua sanctissimi homines pietate erga
deos immortales esse solent , eadem me erga populū R.
semper fore, numenq; uestrum æque mihi graue, et san-
ctum , ac deorum immortalium, in omni uita futurū:
deinde, quoniam me in ciuitatem Respub. ipsa reduxit,
nullo me loco Reip. defuturum . q̄ si quis existimat, me
aut uoluntate esse mutata , aut debilitata uirtute, aut
animo fracto, uehemēter errat . mihi quod potuit uis,
& iniuria, & sceleratorum hominum furor detrahe-
re, eripuit, abstulit, dissipauit: quod uiro forti adimi nō
potest, id manet & permanebit . uidi ego fortissimum
uirum, municipem meum, C. Marium , quoniam nobis
quasi aliqua fatali necessitate non solum cum ijs , qui
hæc delere uoluissent, sed etiam cum fortuna belligerā
dum fuit : eum tamen uidi, cum esset summa senectū-
te , non modo non infraeto animo propter magnitudi-
nem calamitatis , sed confirmato atque renouato . quē
egomet dicere audiui, tum se fuisse miserum, cū careret

O R A T I O

patria, quam obsidione liberauisset; cū sua bona posside-
ri ab inimicis, ac diripi audiret; cum adolescentem fi-
lium uideret eiusdem socium calamitatis; cum in palu-
dibus demersus, cōcursu, ac misericordia Minturnensiu
corpus ac uitam suam conseruasset; cum parua nauicu-
la traiectus in Africam, quibus regna ipse dederat, ad
eos inops, supplexq; uenisset: recuperata uero sua digni-
tate, se nō cōmissurum, ut, cum ea, quæ amiserat, sibi re-
stituta essent, uirtutem animi non haberet, quā nunq̃
perdidisset. sed hoc inter me, atque illum interest; quòd
ille, qua re plurimū potuit, ea ipsa re inimicos suos ul-
tus est, armis; ego, qua consueui, utar pietate; quoniam
illi arti in bello, ac seditione locus est, huic in pace, atq;
otio. quāquam ille animo irato nihil nisi de inimicis ul-
ciscendis agebat: ego de ipsis inimicis tantum, quātum
mihi Resp. permittet, cogitabo. deniq; Quirites, quoniā
me quatuor omnino genera hominum uiolarunt; unū
eorum, qui odio Reip. q̃ eam ipsis inuitis conseruaram;
mihi inimicissimi fuerunt; alterum, qui per simulatio-
nem amicitiae nefarie prodiderunt; tertium, qui, cum
propter inertiam suam eadem assequi non possent, inui-
derent laudi, & dignitati meæ; quartum, qui, cum cu-
stodes Reip. esse debuerunt, salutem meam, statum ciui-
tatis, dignitatem eius imperij, quod erat penes ipsos, uen-
diderunt: sic ulciscar genera singula, quemadmodum
à quibusq; sum prouocatus; malos ciues, Remp. bene
gerendo; perfidos amicos, nihil credēdo, atq; omnia caue-
do; inuidos, uirtuti & gloria seruiendo; mercatores
prouinciarum, reuocando domum, atque ab ijs prouin-
ciarum rationem repetendo. quāquam mihi maiori cu-

ra est, quemadmodū quidē uobis, qui de me estis opti-
 me meriti, gratiā referā, quā quemadmodum inimico-
 rum iniurias, crudelitatemq; persequar: etenim ulci-
 scendae iniuriæ facilior ratio est, quā beneficij remune-
 randi; propterea q̄ superiorem esse contra improbos,
 minus est negotij, quā bonis exæquari: tū etiā nec tam
 necessarium quidem est, male meritis, quā optime meri-
 tis, referre quod debeas. odium uel precibus mitigari
 potest, uel tēporibus Reip. cōmuniq; utilitate deponi, uel
 difficultate ulciscendi teneri, uel uetustate sedari: bene-
 meritos quin colas, nec exorari fas est, neq; id Reip. re-
 petere utcunq; necesse est, neque est excusatio difficul-
 tatis, neque æquū est tempore & die memoriam benefi-
 cij definire. postremo qui in ulciscendo remissior fuit,
 mox aperte laudatur: at grauissime uituperatur, qui
 in tantis beneficijs, quanta uos in me contulistis, remu-
 nerandis est tardior; neq; solum ingratus, quod ipsum
 graue est, uerū etiā impius appelletur necesse est. atque
 in officio persoluēdo dissimilis est ratio, & pecunia de-
 bita: propterea q̄ pecuniā, qui retinet, non dissoluit; qui
 reddidit, nō habet: gratiā & qui retulit, habet; & qui
 habet, dissoluit. quapropter memoriam uestri beneficij
 colam beneuolentia sempiternā, nō solum dum anima
 superabo mea, sed etiam cum mortuo monimēta uestri
 in me beneficij permanebunt. in referenda autem gra-
 tia hoc uobis repromitto, semperq; præstabo, mihi neq;
 in consilijs de Rep. capiūdis diligentia, neque in pericu-
 lis à Rep. propulsandis animum, neque in sentētia sim-
 pliciter referenda fidem, neque in hominū uolūtatibus
 pro Rep. lādendis libertatem, nec in perferendo labore

industriam, nec in uestris commodis augendis gratam
 animi benevolentiam defuturam. atque hæc cura Qui
 rites erit infixæ animo meo sempiterna, ut cum uobis,
 qui apud me deorum immortalium uim & numen te
 netis, tum posteris uestris, cunctisq; gentibus dignissimus
 ea ciuitate uidear, quæ suam dignitatem nõ posse tene
 re se, nisi me recuperasset, cunctis suffragijs indicauit.

POST REDITVM, IN SENATV.
ORATIO XXIX.

S I patres conscripti pro uestris immortalibus in me, fratremq; meum, liberosq; nostros meritis parum uobis cumulate gratias egero, quaeso, obtestorq;, ne meae naturae potius, quam magnitudini uestrorum beneficiorum id tribuendum putetis: quæ.n. tanta potest existere ubertas ingenij, quæ tanta dicendi copia, quod tam diuinum atque incredibile genus orationis, quo quisquam possit uestra in nos uniuersa promerita non dicam complecti orando, sed percensere numerando? qui mihi fratrem optatissimum, me fratri amantissimo, liberis nostris parentes, nobis liberos, qui dignitatem, qui ordinem, qui fortunas, qui amplissimam Remp. qui patriam, qua nihil potest esse iucundius, qui denique nosmet ipsos nobis reddidistis. quod si parentes charissimos habere debemus, quod ab ijs nobis uita, patrimonium, libertas, ciuitas tradita est; si deos immortales, quorum beneficio & hæc tenuimus, & cæteris rebus aucti sumus; si populum Rom. cuius honoribus in amplissimo consilio, & in altissimo gradu dignitatis, atque in hac omnium terrarum arce collocati sumus; si hunc ipsum ordinem, a quo sæpe magnificentissimis decretis sumus honestati: immensum quiddam & infinitum est, quod uobis debeamus, qui uestro singulari studio atque consensu parentum beneficia, deorum immortalium munera, populi Romani honores, uestra de me mul-

CC iiij

O R A T I O

ta iudicia, nobis omnia uno tempore reddidistis; ut, cū multa uobis, magna populo R. innumerabilia parentibus, omnia dijs immortalibus debeamus, q̄ hæc antea singula per illos habuerimus, nunc uniuersa per uos recuperauerimus. itaq; P. C. quod ne optandū quidem est homini, immortalitatē quādā per uos adepti uidemur: quod. n. tēpus erit unquam, quo uestrorū in nos beneficiorum memoria, ac fama moriatur, qui illo ipso tēpore, cū ui, ferro, metu, minis obsessi teneremini, nō multo post discessum meū uniuersi me reuocauistis, referente L. Mūmio, fortissimo, atq; optimo uiro? quē habuit ille pestifer annus & maxime fidelem, & minime timidū, & si dimicare placuisset, defensorē salutis meæ. posteaq; uobis potestas decernendi nō est permissa per eū Tribunum pl. quī cū per se Remp. lacerare nō posset, sub alieno scelere deleuit: nūquā de me siluistis, nunquā meā salutem nō ab ijs Consulibus, qui uendiderant, flagitauistis: itaque uestro studio, atque auctoritate perfectū est, ut ille ipse annus, quē ego mihi, quā patriæ, malueram esse fatalem, oēto Tribunos haberet, qui promulgerent de salute mea, & ad uos sæpenumero referrent. nam Cōsules modesti, legumq; metuētes, impediabantur lege, nō ea quæ de me, sed ea quæ de ipsis lata erat, cum meus inimicus promulgauit, ut, si reuixissent ij, qui hæc penè delerunt, tum ego redirem. quo factō utrunque confessus est, & se illorum uitam desiderare, et magno in periculo Remp. futuram, si aut hostes atque interfētores Reipub. reuixissent, aut ego non reuertissem. itaque illo ipso anno, cum ego cessissem; princeps autem ciuitatis non legum præsidio, sed parietum uitam

suam tueretur; Resp. sine Consulibus esset, neque solū
 parentibus perpetuis, uerum etiā tutoribus annuis esset
 orbata; sentētiās dicere prohiberemini; caput meā pro
 scriptionis recitaretur: nunquam dubitastis meam sa-
 lutē cum cōmuni salute coniungere. postea uero quā
 singulari & prāstātissima uirtute P. Lētuli Consulis ex
 superioris anni caligine & tenebris lucē in Rep. Calen-
 dis Ian. respicere cōepistis; cū Q. Metelli, nobilissimi ho-
 minis, atq; optimi uiri, summa dignitas, cū Prætorum,
 Tribunorum pl. penē omnium uirtus, & fides Reip. sub
 uenisset; cum uirtute, gloria, rebus gestis Cn. Pompeius
 omnium gentium, omniū seculorū, omnis memoriæ fa-
 cile princeps tuto se in senatum uenire arbitraretur: tā-
 tus uester cōsensus de salute mea fuit, ut, licet corpus ab-
 esset mecū, dignitas iam in patriā reuertisset. quo qui-
 dem mense, quid inter me & meos inimicos interesset,
 existimare potuistis. ego meā salutē deserui, ne propter
 me ciuiū uulneribus Resp. cruētaretur: illi meum redi-
 tū non populi R. suffragijs, sed flumine sanguinis inter-
 cludendū putauerunt. itaque postea nihil uos ciuibus,
 nihil socijs, nihil Regibus respōdistis: nihil iudices sentē-
 tijs, nihil populus suffragijs, nihil hic ordo auctoritate
 declarauit: mutum forū, elinguem curiam, tacitam et
 fraētā ciuitatem uidebatis. quo quidem tempore, cū
 is excessisset, qui cēdi & flammæ uobis auctoribus re-
 stiterat, cū ferro & facibus homines tota urbe uolitan-
 tes, magistratuum tēta oppugnata, deorum templa in-
 flāmata, summi uiri & clarissimi Consulis fasces fra-
 ctos, fortissimi atque optimi uiri Tribuni pl. sanētissi-
 mum corpus nō solum tactum ac uiolatum manu, sed

...O R A T I O...
uulneratum ferro, confectumq; uidistis. qua strage non
nulli permoti magistratus, partim metu mortis, partim
desperatione Reip. paululum à mea causa recesserunt :
reliqui fuerunt, quos neq; terror, nec uis, nec spes, nec me-
tus, nec promissa, nec minæ, nec tela, nec faces à uestra
auctoritate, à populi R. dignitate, à mea salute depelle-
rēt. princeps P. Lētulus, parens, ac deus nostræ uitæ, for-
tunæ, memoriæ, nominis, hoc specimen uirtutis, hoc indi-
ciū animi, hoc lumē Cōsulatus sui fore putauit, si me mi-
hi, si meis, si uobis, si Reip. reddidisset. qui ut est designa-
tus, nunquam dubitauit sententiā de salute mea se &
Rep. dignam dicere. cum à Tribuno pl. uetaretur, cum
præclarū caput recitaretur, ne quis ad uos referret, ne
quis decerneret, ne disputaret, ne loqueretur, ne pedibus
iret, ne scribēdo adesset: totam illam clausulam, ut ante
dixi, proscriptionem, nō legem putauit, qua ciuis opti-
me de Rep. meritus, nominatim, sine iudicio, unā cū se-
natu Reip. esset ereptus. ut uero iniit magistratum, non
dicā quid egerit prius, sed quid omnino egit aliud, nisi
ut me conseruato uestram in posterū dignitatē auctori-
tatemq; sanciret? dii immortales, quantū mihi beneficiū
dedisse uidemini, q̄ hoc anno P. Lentulus Consul fuit :
quāto maius dedissetis, si superiore anno fuisset : nec
enim eguissem medicina consulari, nisi consulari uulne-
re concidissem. audieram ex sapientissimo homine, atq;
optimo ciue, & uiro, Q. Catulo, non saepe unum Consu-
lem improbum, duos uero nunquam, excepto illo Cinna
no tempore, fuisse. quare meā causam semper fore fir-
missimā dicere solebat, dū uel unus in Rep. esset Cōsul.
quod uere dixerat, si illud de duobus Consulibus, quod

ante in Rep. non fuerat, perenne ac propriū manere potuisset. q̄ si Q. Metellus illo tēpore Consul fuisset unicus, dubitatis quo animo fuerit in me conseruando futurus, cū in restituendo auctore fuisse ascriptoremq; uideatis? sed fuerunt duo Consules, quorum mētes angustæ, humiles, prauæ, oppletæ tenebris, ac sordibus, nomē ipsum Consulatus, splendorem illius honoris, magnitudinem tanti imperij nec intueri, nec sustinere, nec capere potuerunt; non Cōsules, sed mercatores prouinciarū, ac uenditores uestre dignitatis. quorum alter à me Catilinam amatorem suum multis audiētibus, alter Cethegū consobrinū suum reposebat: qui me duo sceleratissimi post hominum memoriam non Consules, sed latrones, non modo deseruerunt, in causa præsertim publica, & consulari, sed prodiderunt, oppugnarunt, omni auxilio non solum suo, sed etiam uestro, cæterorumq; ordinum spoliatum esse uoluerunt: quorū alter tamen neq; me, neque quenquam fefellit: quis enim ullam ullius boni spem haberet in eo, cuius primū tēpus ætatis palàm fuisset ad omnes libidines diuulgatū? qui ne à sanctissima quidem parte corporis potuisset hominum impuram intemperatiam propulsare? qui, cū suam rem nō minus strenue, quā postea publicā, cōfecisset, egestatem, & luxuriā domestico lenocinio sustētauit? qui nisi in aram Tribunatus cōfugisset, neq; uim Prætoris, nec multitudinē creditorū, nec bonorū proscriptionem effugere potuisset? quo in magistratu nisi rogationē de piratico bello tulisset, profecto & egestate, & improbitate coactus piraticā ipse fecisset, ac minore quidē cum Reip. detrimento, quā quòd intra mœnia nefarius hostis, prædoq;

ORATIO

uersatus est. quo inspectante, ac sedēte, legem Tribunus pl. tulit, ne auspicijs obtēperaretur, ne obnuntiare concilio, aut comitijs, ne legi intercedere liceret, ut lex Aelia, & Fusia ne ualerēt, quæ nostri maiores certissima subsidia Reip. cōtra tribunitios furores esse uoluerunt. idēq; postea, cū innumerabilis multitudo bonorū de Capitolio supplex ad eū sordidata uenisset; cūq; adolescentes nobilissimi, cunctiq; equites R. se ad lenonis impurissimi pedes abiecissent: quo uultu cincinnatus ganeo nō solū ciuium lacrymas, uerum etiam patriæ preces repudiavit? neq; eo contentus fuit, sed etiam in concionem ascendit, eaq; dixit, quæ, si eius uir Catilina reuixisset, dicere nō esset ausus: se Nonarum Dec. quæ me Consule fuissent, cliuiq; Capitolini pœnas ab equitibus R. esse repetiturū: neq; solum id dixit, sed, quos ei cōmodū fuit, cōpellauit: L. uero Lamiā, equitem R. præstanti dignitate hominē, & salutē meā pro familiaritate, Reip. pro fortunis suis amicissimū, Consul imperiosus exire urbe iussit: & cū uos uestē mutandam censuissetis, cunctiq; mutassetis, atque idē omnes boni iam ante fecissent, ille unguentis oblitus, cum toga prætexta, quā omnes Prætores, Aedilesq; tū abiecerant, irrisit squalorem uestrū, & luctū grauissimæ ciuitatis; fecitq; quod nemo unq; Tyrannus; ut, quo minus occulte uestrū malum gementis, nihil diceret; ne aperte incommoda patriæ lugeretis, ediceret. cum uero in circo Flaminio non à Tribuno pl. Consul in concionem, sed à latrone archipirata productus esset: primū processit, qua auctoritate uir? uini, somni, stupri plenus, madenti coma, cōposito capillo, grauibus oculis, fluentibus buccis, pressa uoce, &

temulenta : q̄ in ciues indemnatos esset animaduer-
sum, id sibi dixit grauis auctor uehemētissime displice-
re. ubi nobis hæc auctoritas tandiu tāta latuit? cur in lu-
stris, & helluationibus huius calamistrati saltatoris tam
eximia uirtus tandiu cessauit? nam ille alter Cesoninus
Caluentius ab adolescentia uersatus est in foro, cum eū
præter simulat. i uersutamq; tristitiam nulla res cōmen-
daret, nō Consulis studium, nō discendi initia rei milita-
ris, nō cognoscendorum hominum, nō liberalitas. quem
præteriens cum incultum, horridum, mœstūq; uidiſſes,
etiam si agrestem, & inhumanum existimares, tamē li-
bidinosum, & perditum non dubitares. cū hoc homine
aut cum stipite Aethiope, si in foro constitiſſes, nihil cre-
deres interesse: sine sensu, sine sapore, elinguem, tardū,
inhumanū, neglectū, Cappadocem modo abreptū de gre-
ge uenaliū diceres. idem domi quā libidinosus, quā
impurus, quā intemperans, nō ianua receptis, sed pseu-
dothyro intromiſſis uoluptatibus? cū uero etiam literas
studere incipit, & helluo immanis cū Græculis philoso-
phari, tū est Epicureus, nō penitus illi disciplinæ, quæcū-
que est, deditus, sed captus uno uerbo uoluptatis. habet
autem magistros nō ex istis ineptis, qui dies totos de offi-
cio ac de uirtute differūt, qui ad laborem, ad industriā,
ad pericula pro patria subeūda adhortātur; sed eos, qui
disputent horam nullam uacūā uoluptate esse debere,
in omni parte corporis semper oportere aliquod gaudiū
delectationemq; uersari. his utitur quasi præfectis libi-
dinū suarum: hi uoluptates omnes uestigāt, atque odo-
rātur: hi sunt conditores, instructoresq; cōuiuij: ijdem
expendūt, atq; æstimāt uoluptates, sententiamq; dicūt,

Et indicant, quantum cuiq; libidini tribuendū esse uideatur : horum ille artibus eruditus, ita cōtempnit hāc prudentissimā ciuitatē, ut omnes suas libidines, omnia flagitia latere posse arbitraretur, si modo uultū impertunū in forū detulisset . is non me, quanquam equidē nō cognoram eum propter Pisonum affinitatem, quem longe hinc ab hoc genere cognatio materna transalpini sanguinis abstulisset, sed uos populumq; R. nō cōsilio, neque eloquentia, quod in multis saepe accidit, sed rugis, supercilioq; decepit. L. Piso tu'ne ausus es isto oculo, nō dicam isto animo, ista fronte, non uita; tanto supercilio, nō enim possum dicere tantis gestis, cū Gabinio consociare cōsilia pestis meae? nō te illius unguentorū odor, non uini anhelitus, nō frons calamistri notata uestigijs in eam cognitionem adducebat, ut, cum illius re similis fuisses, frontis tibi integumēto ad occultanda tanta flagitia diutius uti nō liceret? cum hoc coire ausus es, ut consularem dignitatem, ut Reip. statum, ut senatus auctoritatem, ut ciuis optime meriti fortunas provinciarū fœdere addiceres? te Consule, tuis edictis, et imperijs senatui populoq; R. nō est licitū nō modo sententijs atq; auctoritate sua, sed ne luētū quidē, ac uestitu Reip. subuenire . Capuēne te putabas, in qua urbe domicilium quondam superbiae fuit, Consulem esse, sicut eras eo tēpore, an Romae, in qua ciuitate omnes ante uos Cōsules senatui paruerūt? tu es ausus in circo Flaminio productus cū tuo illo pari dicere, te semper misericordē fuisse? quo uerbo senatum atq; omnes bonos tum, cum à patria pestem expellerent, crudeles demonstrabas fuisse . tu misericors me affinē tuū, quem comitijs praerogati-

uæ primum custodem præfeceras, quem Calēdis Ian. ter-
 tio loco sententiam rogaras, constriētum inimicis Reip.
 tradidisti: tu meum generum propinquū tuū, tu affi-
 nem tuam, meam filiam superbissimis, & crudelissimis
 uerbis à genibus tuis repulisti: idemq; tu clemētia ac mi-
 sericordia singulari, cum ego unā cū Rep. non tribuniz-
 tio sed consulari iētū concidissem, tanto scelere, tantaq;
 intemperantia fuisti, ut ne unā quidē horam interesse
 paterere inter meam pestem, & tuam prædam, saltem
 dum conticesceret illa lamentatio, & gemitus urbis. nō
 dum palām factum erat concidisse Remp. cū tibi arbi-
 tria funeris soluebantur, uno eodemq; tempore domus
 mea diripiebatur, ardebat, bona ad uicinum Consulem
 de Palatio, de Tusculano ad item uicinum alterum Cō-
 sulem deferebantur, cum, ijsdem operis suffragium fe-
 rentibus, eodem gladiatore latore, uacuo nō modo à bo-
 nis, sed etiam à liberis, atq; inani foro, ignaro populo R.
 quid ageretur, senatu uero oppresso, & afflicto, duo-
 bus impijs nefarijsq; Cōsulibus ærarium, prouinciæ, legio-
 nes, imperia donabantur. horum Consulum ruinas uos
 Consules uestra uirtute fulsistis, summa Tribunorū pl.
 Prætorumq; fide, & diligentia subleuasti. quid ego de
 præstantissimo uiro T. Annio dicā? aut quis de tali ci-
 ue satis digne unquam loquetur? qui cum uideret, sce-
 leratū ciuem, aut domesticum potius hostem, si legibus
 uti liceret, iudicio esse frangēdū; sin ipsa iudicia uis im-
 pediret, ac tolleret, audaciam uirtute, furorem fortitudi-
 ne, temeritatem consilio, manū manu, uim uis esse supe-
 radā: primo de ui postulauit: posteaq; ab eodē iudicia su-
 blata esse uidit, ne ille omnia ui posset efficere, curauit:

qui docuit neq; teēta, neque templa, neq; forū, neq; curiam sine summa uirtute, ac maximis opibus, & copijs ab intestino latrocinio posse defendi: qui primus post meū discessum metū bonis, timorē huic ordini, seruitutē depulit ciuitati. quā rationē pari uirtute, animo, fide P. Sestius secutus, pro mea salute, pro uestra auctoritate, pro statu ciuitatis nullas sibi inimicitias, nullā uim, nullos impetus, nullū uitæ discrimen uitandū unquam putauit: qui causam senatus exagitatā concionibus improborum, sic sua diligentia multitudinī cōmendauit, ut nihil tam popolare, quā uestrum nomen, nihil tam omnibus charum aliquando, quā uestra auctoritas uideretur: qui me cū omnibus rebus, quibus Tribunus pl. potuit, defendit, tum reliquis officijs iuxta, ac si meus frater esset, sustētauit: cuius ego clientibus, libertis, familia, copijs, literis ita sum sustentatus, ut meæ calamitatis nō adiutor solū, uerū etiam socius uideretur. iam ceterorum officia studiaq; uidistis: quā cupidus mei C. Sestilius, quā studiosus uestri, quā non uariis fuerit in causa. quid Mosopius? cui ego ipsi, parētī, fratriq; eius sentio quantum debeā: qui, cū à me uoluntas eorū in priuato iudicio esset offensa, publici mei beneficij memoria priuatam offensionem oblitterauerunt. iā T. Fadius, qui mihi Quæstor fuit; M. Curtius, cuius ego patri Quæstor fui, studio, amore, animo huic necessitudini nō defuerūt. multa de me C. Messinius & amicitia, & Reip. causa dixit: legem separatim initio de salute mea promulgauit. Q. Fabritius si, quæ de me agere conatus est, ea contra uim, & ferrum perficere potuisset, mense Ianuario nostrum statum recuperassemus: quē ad salutem

ad salutem meam uoluntas impulit, uis retardauit, auctoritas uestra renouauit. iam uero Praetores quo animo in me fuerint: uos existimare potuistis, cum L. Caecilius priuatim me suis omnibus copijs studuerit sustinere, publice promulgarit de salute mea cum collegis penè omnibus, directoribus aut meorum bonorum in ius adeundi potestatem non fecerit. M. autem Calidius statim designatus, sententia sua, quam esset chara sibi mea salus, declarauit. omnia officia C. Septimij, Q. Valerij, P. Crassij, Sex. Quintilij, C. Cornuti summa et in me, et in Remp. constiterunt. quæ cum libenter commemoro, tum non inuitus non nullorum in me nefarie commissæ prætereo. non est mei temporis, iniurias meminisse: quas ego, etiam si ulcisci possem, tamè obliuisci mallè. aliò transferenda mea tota uita est, ut bene de me meritis referam gratiam, cum apertis hostibus bellum geram, timidis amicis ignoscam, proditoribus meis non indicem dolorem profectio nis meæ, defensores reditus dignitate consoler. quod si mihi nullum aliud esset officium in omni uita reliquum, nisi ut erga duces ipsos et principes atque auctores salutis meæ satis gratus iudicarer: tamè exiguum reliquæ uitæ tempus non modo ad referendam, uerum etiam ad commemorandam gratiam mihi relictum putarem: quando enim ego huic homini ac liberis eius, quando omnes mei gratiam referent? quæ memoria, quæ uis ingenij, quæ magnitudo obseruantiae tot tantisque beneficijs respondere poterit? qui mihi primus afflicto et iacenti consularè fidem, dexteramque porrexit: qui me à morte ad uitam, à desperatione ad spem, ab exitio ad salutem renouauit: qui tanto amore in me, studio in Remp. fuit, ut excogit

Cic. Orat.

D D

taret quemadmodum calamitatem meam non modo leuaret, sed etiā honestaret : quid enim magnificentius, quid preclarius mihi accidere potuit, q̄ quod illo petente uos decreuistis, ut cuncti ex omni Italia, qui Remp. saluam uellent, ad me unū, hominē fractum, & propē dissipatum, restituendum, & defendendum uenirent : ut qua uoce à te Romule post Romā conditam Consul usus esset pro uniuerſa Rep. apud eos solū, qui eius uocē exaudire possent, eadē uoce senatus omnibus agris, uicis, atque oppidis ciues totamq; Italiā ad unius salutem defendendā excitaret. quid ego gloriosius meis posteris potui relinquere, q̄ hoc, senatū iudicasse, qui ciuis me non defendisset, eum Remp. saluā noluisse ? itaque tantum uestra auctoritas, tantum eximia Consulis dignitas ualuit, ut omne is flagitiū se cōmittere putaret, si quis non ueniret. idemq; Consul, cum illa incredibilis multitudo Romā, & penē Italia ipsa uenisset, uos frequentissimos in Capitoliū conuocauit, quo tēpore quantā uim uera bonitas haberet, aut uera nobilitas, intelligere potuistis : nam Q. Metellus, & inimicus, & frater inimici, perspecta uestra uoluntate, omnia priuata odia deposuit : quem P. Seruilius, uir cum clarissimus, tum uero optimus, mihiq; amicissimus, & auctoritatis, & orationis suæ diuina quadā grauitate ad sui generis, cōmunisq; sanguinis facta uirtutesq; reuocauit, ut haberet in cōsilio & fratrem ab inferis socium rerum mearum, & oēs Metellos præstantissimos ciues penē ex Acheronte excitatos, in quibus Numidicum illum, cuius quondam de patria discessus honestus ipsi, bonis omnibus tamē luētuosus uisus est. itaque fuit is nō mo-

POST REDITVM, IN SENATV. 210
 do salutis defensor, qui ante hoc unum beneficium fue-
 rat inimicus, uerū etiam ascriptor dignitatis meæ. quo
 quidem die cum CCCCX senatores essetis, magistrat-
 usq; oēs adessent, dissensit unus, is qui sua lege coniura-
 tos etiā ab inferis excitādos putarat. atque illo die, quo
 Remp. meis cōsilijs cōseruatā grauissimis uerbis, & plu-
 rimis iudicassetis, idē Cōsul curauit, ut eadē à principi-
 bus ciuitatis in concione postero die dicerentur: cū qui-
 dē ipse egit ornatissime causam meā, perfecitq; astāte,
 atque audiēte Italia tota, ut nemo cuiusq; cōducti, aut
 perditī uocē acerbā, atque inimicā bonis posset audire.
 ad hæc non modo adiūmēta salutis, sed etiā ornamēta
 dignitatis meæ reliqua uos iydem addidistis: decreuistis,
 ne quis ulla rōne rem impediret; qui id impedisset, gra-
 uiter molestēq; laturos; illū cōtra Remp. salutemq; bo-
 norū, concordiamq; ciuium faēturum; et ut ad uos ea
 statim referrentur: meq; etiam, si diutius calūniaren-
 tur, redire iussistis. quid? ut ageretur gratiæ, qui ē mu-
 * nicipijs uenissent. quid? ut ad illam diē, res cum redi-
 sent, rogarētur, ut pari studio conuenirēt. quid denique
 illo die, quē P. Lentulus mihi fratriq; meo, liberisq; no-
 stris natalē constituit, non modo ad nostrā, uerum etiā
 ad sempiterni memoriam temporis? quo die nos comi-
 tijs cēturiatis, quæ maxime maiores iusta dici haberiq;
 uoluerunt, arcessiuit in patriam: ut eadem centuriæ,
 quæ me Consulē fecerant, Consulatum meum compro-
 barent. quo die quis ciuis fuit, qui fas esse putaret, qua-
 cunque aut ætate, aut ualitudinis esset, nō se de salute
 mea sentētiā ferre? quando tantā frequentiā in cam-
 po, tantū splendorem Italiae totius, ordinumq; omniū,

DD ij

quando illa dignitate rogatores, diribitores, custodesq;
 uidistis? itaque P. Lētuli beneficio excellēti atq; diuino
 nō solū reduētī sumus in patriā, sicut nō nulli clarissi-
 mi, uiri, sed equis insignibus, & curru aurato reporta-
 ti. possum ego satis in Cn. Pōpeiū unquā gratus uideri?
 qui nō solum apud uos, qui oēs idē sentiebatis, sed etiā
 apud uniuersum populum R. salutē Reip. & conserva-
 tam per me, & coniūctam esse cum mea dixerit: qui
 causam meam prudētibus commēdarit, impitos edocue-
 rit, eodemq; tēpore improbos auctoritate sua compres-
 serit, bonos excitarit: qui populū R. pro me, tanquam
 pro fratre, aut pro parēte, non solum hortatus sit, ue-
 rum etiam obsecrarit: qui, ipse cū propter metum di-
 micationis, & sanguinis domo se teneret, etiam à supio-
 ribus Tribunis petierit, ut de salute mea & promulga-
 rēt, & referrēt: qui in colonia nuper constituta cum
 ipse gereret magistratū, in qua nemo erat emptus inter-
 cessorum, uim & crudelitātē priuilegij, auctoritate ho-
 nestissimorū hominum, & publicis literis consignauit,
 princepsq; Italiæ totius præsidium ad nostram salutē
 implorandum putauit: qui cum ipse mihi semp ami-
 cissimus fuisset, etiam ut suos necessarios mihi amicos
 redderet, elaborauit. quibus autē officijs T. Annij be-
 neficia renumerabor? cuius omnis actio, ratio, cogita-
 tio, totus deniq; Tribunatus nihil aliud fuit, nisi con-
 stans, ppetua, fortis, inuicta defensio salutis meæ. quid
 de P. Sestio loquar? qui suā erga me beneuolētiā, &
 fidē non solum animi dolore, sed etiam corporis uulne-
 ribus ostēdit. uobis uero P. C. singulis & egi, & agam
 gratias uniuersis: egi initio, quantū potui: satis ornate

agere nullo modo possum. & quāquā sunt in me prae-
cipua merita multorū, quae sileri nullo modo possunt :
tamē huius tēporis ac timoris mei non est, conari cōme-
morare beneficia in me singulorū: nam difficile est non
aliquē, nefas quenquā praeire. ego uos uniuersos pa-
tres cōscripti deorū numero colere debeo . sed ut in ip-
sis dijs immortalibus nō semper eosdē, atque aliās alios
solemus et uenerari, & precari: sic in hominibus de me
diuinitus meritis omnis erit aetas mihi ad eorū erga me
merita praedicāda atque recolenda . hodierno aut die
nominatim à me magistratibus statui gratias esse agē-
das, et de priuatis uni, qui pro salute mea municipia,
coloniasq; adisset, populū R. supplex obsecrasset, senten-
tiā dixisset eā, quā uos secuti, mihi dignitatē meā red-
didistis. uos me florentē semper ornastis: laborantem
mutatione uestis et propē luētū uestro, quoad licuit, de-
fendistis. nostra memoria senatores ne in suis quidē pe-
riculis mutare uestē solebant: in meo periculo senatus
ueste mutata fuit, quoad licuit per eorū edicta, qui mea
pericula nō modo suo praesidio, sed etiā uestra depreca-
tione nudarūt. quibus ego rebus obiectis, cū mihi priua-
to confligendū uiderem cū eodem exercitu, quē Consul
nō armis, sed uestra auctoritate superarā, multa mecū
ipse reputaui. dixerat in concione Consul, se cliui Ca-
pitolini poenas ab equitibus R. repetiturum. nominatim
alij cōpellabātur, alij citabātur, alij relegabantur: adi-
tus templorū erant non solū praesidijs & manu, uerum
etiā demolitione sublati. alter Consul, ut me & Remp.
non modo desererēt, sed etiā hostibus Reip. proderent,
paetionibus eos suorū premiorū obligarat. erat aliud ad

portas cū imperio in multos annos, magnoq; exercitu :
 quem ego inimicū mihi fuisse non dico ; tacuisse, cum
 diceretur esse inimicus, scio. duæ partes esse in Rep. cum
 putarentur, altera me deposcere propter inimicitias, al-
 tera timide defendere propter suspitionē cædis putaba-
 tur . qui aut me deposcere uidebantur, in hoc auxerūt
 dimicationis metum, q̄ nunquam inficiando suspitionē
 hominum curamq; minuerunt . quare cum uiderem
 senatum ducibus orbatum , me à magistratibus partim
 oppugnatum, partim proditum, partim derelictum, ser-
 uos simulatione collegiorū nominatim esse conscriptos,
 copias omnes Catilinæ penè iisdem ducibus ad spem cæ-
 dis & incendiorū esse reuocatas, equites R. proscriptio-
 nis, municipia uastitatis, oēs cædis metu esse permotos ,
 potui, potui P. C. multis auctoribus fortissimis uiris me
 ui, armisq; defendere: nec mihi ipse ille animus idē me-
 us, uobis nō incognitus, defuit: sed uidebam, si uicissem
 præsentem aduersariū , nimium multos mihi alios esse
 uincendos ; si uictus essem, multis bonis & pro me, &
 mecū, etiam post me esse pereundum; tribunitiq; san-
 guinis ultores esse præsentis , meæ mortis pœnas indi-
 cio, et posteritati reservari. nolui, cū Cōsul cōmunē salu-
 tē sine ferro defendisē, meā priuatus armis defendere:
 bonosq; uiros lugere malui meas fortunas, q̄ suis despe-
 rare. ac si solus esē interfectus, mihi turpe ; si cū mul-
 tis, Reip. funestū fore uidebatur. q̄ si mihi æternam esse
 propositā ærūnā arbitrarer, morte me ipse potius, q̄ sem-
 piterno dolore mulctasē. sed cū uiderē me nō diutius,
 quā ipsam Rēp. ex hac urbe abfuturū: neque ego illa
 exterminata mihi remanēdū putauī; et illa, simul atq;

reuocata est, me secū pariter reportauit. mecū leges, me
cū quæstiones, mecū iura magistratū, mecū senatus au-
thoritas, mecū libertas, mecū etiā frugum ubertas, mecū
deorum, & hominum sanctitates omnes, & religiones
abfuerūt. quæ si semp abessent, magis uestras fortunas
lugerem, q̄ desiderare meas: sin aliquando reuocaren-
tur, intelligebā mihi cū illis unā esse redeundum. cuius
mei sensus certissimus testis est hic idē, qui custos capitis
fuit, Cn. Plācius, qui omnibus provincialibus ornamētis,
cōmodisq; depositis, totā suā Quæsturā in me sustēt. ido,
& cōseruādo collocauit. qui si mihi Quæstor imperato-
ri fuisset, in filij loco fuisset: nūc certe erit in parentis,
cū fuerit Quæstor nō imperij, sed doloris mei. quapro-
pter patres cōscripti, quoniam in Remp. sum pariter cū
Rep. restitutus, nō modo in ea defendēda nihil minūā
de libertate mea pristina, sed etiā adaugebo: etenim si
eā tū defendebā, cū aliquid mihi illa debebat, quid nūc
me facere oportet, cū ego illi plurimū debeo? nam quid
est, quod animū meū frangere, aut debilitare possit, cu-
ius ipsam calamitatē nō modo nullius delicti, sed etiam
diuinorū in Remp. beneficiorū testē esse uideatis? nā &
importata est, quia defenderā ciuitatē: & mea uolūta-
te suscepta est, ne à me defensa Resp. per eundē me ex-
tremū in discriminē uocaretur. pro me nō, ut pro P. Popi-
lio nobilissimo homine, adolēscētes filij, nō propinquorū
multitudo populū R. est deprecata, nō, ut pro Q. Me-
tello summo & clarissimo uiro, spectata iā adolēscētia
filius, non L. & C. Metelli consulares, non eorū liberi,
non Qu Metellus Nepos, qui tum Consulatum petebat;
non Luculli, Seruiliij, Scipiones, Metellarum filij flentes,

DD iiij

O R A T I O

ac sordidati populo R. supplicauerūt; sed unus frater, qui in me pietate filius, consilijs parens, amore, ut erat, frater inuētus est, squalore, & lacrymis, et quotidianis precibus desiderium mei nominis renouari, & rerū gestarū memoriā usurpari coegit. qui cū statuisset, nisi per uos me recuperasset, eandē subire fortunā, atque idem sibi domiciliū et uitæ & mortis deposceret: nunq̃ nec magnitudinē negotij, nec solitudinem suā, nec uim inimicorū, ac tela ptimuit. alter fuit propugnator mearū fortunarū, & defensor assiduus, summa uirtute et pietate C. Piso gener: qui minas inimicorū meorū, qui inimicitias affinis mei, propinqui sui Cōsulis, qui Pontū, et Bithyniā Quæstor pro mea salute neglexit. nihil unq̃ senatus de P. Popilio decreuit: nunq̃ in hoc ordine Quæ Metelli mentio facta est. tribunitijs sunt illi rogationibus, interfectis inimicis, deniq; nulla auctoritate senatus restituti, cū alter eorū senatui paruisset, alter uim, cædemq; fugisset. nā C. quidē Marius, qui hac hominū memoria tertius ante me cōsularis tempestate ciuili expulsus est, nō modo à senatu nō est restitutus, sed reditu suo senatum cunctum penè deleuit. nulla de illis magistratū consensio, nulla ad Remp. defendendam populi R. conuocatio, nullus Italiae motus, nulla decreta municipiorum, & coloniarum extiterunt. quare cū me uestra auctoritas accersierit, populus R. reuocarit, Resp. implorarit, Italia cuncta penè suis humeris reportarit, nō cōmittam P. C. ut, eum ea mihi sint restituta, quæ in potestate mea non fuerunt, ea non habeam, quæ ipse præstare possim, præsertim cū illa amissa recuperarim, uirtutem, & fidem nunquam amiserim.

PRO DOMO SVA, AD PONTIFICES.
O R A T I O. XXX.

C Vm multa diuinitus Pontifices à ma-
 ioribus nostris inuenta, atq; instituta
 sunt, tum nihil præclarius, q̃ q̃ uos eos
 dem & religionibus deorum immor-
 talium, & summæ Reip. præesse uo-
 luerunt: ut amplissimi & clarissimi ciues Remp. bene
 gerendo, religiones religionibus sapienter interpretâdo,
 Remp. conseruarent. q̃ si ullo tempore magna causa
 in sacerdotũ populi R. iudicio ac potestate uersata est,
 hæc profecto tanta est, ut omnis Reip. dignitas, omniũ
 ciuiũ salus, uita, libertas, aræ, foci, dij penates, bona, for-
 tuna, domicilia, uestre sapientiæ, fidei, potestatiq; cõmis-
 sa creditaq; esse uideantur. uobis hodierno die cõstituẽ-
 dum est, utrũ posthac amentes ac perditos magistratus
 improborũ ac sceleratorum ciuiũ præsidio nudare, an
 etiam deorũ immortalium religione armare malitis. nã
 si illa labes, ac flamma Reip. suum illum pestiferum &
 funestum Tribunatum, quem æquitate humana tueri
 non potest, diuina religione defenderit: aliæ ceremoniæ
 nobis erunt, alij antistites deorum immortalium, alij
 interpretes religionum requiredi. sin autem uestra au-
 thoritate, sapientiãq; Pontifices, ea, quæ furore impro-
 borum in Rep. ab alijs oppressa, ab alijs deserta, ab alijs
 prodita, gesta sunt, rescinduntur: erit causa, cur consi-
 lium maiorum in amplissimis uiris ad sacerdotia deli-
 gendis iure ac merito laudare possimus. sed quoniam il-
 le demens, si ea, quæ ego per hos dies in senatu de Rep.

O R A T I O

sensi, uituperasset, aliquē se aditū ad aures uestras esse habiturum putauit: omittam ordinem dicendi meum: respondebo hominis furiosi nō orationi, qua ille uti nō potest, sed cōuitio, cuius exercitationem cum intolerabili petulantia, tum etiā diuturna impunitate munivit. Ac primū illud à te homine uesano ac furioso requiro, quæ te tanta poena tuorū scelerum flagitiorumq; uexet, ut hos tales uiros, qui non solū consilijs suis, sed etiā specie ipsa dignitatem Reip. sustinent, q̄ ego in sententia dicēda salutem ciuium cum honore Cn. Pōpeiij coniunxerim, mihi esse iratos, & aliud de summa hoc tempore religione sensuros, ac me absente senserint, arbitre re? fuisti tu, inquit, apud Pōtifikes supior: sed etiam, quoniā te ad populū cōtulisti, sis inferior, necesse est. itāne uero? quod in imperita multitudine est uitiosissimū, uarietas, & inconstantia, & crebra, tanquam tempestatum, sic sententiarū cōmutatio, hoc tu ad hos transferas? quos ab inconstantia grauitas, à libidinosa sentētia certū & definitū ius religionū, uetustas exemplorum, auctoritas literarum, monumentorumq; deterret. Tu ne es ille, inquit, quo senatus carere nō potuit? quē boni luxerūt? quē Resp. desiderauit? quo restituto, senatus auctoritatem restitutā putabamus, quam primum adueniens prodidisti? non dū de mea sentētia dico: impudentiæ primū respondebo tuæ. hunc igitur, funesta Reip. pestis, hunc tu ciuē ferro, & armis, & exercitus terrore, & Consulū scelere, & audacissimorum hominum minis, seruorum delectu, obsessione templorum, occupatione fori, oppressione curiæ, domo, et patria, ne cū improbis boni ferro dimicarent, cedere curasti, quem à se

natu, quē à bonis omnibus, quem à cuncta Italia deside-
 ratum, accersitum, reuocatum conseruanda Reip. cau-
 sa confiteris? At enim in senatum uenire, in Capito-
 lium intrare turbulento illo die non debuisti. ego uero
 neque ueni, & domo me tenui, quandiu turbulentū tē-
 pus fuit, cū seruos tuos, à te iam pridem ad bonorū cæ-
 dem paratos, cū illa tua consccleratorum ac perditorū
 manu armatos in Capitoliū tecum uenisse constabat.
 quod cum mihi nūciaretur, scio me domi mansisse, &
 tibi & gladiatoribus tuis instaurādæ cædis potestatem
 non fecisse. posteaquam mihi nunciatum est, populum
 R. in Capitoliū propter metum, atque inopiam rei fru-
 mentariæ conuenisse, ministros autem scelerum tuorū
 perterritos, partim amissis gladijs, partim ereptis diffu-
 gisse: ueni non solum sine ullis copijs ac manu, uerum
 etiam cū paucis amicis. an ego, cum P. Lentulus Cos.
 optime de me ac de Rep. meritis, cū Q. Metellus, qui,
 cū meus inimicus esset, frater tuus, & dissensionī no-
 stræ, & precibus tui salutē ad dignitatem meam prætu-
 lisset, me arcesserent in senatum; cum tāta multitudo
 ciuiū tam recenti officio suo me ad referendam gratiā
 nominatim uocarent, non uenirē? cū præsertim te iam
 illinc cū tua fugitiuorum manu discessisse constaret.
 Hic tu me etiā custodem defensoremq; Capitolij, tem-
 plorumq; omnium, hostem Capitolinū appellare ausus
 es, q, cum in Capitolio senatum duo Consules habe-
 rent, & uenirem. utrum ne est tempus aliquod, quo in
 senatum uenisse turpe sit; an res illa talis erat, de qua
 agebatur, ut rem ipsam repudiare, et eos, qui agebant,
 condemnare deberem? primū dico, senatoris esse boni,

O R A T I O

semper in senatū uenire: nec cū ijs sentio, qui statuunt minus bonis temporibus in senatū ipsi non uenire, non intelligētes hanc suam nimīā perseuerantiam uehemēter ijs, quorum animū offendere uoluerunt, gratam & iucundam fuisse. At enim non nulli propter timorem, q̄ se in senatu tuto non esse arbitrabantur, discesserunt. non reprehēdo, nec quæro, fuerit ne aliquid per timescendū: puto, arbitrio suo quenque timere oportere. cur ego non timuerim, quæris? quia te illinc abiisse cōstabat. cur, cum uiri boni non nulli putarint tuto se in senatu esse non posse, ego nō idem senserim? cur, cū ego me existimassem tuto omnino in ciuitate esse non posse, illuc irē? an alijs licet, & recte licet, in meo metu sibi nihil timere: mihi uni necesse erit et meā et aliorū uicem pertimescere? an, quia non cōdemnaui sentētia mea duos Cōsules, sum reprehēdendus? eos igitur ego potissimū damnare debui, quorum lege perfectum est, ne ego indēnatus, atque optime de Rep. meritis, damnatorū pœnam sustinerem? quorū etiam delicta propter eorū egregiam in me conseruando uoluntatem nō modo me, sed omnes bonos ferre oporteret, eorum optimum consiliū ego potissimum per eos in meam pristinam dignitatem restitutus consilio repudiarem meo? At quā sententiam dixi? primū eam, quam populi sermo in animis nostris iā ante defixerat: deinde eā, quæ erat superioribus diebus agitata in senatu: deinde eam, quam senatus frequens tum, cū mihi est assensus, secutus est: ut neque allata sit à me res inopinata ac recens, nec, si quod in sententia uitiū est, magis sit eius qui dixerit, quàm omnīū qui probarint. At. n. liberū sena-

tus iudicium propter metum non fuit. si timuisse eos facis, qui discesserunt: concede, nō timuisse eos, qui remanserunt. sin aut sine ijs, qui tum abfuerunt, nihil discer ni libere potuit: cum oēs adessent, cœptum est referri de inducēdo S. C. ab uniuerso senatu reclamatum est. sed quæro, in ipsa sententia, quoniam princeps ego sum eius, atq; auctor, quid reprehēdatur? utrū, causa capiendi noui cōsiliij non fuit, an meæ partes in ea causa non præcipuæ fuerūt? an aliò potius confugiēdū fuit? quæ uis, quæ causa maior esse, q̄ fames, potuit? quàm seditio? q̄ consilia tua, tuorumq;? qui, facultate oblata ad impitorū animos incitandos, renouaturū te tua illis funesta latrocinia ob annonæ causam putarunt. frumentum provinciæ frumentariæ partim nō habebant, partim in alias terras, credo propter uarietate uenditorū, miserāt, partim, quo gratius esset tū, cum in ipsa fame subuenissent, custodijs suis clausum cōtinebāt, ut subito nouum mitterent. res erat nō in opinione dubia, sed in præsentī, atq; ante oculos proposito periculo: neque id coniectura prospiciebamus, sed iā experti uidebamus. nā cū ingrauesceret annona, ut iā planè inopia ac fames, nō caritas timeretur, cōcursus est ad tēplū Concordiæ factus, senatū illuc uocāte Metello Cos. qui si uerus fuit ex dolore hominū & fame, certe Consules causam suscipe, certe senatus aliquid consiliij cape potuit. sin in causa fuit annona, seditionis quidē stimulator & cōcizator tu fuisti: non ne id agēdū nobis omnibus fuit, ut materiē subtraheremus furori tuo? quid, si utrūq; fuit, & ut fames stimularet homines, et tu in hoc ulcere tā quā unguis existeres? non ne fuit eo maior adhibenda

medicina, quæ et illud natiuū, & hoc delectū malū sa-
 nare posset? erat igitur et præsens caritas, et futura fa-
 mes. inde saxis facta lapidatio est: si ex dolore plebeio
 nullo incitante, magnū malum: si P. Clodij impulsu,
 usitatū hominis facinorosi scelus: si utrūque, ut res esset
 ea, quæ sua spōte multitudinis animos incitaret, & pa-
 ratū atq; armati seditiōis duces; uidetur ne ipsa Resp. et
 Consulis auxilium implorasse, & senatus fidem? atqui
 utrunque fuisse perspicuum est. difficultatem annonæ,
 summamq; inopiam rei frumētariæ, ut homines nō iā
 diuturnā caritatem, sed ut famem planē timerent, ne
 * mo negat. hunc istū otij et pacis hostē causam arreptu-
 rū fuisse ad incendia, cædes, rapinas, nolo Pontifices su-
 spicemini, nisi uideritis. qui sunt homines à Q. Metello
 fratre tuo Consule in senatu palām nominati, à quibus
 ille se lapidibus appetitū et percussū esse dixit? L. Ser-
 gium, & M. Lolliū nominauit. quis est iste Lollius? qui
 sine ferro ne nunc quidē tecum est, qui te Tribuno pl.
 nihil de me dicam, sed qui Cn. Pompeiū interficiendum
 depoposcit. quis est Sergius? armiger Catilinæ, stipator
 tui corporis, signifer seditionis, concitator tabernariorū,
 damnatus iniuriarum, percussor lapidator, fori depopu-
 lator, obseffor curiæ. his atq; huiusmodi ducibus, cū tu
 in annonæ caritate in Consules, in senatū, in bona for-
 tunasq; locupletū, per causam inopum, atque imperito-
 rum, repentinos impetus comparares; cū tibi salus esse
 in otio nulla posset, cū desperatis ducibus, decuriatos ac
 descriptos haberes exercitus perditorū: non ne prouiden-
 dū senatui fuit, ne in hanc tantā materiā seditionis ista
 funesta fax adhæresceret? fuit igitur causa capiēdi no-

ui consilij. uidete nūc, fuerint ne partes meæ penè præci-
 pue. quæ tum Sergius ille tuus, quem Lollius, quem cæ-
 teræ pestes in lapidatione illa nominabant? quæ anno-
 nam præstare oportere dicebāt? non ne me? quid puero-
 rum illa concursatio nocturna? nū à te ipso instituta
 me frumentū flagitabant? quasi uero ego aut rei fru-
 mentariæ præfuissem, aut compressum aliquod frumē-
 tum tenerem, aut in isto genere omnino quidq̃ aut cu-
 ratione, aut potestate ualuissem: sed homo ad cædē im-
 minens meū nomen operis ediderat, imperitis iniecerat.
 cū de mea dignitate in tēplo Iouis Optimi Maximi se-
 natus frequētissimus uno isto dissentiente decreuisset, su-
 bito illo ipso die carissimam annonā nec opinata uili-
 tas cōsecuta est. erant qui deos immortales, id quod ego
 sentio numine suo reditū meum dicerent comprobasse.
 non nulli aut illam rem ad illam rationē, cōiecturamq̃;
 reuocabant, qui, q̃ in meo reditu spes otij, & concordie
 sita uidebatur, in discessu autem quotidianus seditio-
 nis timor, iam penè belli depulso metu commutatam es-
 se annonam dicebant: quæ quia rursus in meo reditu
 facta erat durior, à me, cuius aduētū fore utilitatē boni
 uiri diētībāt, annona flagitabatur. ego denique nō so-
 lū ab operis tuis impulsu tuo nominabar, sed etiam, de-
 pulsus ac dissipatis tuis copijs, à pop. R. uniuerso, qui tū
 in Capitoliū cōuenerat, cū illo die minus ualere, nomi-
 natim in senatū uocabar. ueni expectatus. multis sentē-
 tijs iā diētīs, rogatus sum sentētiā: dixi Reip. saluberri-
 mā, ac mihi necessariā. petebatur à me frumētī copia,
 annonæ uilitas, quasi possem aliqd in ea re gerēda: non
 * habebatur. flagitabar bonorū expostulatiōe: improborū

O R A T I O

conuitia sustinere non poterā. delegaui amico locuple-
tiori: nō quo illi ita de me merito onus illud imponerē
(succubuissem enim potius ipse) sed quia uidebā id qđ
oēs, quod nos de Cn. Pompeio polliceremur, id illum fi-
de, cōsilio, uirtute, auctoritate, felicitate denique sua fa-
cillime perfecturū. itaque siue hūc dij immortales fru-
ctū mei reditus pop. R. tribuūt, ut, quemadmodū disces-
su meo frugū inopia, fames, uastitas, cædes, incēdia, rapi-
næ, scelerū impunitas, fuga, formido, discordia fuisset,
sic reditu meo ubertas agrorū, frugum copia, spes otij,
tranquillitas animorū, iudicia, leges, concordia populi,
senatus auctoritas mecū simul reduēta uideantur; siue
egomet aliquid aduentu meo, consilio, auctoritate, dili-
gētia pro tāto beneficio populo R. prestare debuī; præ-
sto, promitto, spondeo; nihil dico amplius; hoc, quod
satis est huic tempori, dico, Remp. annonæ nomine in
id discrimen, quō uocabatur, non esse uenturam. num
igitur in hoc officio, quod fuit præcipue meum, sentētia
mea reprehenditur? rē maximā eripui à peste summi
periculi, non solū eam, sed etiam uos à cæde, incendijs,
uastitate. nemo negat, cū ad causam caritatis accederet
iste speculator communium miseriarū, quin semper in
Reip. malis sceleris sui fascēs inflāmarit. negat oportu-
isse quicquā uni extra ordinem decerni. nō iam tibi sic
respōdebo, ut cæteris; Cn. Pōpcio plurima, periculosissi-
ma, maxima terra mariq; bella extra ordinem esse cō-
missa; quarū rerū si quem pœniteat, eū uictorie popu-
li R. pœnitere. nō ita tecum ago. cū ijs hæc à me haberi
oratio potest, qui ita disputāt, se, si qua res ad unū defe-
rēda sit, ad Cn. Pōpeiū delaturos potissimū, sed se extra
ordinem

ordinem nihil cuiquam dare; cum Pompeio datū sit, id se pro dignitate hominis ornare, ac tueri solere. horū ego sententiam ne laudem, impedior Cn. Pompeij triumphis: quibus ille, cum esset extra ordinem ad patriā defendēdam uocatus, auxit nomen populi R. imperiumq; honestauit. constantiā probo, qua mihi quoque utendū fuit, quo ille auctore extra ordinem bellum cum Mithridate Tigra neq; gessit. sed cum illis tamē possum aliquid disputare: tua uero quæ tanta impudentia est, ut audeas dicere, extra ordinem dari nihil cuiquam oportere? quī cum lege nefaria Ptolemæum Regem Cypri, fratrem Regis Alexandrini, eodem iure regnantem, causa incognita publicasses, populumq; R. scelere obligasses; cum in eius regnum, bona, fortunas latrociniiū huius imperij immisisses, cuius cum patre, auo, maioribus societas nobis & amicitia fuisset: huius pecuniæ deportandæ, &, si quis suum ius defenderet, bello gerendo M. Catonem præfeciisti: dices, quem uirum? sanctissimum, prudentissimum, fortissimum, amicissimum Reip. uirtute, cōsilio, ratione uitæ mirabili ad laudem, & propè singulari: sed quid ad te, qui negas esse iuris, quenquā ulli Reip. extra ordinem præfici? atque in hoc solū inconstantiam redarguo tuam, qui in ipso Catone, quē tu nō pro illius dignitate produxeras, sed pro tuo scelere subduxeras, quē tuis Sergijs, Lollijs, Titijs, cæterisq; cædis & incendiorum ducibus obieceras, quē carnificem ciuium, quem indemnatorum necis principem, quem crudelitatis auctorem fuisse dixeras, ad hunc honorem & imperium extra ordinem nominatim rogatione tua detulisti: & tanta fuisti intemperātia, ut illius tui sceleris rationem occultare nō pos-

Cic. Orat.

EE

ses. literas in concione recitasti, quas tibi à C. Cæsare mis-
sas diceres. CAESAR PVLCERO. cum etiam
es argumētatus, amoris esse hoc signū, cū nominibus tan-
tū uteretur, neq; abscriberet, Proconsul, aut Tribuno pl.
deinde gratulari, q̄ idem in posterum M. Catonē Tribu-
natu tuo remouisses, & q̄ idem in posterū de extraordi-
narijs potestatibus libertatem ademisses. quas aut nūquā
tibi ille literas misit; aut, si misit, in concione recitari no-
luit; aut, siue ille misit, siue tu finxisti, certe consiliū tuū
de Catonis honore illarum literarum recitatione patefa-
ctum est. sed omitto Catonem, cuius eximia uirtus, digni-
tas, & in eo negotio, quod gessit, fides, & continentia te-
gere uidentur improbitatem & legis, & actionis tuæ.
quis provinciā homini post homines natos turpissimo,
sceleratissimo, contaminatissimo, quis illā opimam ferti-
lemq; Syriam, quis bellum pacatissimis gentibus, quis pe-
cuniam ad emendos agros constitutā, ereptam ui ex Cæ-
saris rebus actis, quis imperium infinitū dedit? cui qui-
dem cum Ciliciā dedisses, mutasti pactionem, & Ciliciā
ad Prætorem item extra ordinem transtulisti: Gabinio
pretio amplificato Syriā nominatim dedisti. quid? homi-
ni teterrimo, crudelissimo, fallacissimo, omnium scelerū
libidinumq; maculis notatissimo, L. Pisoni non ne nomi-
natim populos liberos, multis. S. C. etiā recenti lege soceri
ipsius liberatos, uinctos, & cōstrictos tradidisti? non ne,
cum ab eo merces tui beneficii, pretiumq; provincie meo
sanguine tibi esset persolutum, tamen ærariū cū eo par-
titus es? ita ne uero? tu provincias consulares, quas C.
Gracchus, qui unus maxime popularis fuit, nō modo nō
abstulit ab senatu, sed etiā, ut necesse esset quotannis cō-

* stitui per senatum decreta lege sanxit, eas lege Sempro-
nia per senatum decretas rescidisti? extra ordinem, sine
sorte, nominatim dedisti, nō Cōsulibus, sed Reip. pestibus:
nos, q̄ nominatim rei maximæ penè iam desperatæ sum-
mum uirū, sæpe ad extrema Reip. discrimina delectum,
præfecimus, à te reprehendemur? quid tandem, si, quæ
tum in illis Reip. tenebris, cæcisq; nubibus, & procellis,
cum senatum à gubernaculis deiecisses, populum è nauī
exturbasses, ipse archipirata cum grege prædonum im-
purissimo plenissimis uelis nauigares, si, quæ tum pro-
mulgasti, constituisti, promissisti, uendidisti, perficere po-
tuisses: qui locus orbe terrarum uacuuus extraordinarijs
fascibus atq; imperio Clodiano fuisset? sed excitatus ali-
quādo Cn. Pompeij, (dicam ipso audiente, quod sensi &
sentio, quoquo animo me auditurus est) excitatus, inquā,
aliquando Cn. Pompeij nimium diu reconditus, & peni-
tus abstrusus animi dolor subuenit subito Reip. ciuita-
temq; fractam malis, mutam, debilitatam, abiectam me-
tu, ad aliquam spem libertatis, & pristinæ dignitatis
erexit. hic uir extra ordinem rei frumentariæ præficien-
dus non fuit? scilicet tu heluoni spurcissimo, prægusta-
tori libidinū tuarū, homini egentissimo, & facinorosissi-
mo, Sex. Clodio, socio tui sanguinis, qui sua lingua etiā so-
rorem tuā à te abalienauit, omne frumentū priuatum,
& publicū, omnes prouincias frumentarias, omnes man-
cipes, omnes horreorum clauis lege tua tradidisti. qua
ex re primū caritas nata est, deinde inopia: impendebat
fames, incendia, cædes, direptio: imminebat tuus furor
omnium fortunis & bonis. queritur etiā importuna pe-
stis, ex ore impurissimo Sex. Clodij rem frumentariam

esse ereptam; summisq; in periculis, eius uiri auxiliū im-
 plorasse Remp. à quo sæpe se & seruata, & amplifica-
 tam esse meminisset. extra ordinē ferri nihil placet Clo-
 dio. quid de me quod tulisse te dicis parricida, fratri-
 da, sororicida, non ne extra ordinem tulisti? an de peste
 ciuis, quemadmodū omnes iam dii atq; homines iudica-
 runt, conseruatoris Reip. quemadmodum autē tute ipse
 confiteris, nō modo indemnati, sed ne accusati quidem,
 licuit tibi ferre nō legē, sed nefariū priuilegium, lugēte
 senatu, mœrētibus bonis omnibus, totius Italiae precibus
 repudiatis, oppressa captāq; Republica: mihi, populo R.
 implorante, senatu poscente, tēporibus Reip. flagitanti-
 bus, non licuit de salute populi R. sententiā dicere? qua
 quidē in sententia si Cn. Pompeij dignitas aucta est con-
 iuncta cum utilitate cōmuni, certe laudandus essem, si
 eius dignitati suffragatus uiderer, qui meae saluti opem
 & auxiliū tulisset. desinant, desinant homines iisdē ma-
 chinis sperare me restitutū posse labefactari, quibus an-
 tea stantem perculerunt: quod enim par amicitiae consu-
 laris fuit unquam in hac ciuitate coniunctius, quā fui-
 mus inter nos ego & Cn. Pōpeius? quis apud populū R.
 de illius dignitate industrius, quis senatui sæpius dixit?
 qui tantus fuit labor, quæ simultas, quæ cōtentio, quam
 ego nō pro illius dignitate susceperim? qui ab illo in me
 honos, quæ prædicatio de mea laude, quæ remunerati-
 o beneuolentiae prætermissa est? hanc nostram coniun-
 ctionē, hanc conspirationem in Rep. bene gerenda, hanc
 iucundissimam uitæ atq; officiorū omnium societatem
 certi homines fictis sermonibus & falsis criminibus di-
 remerunt; cum iisdem illum, ut me metueret, me caue-

ret, monerent; iisdē apud me, mihi illum esse uni inimicissimū, dicerent; ut neque ego ab illo, quæ mihi petenda essent, satis audacter petere possem; neque ille tot suspicionibus certorū hominū & scelere exulceratus, quæ meū tempus postularēt, satis prolixē mihi polliceretur. data merces est erroris mei magna Pontifices, ut me nō solum pigeat stultitiæ meæ, sed etiam pudeat; qui, cum me nō repentinū aliquod meū tempus, sed ueteres multo ante suscepti, & prouisi labores cum uiro fortissimo & clarissimo coniūxissent, sim passus à tali amicitia distrahi, neque intellexerim quibus aut ut apertis inimicis obsisterem, aut ut insidiosis amicis non credere. proinde desināt aliquando me iisdem inflāmare uerbis. quid sibi iste uult? nescit, quantū auctoritate ualeat, quas res gesserit, qua dignitate sit restitutus. cur ornat eū, à quo desertus est? ego uero neque me tū desertū puto, sed penē deditū; nec, quæ sint in illa Reip. flamma gesta contra me, neque quo modo, neq; per quos, patefaciundū mihi esse arbitror. si utile Reip. fuit, haurire me unū pro omnibus illā indignissimam calamitatem: etiam hoc utile sit, quorū id scelere conflātū sit, me occultare & tacere. illud uero est hominis ingrati, tacere (itaque libentissimē prædicabo) Cn. Pōpeiū studio & auctoritate æque, ut unūquēque uestrū, opibus, cōtentione, precibus, periculis deniq; præcipue pro salute mea laborasse. hic tuis P. Lē-
tule, cū tu nihil aliud dies & noctes nisi de salute mea cogitares, consilijs omnibus interfuit: hic tibi grauissimus auctor ad instituendā, fidelissimus socius ad cōparandā, fortissimus adiutor ad rem perficiendā fuit: hic municipia coloniasq; adiūt: hic Italiæ totius auxiliū cu-

O R A T I O

pientis implorauit: hic in senatu princeps sententiæ fuit:
 idemq; cum dixisset, tum etiam pro salute mea populū
 R. obsecrauit. quare istā orationem, qua es usus, omittas
 licet, post illā sententiā, quam dixerā de annonā, Ponti-
 ficū animos esse mutatos: proinde quasi isti aut de Cn.
 Pompeio aliter, atque ego existimo, sentiant; aut, quid
 mihi pro expectatione populi R. pro Cn. Pōpeij meritis
 erga me, pro ratione mei temporis faciendū fuerit, igno-
 rent; aut etiam, si cuius forte Pontificis animum, quod
 certo scio aliter esse, mea sententiā offendit, alio modo sit
 cōstituturus aut de religione Pōtificū, aut de Rep. quā-
 eum aut cerimoniarū ius, aut ciuitatis salus coegerit.
 Intelligo Pontifices me plura extra causam dixisse, quā
 aut opinio tulerit, aut uoluntas mea: sed cum me pur-
 gatum uobis esse cuperem, tum etiā uestra in me atten-
 te audiēdo benignitas prouexit orationem meā. sed hoc
 cōpēsabo breuitate eius orationis, quæ pertinet ad ipsam
 cognitionē uestrā: quæ cum sit in ius religionis, et in ius
 Reip. distributa, religionis partem, quæ multo est uerbo-
 sior, prætermittens, de iure Reip. dicam: quid est enim
 aut tam arrogans, q̄ de religione, de rebus diuinis, ceri-
 monijs, sacris, Pontificum collegium docere conari; aut
 tā stultum, quā, si quis quid in uestris libris inuenerit,
 id narrare uobis; aut tam curiosum, quā ea scire uel-
 le, de quibus maiores nostri uos solos & consuli, & sci-
 re uoluerunt? Nego potuisse iure publico, legibus ijs,
 quibus hæc ciuitas utitur, quenquam ciuē ulla eiusmo-
 di calamitate affici sine iudicio. hoc iuris in hac ciuitate
 etiā tum, cū Reges essent, dico fuisse, hoc nobis esse à ma-
 ioribus traditum, hoc esse denique proprium liberæ ciui-

tatis, ut nihil de capite ciuis, aut de bonis sine iudicio se-
natus, aut populi, aut eorū, qui de quaq; re cōstituti iu-
dices sint, detrahi possit. uides ne me non radicitus euel-
lere omnes aēctiones tuas? neque illud agere, quod aper-
tum est, te omnino nihil gessisse iure, nō fuisse Tribunū
pl? hoc dico, esse parricidium: dico apud Pontifices: Au-
gures adsunt: uersor in medio iure publico. quod est Pō-
tificates ius adoptionis? nempe ut is adoptet, qui neq; pro-
creare iam liberos possit; & cum potuerit, sit expertus.
quæ deinde causa cuique sit adoptionis, quæ ratio gene-
rū, ac dignitatis, quæ sacrorū, quæri à Pontificū collegio
solet. quid est horum in ista adoptione quæsitum? ado-
ptat annos uiginti natus, etiā minor, senatorem: libero-
rum ne causa? at procreare potest, habet uxorem, susce-
pit etiā liberos: exheredabit igitur pater filiū. quid sa-
cra Clodiæ gentis, cur intereūt, quod in te est? quæ omnis
notio Pontificū, cū adoptaret, esse debuit. nisi forte ex te
ita quæsitū est, num perturbare Remp. seditionibus uel-
les? & ob eā causam adoptari, non ut filius esses, sed ut
Tribunus pl. fieres, & funditus euerteres ciuitatem? re-
spōdisti credo te ita uelle. Pōtificibus bona causa uisa est:
approbauerūt. nō ætas eius, qui adoptabat, quæ sita est,
ut Cn. Aufidio, M. Puppio: quorū uterque nostra memo-
ria, summa seneētute, alter Orestem, alter Pisonem ado-
ptauit. quas adoptiones sicut alias innumerabiles, hære-
ditates nominis, pecuniæ, sacrorū secutæ sunt. tu neque
Fōteius es, qui esse debebas; neque patris hæres; neque, a-
missis sacris paternis, in hæc adoptiua uenisti. ita pertur-
batis sacris, cōtaminatis gētibus, & quā deseruisti, et quā
polluisti, iure Quiritum legitimo tutelarū & heredita-

O R A T I O

tum relicto, factus es eius filius contra fas, cuius per aetatem pater esse potuisti. dico apud Pontifices: nego istam adoptionem pontificio iure esse factam: primum, quod eae nostrae sint aetates, ut is, qui te adoptauit, uel tibi loco filij per aetatem esse potuerit: deinde, quod causa quaeri solet adoptandi, ut & is adoptet, qui, quod natura iam assequi non potest, & legitimo & pontificio iure quaerat; et ita adoptet, ut ne quid aut de dignitate generum, aut de sacrorum religione minuatur: illud in primis, ne qua calumnia, ne qua fraus, ne quis dolus adhibeatur, ut haec simulata adoptio filij quam maxime ueritatem illam suscipiendorum liberorum imitata esse uideatur. quae maior calumnia est, quam uenire imberbem adulescentulum, bene ualentem ac maritum, dicere, filium senatorem populi R. sibi uelle adoptare, id autem scire & uidere omnes, non ut ille filius instituatur, sed ut e patritijs exeat, ut Tribunus pl. fieri possit, ideo adoptari? neque id obscure: nam adoptatum emancipari statim, ne sit eius filius, qui adoptarit. cur ergo adoptatur? probate genus adoptionis: iam omnium sacra interierint, quorum custodes uos esse debetis; iam patritius nemo relinquetur: cur. n. quisquam uellet Tribunum pl. se fieri non licere? angustiores sibi esse petitionem Consulatus in sacerdotium cum possit uenire; quia patritio non sit locus, non uenire? ut cuique aliquid acciderit, quare commodius sit esse plebeium, simili ratione adoptabitur. itaque populus R. breui tempore neque Regem sacrorum, neque Flamines, nec Salios habebit, nec ex parte dimidia reliquos sacerdotes, neque auctores centuriatorum, & curiatorum comitiorum: auspiciaque populi R. si magistratus patritij creati non sint, intereant necesse est, cum in-

terrex nullus sit, quòd & ipsum patritium esse, & à
 patritio prodi necesse est. dixi apud Pontifices, istā ado=
 ptionem nullo decreto huius collegij probatam, cōtra o=
 mne pontificium ius factam, pro nihilo esse habendam.
 qua sublata, intelligis totum Tribunatum tuū concidisse.
 Venio ad Augures. quorum ego libros, si qui sunt
 reconditi, nō scrutor: nō sum in exquirendo iure Augu=
 rum curiosus: hæc, quæ unā cum populo didici, quæ
 sæpe in concionibus responsa sunt, noui. negant fas esse
 agi cum populo, cum de cœlo seruatum sit. quo die de te
 lex curiata lata esse dicatur, audes negare de cœlo esse
 seruatum? adest præsens, uir singulari uirtute, constan=
 tia, grauitate præditus, M. Bibulus. hunc Consulē illo ip=
 so die cōtēdo seruasse de cœlo. infirma sunt igitur acta,
 tua sententia, C. Cæsaris uiri fortissimi? minime: neque
 enim mea iam quidquā interest, exceptis ijs telis, quæ ex
 illius actionibus in meum corpus immissa sunt. sed hæc
 de auspicijs, quæ ego nūc perbreuiter attingo, acta sunt
 à te. tu, tuo præcipitate iā & debilitato Tribunatu, au=
 spiciorū patronus subito exitisti: tu M. Bibulū in cōcio=
 nē, tu Augures produxisti: te interrogante, Augures re=
 sponderunt, cum de cœlo seruatum sit, cum populo agi
 non posse: tibi M. Bibulus quærenti, se de cœlo seruasse,
 respondit, idemq; in cōcione dixit ab Appio fratre tuo
 productus, te omnino, q̄ contra auspicia adoptatus es=
 ses, Tribunū pl. non fuisse: tua deniq; omnis actio poste=
 rioribus mensibus fuit, omnia, quæ C. Cæsar egisset, quæ
 cōtra auspicia essent acta, per senatū rescindi oportere:
 quod si fieret, dicebas te tuis humeris me custodem urbis
 in urbē relaturū. uidete hominis amentia, ubi p̄ suum

Tribunatum Cæsaris actis alligatus teneretur. si & sacerorum iure Pontifices, & auspiciorum religione Augures totum euertunt Tribunatum tuum, quid quæris amplius? an etiam apertius aliquod ius populi, atque legum? hora fortasse sexta diei questus sum in iudicio, cum C. Antonium collegam meum defenderem, quædam de Rep. quæ mihi uisa sunt ad illius miseri causam pertinere. hæc homines improbi ad quosdam uiros fortes longe aliter, atque à me dicta erant, detulerunt. hora nona illo ipso die tu es adoptatus. si, quod in cæteris legibus trinum nundinum esse oportet, id in adoptione satis est trium esse horarum: nihil reprehendo. si eadem obseruanda sunt, decreuit senatus, M. Drusi legibus, quæ contra legem Cæciliam & Didiam latæ essent, populum non teneri. iam intelligis omni genere iuris, quod in sacris, quod in auspiciis, quod in legibus sit, te Tribunum Pl. non fuisse? atque ego hoc totum non sine causa relinquo: uideo enim quosdam clarissimos uiros, principes ciuitatis, aliquot locis indicasse, te cum plebe iure agere potuisse: qui etiam de me ipso, cum tua rogatione funere elatam Rempublicam esse dicerent, tamen id funus, etsi miserum atque acerbum fuisset, iure indictum esse dicebant. quod de me ciue, ac de Rep. bene merito tulisses, funestum funus te indixisse Reip. quod saluis auspiciis tulisses, iure egisse dicebant. quare licebit, ut opinor, nobis eas actiones non infirmare, quibus illi actionibus constitutum Tribunatum tuum comprobauerunt. fueris sane Tribunus pl. tam iure, quam lege, quam fuit hic ipse Rullus, uir omnibus rebus clarissimus, atque amplissimus. quo iure, quo more, quo exemplo legem nominatim de capite ciuis indēnati tulisti? uetant leges sacratæ,

uetant XII tabulæ, leges priuatis hominibus irrogari:
id est enim privilegiū. nemo unquam tulit: nihil est cru-
delius: nihil perniciosius: nihil, quod minus hæc ciuitas
ferre possit. proscriptionis miserrimum nomē illud, et o-
mnis acerbitas Syllani temporis quid habet, quod maxi-
me sit insigne ad memoriam crudelitatis? opinor pœnā
in ciues R. nominatim sine iudicio cōstitutam. hanc uos
igitur Pontifices iudicio, atque auctoritate uestra Tribu-
no pl. potestatem dabit, ut proscribere possit, quos uelit?
quæro enim, quid sit aliud proscribere, uelitis, iubeatis,
ut M. Tullius in ciuitate ne sit, bonaq; eius ut mea sint.
ita. n. fecit: etsi alijs uerbis tulit. hoc plebiscitū est? hæc
lex, hæc rogatio est? hoc uos pati potestis, hoc ferre ciui-
tas, ut singuli ciues singulis uersiculis e ciuitate tollātur?
equidē iam perfunctus sum: nullā uim, nullum impetū
metuo: expleui animos inuidorū: placui odia impro-
borum: saturauī etiā perfidiam, & scelus proditorum:
deniq; de mea causa, quæ uidebatur perditis ciuibus ad
inuidiā esse proposita, iam omnes urbes, omnes ordines,
omnes dii atq; homines iudicauerunt. uobismet ipsis Pō-
tifices, & uestris liberis, cæterisq; ciuibus pro uestra au-
toritate, & sapientia consulere debetis. nam cum tam
moderata iudicia populi sint à maioribus cōstituta; pri-
mum, ut ne pœna capitis cū pecunia coniungatur; de-
* inde, ne nisi prodicta die quis accusetur; ut ter ante ma-
gistratus accuset intermissa die, q̄ mulctam irroget, aut
* iudices; quarta sit accusatio trinum nundinū, prodicta
die, qua die iudicium sit futurū; cū multa etiā ad pla-
cādū, atq; ad misericordiā reis cōcessa sint; deinde exor-
abilis populus, facilis suffragatio pro salute; deniq; etiā,

O R A T I O

si qua res illū diem aut auspicijs, aut excusatione sustu-
 lit, tota causa iudiciūq; sublatum est: hæc cum ita sint
 in re, ubi crimen est? ubi accusator? ubi testes? quid in-
 dignius, quā, qui neq; adesse sit iussus, neque citatus,
 neque accusatus, de eius capite, liberis, fortunis omnibus
 cōductos, & sicarios, egentes, & perditos suffragiū ferre,
 & eā legem putare? at si hoc de me potuit, quem honos,
 quem dignitas, quem causa, quem Resp. tuebatur, cuius
 deniq; pecunia non expetebatur, cui nihil oberat præter
 conuersionē status, & inclinationem cōmuniū temporū:
 quid tandem futurum est ijs, quorū uita remota ab ho-
 nore populari, & ab hac illustri gratia est, pecuniæ au-
 tem tātæ sunt, ut eas nimium multi egentes, sumptuosi,
 nobiles concupiscant? date hanc Tribuno pl. licentiā, &
 intuemini paulisper animis iuuetutem, & eos maxime,
 qui imminere iam cupiditate uidentur in tribunitiam
 potestatem: collegia mediusfidijs Tribunorum pl. tota
 reperientur hoc iure firmato, quæ coeant de hominum
 locupletissimorum bonis, præda præsertim populari, &
 spe largitionis oblata. at quid tulit legum scriptor peri-
 tus, callidus? uelitis, iubeatis, ut M. Tullio aqua, & ignis
 interdicator? crudele, nefarium, ne in sceleratissimo qui-
 dem ciue ferundum sine iudicio. non tulit, ut interdic-
 tur. quid ergo? ut interdictum sit. ò cœnum, ò porten-
 tum, ò scelus, hanc tibi legem Clodius scripsit spurciorem
 lingua sua, ut interdictum sit, cui non sit interdictum.
 Sexte noster bona uenia dic, quoniā iam dialecticus es,
 & hoc quoque liguris: quod factū non est, ut sit factū,
 ferri ad populum, aut uerbis ullis sanciri, aut suffragijs
 cōfirmari potest? hoc tu scriptore, hoc cōsiliario, hoc mi-

nistro omnium nō bipedum solum, sed etiam quadrupedum impurissimo Remp. perdidisti. neq; tu eras tam excors, tamq; demens, ut nescires hunc Clodiū esse, qui contra leges faceret; & alios esse, qui leges scribere solerēt: sed neq; eorū, neq; ceterorū, in quibus esset aliquid modestiæ, cuiusquam tibi potestas fuit: neq; tu legū scriptoribus iisdem potuisti uti, quibus cæteri; neq; operum architectis; neque Pontificē adhibere, quē uelles: postremo ne in prædæ quidem societate mācipem, aut prædem socium, extra tuorum gladiatorum numerum, aut deniq; suffragij latorē in ista tua proscriptione quēquā, nisi furem aut sicarium, reperire potuisti. itaque cū tu florens, ac potens per mediū forum popularis uolitares, amici illi tui te uno amico teētī, & beati, qui se populo cōmiserant, ita repellebantur, ut etiam Palatinam tuam perderent. qui in iudiciū uenerāt, siue accusatores erant, siue rei, te deprecante damnabātur. denique etiam ille nouitius Ligur, uenalis ascriptor, & subscriptor tuus, cum M. Papij sui fratris esset testamento & iudicio improbatum, mortē eius se uelle persequi dixit: nomē Sex. Propertij detulit; accusare alienæ damnationis scelerisq; socius propter calumniæ metum non est ausus. de hac igitur lege dicimus, quæ iure rogata uideatur: cuius quam quisq; partem tetigit, digito, uoce, præda, suffragio, quocunque uenit, repudiatus, cōiectusq; discessit. quid, si ijs uerbis scripta est ista proscriptio, ut se ipsa dissoluat? est enim, quod M. Tullius falsum S.C. retulerit. si igitur retulit falsum S.C. tū est rogatio: si non retulit, nulla est. satis ne tibi uidetur à senatu indicatū, me non modo nō emētītum esse auctoritatem eius ordinis, sed etiam unū

O R A T I O

post urbē conditam diligentissime senatui paruisse? quot modis doceo, legem istam quam uocas, non esse legem? quid, si etiam pluribus de rebus uno sortitu retulisti: tamen ne arbitraris, id quod M. Drusus in legibus suis plerisque, bonus ille uir M. Scaurus, & L. Crassus consularis non obtinuerint, id te posse omnium facinorum & stuprorum omnium Decumis & Clodij auctoribus obtinere? tulisti de me, ne reciperer, non ut exirem: quem, tu ipse non poteras dicere, non licere esse Romæ: quid enim diceres? damnatum? certe non: expulsus? quid licuit? sed tamen ne id quidem est scriptū, ut exirem. pœna est, qui receperit: quam omnes neglexerūt. eiectio nusquam est. uerum sit. quid operum publicorum exactio? quid nominis inscriptio? tibi num aliud uidetur esse, ac meorū bonorum direptio? præterquam quod ne id quidem per legem Liciniam, ut ipse tibi curationem ferres, facere potuisti. quid hoc ipsum, quod nūc apud Pontifices agis, te meam domum consecrasset, te monimentū fecisset, in meis ædibus te signum dedicasset, eaq; te ex una rogatiuncula fecisset? unū & idē uidetur esse, atque id quod de me ipso nominatim tulisti? tam hercule est unum, quàm quod idem tu lege una tulisti, ut Cyprius Rex, cuius maiores huic populo socij atque amici semper fuerunt, cum bonis omnibus sub præcone subijceretur, & exules Byzantium reducerentur. eidem, inquit, utraque de re negotiū dedi. sed quid, si eidem negotium dedisses, ut in Asia Cistophorum flagitaret, inde iret in Hispaniam; cum Romæ decessisset, Consulatum ei petere liceret; cum factus esset, prouinciam Syriam obtineret; quoniam de uno homine scriberes, una res esset? quod si iam populus R. de

ista re consultus esset, & nō omnia per seruos latronesq;
 gessisses: non ne fieri poterat, ut populo de Cyprio Rege
 placeret, de exulibus Byzantijs displiceret? quæ est quasi
 alia uis, quæ sentētia Cæcilie legis & Didie, nisi hæc, ne
 populo necesse sit in coniunctis rebus cōpluribus aut id,
 quod nolit, accipere, aut id, quod uelit, repudiare? quid,
 si per uim tulisti: tamen ne lex est? aut quidquam iure
 gestum uideri potest, quod per uim gestum esse constet?
 an si in ipsa latione tua capta iam urbe lapides iacti, si
 manus collata non est, iccirco tu ad illam labem, atque
 eluuiem ciuitatis sine summa ui peruenire potuisti? cum
 in tribunali Aurelio conscribebas palam non modo libe-
 ros, sed etiam seruos ex omnibus uicis concitatos, uim tū
 uidelicet non parabas: cum edictis tuis tabernas claudi
 iubebas, non uim imperitæ multitudinis, sed hominū ho-
 nestorum modestiam, prudentiamq; quærebas: cum ar-
 ma in ædē Castoris comportabas, nihil aliud, nisi uti ne-
 quid per uim agi posset, machinabare: cum uero gradus
 Castoris conuellisti ac remouisti, tum, ut modeste tibi age-
 re liceret, homines audaces ab eius tēpli aditu, atq; ascē-
 su repulisti: cum eos, qui in cōuentu uirorum bonorum
 uerba de salute mea fecerant, adesse iussisti, eorumq; ad-
 uocationem manibus, ferro, lapidibus discussisti, tū pro-
 fecto ostendisti uim tibi maxime displicere. uerum hæc
 furiosa uis uesani Tribuni pl. facile superari, frangiq;
 potuit uirorum bonorum uel uirtute, uel multitudine.
 quid, cum Gabinio Syria dabatur, Macedonia Pisoni,
 utrique infinitum imperiū, ingēs pecunia, ut tibi omnia
 permitterent, te adiuarēt, tibi manum, copias, tibi suos
 paratos centuriones, tibi pecunias, tibi familias compa-

O R A T I O

rarent, te suis sceleratis concionibus subleuarent, senatus
auctoritatem irrideret, equitibus R. mortem, proscriptionemq;
minitarentur, me terrerent minis, mihi cadē, & dimicationem
denunciarent, meam domum refertā uiris bonis per amicos suos
complerēt, proscriptionis metu me frequētia nudarent, uirorum
bonorum me praesidio spoliarent, senatum pro me non modo propugnare,
amplissimum ordinē, sed etiam plorare, & supplicare mutata ueste
prohiberent: ne tum quidem uis erat? quid igitur ego gessi? aut
qui timor fuit? non dicā in me quidē: fac me timidum esse natura.
quid illa tot uirorum fortissimorum millia? quid illi equites R? quid senatus? quid
deniq; omnes boni? si nulla uis erat, cur me flentes potius
prosecuti sunt, quā aut increpātes retinuerūt, aut irati reliquerunt?
an hoc timebam, si mecum ageretur more institutoq; maiorum,
ut possem praesens sustinere? utrum, si dies dicta esset, iudicium
mihi fuit pertimescēdum, an sine iudicio priuilegium? iudiciū in
causa tam turpi? scilicet is homo sum, qui, etiam si causa esset ignota,
dicendo nō possem explicare. an eam causam probare non potuerā,
cuius tanta bonitas est, ut ea ipsa nō modo se, sed etiam me
absentē per se probarit? an senatus, an ordines, an ij, qui cunēta
ex Italia ad me reuocandū conuolauerunt, seigniores me praesente
ad me retinēdū, & conseruandum fuissent in ea causa, quā ipse iā
paricida talem dicat fuisse, ut me ab omnibus ad meā pristinam
dignitatem expectatum, atque reuocatū queratur? an uero in iudicio
periculi nihil fuit? priuilegiū per timui, ne, mihi praesenti si multa irrogaretur, nemo intercederet?
tam inops aut ego eram ab amicis, aut tam
nuda

nuda Resp. à magistratibus? quid, si uocata tribus essent; proscriptione nō dicā in me ita de sua salute merito, sed omnino in ullo ciue cōprobauissent? an, si ego si præsens fuisset, ueteres illæ copiae coniuratorum tuiq; perditī milites atq; egentes, & noua uis sceleratissimorū Consulū corpori meo pepercissent? qui, cū eorū omniū crudelitati, sceleriq; cessissem, ne absens quidē luctu meo mentes illorū satiare potui. quid. n. uos uxor mea misera uiolarat? quam uexauistis, raptauistis, omni crudelitāte lacerauistis. quid mea filia? cuius fletus assiduus, sordesq; lugubres uobis erāt incūdæ, cæterorum omniū mentes oculosq; fleētebant. quid paruus filius? quē quādiu abfui, nemo nisi lacrymātem cōfētūq; uidit: quid fecerat, quod eum toties per insidias interficere uoluistis? quid frater meus? qui cum aliquanto post meū discessum ex prouincia uenisset, neq; sibi uiuēdū, nisi me restituto, putaret, cum eius meror, squalor incredibilis & inauditus omnibus mortalibus miserabilis uidebatur; quoties ex uestro ferro, ac manibus est elapsus? sed quid ego uestram crudelitatem expromo, quā in ipsum me ac meos adhibuistis, qui parietibus, qui tectis, qui columnis, ac postibus meis horrificū quoddā, ac nefariū, omni imbutū odio bellū intulistis? nō. n. te arbitror, cū post meū discessum omniū locupletū fortunas, omniū prouinciarū fructus, & Tetrarcharū ac Regū bona spe & auaritia deuorasses, argenti & suppellectilis meæ cupiditate esse cecatū: non existimo Campanū illum Cōsulem cū saltatore collega, cū alteri totā Achaiā, Thessaliā, Bæotiam, Græciam, Macedoniam, omnemq; Barbariam, bona ciuium R. condonasses, alteri Syriam,

Cic. Orat.

FF

O R A T I O

Babylonem, Persas, integerrimas pacatissimasq; gētes, ad diripiendum tradidisses, illos tam cupidos liminū meorum, & colūnarū, & ualuarū fuisse. neque porro illa manus, copiæq; Catilinæ cæmentis ac tignis meorum tectorum se famem suā expleturas putauerūt; sed ut hostium urbes, nec omniū hostiū, uerum eorū, quibuscum acerbum bellum, intestinumq; suscepimus, nō praeda ad ducti, sed odio solemus excidere, q̄ in quos propter eorū crudelitatem inflāmatæ mentes nostræ fuerunt, cū horum etiā tectis, ac sedibus residere aliquod bellum semper uideretur. nihil erat latum de me: non adesse eram iussus: nō citatus fueram: eram etiā tuo iudicio ciuis incolumis: cum domus in Palatio, uilla in Tusculano, altera ad alterum Consulem transferebatur: senatum Consules uetabant: colūnæ marmoreæ ex ædibus meis inspectante populo R. ad focrum Consulis portabātur: in fundum autem uicini Consulis non modo instrumentum, aut ornamenta uillæ, sed etiā arbores trāsferebantur: cum ipsa uilla non prædæ cupiditate (quid. n. erat prædæ?) sed odio & crudelitate funditus euerteretur: domus ardebat in Palatio nō fortuito, sed oblato incendio: Consules epulabantur, & in cōiuratorum gratulatione uersabātur, cū alter se Catilinæ delicias, alter Cethegi consobrinū fuisse diceret. hanc ego uim Pōtiffes, hoc scelus, hūc furorem meo corpore opposito à bonorū omnium ceruicibus depuli, omnemq; impetū discordiarū, omnem diu collectam uim improborū, quæ in ueterata cōpresso odio, atq; tacito iam erumpebat in actū, tā audaces duces excepi meo corpore: in me uno cōsulares faces iactæ manibus tribunitijs: in me omnia, quæ

ego quondam retuderam, cōiurationis nefaria tela ad-
hæserunt. q̄ si, ut multis fortissimis uiris placuit, ui et ar-
mis cōtra uim decertare uoluisssem; aut uicijssem cū ma-
gna internicione improborū, sed tamē ciuium; aut in-
terfectis bonis omnibus, quod illis optatissimū erat, unā
cum Rep. cōcidisssem. uidebā, uiuo senatu populoq; R. ce-
lerem mihi summa cum dignitate reditum: nec intelli-
gebam fieri diutius posse, ut mihi non liceret esse in ea
Rep. quam ipse seruasssem: q̄ si non liceret, audieram,
& legerā, clarissimos nostræ ciuitatis uiros se in medios
hostes ad perspicuam mortem pro salute exercitus inie-
cisse: ego pro salute Reip. uniuersæ dubitarem? hoc me-
liore conditione quā Decij, q̄ illi ne auditores quidem
suæ gloriæ, ego etiam spectator meæ laudis esse potuis-
sem. itaq; infractus furor tuus inanes faciebat impetus:
omnem enim uim omnium sceleratorum acerbitas mei
casus exceperat. nō erat in tā immani iniuria, tantisq;
ruinis nouæ crudelitati locus. Cato fuerat proximus
* (quid ageres, nō erat) ut qui modus omnibus moribus
fuerat, idem esset iniuriæ. quid? posses extrudere ad Cy-
priam pecuniā. præda perierit: alia nō deerit: hunc mo-
do amādandum esse. sic M. Cato inuissus quasi per bene-
ficiū Cyprū relegatur. eijciuntur duo, quos improbi ui-
dere nō poterant, alter per honorem turpissimum, alter
per honestissimam calamitatem. atq; ut sciatis nō homi-
nibus istum, sed uirtutibus hostē semper fuisse, me ex-
pulso, Catone amandatō, in eū ipsum se conuertit, quo
auctore, quo adiutore, in concionibus, ea quæ gerebat
omnia, quæq; gesserat, se fecisse, & facere, dicebat, Cn.
Pompeium, quem omnium iudicio longe principem

O R A T I O

esse ciuitatis uidebat, diutius furori suo ueniā daturū
 nō arbitrabatur. qui ex eius custodia per insidias Regis
 amici filiū hostē captiuum surripuisset, & ea iniuria ui-
 rum fortissimū lacecessisset, sperauit iisdē se copijs cum il-
 lo posse cōfigere, quibuscū ego noluissem honorū peri-
 culo dimicare: et primo quidē adiutoribus Cōsulibus: po-
 stea fregit fœdus Gabinus: Piso tamen in fide mansit.
 quas iste tū cædes, quas lapidationes, quas fugas fecerit,
 q̄ facile ferro quotidianisq; insidijs, cum iam à firmissi-
 mo robore copiarum suarū reliētus esset, Cn. Pōpeiū fo-
 ro curiaq; priuarit, domumq; coniecero, uidistis. ex qua
 iudicare potestis, quāta uis illa fuerit oriēs, & cōgrega-
 ta, cum hæc Cn. Pompeiū terruerit iam distracta & ex-
 tinēta. hoc uidit in sentētia dicēda Calēdis Ian. uir pru-
 dētissimus, & cum Reip. tum mihi, tum etiam ueritati
 amicissimus, L. Cotta, qui legē de meo reditu ferendam
 non censuit; qui me consuluisse Reip. cessisse tēpestati,
 amiciorē uobis, cæterisq; ciuibus, q̄ mihi ac meis extitisse,
 ui, armis, dissensione hominum ad cādē instituta, no-
 uoq; dominatu pulsum esse dixit, nihil de meo capite
 * potuisse ferri, nihil esse inscriptum, aut posse ualere, om-
 nia cōtra leges, morēq; maiorū temere, turbulente, per-
 uim, per furorē esse gesta: q̄ si illa lex esset, nec referre
 ad senatū Consules, nec sententiā dicere sibi licere: quo-
 rum utrūque cum fieret, non oportere, ut de me lex fer-
 retur, decerni, ne illa, quæ nulla esset, esse lex iudicare-
 tur. sententia uerior, grauior, utilior, melior Reip. nulla
 esse potuit: hominis. n. scelere & furore notato, similis
 à Rep. labes in posterū dimouebatur. neque hoc Cn. Pō-
 peius, qui ornatissimā de me sententiā dixit, uosq; Pon-

rifices, qui me uestris sententijs, auctoritatibusq; defen-
 distis, nō uidistis, illam esse nullam, atq; esse potius fla-
 mam temporis, interdictum sceleris, uocem furoris: sed
 prospexistis, nequa popularis in uos aliquando inuidia
 redūdaret, si sine populi iudicio restituti uideremur. eo
 demq; cōsilio M. Bibuli fortissimi uiri senatus sententiā
 secutus est, ut uos de mea domo statueretis: non q̄ dubi-
 taret, quin ab isto nihil legibus, nihil religionibus, nihil
 iure esset actū, sed ne quis oriretur aliquando in tanta
 ubertate improborū, qui in meis ædibus aliquā religio-
 nē residere diceret. nā legē quidē istā nullā esse, quoties
 cūq; de me senatus sententiam dixit, toties iudicauit,
 quoniā quidem scripto illo istius sententiam dicere ue-
 tabatur. atq; hanc rē par illud simile, Piso & Gabinius,
 uidit. homines legum iudiciorumq; metuentes, cum fre-
 quētissimus senatus eos, ut de me referrēt, quotidie fla-
 gitaret, nō se rē improbāre dicebant, sed lege istius im-
 pedi. erat hoc uerū: nā impediabantur, uerum ea le-
 ge, quā idem iste de Macedonia Syriaq; tulerat. hāc tu
 P. Lentule neque priuatus, neq; Cōsul legem esse unquā
 putasti: nā Tribunis pl. referentibus, sententiā de me
 designatus Cōsul sæpe dixisti: ex Calendis Ian. quoad
 perfectā res est, de me retulisti: legē promulgasti, tuli-
 sti: quorum tibi, si esset illa lex, nihil liceret. at etiam
 Q. Metellus, collega tuus, uir clarissimus, quam legem
 esse homines alienissimi à P. Clodio iudicarent Piso &
 Gabinius, eam nullam esse frater P. Clodij, cum de me
 ad senatum tecū unā retulit, iudicauit. sed isti, qui Clo-
 dij leges timuerunt, quemadmodū cæteras obseruārūt?
 senatus quidem, cuius est grauiissimum iudiciū de iure

legū, quotiescūque de me consultus est, toties eam nullā
 esse iudicauit. quod idem tu ^{1.}ē. tūle uidisti in lege, quā
 de me tulisti: nā non est ita latum, ut mihi Romā ueni
 re liceret, sed ut uenirem: non. n. uoluisti, id, quod lice
 bat, ferre, ut liceret; sed me ita esse in Rep. magis ut ac
 ceritus imperio populi R. uiderer, quā ad administran
 dam ciuitatem restitutus. hunc tu etiam pernicioſa pe
 sis exulem appellare ausus es, cum tantis sceleribus esses
 & factis notatus, ut omnem locū, quō adisses, exiliū si
 millimū redderes? quid est. n. exul? ipsum per se nomē
 calamitatis, nō turpitudinis. quādo igitur est turpe? re
 uera, quādo est pœna peccati; opinione autē hominū,
 etiam si est pœna damnati. utrum igitur, peccato meo
 exulis nomē subeo, an re iudicata? peccato? iam neque
 tu id dicere audes, quem isti satellites tui felicem Catili
 nam nominant, neq; quisquā eorū qui solebant. nō mo
 do iam nemo est tam imperitus, qui ea, quæ gessi in Cō
 sulatu, peccata esse dicat; sed nemo est tam inimicus pa
 triæ, qui nō meis consilijs patriam conseruatam esse fa
 teatur: quod enim est in terris cōmune tantum, tantu
 lum'ue consilium, quod non de meis rebus gestis ea, quæ
 mihi essent optatissima & pulcherrima, iudicari? sum
 mū est populi R. populorumq; & gentium omnium ac
 Regum cōsiliū: senatus decreuit, ut omnes, qui Remp.
 saluam esse uellent, ad me unū defendendum uenirēt:
 ostenditq; nec stare potuisse Remp. si ego nō fuissen re
 stitutus; nec futuram esse ullam, si nō rediissem. proxi
 mus est huic dignitati ordo equester: omnes omniū pu
 blicanorum societates de meo Consulatu ac de meis re
 bus gestis amplissima atq; ornatissima decreta fecerūt.

scribæ, qui nobiscum in rationibus, monumentisq; publicis uersantur, nō obscurū de meis in Remp. beneficijs suum iudicium decretumq; esse uoluerunt. nullū est in hac urbe collegium, nulli pagani, aut montani, quoniā plebi quoq; urbanæ maiores nostri cōuenticula, et quasi consilia quædam esse uoluerunt, qui non amplissime nō modo de salute mea, sed etiam de dignitate decreuerint. nā quid ego illa diuina atque immortalia municipiorum, & coloniarum, & totius Italiae decreta cōmemorem? quibus tanq̃ gradibus mihi uideor in cælum ascendisse, nō solum in patriam reuertisse. ille uero dies quis fuit, cum te P. Lentule legem de me ferentē populus R. ipse uidit, sensitq; quantus et quāta dignitate esset? cōstat. n. nullis unquā comitijs campum Martium tanta celebritate, tanto splendore omnis generis hominū, ætatum, ordinum floruisse. omitto ciuitatum, nationū, prouinciarū, Regum, orbis deniq; terrarum de meis in omnes mortales meritis unum iudicium, unumq; consensum. aduentus meus, atq; introitus in urbē qui fuit? utrū, me patria sic accepit, ut lucē salutemq; redditam sibi ac restitutam accipere debuit, an ut crudelem Tyrānum? quod uos Catilinæ gregales de me dicere solebatis. itaq; ille unus dies, quo die me populus R. à porta in Capitolium, atq; inde domum sua celebritate, lætitiāq; comitatū honestauit, tātā mihi iucunditati fuit, ut tua mihi conscelerata illa uis non modo non propulsanda, sed etiam emēda fuisse uideatur. quare illa calamitas (si ita est appellanda) excussit hoc genus totum maledicti, ne quisquam audeat iam reprehendere Consulatum meum, tot, tantis, tam ornatis iudicijs, testimo-

O R A T I O

nijs, auctoritatibus comprobatū. q̄ si in isto tuo maledi-
 cto probrū non modo mihi nullū obiectas, sed etiam
 laudem illustras meā: quid te aut fieri, aut fingi demen-
 tius potest? uno enim maledicto bis à me patriā serua-
 tam esse concedis; semel, cū id feci, quod omnes nō ne-
 gent immortalitati, si fieri potest, mandandum, tu sup-
 plicio puniendum putasti; iterum, cū tuū multorumq̄;
 propter te inflāmatū in bonos omnes impetū meo cor-
 pore excepi, ne eam ciuitatem, quā seruasssem inermis,
 armatus in discrimen adducerem. esto: non fuit in me
 poena ulla peccati, at fuit iudicij: cuius? quis me unquā
 ulla lege interrogauit? quis postulauit? quis diem di-
 xit? potest igitur damnati poenā sustinere indemnatus?
 hoc tribunitium est? hoc populare est? quanquā ubi tu
 te populare, nisi cum pro populo fecisti, potes dicere?
 scilicet: cū hoc iuris à maioribus proditū sit, ut nemo
 ciuis R. aut libertatem, aut ciuitatē possit amittere, nisi
 ipse auctor factus sit. quod tu ipse potuisti in tua cau-
 sa discere: credo. n. quāquam in illa adoptione legiti-
 me factū est nihil, tamen te esse interrogatū, auctor ne
 esses, ut in te P. Fonteius uitæ necisq̄; potestatem habe-
 ret, ut in filio. quæro, si aut negasses, aut tacuisses, si ta-
 men id XXX curiæ iussissent, nū id iussum esset ra-
 tū? certe non: quid ita? quia ius à maioribus nostris,
 qui nō fide & fallaciter populares, sed uere & sapien-
 ter fuerunt, ita cōparatū est, ut ciuis R. libertatē nemo
 posset inuitus amittere. quin etiam, si Decemuii sacra-
 mentum in libertatem iniustū iudicassent, tamen, quo-
 tiescūq̄; uellet quis, hoc in genere se rem iudicatam re-
 ferre posse uoluerūt. ciuitatem uero nemo unquā ullo

populi iussu amittet inuitus. quī ciues R. in coloniās La-
tinas proficiscebantur, fieri nō poterant Latini, qui nō
erant auctores facti, nomenq; dederant. qui erant rerū
capitalium cōdemnati, non prius hanc ciuitatem amit-
tebāt, quā erāt in eā recepti, quō uertēdi, hoc est mutan-
di soli causa uenerant. id autem ut esset faciundū, non
ademptione ciuitatis, sed tecti, & aquæ, & ignis inter-
dictiōne faciebāt. populus R. L. Sylla Dictatore ferente,
comitijs centuriatis, municipijs ciuitatē ademit, ademit
ijsdē agros. de agris ratū est: (fuit. n. populi potestas) de
ciuitate ne tandiu quidem ualuit, quandiu illa Syllanī
temporis arma ualuerunt. hāc uero Volaterranis, cum
etiā tum essent in armis, L. Sylla uictor Rep. recupera-
ta comitijs centuriatis ciuitatē eripere non potuit; ho-
dieq; Volaterrani nō modo ciues, sed etiā optimi ciues,
frūntur nobiscum simul hac ciuitate: consulari homi-
ni P. Clodius euersa Rep. ciuitatē adimere potuit, cōcilio
aduocato, conductis operis nō solū egentium, sed etiam
seruorum, Sedulio principe? qui se illo die confirmauit
Romæ nō fuisse. q. si non fuit, quid te audacius, qui in
eius nomen incideris? quid desperatius, qui ne ementiē-
do quidem potueris auctore adumbrare meliorem? sin-
autem is primus sciuit, quod facile potuit propter ino-
piam tecti in foro pernoctans: cur nō iuret se Gadibus
fuisse, cū tu te fuisse Interamnæ probaueris? hoc tu igi-
tur homo popularis iure munitam ciuitatem, & liberta-
tem nostrā putas esse oportere, ut, si Tribuno. pl. rogan-
te, uelitis, iubeatis ne, Sedulij centū se uelle & iubere di-
xerint, possit unusquisq; nostrum amittere ciuitatem?
tum igitur maiores nostri populares nō fuerunt, qui de

O R A T I O

ciuitate, & libertate ea iura sanxerunt, quæ nec uis-
 porum, nec potentia magistratuum, nec res tum iudica-
 ta, nec deniq; uniuersi populi R. potestas, quæ cæteris in
 rebus est maxima, labefactare possit. at tu etiam ere-
 ptor ciuitatis legem de iniurijs publicis tulisti Anagni-
 no nescio cui Menulæ per gratiã, qui tibi ob eã legẽ sta-
 tuã in meis ædibus posuit, ut locus ipse in tua tanta in-
 iuria legem, & inscriptionem statuæ refelleret. quæ res
 municipibus Anagninis ornatissimis multo maiori dolo-
 ri fuit, quã quæ idẽ ille gladiator scelera Anagninæ fece-
 rat. quid? si ne scriptũ quidem unquam est in ista ipsa
 rogatione, quam se Sedulius negat sciuisse: tu huius, ut
 æta tui præclari Tribunatus hominis dignitate coho-
 nestes, auctoritatẽ amplecteris? sed tamen si nihil de me
 tulisti, quo minus essem nõ modo in ciuiũ numero, sed
 etiam in eo loco, in quo me honores populi R. collocaue-
 runt: tamẽ ne eum tua uoce uiolabis, quem post nefa-
 rium scelus Consulũ superiorum tot uides iudicijs se-
 natus, populi R. totius Italiæ honestatũ? quẽ ne tum qui-
 dem, cũ aberã, negare poteras esse tua lege senatorem?
 ubi enim tuleras, ut mihi aqua, et ignis interdiceretur?
 quod Gracchus de P. Popilio, Saturninus de Metello tu-
 lit. homines seditiosissimi de optimis ac fortissimis ciui-
 bus, nõ ut esset interdictũ, quod ferri non poterat, tuler-
 unt, sed ut interdiceretur. ubi cauisti, ne meo me loco
 Censor in senatũ legeret? quod de omnibus, etiam qui-
 * busdã damnatis interdictum est, scriptũ est in legibus.
 quare hoc ex Clodio scriptore legũ tuarũ: iube adesse:
 latitat omnino: sed si requiri iusseris, inuenient hominẽ
 apud sororem tuam occultantẽ se capite demisso. sed si

patrem tuū, ciuem mediusfidius egregium, dissimilēq;
uestri, nemo unquam sanus exulem appellauit, qui, cū
de eo Tribunus pl. promulgasset, adesse propter iniqui-
tatē illius Cinnani temporis noluit, eiq; imperiū est ab-
rogatū; si in illo pœna legitima turpitudinem nō ha-
buit propter uim temporū: in me, cui dies dicta nunq̃
est, qui reus nō fui, qui nunquam sum à Tribuno pl. ci-
tatus, dānati pœna esse potuit, ea præsertim, quæ ne in
ipsa quidem rogatione perscripta est? at uide, quid inter-
sit inter illū iniquissimū patris tui casum, & hāc fortu-
nam conditionemq; nostram. patrem tuum, ciuem opti-
mum, clarissimi uiri filium, qui si uiueret, qua seuerita-
te fuit, tu profecto nō uiueres, L. Philippus Censor auū-
culum suū præterijt in recitando senatu: nihil. n. pote-
rat dicere, quare rata non essent, quæ erant acta in ea
Rep. in qua se illis ipsis temporibus Censorē esse uoluisset.
me L. Cotta, homo censorius, in senatu iuratus dixit,
se, si Censor tum esset, cum ego aberam, meo loco senāto-
rem recitaturum fuisse. quis in meū locum iudicē sub-
didit? quis meorum amicorum testamētū discessu meo
fecit, qui mihi nō idem tribuerit, quod & si adessem ē.
quis me nō modo ciuis, sed socius recipere cōtra tuā le-
gē, & iuuare dubitauit? deniq; uniuersus senatus mul-
to ante, q̃ est lata lex, de me gratias agēdas censuit ciui-
tatibus ijs, quæ M. Tulliū, tantū ne? immo etiā ciuem
optime de Rep. meritū recepissent. & tu unus, pestifer
ciuis, eū restitutū negas esse ciuē, quem eiectū uniuersus
senatus nō modo ciuem, sed etiā egregiū ciuem sem-
per putauit? at uero, ut annales populi R. et monimēta
uetus statis loquuntur, Censor ille Quintius, et M. Furius

O R A T I O

Camillus, & M. Seruilius Ahala, cum essent optime de Rep. meriti, tamē populi incitati uim, iracūdiāq; subie-
rūt; dānatiq; comitijs centuriatis cū in exiliū profugis-
sent, rursus ab eodem populo placato sunt in suā pristi-
nā dignitatem restituti. q̄ si ijs dānatis nō modo nō im-
minuit calamitas clarissimi nominis gloriā, sed etiā ho-
nestauit: (nam etsi optabilius est, cursum uitæ conficere
sine dolore, & sine iniuria, tamē ad immortalitē glo-
riæ plus affert desideratum esse à suis ciuibus, quā om-
nino nunquam esse uiolatū) mihi sine ullo iudicio po-
puli profecto, tum amplissimis omnium iudicijs restitu-
to, maledicti locū, aut criminis obtinebit? fortis & con-
stans in optima ratione ciuis P. Popilius semper fuit: ta-
men eius in omni uita nihil est ad laudē illustrius, quā
calamitas ipsa: quis. n. iam meminisset eū bene de Rep.
meritū, nisi & ab improbis expulsus esset, & per bonos
restitutus? Q. Metelli præclarū imperium in re milita-
ri fuit, egregia Censura, omnis uita plena grauitatis: ta-
men huius uiri laudem ad sempiternam memoriam tē-
poris calamitas propagauit. q̄ si & illis, qui expulsi sunt
inique, sed tamen legibus, reducti inimicis interfectis,
rogationibus tribunitijs, non auctoritate senatus, non
comitijs centuriatis, nō decretis Italiæ, non desiderio ci-
uitatis, inimicorum iniuria probro nō fuit: in me, qui
profectus sum integer, absui simul cum Rep. redij cum
maxima dignitate, te uiuo, fratre tuo altero Consule
rediente, altero Pratore petente, tuū scelus meum pro-
brū putas esse oportere? ac si me populus R. incitatus
iracūdia, aut inuidia è ciuitate eiecisset, idemq; postea
mea in Remp. beneficia recordatus se collegisset, temeriz-

tatem atq; iniuriam suam restitutione mea reprehēdis-
 set: tamen profecto nemo tam esset amens, qui mihi po-
 puli tale iudicium non dignitati potius, q̄ dedecori puta-
 ret esse oportere. nunc uero cum me in iudiciū populi
 nemo omnium uocarit; condemnari non potuerim, qui
 accusatus nō sim; deniq; ne expulsus quidem ita sim,
 ut, si contēderem, superare nō possem; cōtraq; à popu-
 lo R. semp̄ sim defensus, amplificatus, ornatus: quid est,
 quare quisquā mihi se ipsa populari ratiōe anteponat?
 an tu populum R. esse illum putas, qui cōstat ex ijs, qui
 mercede cōducuntur, qui impelluntur ut uim afferant
 magistratibus? ut obsideant senatū? optent quotidie cæ-
 dem, incendia, rapinas? quē tu tamē populum nisi taber-
 nis clausis frequentare non poteras: cui populo duces
 Lentidios, Lolios, Sergios præfeceras. ò speciem, dignita-
 temq; populi R. quam Reges, quā nationes exteræ, quā
 gentes ultimæ pertimescunt, multitudinem hominū ex
 seruis conductis, ex facinorosis, ex egentibus cōgregatā.
 illa fuit pulchritudo populi R. illa forma, quam in cā-
 po uidisti tum, cum etiā tibi cōtra senatus, totiusq; Ita-
 liæ auctoritatem & studium dicēdi potestas fuit. ille, il-
 le populus est dominus Regum, uictor, atque imperator
 omnium gentium, quē illo clarissimo die scelerate uidi-
 sti tum, cum omnes principes ciuitatis, omnes ordinum
 atq; ætatum omnium suffragium se nō de ciuis, sed de
 ciuitatis salute ferre censebant, cum deniq; homines in
 campum nō tabernis, sed municipijs clausis uenerunt.
 hoc ego populo, si tum Cōsules aut fuissent in Rep. aut
 omnino nō fuissent, nullo labore, tuo præcipiti furori,
 atq; impio sceleri restitisssem: sed publicam causam cō-

O R A T I O

tra uim armatam, sine populi praesidio suscipere nolui: non quo mihi P. Scipionis fortissimi uiri uis intima priuati hominis displiceret: sed Scipionis factum statim P. Mutius Consul, qui in gerenda Rep. putabatur fuisse segnior, gesta multis S. C. non modo defendit, sed etiam ornauit. mihi aut, te interfecto, cum Consulibus; aut, te uiuo, & tecum, & cum illis armis decertandum fuit. erant eo tempore multa etiam alia metuenda. ad seruos me diusfidius res peruenisset: tantum homines impios ex uetere illa coniuratione inustum nefarijs mentibus bonorum odium retinebat. Hic tu me etiam gloriari uetas: negas esse ferenda, quae soleam de me praedicare: & homo facetus inducis etiam sermonem urbanum, ac uenustum, me dicere solere, esse me Iouem; eundemque dictitare, Mineruam esse sororem meam. non tam insolens sum, qui Iouem esse me dicam; non tam ineruditus, qui Mineruam Iouis sororem, meam esse sororem existimem. sed tamen ego mihi sororem uirginem ascisco: tu sororem tuam uirginem esse non sinisti. sed uide, ne tu te debeas Iouem dicere, quod tu iure eandem sororem & uxorem appellare possis. & quoniam hoc reprehendis, quod solere me dicas de me ipso gloriosius praedicare: quis unquam audiuit, cum ego de me, nisi coactus ac necessario, dicerem? nam si, cum mihi furta, largitiones, libidines obijciuntur, ego respondere soleo, meis consilijs, periculis, laboribus patriam esse conseruatam, non tam sum existimandus de gestis rebus gloriari, quam de obiectis non confiteri. sed si mihi ante haec durissima Reip. tempora nihil unquam aliud obiectum est, nisi crudelitas illius temporis, cum a patria perniciem depuli: quid, me huic maledicto utrum non re-

spondere, an demisse respondere decuit? ego uero etiam Reip. semper interesse putauī, me illius pulcherrimi facti, quod ex auctoritate senatus, cōsensu bonorum omnium, pro salute patriæ gessissem, splendore uerbis, dignitateq; retinere: præsertim cū mihi uni in hac Rep. audiente populo R. opera mea hāc urbem, & hāc Remp. esse saluā, iurato dicere fas fuisset. extinctū est iā illud maledictum crudelitatis, q̄ me non ut crudelem Tyrānum, sed ut mitissimum parentem, omnium ciuium studiis desideratum, repetitum, accersitum uident. aliud exortū est. obijcitur mihi meus ille discessus: cui ego crimini respōdere sine mea maxima laude non possum: quid. n. Pontifices debeo dicere? peccati me cōsciētia profugisset at id, quod mihi crimini dabatur, nō modo peccatum nō erat, sed erat res post natos homines pulcherrima. iudicium populi pertimuisse? at id nec propositum ullum fuit, & si fuisset, duplicata gloria discessissem. bonorū mihi præsidium defuisse? falsum est. me mortē timuisse? turpe est. dicendū igitur est id, quod nō dicerē nisi coactus: (nihil. n. unquā de me dixi sublatius asciscē de laudis causa potius, q̄ criminis depellēdi) dico igitur, & quā possum maxima uoce dico, cum omnium perditorum, & coniuratorum incitata uis duce Tribuno pl. Consulibus auctoribus, afflicto senatu, perterritis equitibus R. suspensa ac sollicita tota ciuitate, non tam in me impetum faceret, quā per me in omnes bonos; me uidisse, si uicissem, tenues Reip. reliquias; si uictus essem, nullas futuras. quod cū iudicasset, defleui coniugis miseræ dissidium, liberorum charissimorum solitudinem, fratris absentis amantissimi atq; optimi casum, subi-

O R A T I O

tas fundatissimæ familiæ ruinas: sed his omnibus rebus
 uitam anteposui meorum ciuium; remq; publicā con-
 dere unius discessu, quàm omnium interitu occidere ma-
 lui: speravi id, quod accidit, me iacentē posse à uiuis ui-
 ris fortibus excitari; si unā cū bonis interissem, nullo
 modo posse recreari. accepi Pōtificates magnū, atque incre-
 dibilē dolorem: nō nego, neque istam mihi ascisco sapiē-
 tiam, quam nō nulli in me requirebant, qui me animo
 nimis fracto esse, atq; afflicto loquebantur. an ego pote-
 ram, cum à tot rerum tāta uarietate diuellerer, quas ic-
 circo prætereo, q̄ ne nunc quidē sine fletu cōmemorare
 possum, inficiari me esse hominē, & cōmunem naturæ
 sensum repudiare? tū uero neq; illud meum factū lau-
 dabile, nec beneficium ullum à me in Remp. profectum
 dicerem, si quidem ea Reip. causa reliquissem, quibus
 æquo animo carerem; eamq; animi duritiam, sicut cor-
 poris, quod cū writur non sentit, stuporem potius, q̄ uir-
 tutē putarē. suscipere tantos animi dolores, atq; ea, quæ
 capta urbe accidunt uiētis, stante urbe unum perpeti,
 & iam se uidere distrahi à complexu suorum, disturbari
 teētā, diripi fortunas, patriæ denique causa patriā ip-
 sam amittere, spoliari populi R. beneficijs amplissimis,
 præcipitari ex altissimo dignitatis gradu, uidere prætex-
 tatos inimicos non dum morte complorata arbitria pe-
 tētes funeris, hæc omnia subire cōseruandorū ciuiū cau-
 sa, atq; ita, ut dolenter absis, nō tam sapiens, q̄ ij qui ni-
 hil curant, sed tam amans tuorum, ac tui, q̄ cōmunis hu-
 manitas postulat; ea laus præclara ac diuina: nā qui
 ea, quæ nunquā chara atq; incūda duxit, æquo animo
 Reip. causa deserit, nullā beneuolentiā in signē in Rēp.
 declarat:

declarat : qui autem ea relinquit Reip. causa , à quibus
 cum summo dolore diuellitur, ei patria chara est , cuius
 salutem charitati anteponebat suorum . quare disrumpatur
 licet ista furia, atque audiat hæc ex me, quoniam lacessi
 uit. bis seruavi ; ut Consul togatus armatos uicerim ; pri
 uatus Cōsulibus armatis cesserim : utriusque tēporis fru
 ctum tuli maximum ; superioris, q̄ ex senatus auctori
 tate & senatum, & omnes bonos meæ salutis causa mu
 tata ueste uidi ; posterioris, q̄ & senatus, & populus R.
 & omnes mortales & priuatim, & publice iudicarunt,
 sine meo reditu Remp. saluā esse nō posse . sed hic meus
 reditus Pōtiffices uestro iudicio cōtinetur. nam si uos me
 in meis ædibus collocatis, id qđ in omni mea causa sem
 per studijs, consilijs, auctoritatibus, sententijsq̄; fecistis: uī
 deo me plane ac sentio restitutum . sin mea domus non
 modo mihi nō redditur, sed etiā monumentū præbet ini
 mico doloris mei, sceleris sui , publicæ calamitatis : quis
 erit, qui hūc reditum potius, q̄ pœnam sempiternam pu
 tet? in conspectu præterea totius urbis domus est mea Pō
 tiffices : in qua si manet illud non monumentum urbis ,
 sed sepulcrum inimico nomine inscriptum, demigrandū
 potius aliquò est , q̄ habitandum in ea urbe, in qua tro
 phæa & de me, & de Rep. uideā constituta. an ego tā
 tam aut animi duriem habere, aut oculorum impudē
 tiam possim, ut cuius urbis seruatorem me esse senatus
 omniū assensu toties iudicarit, in ea possim intueri do
 mū meā euersam nō ab inimico meo, sed ab hoste cōmu
 ni, & ab eodem extructam, & positam in oculis ciuita
 tis, ne unquā conuiescere possit fletus bonorum ? Sp. Me
 li regnum appetentis domus est cōplanata: ecquid aliud

Cic. Orat.

G G

æquū accidisse Melio populus R. iudicauit? nomine ipso
 Aequimelij stultitia poena comprobata est. Sp. Cassij do-
 mus ob eandem causam euersa, atque in eodē loco ædes
 posita Telluris. in Vacci pratis domus fuit M. Vacci, quæ
 publicata est & euersa, ut illius facinus memoria et no-
 mine loci notaretur. M. Milius cum ab ascensu Capito-
 lij Gallorum impetum repulisset, nō fuit cōtentus benefi-
 cij sui gloria, regnum appetisse est iudicatus: ergo eius
 domum euersam duobus lucis cōuestitam uidetis. quam
 igitur maiores nostri sceleratis ac nefarijs ciuibus maxi-
 mam poenā constitui posse arbitrati sunt, eandē ego sub
 ibo ac sustinebo, ut apud posteros nostros non extinctor
 cōiurationis et sceleris, sed auctor & dux fuisse uidear?
 hanc uero Pontifices labem turpitudinis, & incōstantiæ
 poterit populi R. dignitas sustinere, uiuo senatu, uobis
 principibus publici cōsiliij, ut domum M. Tullij Ciceronis
 cū domo Fuluij Flacci ad memoriam poenæ publice con-
 stitutæ coniuncta esse uideatur? M. Flaccus, quia cum
 C. Graccho cōtra salutem Reip. fecerat, & senatus sen-
 tentia est interfectus, & eius domus euersa, & publica-
 ta est: in qua porticum post aliquanto Q. Catulus de
 manubijs Cimbricis fecit. ista autem fax ac furia pa-
 triæ, cum urbem Pisone & Gabinio ducibus cepisset, oc-
 cupasset, teneret, uno eodemq; tempore & clarissimi ui-
 ri mortui monumenta debebat, & meam domum cum
 M. Flacci domo coniungebat, ut qua poena senatus affe-
 cerat euersorem ciuitatis, eadē isle oppresso senatu affi-
 ceret eum, quem P. C. custodem patriæ iudicassent. hanc
 uero in Palatio, atque in pulcherrimo urbis loco porti-
 cum esse patiemini, furoris tribunitij, sceleris consula-

ris, crudelitatis coniuratorum, calamitatis Reip. doloris
 mei defixum indicium ad memoriam omnium gētium
 sempiternam? quam porticum pro amore, quem habe-
 tis in Remp. & semper habuistis, non modo sententijs,
 sed, si opus esset, manibus uestris disturbare cuperetis.
 nisi quem forte illius castissimi sacerdotis superstitione
 dedicatio deterret. ò rem, quam homines soluti, à cura li-
 berati ridere non desināt, tristiore autem sine maximo
 dolore audire non possint. P. ne Clodius, qui ex Pontifi-
 cis maximi domo religionem eripuit, is in meam intu-
 lit? hunc, inquam, etiam uos, qui estis antistites cerimo-
 niarum & sacrorum, auctorem habetis, & magistrum
 publicæ religionis? ò dii immortales (uos enim hæc au-
 dire cupio) P. Clodius uestra sacra curat? uestrum nu-
 men horret? res omnes humanas religione uestra con-
 tineri putat? hic non illudit auctoritati horum omniū,
 qui adsunt, summorum uirorum? non uestra Pontifi-
 ces grauitate abutitur? ex isto ore religionis uerbum
 excidere, aut elabi potest? cum tu eodem ore accusan-
 do senatum, quod seuerè de religione decerneret, impu-
 rissime teterrimeq; uiolasti. aspiciate, aspiciate Pontifices
 hominem religiosum, & si uobis uidetur, quod est bo-
 norum Pontificum, monete eum, modum quendam esse
 religionis, nimium esse supersticiosum nō oportere. quid
 tibi necesse fuit anili superstitione homo fanaticæ sacri-
 ficiū, quod alienæ domi fieret, inuisere? quæ autem
 te tanta mentis imbecillitas tenuit, ut non putares deos
 satis posse placari, nisi etiam muliebribus religionibus
 te implicuisses? quem unquam audisti maiorum tuo-
 rum, qui & sacra priuata coluerunt, & publicis saa

O R A T I O

cerdotijs præfuerunt, cū sacrificium Bonæ deæ fieret, interfuisse? neminē, ne illum quidem, qui cæcus factus est. ex quo intelligitur, multa in uita falso homines opinari; cū ille, qui nihil uiderat sciēs, quod nefas esset, lumina amisit; istius, qui non solū aspectu, sed etiam incesto flagitio, & stupro polluit cerimonias, pœna omnis oculorū ad cæcitatem mētis est conuersa. hoc auctore tā casto, tā religioso, tā sancto, tam pio potestis Pōtificates nō cōmoueri, cum suis dicat se manibus domū ciuis optimi euertisse, & eam iisdem manibus consecrassē? quæ tua fuit cōsecratio? tulerā, inquit, ut mihi liceret. quid? non exceperas, ut, si quod ius non esset rogare, ne esset rogatum? ius igitur statuetis esse, uniuscuiusq; uestrū sedes, aras, focos, deos penates subiectos esse libidini tribunitiæ? in quem quisq; per homines concitados irruerit, quem impetu perculerit, huius domū nō solū affligere, quod est præsentis insaniæ, quasi tempestatis repentinæ, sed etiam in posterum tempus religione sempiterna obligare? equidem sic accepi Pontifices, in religionibus suscipiēdis caput esse, interpretari, quæ uoluntas deorum immortalium esse uideatur: nec est ulla erga deos pietas, nisi honesta de numine eorū ac mente opinio, cum expeti nihil ab ijs, quod sit iniustū ac inhonestum, arbitrere. hominem inuenire ista labes tum, cum omnia tenebat, neminem potuit, cui ædes meas addiceret, cui traderet, cui donaret: ipse, cum loci illius, cum ædium cupiditate flagraret, ob eamq; causam unā una iusta illa rogatione sua uir bonus dominū se in meis bonis esse uoluisset, tamen illo ipso in furore suo nō est ausus meā domū, cuius cupiditate inflāmatu erat, possidere. deos immortales existimatis, cuius labore

Et consilio sua ipsi templa tenuerunt, in eius domū affli-
ctam, Et euersam per unius hominis sceleratissimi nefa-
rium latrocinium immigrare uoluisse? ciuis est nemo in
tanto populo, extra contaminatam illam Et cruentam
P. Clodij manum, qui rem ullam de meis bonis attigerit,
qui non pro suis opibus in illa tempestate defenderit. at,
qui aliqua se contagione prædæ, societatis, emptionis cō-
taminauerūt, nullius neq; priuati, neque publici iudiciij
pœnam effugere potuerunt. ex his igitur bonis, quorum
nemo rē ullam attigit, qui non omnium iudicio scelera-
tissimus haberetur, dij immortales domū meam concupi-
uerunt? ista tua pulchra Libertas deos penates, Et fami-
liares meos lares expulit, ut à te ipsa tanquā in captiuis
sedibus collocaretur? quid est sanctius, quid omni reli-
gione munitius, quàm domus uniuscuiusq; ciuium? hic
aræ sunt, hic foci, hic dij penates, hic sacræ religionis ceri-
monia cōtinentur: hoc perfugiū est ita sanctū omnibus,
ut inde abripi neminē fas sit. quo magis est furor istius
ab auribus uestris repellendus: qui, quæ maiores nostri
religionibus tuta nobis, Et sancta esse uoluerunt, ea iste
non solum contra religionem labefactauit, sed etiam
ipsius religionis nomine euertit. at quæ dea est? bonam
esse oportet, quādo quidem est abs te dedicata. Libertas,
inquit, est. eam tu igitur domi meæ collocasti, quam ex
urbe tota sustulisti? tu, cum collegas tuos summa pote-
state præditos negares liberos esse; cum in templum Ca-
storis aditus esset apertus nemini; cum hūc clarissimum
uirum, summo genere natum, summis populi beneficijs
usum, Pontificem, Et consularem, Et singulari bonitate
Et modestia præditum, quem quibus oculis aspicere au-

deas, satis mirari nō queo, audiente populo R. à pedise-
 quis conculcari iuberet; cum indemnatum exturbaret
 priuilegijs tyrannicis irrogatis; cum principē orbis ter-
 ræ uirū inclusum domi contineret; cum forum armatis
 cateruis perditorum hominū possideret: Libertatis simu-
 lacrum in ea domo collocabas, quæ domus erat ipsa indi-
 cio tui crudelissimi dominatus, & miserrimæ populi R.
 seruitutis? eum ne potissimum Libertas domo sua debuit
 pellere, qui nisi fuisset, in seruorū potestatem ciuitas to-
 ta uenisset? at unde inuenta est ista Libertas? quæ si u. n.
 diligenter. Tanagræa quædam meretrix fuisse dicitur.
 eius non longe à Tanagris simulacrū è marmore in se-
 pulcro positum fuit. hoc quidā homo nobilis, non alienus
 ab hoc religioso Libertatis sacerdote, ad ornatum Aedili-
 tatis suæ deportauit: etenim cogitabat omnes superio-
 res muneris splendore superare: itaque omnia signa, ta-
 bulas, ornamentorū quod supersuit in fanis, & cōmuni-
 bus locis, tota è Græcia atq; insulis omnibus honoris po-
 puli R. causa sanè frugaliter domū suā deportauit. is po-
 stea quā intellexit, posse se interuersa Aedilitate à L. Piso-
 ne Consule Prætorē renunciari, si modo eadem prima li-
 tera cōpetitorem habuisset aliquē, Aedilitatem duobus
 in locis partim in arca, partim in hortis suis collocauit: si-
 gnū de busto meretricis ablatū isti dedit, quod esset si-
 gnū magis istorū, q̄ publicæ libertatis. hanc deā quisquā
 uiolare audeat, imaginem meretricis, ornamentū sepul-
 cri, à fure sublatam, à sacrilego collocatam? hæc me do-
 mo mea pellet? hæc ultrix afflictæ ciuitatis, Reip. spolijs
 ornabitur? hæc erit in eo monumento, quod positum est,
 ut esset indicium oppressi senatus ad memoriam semp-

ternam turpitudinis? ò Q. Catule (patrem'ne appellem, an filium? recentior memoria filij est, & cum rebus meis gestis coniunctior) tantum'ne te fefellit, cum mihi summa, & quotidie maiora præmia in Rep. fore putabas, negabas fas esse duos Consules esse in hac ciuitate inimicos Reip. duo sunt inuenti, qui senatū Tribuno furenti constrictum traderent, qui pro me patres conscriptos deprecari, & populo supplices esse edictis atque imperio uetarēt, quibus spectantibus domus mea disturbaretur, diriperetur, qui denique ambustas fortunarum mearum reliquias suas in domos comportari iuberent. uenio nunc ad patrem. tu Q. Catule M. Fuluij domum, cum is fratris tui socer fuisset, monumentum tuarum manubiarum esse uoluisti, ut eius, qui perniciofa Reip. consilia cepisset, omnis memoria funditus ex oculis hominum ac mentibus tolleretur. hoc si quis tibi ædificanti illam porticum diceret, fore tempus, cum is Tribunus pl. qui auctoritatem senatus, iudicium bonorum omnium neglexisset, tuum monumentum Cōsulibus non modo inspectantibus, uerum adiuantibus disturbareret, euerteret, idq; cū eius ciuis, qui Remp. ex senatus auctoritate Consul defendisset, domo coniungeret: non ne responderes, id nisi euersa ciuitate accidere nō possetat uide de hominis intolerabilem audaciam cū proiecta quadā & effrenata cupiditate. monimētū iste nunquā aut religionem ullā excogitauit: habitare laxē & magnifice uoluit, duasq; & magnas & nobiles domos coniungere: eodem puncto temporis, quo meus discessus isti causam cædis eripuit, à Q. Seio contendit, ut sibi domum uenderet. cū ille id negaret, primo se luminibus eius esse

O R A T I O

obstruendum minabatur. affirmabat Posthumus, se ui-
 uo illam domū istius nūquam futurā. acutus adolescens
 ex ipsius sermone intellexit, quid fieri oporteret: homi-
 nem ueneno apertissime sustulit: emit domum litigato-
 ribus defatigatis propè dimidio carius, quàm aestimabat.
 quorsum igitur hæc oratio pertinet? domus mea illa pro-
 pè tota uacua est: uix pars ædium mearum decima ad
 Catuli porticum accessit. causa fuit ambulatio, & mo-
 nimentum, & ista Tanagræa, oppressa Libertate liber-
 tas. in Palatio, pulcherrimo prospectu porticū cum con-
 clauibus pauimentatam trecentum pedum concupierat,
 amplissimum peristylum, cætera eiusmodi, facile ut o-
 mnium domos & laxitate & dignitate superaret. &
 homo religiosus, cum ædes meas idem emeret & uende-
 ret, tamen illis tantis tenebris non est ausus suum nomē
 emptioni illi ascribere: posuit scilicet Statonem illum, ho-
 minem sua uirtute egentem, ut is, qui in Marfis, ubi na-
 tus est, teētū, quod imbris uitæ di causa succederet, nullū
 haberet, ædes in Palatio nobilissimas emisse se diceret. in
 feriolem ædium partem assignauit non suæ genti Fon-
 teiæ, sed Clodiæ, quā reliquit: quem in numerū ex mul-
 tis Clodijs nemo nomen dedit, nisi aut egestate, aut sce-
 le re perditus. hanc uos Pontifices tā uariam, tam nouā in
 omni genere uoluntatem, impudentiā, audaciā, cupidiz-
 ratem cōprobabitis? Pontifex, inquit, affuit. nō te pudet,
 cū apud Pontifices res agatur, Pontificē, dicere, nō colle-
 gium Pontificum, affuisse? præsertim cum Tribunus pl.
 uel denunciare potueris, uel etiam cogere? esto: colle-
 gium non adhibuisti: quid? de collegio quis tandem af-
 fuit? posuerat enim auctoritatem in uno, quæ est in his

omnibus. sed tamen auget & ætas, & honos dignitatē.
opus erat etiam scientia: quam etsi omnes cōsecuti sunt,
tamē certe peritiores uetustas facit. quis ergo affuit? fra-
ter, inquit, uxoris meæ. si auctoritatem quærimus, etsi id
est ætatis, ut non dū consecutus sit; tamen quanta est in
adolescente auctoritas, ea propter tantā coniunctionem
affinitatis minor est putanda. sin autē scientia est quæ-
sita, quis erat minus peritus, quā is, qui paucis illis die-
bus in collegium uenerat? qui etiam tibi erat magis ob-
strictus beneficio recenti, cum se fratrem uxoris tuæ fra-
tri tuo germano antelatū uidebat. etsi in eo prouidisti,
ne frater te accusare posset. hanc tu igitur dedicationē
appellas, ad quam non collegium, non honoribus populū
R. ornatum Pontificē, non denique adolescentem quen-
quam, cum haberes in collegio familiarissimos, adhibere
potuisti? affuit is, si modo affuit, quem tu impulisti: so-
ror rogauit, mater coegit. uidete igitur Pōtiffes, quid sta-
tuatis in mea causa de omnium fortunis. uerbo ne Pōti-
fices putatis, si is postem tenuerit, & aliquid dixerit, do-
mum uniuscuiusq; cōsecrare posse? an cū istæ dedicatio-
nes, & tēplorum, & delubrorum religiones ad honorē
deorū immortalium sine ulla ciuium calamitate à ma-
iōribus nostris cōstitutæ sint; est inuentus Tribunus pl.
qui consularibus copijs instructus, omni impetu furoris
in eum ciuem irruerit, quem percussus ipsa Resp. suis
manibus extolleret? quid, si quis similis istius (neque
enim iam deerunt, qui imitari uelint) aliquem mei dissi-
mitem, cui Resp. non tantum debeat, per uim afflixerit,
domū eius per Pontificem dedicarit; id uos ista auctori-
tate constituetis ratum esse oportere? dicitis, quem repe-

T H O T O R A T I O

riet Pontificem? quid? & Tribunus pl. idem esse nō potest Pōtifex? M. Drusus ille, clarissimus uir, Tribunus pl. Pontifex fuit. ergo, si is Q. Cepionis inimici sui postem ædium tenuisset, & pauca uerba fecisset, ædes Cepionis essent dedicatæ? nihil loquor de Pontificis iure, nihil de ipsius uerbis dedicationis, nihil de religione, cerimonia: nō dissimulo me nescire ea, quæ etiā si scire, dissimulare, ne alijs molestus, uobis etiam curiosus uiderer: et si effluunt multa ex uestra disciplina, quæ etiā ad nostras aures sæpe permanāt. postem teneri in dedicatione oportere, uideor audisse, tēpli: ibi enim postis est, ubi templi aditus est, & ualuæ. ambulationis postes nemo unquā tenuit in dedicando. simulacrum autē aut aram si dedicasti, sine religione loco moueri potest. sed iam hoc dicere tibi non licebit, quoniā Pontificem postem tenuisse dixisti. quāquā quid ego de dedicatione loquar? aut quid de uestro iure, & religione, contra q̄ proposueram, disputabo? ego uero si omnia solennibus uerbis ueteribus, & priscis institutis acta esse dicerem, tamen me Reip. iure defenderem. an, cū tu eius ciuis discessu, cuius unius opera senatus, atque omnes boni ciuitatem esse incolumem toties iudicassent, oppressam teterrimo latrocinio cū duobus sceleratissimis Cōsulibus Rēp. teneres; domū eius, qui patriā à se seruata perire suo nomine noluisse, per Pōtificem aliquem dedicasses: posset recreata Resp. sustinere? date de hac religione aditū Pontifices: iam nullum fortunis cōmunibus exitum reperietis. an, si postem tenuerit Pontifex, & uerba ad religionē deorū immortalium composita ad perniciem ciuium trāstulerit, ualebit ad iniuriā nomen sanctissimum religionis: si Tribu-

nus pl. uerbis non minus priscis & penè solennibus bona ciuis cuiuspiam consecrarit, nō ualebit? atqui C. Atin-
 nius patrum memoria bona Q. Metelli, qui eum ex se-
 natu Censor eiecerat, aui tui Q. Metelle, & tui P. Ser-
 uili, & proau tui P. Scipio, cōsecrauit foculo posito in
 rostris, adhibitoq; tibicine. quid tum? num ille furor Tri-
 buni pl. ductus ex nō nullis ueterū temporum exemplis
 fraudi Metello fuit summo illi & clarissimo uiro? certe
 non fuit. uidimus hoc idem Cn. Lentulo Censori Tribu-
 num pl. facere: nūquid igitur is bona Lentuli religioni
 obligauit? sed quid ego ceteros? tu, tu, inquā, capite ue-
 lato, concione aduocata, foculo posito, bona tui Gabinij,
 cui regna omnia Syrorum, Arabum, Persarumq; dona-
 ras, consecrasti. q. si tum nihil est actum, quid in meis bo-
 nis agi potuit? sin est ratum, cur ille gurges heluatus te-
 cum simul Reip. sanguinem, ad cœlum tamen extruxit
 uillam in Tusculano uisceribus ærarij? mihi meas rui-
 nas, quarum ego similem totam urbem esse passus non
 sum, aspicere non licuit? omitto Gabiniū. quid? exemplo
 tuo bona tua nō ne L. Mūnius, uir omnium fortissimus
 atq; optimus, consecrauit? quod si, quia ad te pertinet,
 ratum esse negas oportere: ea iura cōstituiſti in præcla-
 ro Tribunatu tuo, quibus in te conuersis, recusares, alios
 euerteres? sin ista cōsecratio legitima est: quid est, quod
 profanum in tuis bonis esse possit? an consecratio nullū
 habet ius, dedicatio est religiosa? quid ergo illa tua tum
 obtestatio tibicinis? quid foculus? quid preces? quid pri-
 sca uerba uoluerunt? e mentiri, fallere, abuti deorum im-
 mortalium numine ad hominum timorem uoluisti? nā
 si est illud ratū, mitto Gabiniū, tua domus certe, et quid

O R A T I O

quid habes aliud, est Cereri consecratum. sin ille ludus fuit, quid te impurius, qui religioes omneis pollueris aut ementiendo, aut stuprando? iā fateor, inquit, in Gabinio me nefarium fuisse. quippe uides poenam illam à te in alium institutam, in te ipsum esse conuersam. sed homo omniū scelerum flagitiorumq; documētum, quod in Gabinio fateris, cuius impudicitiam pueritiæ, libidines adolescentiæ, dedecus & egestatem reliquæ uitæ, latrocinium Consularis uidimus, cui ne ista quidē ipsa calamitas iniuria potuit accidere, id in me infirmas. & grauius esse dicis, quod uno adolescēte, quā quod concione tota te esse effecisti. dedicatio magnam, inquit, habet religionem. nō ne uobis Numa Pompilius uidetur loqui? discite orationem Pontifices & uos Flamines, etiam tu Rex discite à gentili homine tuo: quāquā ille gentem istā reliquit: sed tamen discite ab homine religionibus dedito, iusto, tum omnium religionū perito. quid? in dedicatione nō ne, & quis dicit, et quid, & quo modo, queritur? an tu hæc ita cōfundis & perturbas, ut, quicūq; uelit, quod uelit, quo modo uelit, possit dedicare? quis eras tu, qui dedicabas? quo iure? qua lege? quo exemplo? qua potestate? ubi te isti rei populus R. præfecerat? uideo. n. esse legem uetere tribunitiā, quæ uetet iniussu plebis ædes, terrā, arā cōsecrare. neque tum hoc ille Q. Papius, qui hanc legem rogauit, sensit: neq; suspicatus est fore periculū, ne domicilia aut possessiones indēnatorum ciuium cōsecraretur: neque. n. id fieri fas erat, neque quisquā fecerat: neque erat causa, cur prohibēdo non tam deterrere uideretur, q̄ admonere. sed quia consecrabantur ædes, non priuatorū domicilia, sed quæ sacræ nominantur, cōsecrabātur

agri, nō ita ut nostra prædia, si quis uellet, sed ut impe-
rator agros de hostibus captos cōsecraret; statuebantur
aræ, quæ religionem afferrēt, ipso si loco essent consecra-
tæ: hæc nisi plebs iussisset, fieri uetuit: quæ si tu interpre-
tari de nostris ædibus atq; agris scripta esse, non repu-
gno: sed quæro, quæ lex lata sit, ut tu meas ædeis cōsecre-
res, ubi tibi hæc potestas data sit, quo iure feceris. neque
ego nūc de religione, sed de bonis omnium nostrum, nec
de pontificio, sed de iure publico disputo. Lex Papiria ue-
tat ædeis iniussu plebis consecrari. sit sanè, hoc de nostris
ædibus, ac nō de publicis templis. unum ostende uerbum
cōsecrationis in ipsa tua lege, si illa lex est, ac nō uox sce-
leris & crudelitatis tuæ. q̄ si tibi tum in illo Reip. nau-
fragio omnia in mētē uenire potuissent, aut si tuus scri-
ptor in illo incēdio ciuitatis nō syngraphas cū Byzantijs
exulibus, et cum Legatis regijs faceret, sed uacuo animo
tibi ista non scita, sed portenta conscriberet: esses omnia
si minus re, at uerbis legitimis cōsecutus. sed uno tempo-
re cautiones fiebant pecuniarū, fœdera feriebantur pro-
uinciarum, Regum appellationes uenales erant, seruorū
omnium uicatim celebrabatur tota urbe descriptio, ini-
mici in gratiam reconciliabantur, imperia ascribebātur
nouæ iuuetuti, Q. Seio uenenum misero parabatur, de
Cn. Pompeio propugnatore & custode imperij interfi-
ciendo cōsilia inibātur, senatus ne quid esset, ut lugerēt
boni semper, ut capta Resp. Consulū proditione, uī tri-
bunitia teneretur. hæc cū tot tantaq; agerentur, nō mi-
rū est, præsertim in furore animi, & cæcitate, multa il-
lum, & te fefellisse. at uidete, quāta sit uis huius Papi-
riæ legis in re tali, non qualē tu affers sceleris plenā, &

O R A T I O

furoris. Quod Martius Censor signum Concordiæ fecerat, idq; in publico collocarat. hoc signum C. Cassius Censor cum in curiam transtulisset, collegiū uestrum cōsultuit, num quid esse causæ uideretur, quin id signum curiāq; Concordiæ dedicaret? quæso Pontifices & hominem cū homine, & tempus cum tempore, & rem cum re cōparate. ille erat summa modestia, & gravitate Censor: hic Tribunus pl. scelere, & audacia singulari. tempus illud erat tranquillum, & in libertate populi, & gubernatione positum senatus: tuum porrò tempus libertate populi R. oppressa, senatus auctoritate deleta. res illa plena iustitiæ, sapientiæ, dignitatis: Censor enim, penes quem maiores nostri, id quod tu sustulisti, iudicium senatus de dignitate esse uoluerunt, Concordiæ signum uolebat in curia, curiamq; ei deæ dedicare. præclara uoluntas, atque omni laude digna: præscribere enim se arbitrabatur, ut sine studijs dissensionis sententiæ dicerentur, si sedē ipsam ac templū publici cōsiliij religione Cōcordiæ deuinxisset. tu, cum ferro, cū metu, cū edictis, cū priuilegijs, cum præsentibus copijs perditorum, absentis exercitus terrore, et minis, Consulū societate, et nefario fœdere, seruitute oppressam ciuitatē teneres, Libertatis signū posuisti magis ad ludibriū impudentiæ, q̃ ad simulationē religionis. ille in curia, quæ poterat, sine cuiusquam incōmodo dedicabat: tu in ciuis optime de Rep. meriti cruore ac penē offibus simulacrum non libertatis publicæ, sed licentiæ collocasti. atque ille tamen ad collegiū retulit: tu ad quē retulisti? si quid deliberares, si quid tibi aut piandum, aut instituendum fuisset religione domestica, tamē instituto cæterorum uetere ad Pontificem detulisses: nouum delu-

brum cum in urbis clarissimo loco, nefando quodam atque inaudito instituto inchoares, referendum ad sacerdotes publicos non putasti? at si collegium Pontificum adhibendum non uidebatur, nemo ne horum tibi idoneus uisus est, qui ætate, honore, auctoritate antecellunt, ut cum eo dedicationem communicares? quorum quidem tu non contempsisti, sed pertinuisti dignitatē. an tu auderes quære ex P. Seruilio, aut ex M. Lucullo? quorum ego consilio, atque auctoritate Rēp. Consul ex uestris manibus ac faucibus eripui. quibusnam uerbis, aut quo ritu, primū hoc dico, ciuis domum cōsecraret; deinde ciuis eius, cui princeps senatus, cui etiā ordines omnes, deinde Italia tota, post cunctæ gentes testimoniū huius urbis atque imperij cōseruati dedissent? quid diceretis ò nefanda & pernicioſa labes ciuitatis? ades, ades Luculle, Seruili, dum dedico domum Ciceronis, ut mihi præeatis, postemque teneatis. es tu quidem cum audacia, tum impudentia singulari: sed tibi tamen oculi, uultus, uerba cecidissent, cū te uiri, qui sua dignitate personam populi R. atque auctoritatem imperij sustinerent, uerbis grauissimis perterruiſſent, neque sibi fas esse dixissent furori interesse tuo, atque in patriæ parricidio & scelere. quæ cum uideres, tum te ad tuum affinem non delectum à te, sed relictum à cæteris contulisti. quem ego tamē credo, si est ortus ab illis, quos memoriæ proditum est ab ipso Hercule perfuncto iam laboribus sacra didicisse, in uiri fortis ærumnis non ita crudelem fuisse, ut in uiui, & iam spirantis caput bustū suis manibus imponeret: qui aut nihil dixit, aut, si fecit, omnino pœnam hanc maternæ temeritatis tulit, ut multā in delicto personā, nomenque præberet: aut, si dixit ali-

O R A T I O

quid uerbis hæsitantibus, postemq; tremebūda manu tetigit, certe nihil rite, nihil caste, nihil more institutoq; perfecit. uiderat ille Murænam uitricum suum, consulē designatum, ad me Consulem cum Allobrogibus cōmunis exitij indicia afferre: audierat ex illo, se à me bis salutē accepisse, separatim semel, iterum cum uniuersis. quare quis est, qui existimare possit, huic nouo Pontifici primam hanc post sacerdotium initum religionem instituēti, uocēq; mittenti non & linguam obmutuisse, & manum obtorpuisse, & mentem debilitatam metu cōcidisse? præsertim cū ex collegio tanto non Regē, non Flaminem, non Pontificē uideret, fieriq; particeps alieni sceleris inuitus cogeretur, & grauissimas pœnas affinitatis impurissimæ sustineret. sed ut reuertar ad ius publicum uindicādum, quod ipsi Pontifices semper non solum ad suas cerimonias, sed etiam ad populi iussa accommodauerunt; habetis in cōmentarijs uestris, C. Cassium Censorem de signo Concordiæ dedicando ad Pontificum collegium retulisse, eiq; M. Aemilium Pont. maximum pro collegio respōdisse; nisi eum populus R. nominatim præfecisset, atq; eius iussu faceret, nō uideri ea recte posse dedicari, quid? cū Licinia, uirgo Vestalis, summo loco nata, sanctissimo sacerdotio prædita, T. Flaminio, Q. Metello Coss. arā, & ædiculā, & puluinar sub saxo sacro dedicasset, non eā rē ex auctoritate senatus ad hoc collegiū Sex. Iulius Præt. retulit? cū P. Scæuola Pōt. max. pro collegio respondit; quod in loco publico Licinia C. F. iniussu populi dedicasset, sacrū nō uideri esse. quā quidē rem quāta se ueritate, quātaq; diligētia senatus sustulerit, ex ipso S. C. facile cognoscetis. recita S. C. Videtis ne Prætori urbano

negotium

negotium datum, ut curaret, ne id sacrū esset? Et ut, si quæ essent incisæ, aut inscriptæ literæ, tollerentur? ò tēpora, ò mores. tum Censorem, hominem sanctissimū, simulacrum Concordiæ dedicare Pontifices in templo inaugurato prohibuerūt; post autem senatus in loco augusto consecratam eam aram tollendam ex auctoritate Pontificum cēsuit, neq; ullū est passus ex ea dedicatiōe literarū extare monumentum: tu, procella patriæ, turbo, ac tempestas pacis, atq; otij, quod in naufragio Reip. tenebris offusis, demerso populo R. euerso atq; eiectō senatu dirueris, ædificaris; religione omni uiolata, Reip. tantum nomine cōtaminaris; in ciuis huiusce ædibus, et in urbe, quā suis laboribus ac periculis conseruasset, monumentū deletæ Reip. collocaris ad equitū notam, ad dolorē bonorū omniū, sublatoq; Q. Catuli nomine incideris; id sperasti Remp. diutius, q̄ quoad mecum simul expulsa careret his mœnibus, esse laturam? At si Pontifices neq; is, cui licuit, neq; id, quod fas fuit, dedicauit: quid me attinet iam illud tertium, quod proposueri, docere, nō ijs institutis, ac uerbis, quibus cerimoniae postulant, dedicasse? dixi à principio, nihil me de sciētia uestra, nihil de sacris, nihil de abscondito iure Pōtificum dicturum. quæ sunt adhuc à me de iure dedicadi disputata, non sunt quæ sita ex occulto aliquo genere literarum, sed sumpta de medio ex rebus palam per magistratus actis, ad collegiumq; delatis, ex S. C. ex lege. illa interiora iam uestra sunt, quid dici, quid præcipere, quid tāgi, quid teneri ius fuerit. quæ si omnia ex Corūcani sciētia, qui peritissimus Pōtifex fuisse dicitur, acta esse cōstarēt; aut si M. Horatius ille Puluillus, q, cū eius dedicatiōe multi pro

Cic. Orat.

H H

O R A T I O

pter inuidiam fictis religionibus impedirent, restitit, & constantissima mēte Capitoliū dedicauit, huiusmodi ali cui dedicationi præsuisset: tamen in scelere religio non ualeret, nedum ualeat id, quod imperitus adolescēs, nouus sacerdos, sororis precibus, matris minis adductus, ignarus, inuitus, sine collegis, sine libris, sine auctore, sine scriptore, furtim, mente, ac lingua titubāte fecisse dicatur: præsertim cū iste impurus, atq; impius hostis omnium religionū, qui contra fas inter uiros sæpe mulier, & inter mulieres uir fuisset, ageret illā rem ita raptim, & turbulente, ut neq; mens, neque uox, neque lingua cōsisteret. delatū tum est ad uos Pontifices, & post omnium sermone celebratū, quēadmodū iste præposteris uerbis, ominibus obscœnis idētidē se ipse reuocādo, dubitans, timens, hæsītans, omnia aliter, ac uos in monimētis habetis, & pronūciarit, & fecerit. quod quidē minime mirū est, in tāto scelere, tātāq; dementia ne audaciæ quidē locū ad timorē cōprimendū fuisse. etenim si nemo unquā prædo tā barbarus, atq; immanis fuit, qui, cū fana spoliasset, deinde arā aliquā in litore deserto somnijs stimulus, aut religiōe aliqua cōsecraret, nō horreret animo, cū diuinū numē scelere uiolatū placare precibus cogeretur: quā tādē istū perturbatiōe mētis, omnium tēplorū, atq; tēctorū, totiusq; urbis prædonē, fuisse cēsetis, cū pro detestatione tot scelerū unā arā nefarie cōsecraret. nō poterat ullo modo (quāquā & insolētia dominatus extulerat animos, & erat incredibili armatus audacia) nō in agendo ruere, ac sæpe peccare, præsertim illo Pontifice, & magistro, qui cogeretur docere, antequam ipse didicisset. magna uis est cum in deorū immortalium

numine, tum uero in ipsa Rep. dij immortales, suorum
templorum custodem ac præsidiē sceleratissime pulsum
cum uiderent, ex suis tēplis in eius ædes immigrare no-
lebant: itaq; istius ueracissimi mentem cura, metuq;
terrebant. res uero publica, quanquā erat exterminata
mecum, tamē obuersabatur ante oculos exterminatoris
sui, & ab istius inflāmato atq; ignito furore iam tum
me seq; repetebat. quare quid est mirum, si iste metu, si
furore instinctus, scelere præceps, neque institutas ceri-
monias persequi, neque uerbum ullum solenne potuit
effari? quæ cum ita sint Pontifices, reuocate iam animos
uestros ab hac subtili nostra disputatione ad uniuersam
Remp. quam antea cum uiris fortibus multis, in hac ue-
ro causa solis uestris ceruicibus sustinetis. uobis uniuersi
senatus perpetua auctoritas, cui uosmet ipsi præstātissi-
mi semper in mea causa præfuiſtis; uobis Italiæ magnifi-
centissimus ille motus, municipiorumq; concursus; uobis
campus, centuriarumq; una uox omnium, quarum uos
principes, atq; auctores fuistis; uobis omnes societates,
omnes ordines, omnes, qui aut re, aut spe deniq; sunt bo-
ni, omne uobis erga meam dignitatem studium, & iu-
diciū non modo commissum, uerum etiam cōmendatū
esse arbitrabatur. denique ipsi dij immortales, qui hanc
urbem, atq; hoc imperium tuētur, ut esset omnibus gē-
tibus posteritatiq; perspicuum, diuino me numine esse
Reip. redditū, iccirco mihi uidentur fruētū ipsum redi-
tus, & gratulationis meæ ad suorū sacerdotū potestate,
iudiciūq; reuocasse: hic est. n. reditus Pontifices, hæc re-
stitutio, in domo, in sedibus, in aris, in focis, in dijs pe-
natibus recuperandis. quorum si iste suis sceleratissi-

mis manibus teſta, ſedesq; cōuellit, ducibusq; Cōſulibus
 tanq̃ urbe capta hāc unam domum quaſi acerrimi pro
 pugnatoris ſibi delendam putauit: tamen illi dij penates
 ac familiares mei per uos in meā domum mecum erūt
 reſtituti. quocirca te Capitoline, quem propter beneficia
 populus R. optimum, propter uim maximum nomina-
 uit; teq; Iuno Regina, & te cuſtos urbis Minerua, quæ
 ſemper adiutrix conſiliorum meorum, teſtis laborū exti-
 tiſtis, precor ac quaſo: uosq;, qui maxime me repetiſtis
 atq; reuocaſtis, quorū de ſedibus hāc mihi propoſita eſt
 contentio, patrij penates familiaresq;, qui huic urbi, &
 Reip. præſides eſtis, uos obteſtor, quorum ego à tēplis ac
 delubris peſtiferam illam, & nefariam flammam depu-
 li: teq; Veſta mater, cuius caſtiſſimas ſacerdotes ab ho-
 minū amentia, furore, & ſcelere defendi, cuiusq; ignē
 illum ſempiternum nō ſum paſſus aut ſanguine ciuiū
 reſtingui, aut cū totius urbis incendio cōmiſceri: ut, ſi in
 illo penē fato Reip. obieci meum caput pro ueſtris ceri-
 monijs atq; templis perdiſſimorum ciuiū furori atq;
 ferro; & ſi iterum, cum ex mea contentione interitus
 bonorum omnium quaereretur, uos ſum teſtatus, uobis
 me ac meos cōmendauī, meq; ac meū caput ea cōditio-
 ne deuoui, ut, ſi & eo ipſo tēpore, & ante in Cōſulatu
 meo cōmodis meis omnibus, emolumentis, præmijs præ-
 termiſſis, cura, cogitatione, uigilijs omnibus nihil, niſi de
 ſalute meorum ciuium, laboraſſem, tū mihi Rep. aliquā
 do reſtituta liceret frui; ſin autem mea conſilia patriæ
 nō profuiſſent, ut perpetuū dolorem auulſus à meis ſu-
 ſtinerem: hanc ego deuotionem capitis mei, cū ero in ſe-
 des meas reſtitutus, tum denique cōiunctam eſſe, & cō-

missam putabo. nam nunc quidē Pontifices non solum domo, de qua cognoscitis, sed tota urbe careo, in quā uideor esse restitutus: urbis. n. celeberrimæ & maximæ partes aduersum illud nō monimentū, sed uulnus patriæ cōtuentur. quē cum mihi cōspectum morte magis uitandum, fugiendumq; esse uideatis: nolite quæso eū, cuius reditu restitutā Remp. fore putastis, nō solum dignitatis ornāmētis, sed etiā urbis partibus uelle esse priuatum. nō me bonorum direptio, non tēctorum excisio, nō depopulatio prädiorū, non praeda Consulū ex meis fortunis crudelissime capta permouet: caduca semper & mobilia hæc esse duxi, non uirtutis, atq; ingenij, sed fortunæ, & temporū mūnera: quorū ego non tam facultatem unquā & copiam expetendā putauī, quā & in utendo rationem, & in carendo patiētiā: etenim ad nostrum usum propemodum iā est definita moderatio rei familiaris; liberis autē nostris satis amplum patrimonium paterni nominis, ac nostræ memoriæ relinqueamus. domo per scelus erepta, per latrocinium occupata, per religionis uim sceleratius etiā ædificata, q̄ euersa carere sine maxima ignominia Reip. meo dedecore, ac dolore non possum. quapropter, si dijs immortalibus, si senatui, si populo R. si cūctæ Italiæ, si prouincijs, si exteris nationibus, si uobismet ipsis, qui in mea salute principem semper locū auctoritatemq; tenuistis, gratum & iucundum meum reditum intelligitis esse: quæso, obtestorq; uos Pontifices, ut me, quem auctoritate, studio, sententijs restitulistis, nunc, quoniam senatus ita uult, manibus quoque uestris in sedibus meis collocetis.

DE ARVSPICVM RESPONSIS,

IN SENATV.

ORATIO XXXI.

h Esterno die P. C. cum me & uestra di-
 gnitas, & frequentia equitum R. qui-
 bus senatus dabatur, magnopere como-
 uisset, putavi mihi reprimendam esse
 P. Clodij impudicam impudentiam, cum
 is publicanorum causam stultissimis interrogationibus
 impediret, & P. Tullioni Syro nauaret opera, atque ei
 sese, cui totus uenierat, etiam uobis inspectantibus uedita-
 ret. itaque hominem furem exultantemque continui, si-
 mul ac periculum iudicii intendi: duobus inceptis uer-
 bis omnem impetum gladiatoris ferociamque compressi.
 attamen ignarus ille, qui Consules essent, exanguis atque
 aestuans se e curia repente proripuit cum quibusdam fra-
 tris iam atque inanibus minis, & cum illius Pisoniani tem-
 poris Gabiniani que terroribus. quem cum egredientem in-
 sequi cepissem, cepi equidem fructum maximum & ex
 consurrectione omnium uestrum, & ex comitatu publi-
 canorum. sed uecors repete sine suo uultu, sine colore, sine
 uoce constitit, deinde respexit; et simul ad Cn. Lentulum
 Cos. aspexit, concidit in curiae penes limine, recordatione
 credo Gabinij sui, desiderioque Pisonis. cuius ego de effre-
 nato & precipiti furore quid dicam? haud potest gra-
 uioribus a me uerbis uulnerari, quam est statim in fa-
 cto ipso a grauiissimo uiro P. Seruilio confectus, ac tru-
 cidatus. cuius si etiam uim, & grauitatem illam singu-
 larem ac penes diuinam assequi possem, tamen non du-

bito, quin ea tela, quæ coniecerit inimicus, quã ea, quæ collega patris emisit, leniora atque hebetiora esse uideatur. sed tamen mei facti rationem exponere illis uolo, qui hesterno die dolore me elatum, & iracundia longius propè digressum arbitrabantur, quã sapientis hominis cogitata ratio postularet. nihil feci iratus, nihil impotenti animo, nihil nõ diu consideratum, ac multo ante meditatũ. ego enim P. C. inimicũ me semper esse professus sum duobus, qui me, qui rem meam, cum defendere deberent, seruare possent, cumq; ad consulare officium ipsis insignibus illius imperij, ad meam salutem non solum auctoritate, sed etiam precibus uestris uocarentur, primo reliquerũt, deinde prodiderunt, postremo oppugnaverunt, præmijsq; nefariæ pactionis funditus unã cum Rep. oppressum, extinctumq; uoluerũt; quiq; suo ductu & imperio cruento illo atque funesto supplicia neque à sociorum mœnibus prohibere, neq; hostiũ urbibus inferre potuerunt, excisionem, inflammationem, euerfionem, depopulationem, uastitatem eam sua cum præda meis omnibus teetis, atq; agris intulerunt. cum his furijs & facibus, cum his, inquam, exitiosis prodigijs, ac penè huius imperij pestibus bellum mihi inexpiabile dico esse susceptum, neque id tamẽ ipsum tantum, quantum meus ac meorum, sed tãtum, quantum uester atque omniũ bonorũ dolor postulauit. in Clodiũ uero nõ est hodie meũ maius odium, quã illo die fuit, cum illum ambustum religiosissimis ignibus, cognouĩ muliebri ornatu, ex incesto stupro, atq; ex domo Põtifcis maximi emissum. tũ, inquã, tum uidi, ac multo ante prospexi, quanta tempestas excitaretur, quanta impen-

O R A T I O

deret procella Reip. uidebam, illud scelus tam importu-
nū, audaciam tam immanem adoleſcētis furentis, nobi-
lis, uulnerati nō poſſe arceri otij finibus; erupturū illud
malum aliquando, ſi impunitum fuiſſet, ad perniciem
ciuitatis. nō multū mihi ſanè poſt ad odiū acceſſit: ni-
hil enim contra me fecit odio mei, ſed odio ſeueritatis,
odio dignitatis, odio Reip. nō me magis uiolauit, q̄ ſen-
tum, q̄ equites R. q̄ omnes bonos, quā Italiā cunētā: non
deniq; in me ſcleratioꝝ fuit, quā in ipſos deos immorta-
les: etenim illos eo ſcelere uiolauit, quo nemo antea; in
me fuit eodē animo, quo etiā eius familiaris Catilina,
ſi uiciſſet, fuiſſet: itaq; eū nūquā à me eſſe accuſandū
putaui, nō plus quā ſtipitem illum; qui quorū hominū
eſſet, neſciremus, niſi ſe Ligurē ipſe eſſe diceret. quid
enim hunc perſequar, pecudem ac belluam, pabulo ini-
micorum meorum, & glande corruptum? qui ſi ſen-
ſit, quo ſe ſcelere deuinxerit; nō dubito, quin ſit miſerri-
mus: ſin autem id non uidet; periculum eſt, ne ſe ſtu-
poris excuſatione defendat. accedit etiam, quod expe-
ctatione omniū, fortiffimo, & clariffimo uiro T. An-
nio deuota, & conſtituta iſta hoſtia eſſe uidetur: cui
me præripere deſponſam iam, & deſtinatam laudem,
cum ipſe eius opera & dignitatem & ſalutem recupe-
rarim, ualde eſt iniquum. etenim ut P. ille Scipio natus
mihi uidetur ad interitum exitiumq; Carthaginiſ, qui
illam à multis imperatoribus obſeſſam, oppugnataſ,
labefaetataſ, penè captam, aliquando quaſi fatali euē-
tu ſolus euertit: ſic T. Annius ad illam peſtem compri-
mendam, extinguendam, funditus delendam natus
eſſe uidetur, & quaſi diuino munere donatus Reip.

solus ille cognouit, quemadmodum armatum ciuē, qui
 lapidibus, qui ferro alios fugaret, alios domi cōtineret,
 qui urbem totam, qui curiam, qui forum, qui templa
 omnia cæde, incendijsq; terreret, nō modo uinci, uerum
 etiam uinciri oporteret. huic ego & tali, & ita de me
 ac de patria merito uiro nunquā mea uoluntate præri-
 piam, eum præsertim reum, cuius ille inimicitias nō so-
 lū suscepit propter salutē meam, uerū etiam appetiuit.
 sed si etiam nunc, illaqueatus iam omnium legum peri-
 culis, irretitus odio bonorum omniū, expectatione sup-
 plicij iam non diuturna implicatus, feretur tamen hæsi-
 tans, & in me impetū impeditus facere conabitur: resi-
 stā, & aut concedente, aut etiā adiuuāte Milone, eius
 conatū refutabo: uelut hesternō die, cū mihi stanti tacēs
 minaretur, uoce tantū attigi legum initium, & iudicij.
 cōcidit ille: cōticuī diē dixisset, ut fecerat: fecissem, ut ei
 statim tertius à Prætorē dies diceretur. atq; hoc si mo-
 deretur: & cogitet, si cōtentus sit ijs sceleribus, quæ cō- *
 misit, iam se esse consecratū Miloni; si quod in me telū
 intorserit, statim me esse arrepturū arma iudiciorum,
 atq; legum. atquī paulo ante P. C. concionem habuit,
 quæ est ad me tota delata: cuius cōcionis primū uniuersū
 argumentū sentētiamq; audite. cū riseritis impu-
 dentiā hominis, tum à me de tota cōcione audietis. De
 religionibus sacris, & cerimonijs est concionatus patres
 cōscripti Clodius: P. inquā Clodius, sacra et religiones ne-
 gligi, uiolari, pollui, questus est. nō mirū, si hoc uobis ridet
 culū uidetur. etiā suū cōcio risit, hominē, quo modo ipse
 gloriari solet, ducētis cōfixū S. C. quæ sunt omnia con-
 tra illum pro religionibus facta; hominemq; illum, qui

puluinaribus Bonæ deæ stuprū intulerit, eaq; sacra, quæ uiri oculis ne imprudentis quidē aspici fas est, non solū aspectu uirili, sed flagitio, stuproq; uiolarit, in concione de religionibus neglectis conqueri: itaq; nunc proxima concio eius expectatur de pudicitia: quid enim interest, utrū ab altaribus religiosissimis fugatus, de sacris, et religionibus cōqueratur, an ex sororū cubiculo egressus, pudorem pudicitiamq; defendat? respōsum aruspicum hoc recens de fremitu in concione recitauit: in quo cum alijs multis scriptum etiā illud est, id quod audistis, loca sacra & religiosa, profana haberi. in ea causa esse dixit domū meā, à religiosissimo sacerdote P. Clodio cōsecratā. gaudeo mihi de toto hoc ostento, quod haud scio an grauissimum multis his annis huic ordini nunciatū sit, datā nō modo iustam, sed etiam necessariā causam esse dicendī: reperietis enim, ex hoc toto prodigio atq; responso nos de istius scelere ac furore, ac de impendētibz periculis maximis propē iam uoce Iouis Optimi Maximi præmoneri. sed primū expiabo religionem ædium mearum, si id facere uere ac sine cuiusquā dubitatione potero. sin scrupulus tenuissimus residere aliquis uidebitur, nō modo patienti, sed etiam libenti animo portentis deorum immortalium, religiōniq; parebo. sed quæ tandem est in hac urbe tāta domus ab ista religionis suspicione tam uacua atq; pura? quanquā uestre domus P. C. cæterorumq; ciuium multo maxima ex parte sunt liberæ religione, tamē una mea domus iudicijs omnibus liberata in hac urbe sola est. te enim appello Lærule, & te Philippe. ex hoc aruspicum respōso decreuit senatus, ut de locis sacris, religiosis ad hunc ordinem referretis.

potestis ne referre de mea domo? quæ, ut dixi, sola in hac urbe omni religione omnibus iudicijs liberata est: quã primum inimicus ipse in illa tempestate ac nocte Reip. cū cetera scelera stylo illo impuro Sex. Clodius cōscripsisset, ne una quidē attigit litera religionis. deinde eandē domū populus R. cuius est summa potestas omniū rerū, comitijs centuriatis, omnium ætatum ordinumq; suffragijs eodem iure esse iussit, quo fuisset. postea uos P.C. non q̄ dubia res esset, sed ut huic furie, si diutius in hac urbe, quã delere cuperet, maneret, uox interdiceretur, decreuistis ut de mearum ædium religione ad Pontificum collegium referretur. quæ tanta religio est, qua nō, in nostris dubitationibus atque in maximis superstitionibus, unius P. Seruili ac M. Luculli respoſo ac uerbo liberemur? de sacris publicis, de ludis maximis, de deorū penatiū, Vestæq; matris ceremonijs, de illo ipso sacrificio, quod fit pro salute populi R. quod post Romã cōditam huius unius casti tutoris religionum scelere uiolatū est, quod tres Pontifices statuissent, id semper populo R. semper senatui, semper ipsis dijs immortalibus satis sanctū, satis augustū, satis religiosum esse uisum est. at uero meā domū P. Lentulus Cos. & Pōtifex, P. Seruilius, M. Lucullus, Q. Metellus, M. Glabrio, M. Messalla, L. Lentulus flamen Martialis, P. Galba, Q. Scipio, C. Fannius, M. Lepidus, L. Claudius Rex sacrorū, M. Scaurus, M. Crassus, C. Curio, Sex. Cæsar flamen Quirinalis, Q. Cornelius, P. Albinouanus, Q. Terentius, Pontifices minores, causa cognita, duobus locis dicta, maxima frequentia amplissimorum ac sapientissimorum ciuiū astante, omni religione una mente omnes liberauerunt.

O R A T I O

nego, unquam post sacra constituta, quorum eadem est
 antiquitas quæ ipsius urbis, ulla de re, ne de capite qui-
 dē uirginū Vestaliū, tam frequens collegium iudicasse.
 quāquā ad facinoris disquisitionē interest adesse quā-
 plurimos: ita est. n. interpretatio illa Pontificū, ut ijdē
 potestātē habeant iudicū; religionis explanatio uel ab
 uno Pontifice perito recte fieri potest. quod idē in iudi-
 cio capitis durū, atq; iniquum est: tamen sic reperietis,
 frequentiores Pōtiffices de mea domo, quā unquā de ce-
 rimonijs uirginum iudicasse. postero die frequētissimus
 senatus, te Consule designato Lentule sentētiæ principe,
 P. Lētulo, & Q. Metello Coss. referentibus, statuit, cum
 omnes Pontiffices, qui erāt huius ordinis, adessent, cumq;
 alij, qui honoribus populi R. antecedeabant, multa de col-
 legij iudicio uerba fecissent, omnesq; ijdē scribēdo ad-
 essent, domum meam iudicio Pōtifficum religione libe-
 ratā uideri. de hoc igitur loco sacro potissimū uidentur
 aruspices dicere, qui locus solus ex priuatis locis omni-
 bus hoc præcipue iuris habet, ut ab ipsis, qui sacris præ-
 sunt, sacer nō esse indicatus sit: uerū referte, quod ex S.
 C. facere debetis: aut uobis cognitio dabitur, qui primi
 de hac domo sententiā dixistis, & eā religione omni li-
 beraistis: aut senatus ipse iudicabit, qui uno illo solo an-
 tistite sacrorū dissentiente frequentissimus antea iudi-
 cavit: aut id, quod certe fiet, ad Pōtiffices reijciatur, quo-
 rū auctoritati, fidei, prudētiæ maiores nostri sacra, reli-
 gionesq; et priuatas, et publicas cōmēdarūt. quid ergo hi
 possunt aliud iudicare, ac iudicauerūt? multæ sunt do-
 mus in hac urbe P. C. atq; haud scio an penē cūctæ iure
 optimo, sed iamē iure priuato, iure hæreditario, iure au-

Et oritatis, iure m^acipij, iure nexi. nego esse ullam domū
 aliam æque priuato iure atq; optima lege, publico uero
 omni præcipuo & humano & diuino iure munitam.
 quæ primū ædificatur ex auctoritate senatus pecunia
 publica: deinde contra uim nefariam huius gladiatoris
 tot S.C. munita, atq; septa est: primum, negotium iis
 dem magistratibus est datum anno superiore, ut cura-
 rent, ut sine uī mihi ædificare liceret, quibus in maxi-
 mis periculis uniuersa Resp. cōmendari solet: deinde, cū
 ille saxis, & ignibus, & ferro uastitatem meis ædibus
 intulisset, decreuit senatus, eos, qui id fecissent, lege de
 uī, quæ est in eos, qui uniuersam Rēp. oppugnassent, te-
 neri. uobis uero referētibz ō post hominum memoriam
 fortissimi atq; optimi Consules, decreuit idē senatus fre-
 quentissimus; qui meā domum uiolasset, cōtra Rēp. esse
 facturum. nego ullo de opere publico, de monumento,
 de templo tot senatus extare cōsulta, quot de mea do-
 mo: quā senatus unā post hanc urbem constitutam ex
 ærario ædificandā, à Pontificibus liberandā, à magistrati-
 bus defendendā, à iudicibus puniendā putaret. P. Vale-
 rio pro maximis in Remp. beneficijs data domus est in
 Villa publica: at mihi in Palatio restituta. illi locus: at
 mihi etiā parietes atque tectū. illi, quā ipse priuato iure
 tueretur: mihi, quā publice magistratus omnes de-
 fenderēt. quæ quidem ego si aut per me, aut ab alijs ha-
 berem, nō prædicarem apud uos, ne nimis gloriari uide-
 rer. sed cum sint mihi data à uobis, cum ea attententur
 eius lingua, cuius antea manu euersa uos mihi & libe-
 ris meis manibus uestris reddidistis: non ego de meis, sed
 de uestris factis loquor; nec uereor, ne hæc mea uestrorū

O R A T I O

beneficiorum prædicatio nõ grata potius, q̃ arrogans uideatur. quãquã si me tantis laboribus pro cõmuni salute perfunctum efferret aliquando ad gloriam in refutandis maledictis improborũ hominum animi quidam dolor, quis nõ ignosceret? uidi. n. hesterno die quendam murmurantem; quem aiebant negare ferre me posse, quia, cum ab hoc eodẽ impurissimo parricida rogarer, cuius essem ciuitatis, respondi me probantibus et uobis, et equitibus R. eius esse, quæ carere me nõ potuisset. ille, ut opinor, ingemuit. quid igitur respõderẽ? quæro ex eo ipso, qui ferre me nõ potest) me ciuẽ esse Romanũ? literate respõdissem. an tacuisssem? desertũ negotiũ. potest quis quã uir in rebus magnis cũ inuidia uersatus, satis grauius contra inimici contumeliam sine sua laude respõdere? at ipse nõ modo respõdet, quidquid potest, cum est laceffit; sed etiã gaudet, se ab amicis, quid respõdeat, admoneri. Sed quoniã mea causa expedita est, uideamus nunc quid aruspices dicant: ego enim fateor me et magnitudine ostenti, et grauitate responsi, et una atq; constanti aruspicum uoce uehementer esse cõmotũ: neq; is sum, qui, si cui forte uideor plus quã ceteri, qui æque atq; ego sunt occupati, uersari in studio literarum, ijs delecter, aut utar omnino literis, quæ nostros animos deterrent atq; auocāt à religione. ego uero primum habeo auctores ac magistros religionum colendarũ maiores nostros: quorum mihi tanta fuisse sapiẽtia uidetur, ut satis superq; prudentes sint, qui illorum prudẽtiã non dicã assequi, sed, quanta fuerit, perspicere possint: qui statas solẽneisq; cerimonias, Pontificatu; rerum bene gerendarũ auctoritates, augurio; fatorum ueteres

prædictiones Apollinis, uatum libris; portentorum expla-
nationes, Hetruscorum disciplina contineri putarunt: quæ
quidem tanta est, ut nostra memoria primum Italici bel-
li funesta illa principia, post Syllani, Cinnaniq; temporis
extremum penè discrimen, tum hanc recentem urbis in-
flammandæ, delendiq; imperij coniurationem non obscu-
re nobis paulo ante prædixerint. deinde etiam cognoui
multa homines doctissimos sapientissimosq; & dixisse,
& scripta de deorum immortalium numine reliquisse:
quæ quâquâ diuinitus perscripta uideo, tamen eiusma-
di sunt, ut ea maiores nostri docuisse illos, nō ab illis di-
dicisse uideatur: etenim quis est tam uecors, qui aut, cū
suspexerit in cælum, deos esse non sentiat, & ea, quæ
tanta mēte fiūt, ut uix quisquam arte ulla ordinem re-
rum ac uicissitudinem persequi possit, casu fieri putet;
aut cum deos esse intellexerit, non intelligat eorum nu-
mine hoc tantum imperium esse natum, & auctum, et
retentum? quod uolumus licet P. C. ipsi nos amemus: tamen
nec numero Hispanos, nec robore Gallos, nec calliditate
Pœnos, nec artibus Græcos, nec denique hoc ipso huius
gentis ac terræ domestico natiuoq; sensu Italos ipsos ac
Latinos, sed pietate, ac religione, atq; hac una sapiētia,
quod deorum immortalium numine omnia regi governa-
riq; perspeximus, omnes gentes nationesq; superaui-
mus. quare ne plura de re minime loquar dubia, adhibe-
te animos, & mētes uestras, nō solum aures, ad aruspici-
um uocem admouete. Quod in agro Latiniēsi auditus
est strepitus cum fremitu. mitto aruspices: mitto illā ue-
terem ab ipsis dijs immortalibus, ut hominum fama est,
Hetruriæ datam disciplinam: nos nō ne aruspices esse

possumus? ex auditu in agro propinquo, & suburbano
 est strepitus quidam reconditus, & horribilis fremitus
 armorum. quis est ex gigantibus illis, quos poetæ ferunt
 bellū dijs immortalibus intulisse, tā impius, qui hoc tam
 nouo tantoq; motu nō magnum aliquid deos populo R.
 præmonstrare, & præcinere fateatur? de ea re scriptum
 est, postulationes decretas esse Ioui, Saturno, Neptuno,
 Telluri, dijs cœlestibus. audio, quibus dijs uiolatis expia-
 tio debeat, sed, hominū quæ ob delicta, quæro. Ludos
 minus diligenter factos, pollutosq; quos ludos? te appet-
 lo Lētule (tui sacerdotij sunt tensæ, curricula, præcentio,
 ludi, libationes, epulæq; ludorū publicorū) nosq; Pontifi-
 ces, ad quos epulones Iouis Optimi Max. si quid est præ-
 termissum aut cōmissum, afferunt, quorū de sententia
 illa eadē renouata atq; instaurata celebratur: qui sunt
 ludi minus diligēter facti? quāto, aut quo scelere pollu-
 ti? respondebis & pro te, & pro collegis tuis, & pro Pō-
 tificum collegio, nihil cuiusquam aut negligentia contē-
 ptum, aut scelere esse pollutum; omnia solēnia ac iusta
 ludorum, omnibus rebus obseruatis, summa cū cerimo-
 nia esse seruata. quos igitur aruspices ludos minus dili-
 gēter factos, pollutosq; esse dicunt? eos, quorū ipsi dij im-
 mortales, atq; illa mater dea te te Cn. Lentule, cuius ab
 aui manibus esset accepta, spectatorem esse uoluit. q̄ ni-
 tu Megalesia illo die spectare uoluisses, haud scio an ui-
 uere nobis, atq; his de rebus iam queri liceret: uis. n. in-
 numerabilis incitata, ex omnibus uicis collecta, seruorū,
 ab hoc Aedili religioso repēte fornicibus, ostijsq; omni-
 bus in scenā signo dato immissa irrupit. tua tū, tua Cn.
 Lētule eadē uirtus fuit, quæ in privato quōdā tuo pro-
 auo.

duo. te, nomen, imperiū, uocem, aspectum, impetum tuū
 stans senatus, equitesq; R. & omnes boni sequebātur, cū
 ille seruorū & ludiorū multitudini senatū populūq; R.
 uinctum ipso confessu, & constrictū spectaculis, atq; im-
 peditum turba & angustijs tradidisset. an si ludius con-
 stitit, aut tibi cē repente conticuit, aut puer ille patrimus
 & matrimus si terrā nō tenuit, aut tensam, aut lorum
 omisit, aut si Aedilis uerbo, aut si nutu aberrauit, ludi
 sunt nō rite facti: eaq; errata expiātur? & mentes deo-
 rum immortalīū ludorū instauratione placātur? si ludi
 ab letitia ad metum traducti sunt; si nō intermissi, sed
 perempti atque sublati sunt; si ciuitati uniuersæ scelere
 eius, qui ludos ad luētū cōferre uoluit, extiterūt dies illi
 festi penē funesti: dubitabimus, quos ludos ille fremitus
 nūciēt esse pollutos? ac si uolumus ea, quæ de quoq; deo
 nobis tradita sunt, recordari, hanc Matrē magnā, cuius
 ludi uiolati, polluti, penē ad cādē, & ad funus ciuitatis
 cōuersi sunt, hāc, inquā, accepimus agros, & nemora cū
 quodam strepitu fremituq; peragrarē. hęc igitur uobis,
 hęc populo R. & scelerū indicia ostendit, & periculorū
 signa patefecit. nā quid ego de illis ludis loquar, quos in
 Palatio nostri maiores ante templum, in ipso Matris ma-
 gnæ conspectu Megalensibus fieri celebrariq; uoluerūt?
 qui sunt more institutisq; maxime casti, solennes, religio-
 si: quibus ludis primū ante populi confessum senatui lo-
 cum P. Africanus iterum Consul ille maior dedit: ut eos
 ludos hęc lues impura pollueret? quō si quis liber aut
 spectandi, aut etiam religionis causa accesserat, manus
 afferebantur: quō matrona nulla adiit propter uim
 confessumq; seruorum. ita ludos eos, quorum religio

Cic. Orat.

II

tanta est, ut ex ultimis terris accersita in hac urbe conser-
 derit; qui uniludi ne uerbo quidē appellantur Latino,
 ut uocabulo ipso & appetita religio externa, & matris
 magnæ nomine suscepta declaretur; hos ludos serui fece-
 runt, serui spectauerunt, tota deniq; hoc Aedile seruorū
 Megalesia fuerūt. prò dii immortales, qui magis nobiscū
 loqui possetis, si essetis, uersareminiq; nobiscū? ludos esse
 pollutos significatis, ac planè dicitis. quid magis deforma-
 tum, inquinatum, peruersum, cōturbatum dici potest, q̃
 omne seruitiū permissu magistratus liberatū in alterā
 scenā immissum, alteri præpositū, ut alter cōfessus pote-
 stati seruorū obijceretur, alter seruorū totus esset? si exa-
 mē apud ludis in scenā uenisset, aruspices acciēdos ex He-
 truria putaremus: uidemus uniuersi repente examina
 tāta seruorū immissa in populū R. septū atq; inclusum,
 & nō cōmouemur? atque in apud fortasse examine nos
 ex Hetru, corum scriptis aruspices, ut à seruitio cauere-
 mus, monerēt: quod igitur ex aliquo disiuncto diuersoq;
 monstro significatū cauereamus, id cū sibi ipsum monstrū
 est, & cū in eo ipso periculū est, ex quo periculum por-
 tenditur, non pertimescemus? istiusmodi Megalesia fecit
 pater tuus? istiusmodi patruus? is mihi etiā generis sui
 mentionē facit, cū Athenionis aut Spartaci exēplo ludos
 facere maluerit, q̃ Caij, aut Appij Claudiorū? illi cum lu-
 dos facerent, seruos de cauea exire iubebāt: tu in alte-
 ram seruos immisisti, ex altera liberos eiecisti. itaque quī
 antea uoce præconis à liberis semouebātur, tuis ludis nō
 uoce, sed manu liberos à se segregabāt. ne hoc quidē ti-
 bi in mētē ueniebat Sibyllino sacerdoti, hæc sacra maio-
 res nostros ex uestris libris expetisse? si illi sunt uestri,

quos tu impia mente cōquīris, uiolatis oculis legis, contāminatis manibus attrectas. hac igitur uate suadēte quōdam, defessa Italia Punico bello, atq; ab Annibale uexata, sacra ista maiores nostri ascita ex Phrygia Romæ collocauerunt: quæ uir is accepit, qui est optimus à populo R. iudicatus, P. Scipio; fœmina autē, quæ matronarū castissima putabatur, Q. Claudia, cuius priscā illam seueritatem sacrificij tua soror mirifice existimatur imitata. nihil te igitur neq; maiores tui coniuncti cum his religionibus, neq; sacerdotiū ipsum, quo est hæc tota religio cōstituta, neq; curulis Aedilitas, quæ maxime hæc tueri religionē solet, permouit, quo minus castissimos ludos omnī flagitio pollueres, dedecore maculares, scelere obligares? sed quid ego id admiror? qui accepta pecunia Pessinuntē ipsum, sedē domiciliumq; matris deorum, uastaris; & Brogitaro Gallogræco, impuro hominī, ac nefario, cuius Legati te Tribuno diuidere in æde Castoris tuis operis nūmos solebant, totum illum locū fanumq; uendideris; sacerdotem ab ipsis aris puluinaribusq; detraxeris; omnia illa, quæ uetustas, quæ Persæ, quæ Syri, quæ Reges omnes, qui Europā Asiāq; tenuerunt, semper summa religione coluerunt, peruerteris; quæ denique nostri maiores tam sancta duxerunt, ut cum refertam urbem atq; Italiā fanorū haberemus, tamē nostri imperatores maximis et periculosissimis bellis huic deæ uota facerēt, eaq; in ipso Pessinunte ad illā ipsam principem arā, & in illo loco, fanoq; persoluerent. quod cū Deiotarus religione sua castissimē tueretur, quē unū habemus in orbe terrarum fidelissimū huic imperio, atq; amantissimum nostri nominis: Brogitaro, ut ante dixi, addictum pe-

cunia tradidisti. atq; hunc tamen Deiotarum sæpe à senatu regali nomine dignū existimatum, clarissimorū imperatorum testimonijs ornatum, tu etiā Regem appellari cum Brogitaro iubes. sed alter est Rex iudicio senatus per nos, pecunia Brogitarus per te appellatus. alterū putabo Regē, si habuerit, unde tibi soluat quod ei per syngrapham credidisti. nā cum multa regia sunt in Deiotarotum illa maxime, q̄ tibi nummum nullum dedit; q̄ eā partē legis tuæ, quæ congruebat cum iudicio senatus, ut ipse Rex esset, non repudiavit; q̄ Pessinuntē per scelus à te uiolatum, & sacerdote sacrisq; spoliātū recuperavit, ut in pristina religione seruaret; q̄ cerimonias ab omni uetustate acceptas, à Brogitaro pollui nō sinīt, multq; generū suū munere tuo, q̄ illud fanum antiquitate religionis carere. sed ut ad hæc aruspicum responsa redeā, ex quibus est primum de ludis: quis est, qui id nō totum in istius ludos prædictū, & responsum esse fateatur? Sequitur de locis sacris, religiosis. ò impudentiam miram, de mea domo dicere audes? cōmitte uel Consulibus, uel senatui, uel collegio Pontificum tuā. ac mea quidem his tribus omnibus iudicijs, ut dixi antea, liberata est. at in ijs ædibus, quas tu Q. Seio equite R. uiro optimo per te apertissime interfecto tenes, sacellū dico fuisse, aras, tabulis hoc Censorum, memoria multorū firmabo, ac docebo. agatur modo hæc res, quod ex eo S. C. quod nuper est factū, referri ad uos necesse est: habeo, quæ de locis religiosis uelim dicere. cū de domo tua dixerō, in qua tamen ita est inædificatū sacellū, ut alius fecerit, tibi tātummodo se demoliendum: tum uidebo, num mihi necesse sit de alijs etiā aliquid dicere: putant enim

nō nulli ad me pertinere armamentarium Telluris aperire. nuper id patuisse dicūt, & ego recordor: nunc sanctissimam partem, ac sedem maximæ religionis priuato dicunt uestibulo contineri. multa me mouent; q̄ ædes Telluris est curationis meæ; q̄ is, qui illud armamentarium sustulit, meā domum Pontificū iudicio liberatā, secundum fratrem suum iudicatam esse dicebat. mouet me etiam in hac caritate annonæ, sterilitate agrorum, inopia frugum religio Telluris, & eo magis, q̄ eodem ostento Telluri postulatio deberi dicitur. uetera fortasse loquimur: quanquā hoc si minus ciuili iure perscriptum est, lege tamen naturæ, cōmuni iure gentium sancitū est, ut nihil mortales à dijs immortalibus usu capere possint. uerūtamen antiqua negligimus: etiam ne ea negligemus, quæ fiunt maxime, quæ uidemus? L. Pisonem quis nescit his ipsis tēporibus maximum & sanctissimū Dianæ sacellū in Cœliculo sustulisse? ad sunt uicini eius loci: multi sunt etiā in hoc ordine, qui sacrificia gētilitia illo ipso in sacello, statuto loco anniuersaria facitarent. & conquirimus, dii immortales quæ loca desiderent, quid significent, de quo loquantur? à Sex. Serrano sanctissima sacella suffosa, incensa, inædificata, oppressa, summa denique turpitudine esse foedata nescimus? tu meam domū religiosam facere potuisti? ecqua mente? qua inuaseras: qua manu? qua disturbaras: qua uoce? qua incendi iusseras: qua lege? quā ne in illa quidem impunitate tua scripseras: quo puluinari? quod stupraras: quo simulacro? quod ereptū ex meretricis sepulcro in imperatoris monumento collocaras. quid habet mea domus religiosi, nisi q̄ impuri, & sacrilegi. parietē tangit? itaque,

ne quis meorum imprudens introspicere possit tuam domum, ac te sacra illa tua faciētem uidere, tollam altius tectum, non ut ego te despiciam, sed tu ne aspicias urbē eā, quā delere uoluisti. sed iam aruspiciū reliqua responsa uideamus. Oratores contra ius fasque interfectos. quid est hoc? de Alexādrinis uideo esse sermonem: quem ego non refuto: sic enim sentio, ius Legatorū, cum hominum praesidio munitum sit, tū etiā diuino iure esse ualatum. sed quæro ab illo, qui omnes iudices Tribunus ē carcere in forum effudit, cuius arbitrio sic omnes nūc, atq; omnia uenena tractātur, qui cum Hermacho Chio syngraphas fecit, ecquid sciat unum acerrimū aduersarium Hermachi Theodosium Legatū ad senatum à ciuitate libera missum sica percussū? quod nō minus, q̄ de Alexādrinis, indignum dijs immortalibus esse uisum, certo scio. nec cōfero nūc in te unū omnia. spes maior esset salutis, si praeter te nemo esset impurus. plures sunt. hoc & tu tibi confidis magis, & nos propē iure diffidimus. quis Platorem ex Orestide, quæ pars Macedonia libera est, hominē in illis locis clarū ac nobilē, Legatum Thessalonica ad nostrum, ut se ipse appellauit, imperatorē uenisse nescit? quem ille propter pecuniā, quā ab eo extorquere nō poterat, in uincula cōiecit, & medicū intromisit suū, qui Legato, socio, amico, libero fœdissime & crudelissime uenas incideret. secures suas cruētari scelere noluit: nomen quidem populi R. tāto scelere cōtaminauit, ut id nulla re possit, nisi ipsius supplicio, expiari. quales hunc carnifices putamus habere, qui etiā medicis suis nō ad salutem, sed ad necem utatur? sed recitemus, quid sequatur. Fidem & insurandū neglectū. hoc quid sit,

per se ipsum nō facile interpretor: sed ex eo, quod sequitur, suspicor de tuorū iudicium manifesto periurio dici: quibus olim erepti essent nūmi, nisi à senatu præsidium postulassent. quare autem de his dici suspicer, hæc causa est, q̄ sic statuo, & illud in hac ciuitate esse maxime illustre, atq; insigne periuriū, & te ipsum tamē in periurij pœnam ab ijs, quibuscum coniurasti, non uocari. Et uideo in aruspicum responsis hæc esse subiuncta, sacrificia uetusta, occultaq; minus diligēter facta, pollutaq;: aruspices hæc loquuntur, an patrij, penates que dij? multi enim sunt credo, in quos huius maleficij suspicio cadat. quis præter hunc unum? obscure dicitur, quæ sacra polluta sint? quid planius, quid grauius, quid religiosius dici potest? Vetusta occulta que. nego ulla uerba Lentulum, grauem oratorem ac disertum, sæpius, cum te accusaret, usurpasse, q̄ hæc, quæ nunc ex Hetruscis libris in te cōuersa atque interpretata dicuntur: etenim quod sacrificium tam uetus est, q̄ hoc, quod à Regibus æquale huic urbi accepimus? quod autē tam occultum, q̄ id, quod non solum curiosos oculos excludit, sed etiā errantes, quò non modo improbitas, sed ne imprudentia quidem possit intrare? quod quidē sacrificiū nemo ante P. Clodiū omni memoria uiolauit, nemo unquā adiit, nemo neglexit, nemo uir aspicere nō horruit: quod fit per uirgines Vestales, fit pro populo R. fit in ea domo, quæ est in imperio, fit incredibili cerimonia, fit ei deæ, cuius ne nomen quidem uiros scire fas est: quam iste iccirco Bonam dicit, q̄ in tanto sibi scelere ignouerit. non ignouit, mihi crede, non. nisi forte tibi ignotum putas, quòd te iudices dimiserunt excussum & exhaustum, suo iu-

dicio absolutum, omnium condemnatum; aut quòd
 oculos, ut opinio illius religionis est, non perdidisti: quis
 enim ante te sacra illa uir sciens uiderat, ut quisquā pœ
 nam, quæ sequeretur illud scelus, scire posset? an tibi lu
 minis obesset cæcitas plus, quàm libidinis? ne id quidem
 sentis, conuiuentes illos oculos ab aui tui magis optados
 fuisse, quàm hos flagrantes sororis? tibi uero, si diligenter at
 tenderis, intelliges hominum pœnas deesse adhuc, non
 deorū. homines te in re fœdissima defenderūt: homines
 turpissimū nocētissimūq; laudarunt: homines propter
 pecuniam iudicio liberauerunt: hominibus iniuria tui
 stupri illata in ipsos dolori non fuit: homines tibi arma
 alij in me, alij post in illum inuictum ciuē dederunt: ho
 minum beneficia prorsus cōcedo tibi, ac maiora nō esse
 quærenda. à dijs quidem immortalibus quæ potest homi
 ni maior esse pœna furore, atque dementia? nisi forte, in
 tragœdijs quos uulnere ac dolore corporis cruciari, ac
 consumi uides, grauiiores deorum immortalium iras su
 bire, quàm illos, qui furentes inducuntur, putas. nō sunt
 illi eiulatus, et gemitus Philœtætæ tam miseri, (quan
 quam sunt acerbis) quàm illa exultatio Athamantis, et
 quàm somnium matricidarum. tu, cum furiales in con
 cionibus uoces mittis, cum domos ciuium euertis, cum la
 pidibus optimos uiros foro pellis, cum ardentes faces in
 uicinorum tecta iactas, cum ædes sacras inflamas, cum
 seruos cōcitas, cum sacra ludosq; cōturbas, cum uxorem
 sororemq; non discernis, cum, quod ineas cubile, non sen
 tis, cum baccharis, cum furis, tum das eas pœnas, quæ
 sunt sole hominum sceleri à dijs immortalibus constitu
 tæ. nam corporis quidem nostri infirmitas multos subit

casus per se : denique ipsum corpus tenuissima sæpe de causa cōficitur. deorū tela in impiorum mentibus figuntur. quare miserior es, cum in omnem fraudem raperis oculis, quàm si omnino oculos non haberes. sed quoniam de ijs omnibus, quæ aruspices commissa esse dicunt, satis est dictum ; uideamus, quid ijdē aruspices à dijs iam immortalibus dicant moneri. Monent, ne per optimatū discordiā diffensionēq; patribus principibusq; cædes periculaq; creentur, auxilioq; diminuti deficiantur, quare ad unum imperium prouinciæ redeant, exercitusq; pulsus, diminutioq; accedat. aruspicum uerba sunt hæc omnia: nihil addo de meo. quis igitur hanc optimatiū discordiā molitur? idem iste, nec ulla uī ingenij, aut consilij sui, sed quodam errore nostro: quem quidem ille, q̄ obscurus nō erat, facile perspexit : hoc enim etiā turpius afflatur Resp. q̄ ne ab eo quidem uexatur, ut, tanquam fortis in pugna uir, acceptis à forti aduersario uulneribus aduersis & honestis cadere uideatur. Ti. Gracchus cōuellit statum ciuitatis, qua grauitate uir? qua eloquentia? qua dignitate? nihil ut à patris auīq; Africani præstabili insigniq; uirtute, præterquam q̄ a senatu desciebat, deflexisset. secutus est C. Gracchus, quo ingenio? quāta uī, quāta grauitate dicendi? ut dolerent boni omnes, nō illa tanta ornamenta ad meliorē mentem, uoluntatēq; esse cōuersa. ipse L. Saturninus ita fuit effrenatus, & penē demēs, ut auctor esset egregius, & ad animos imperitorum excitandos inflammandosq; perfectus. nā quid ego de P. Sulpitio loquar? cuius tanta in dicendo grauitas, incunditas, tanta breuitas fuit, ut posset, uel ut prudentes errarent, uel ut boni minus bene sentiret, per

ficere dicendo. cum his conflitari, & pro salute patriæ
quotidie dimicare, erat omnino illis, qui tum Remp. gu-
bernabant, molestum: sed habebat ea molestia quādam
tamen dignitatem. hic uero, de quo ego ipse tam multa
nunc dico, prò dii immortales quid est? quid ualet? quid
affert, ut tanta ciuitas, si cadet, quod dii omen obruant,
à uiro tamen cōfecta uideatur? qui post patris mortem
primam illam etatulam suam ad scurrarum locuple-
tum libidines detulit: quorum intemperātia expleta, in
domesticis est germanitatis stupris uolutatus: deinde iā
robustus, prouinciæ se, ac rei militari dedit, atq; ibi pirā-
tarum cōtumelias perpeffus, etiam Cilicum libidines, bar-
barorumq; satiauit: post exercitu L. Luculli sollicitato,
per nefandum scelus fugit illinc, Romæq; recenti aduen-
tu suo cum propinquis suis decidit, ne reos faceret: à Ca-
tilina pecuniā accepit, ut turpissime præuaricaretur. in-
de cum Muræna se in Galliam contulit: in qua prouin-
cia mortuorum testamenta conscripsit, pupillos necauit,
nefarias cum multis scelerum pactiones societatesq; cō-
flauit: unde ut redijt, quæstum illum maxime fœcundū
uberemq; campestem totum ad se ita redegit, ut homo
popularis fraudaret improbissime populum, idemq; uir
clemēs diuifores omnium tribuum domi ipse suæ crude-
lissima morte mactaret. exorta est illa Reip. sacris, reli-
gioibus, auctoritati uestræ, iudicijs publicis funesta Quæ-
stura: in qua idem iste deos hominesque, pudorem, pudē-
ciam, senatus auctoritatem, ius, fas, leges, iudicia uiola-
uit. atque hic ei gradus (ò misera tempora, stultasque no-
stras discordias) P. Clodio gradus ad Remp. hic primus
est aditus ad popularem iactationem, atque ascensus. nā

T. Graccho inuidia Numantini foederis, cui feriendo, Quæstor C. Mancini Cos. cum esset, interfuerat, & in eo foedere improbando senatus seueritas dolori, & timori fuit: istaq; res illum, fortem & clarum uirum, à grauitate patrum desciscere coegit. C. autem Gracchum mors fraterna, pietas, dolor, magnitudo animi ad expetendas domestici sanguinis poenas excitauit. Saturninum, q̃ in annonæ caritate Quæstorem à sua frumentaria procuratione senatus amouit, eiq; rei M. Scaurū præfecit, scimus dolore factum esse popularem. Sulpitium ab optima causa profectum, Caioq; Iulio Consulatu contra leges petenti resistentē, longius, quàm uoluit, popularis aura prouexit. fuit in his omnibus causa, etsi nō iusta (nulla enim potest cuiquam male de Rep. merendi iusta esse causa) grauis tamen, & cum aliquo animi & uirili dolore cōiuncta. P. Clodius à crocota, à mitra, à muliebribus soleis, purpureisq; fasciis, à strophio, à psaltrio, à flagitio, à stupro est factus repente popularis. nisi eum mulieres exornatum ita deprehēdissent, nisi ex eo loco, quod eum adire fas nō erat, ancillarum beneficio emissus esset: populari homine populus R. Resp. ciue tali careret. hanc ob amentiam in discordijs nostris, de quibus ipsis his prodigijs recentibus à dijs immortalibus admoneamur, arreptus est unus ex patritijs, cui Tribuno pl. fieri non liceret. quod anno ante frater Metellus, & concors etiam tum senatus principi Cn. Pompeio sententiam dicenti excluserat, acerrimēq; una uoce ac mente restiterat, id post dissidium optimatum, de quo ipso nūc monemur, ita perturbatum, itaq; permutatum est, ut, quod frater Consul ne fieret obstiterat, quod affinis

O R A T I O

& sodalis clarissimus uir, qui illum reum nō laudarat,
 excluserat, id is Cōsul efficeret in discordijs principum,
 qui illi unus inimicissimus esse debuerat, et eo fecisse au-
 ctore se diceret, cuius auctoritatis neminem posset pœni-
 tere. iniecta est fax fœda, ac luctuosa Reip. petita est au-
 ctoritas uestra, grauitas amplissimorum ordinum, con-
 sensio bonorū omnium, totus deniq; ciuitatis status: hæc
 enim certe petebantur, cum in me cognitorem harum
 omnium rerum illa flamma illorum temporum cōiicie-
 batur. excepi, & pro patria solus exarsi, sic tamē, ut uos
 ijsdem ignibus circumsepti, me primum iētum pro uobis
 & fumantem uideretis. non sedabantur discordiæ, sed
 etiam crescebat in eos odium, à quibus nos defensi puta-
 bamur. ecce ijsdem auctoribus, Pompeio principe, qui cu-
 pientem Italiam, populum R. desiderantem, flagitantes
 uos non auctoritate sua solum, sed etiam precibus ad
 meā salutem excitauit, restituti sumus. sit discordiarum
 finis aliquādo: à diuturnis dissensionibus cōquiescamus:
 non finit eadem ista labes: ea habet cōciones: ea miscet,
 ac turbat, ut modo uendat illis, nec tamē ita, ut se quis-
 quam, si ab isto laudatus sit, laudatiorem putet, sed ut
 eos, quos non amant, ab eodē gaudeant uituperari. atq;
 ego nunc non miror: quid enim faciat aliud? illos, ho-
 mines sapientissimos grauissimosq; miror: primū, q̄ quē-
 quam clarum hominem, atque optime de Rep. sæpe me-
 ritū, impurissimi uoce hominis uiolari facile patiuntur:
 deinde, q̄ existimant perditū hominis profligatūq; male-
 dictis posse, id quod minime conducit ipsis, cuiusquā glo-
 riam dignitatemq; uiolari: postremo, q̄ non sentiunt id,
 quod tamen mihi iam suspicari uidentur, illius furentes

ac uiolentos impetus in se ipsos posse cōuerti. atq; ex hac
 * nimia non nullorum alienatione, & quibusdam hāren-
 tia tela in Rep. quæ quādiu hārebant in uno me, graui-
 ter equidē, sed aliquanto leuius ferebam. an iste, nisi pri-
 mo se dedidisset ijs, quorū animos à uestra auctoritate se
 iunctos esse arbitrabamur; nisi eos in cœlum suis laudi-
 bus præclarus auctor extolleret; nisi exercitum C. Cæsa-
 ris, in quo fallebat multos, sed eum nemo redarguebat,
 nisi eum, inquam, exercitum signis infestis in curiam se
 immissurum minitaretur; nisi Cn. Pōpeio adiutore, M.
 Crasso auctore, quæ faciebat, facere clamaret; nisi Con-
 sules causam coniunxisse secum, in quo uno non mētie-
 batur, confirmaret; tã crudelis mei, tam sceleratus Reip.
 uexator esse potuisset? idem, posteaquam respirare uos à
 metu cædis, emergere auctoritatem uestram à fluctibus
 illis seruitutis, reuiuiscere memoriam ac desiderium mei
 uidit, uobis se cœpit subito fallacissime uenditare. tū, le-
 ges Iulias contra auspicia latas, & hic & in cōcionibus
 dicere: in quibus legibus inerat curiata illa lex, quæ totū
 eius Tribunatum continebat, quam cæcus amentia non
 uidebat: producebat fortissimum uirū M. Bibulum, quæ
 rebat ex eo; C. Cæsare leges ferente, de cœlo semper ne
 seruasset? semper se ille seruasse dicebat. Augures inter-
 rogabat; quæ ita lata essent, recte ne lata essent? illi uitio
 lata esse dicebant. ferebant in oculis hominē quidā bo-
 ni uiri, & de me optime meriti, sed illius, ut ego arbi-
 tror furoris ignari. longius processit: in ipsum Cn. Pōpeiū
 auctorem, ut prædicare est solitus, consiliorum suorum
 inuehi cœpit. inibat gratiam à non nullis. tum uero est
 ratus se posse, quoniā togatum domestici belli extincto=

O R A T I O

rem nefario scelere foedasset, illum etiam, illū externo-
rum bellorum, hostiumq; uictorem affligere. tum est illa
in tēplo Castoris scelerata & penē deletrix huius impe-
rij sic deprehensa. tum ille, cui nulla hostium diutius
urbs unquā fuit clausa, qui omnes angustias, omnes al-
titudines, omnium obiecta tela semper ui & uirtute p-
fregit, obsessus ipse est domi, meq; nō nulla imperitorum
uituperatione timiditatis meae, cōsilio & facto suo libe-
rauit. nam si Cn. Pompeio, uiro uni omnium fortissimo
quicūq; nati sunt, miserrimum magis fuit, quā turpe,
quādiu ille Tribunus pl. fuit, lucem non aspicere, care-
re publico, minas eius perferre; cum in cōcionibus dice-
ret, uelle se in Carinis edificare alteram porticum, quae
Palatio responderet: certe mihi exire domo mea ad pri-
uatum dolorem fuit luētiosum, ad rationem Reip. glo-
riosum. uidetis igitur, hominem per se ipsum iam pridē
afflictum ac iacentem, perniciosi optimatum discordijs
excitari. cuius initia furoris dissensionibus eorū, qui tū
à uobis seiuncti uidebantur, sustentata sunt. reliqua iā
præcipitantis Tribunatus, etiam post Tribunatum obtre-
tatores eorum, atq; aduersarij defenderunt, ne à Rep.
Reip. pestis remoueretur: restiterunt etiā, ne causam di-
ceret; etiā, ne priuatus esset. etiam ne in sinu, atq; in de-
licijs quidam optimi uiri uiperam illam uenenatam, ac
pestiferā habere potuerunt? quo tandē decepti mune-
re? uolo, inquiunt, esse, qui in concione detrahat de Pom-
peio. detrahat ille uituperādo? uelim sic hoc uir sūmus,
atq; optime de mea salute meritis accipiat, ut à me dici-
tur: dicā quidē certe, quod sentio. mihi mediusfidius tū
de illius amplissima dignitate detrahere, cū maximis lau-

dibus efferebat, uidebatur. utrū tandem C. Marius splendidior, cum eum C. Glaucia laudabat, an cū eundē iratus postea uituperabat? an ille demens, & iam pridē ad pœnam exitiumq; præceps, fœdior atque inquinatio in Cn. Pompeio accusando, q̄ in uniuerso senatu uituperādo fuit? quod quidē miror, cum alterum gratum sit iratis, alterum esse tam bonis ciuibus non acerbū. sed ne id uiros optimos diutius delectet, legāt hanc eius concionē, de qua loquor, in qua Pompeium ornat, an potius deformat? certe laudat, & unum esse in hac ciuitate dignum huius imperij gloria dicit, & significat se illi amicissimū esse, & reconciliationem esse gratiæ factam. quod ego quanquam quid sit, nescio: tamen hoc statuo, hunc, si amicus esset Pompeio, laudaturum illum nō fuisse: quid enim, si illi inimicissimus esset, amplius ad eius laudē minuendam facere potuisset? uideant ij, qui illum Cn. Pompeio inimicum esse gaudebant, ob eamq; causam in tot, tātisq; sceleribus cōniebant, & non nunquā eius indomitos, atq; effrenatos furores plausu etiā suo persequerantur, q̄ se cito inuerterit: nunc. n. iā laudat illum; in eos inuehitur, quibus se antea uenditabat. quid existimatis eum, si rexitus ei gratiæ patuerit, esse facturum, quā tam libēter in opinionem gratiæ irrepat? quas ego alias optimatiū discordias à dijs immortalibus definiri putēs? nam hoc quidem uerbo neq; P. Clodius, neque quisquā de gregalibus eius aut de consiliarijs designatur. habent Hetrusci libri certa nomina, quæ in id genus ciuiū cadere possunt. deteriores, repulsos (quod iā audietis) hos appellant, quorum & mētes & res sunt perditæ, longeq; à communi salute desunētæ. quare cum dij immortales

O R A T I O

monent de optimatum discordijs, de clarissimorum & optime meritorum ciuiũ dissensione prædicunt, cũ principibus periculum cædemq; portendunt; in tuto collocat Clodium, qui tantum abest à principibus, quantum à puris, quantum à religiosis, uobis ò clarissimi atque optimi ciues & uestre salutis consulendum, & prospiciendũ uideat. cædes principum ostenditur. id, quod interitum optimatum sequi necesse est, adiungitur: etiam, ne in unius imperium res decidat, admonemur. ad quem metum si deorum monitis non duceremur, tamẽ ipsi nostro sensu, coniecturaq; raperemur: neque. n. ullus alius discordiarũ solet esse exitus inter claros & potētes uiros, nisi aut uniuersus interitus, aut uictoris dominatus, aut regnũ. dissensit cum Mario clarissimo ciue Consul nobilissimus & fortissimus L. Sylla: horum uterq; ita cecidit uictus, ut uictor idem regnauerit. cum Octauio collega Cinna dissensit: utrisq; horum secunda fortuna regnum est largita, aduersa mortẽ. idem iterũ Sylla superauit: tum sine dubio habuit regalem potestatem, quanquam Remp. recuperauit. inest hoc tempore haud obscurum odium, atq; id insitum penitus & inustũ animis hominum amplissimorũ: dissident principes: captatur occasio: qui non tantum opibus ualent, nescio quã fortunã tamen ac tempus expectant: qui sine controuersia plus possunt, hi fortasse non nunquã consilia ac sentētijs inimicorũ suorũ extimescunt. tollatur hæc è ciuitate discordia: iã omnes isti, qui portenduntur, metus extinguētur: iam ista serpens, quæ tum hic delitescit, tũ se emergit, & fertur illuc, cõpressa, atque illisa morietur. monent enim ijdẽ, ne occultis consilijs Resp. lædatur. quæ sunt occultiora, quàm eius,

eius, qui ausus in concione est dicere, iustitiū edici oportere, iurisdictionē intermittere, claudi ærariū, iudicia tolli? nisi forte existimatis hāc tantā colluionē illi, tātāq; euerſionem ciuitatis in mētem subito in rostris nec cogitanti uenire potuisse. est quidē ille plenus uini, stupri, somni, plenusq; incōsideratissimæ ac demētissimæ temeritatis: uerūtamen nocturnis uigilijs, etiā coitione hominū iustitiū illud cōceptū ac meditatū est. mementote patres cōscripti uerbo illo nefario tētatas aures uestras, & perniciosam uia audiēdi consuetudine esse munitā.

Sequitur illud, ne deterioribus, repulsisq; honos augeatur. repulsos uideamus: nam deteriores qui sint, post docebo. sed tamē in eū cadere hoc uerbum maxime, qui sit unus omniū mortaliū sine ulla dubitatione deterimus, concedendū est. qui sunt igitur repulsi? nō, ut opinor, ij, qui aliquādo honorē uitio ciuitatis, nō suo, non sunt affecuti: nā id quidē multis sæpe optimis ciuibus, atque honestissimis uiris accidit. repulsi sunt ij, quos ad omnia progrediētes, quos munera cōtra leges gladiatoria parantes, quos apertissime largiētes non solū alieni, sed etiā sui, uicini, tribules, urbani, rustici repulerunt. hi ne honore augeātur, monemur. debet esse gratū, quod prædicūt: sed tamē huic malo populus R. ipse nullo aruspiciū admonitu sua spē prospexit. Deteriores cauete. quorū quidē magna est natio, sed tamē eorū omniū hic dux est, atq; princeps. etenim si unum hominem deterimum poeta præstāti aliquis ingenio fictis cōquisitisq; uitijs deformatum uellet inducere, nullum profecto de decus reperire posset, quod in hoc nō inesset, multaq; in eo penitus defixa atq; hærentia præteriret. parentibus,

Cic. Orat.

K K

O R A T I O

Et dijs immortalibus, Et patriæ nos primū natura con-
 ciliat? eodem enim tempore Et suscipimur in lucē, Et
 hoc cœlesti spiritu augemur, Et certam in sedem ciuita-
 tis ac libertatis ascribimur: iste parentum nomē, sacra,
 memoriam, gentem Fonteiano nomine obruit: deorum
 igneis, solēnes mensas, abditos ac penetrales focos, occul-
 ta, Et maribus nō inuisa solū, sed etiam inaudita sacra
 inexpiabili scelere peruertit: idemq; earum templum in-
 flāmauit dearū, quarum ope etiā alijs incendijs subue-
 nitur. quid de patria loquar? qui primū eum ciuē ui,
 ferro, periculis, urbe, omnibus patriæ præsidijs depulit,
 quem uos patriæ conseruatorē esse sēpissime iudicaue-
 ratis: deinde euerso senatus, ut ego semper dixi, comite;
 duce, ut ille dicebat; senatum ipsum, principem salutis,
 mentisq; publicæ, ui, cede, incendijsq; peruertit: sustulit
 duas leges, Aeliā, Et Fusiā, maxime Reip. salutare: Cen-
 suram extinxit: intercessionem remouit: auspicia dele-
 uit: Consules sceleris sui socios ærario, prouincijs, exerci-
 tu armauit: Reges qui erant, uendidit; qui nō erāt, ap-
 pellauit: Cn. Pompeium ui, ferro domū compulit: impe-
 ratorum monimenta euertit: inimicorū domos disturba-
 uit: uestris monimētis nomē suū inscripsit. infinita sunt
 scelera, quæ ab illo in patriā sunt edita. quid, quæ in sin-
 gulos ciues, quos necauit? socios, quos diripuit? impera-
 tores, quos prodidit? exercitus, quos tentauit? quid uero
 ea, quāta sunt, quæ in se ipsum scelera, quæ in suos edi-
 dit? quis minus unquam pepercit hostium castris, q̄ ille
 omnibus corporis sui partibus? quæ nauis unquā in flu-
 mine publico tam uulgata omnibus, quā istius ætas
 fuit? quis unquā nepos tam libere est cum scortis, quā

hic cum sororibus uolutatus? quam deniq; tam immaz-
nem Charibdim poetæ fingendo exprimere potuerunt,
quæ tantos exhaurire gurgites posset, quãtasiſte Byzan-
tiorũ Brogitarorũq; prædas exorbuit? aut tã eminenti-
bus canibus Scyllã, tamq; ieiunis, q̃ quibus istum uide-
tis, Gellijs, Clodijs, Titijs rostra ipsa mandentem? quare,
id quod extremum est in aruspicum respõsis, providete
ne Reip. status cõmutetur: etenim uix hæc, si undique
fulciamus, iam labefacta, uix, inquã, innixa in omniũ
nostrum humeris cohærebũt. fuit quondã ita firma hæc
ciuitas & ualens, ut negligẽtiam senatus, uel etiã iniu-
rias ciuium ferre posset: iam nõ potest: ærarium nullũ
est: uetigalibus nõ fruuntur, qui redemerunt: auctori-
tas principum cecidit: consensus ordinum est diuulsus:
iudicia perierunt: suffragia districta tenentur à paucis:
bonorum animus ad nutum nostri ordinis expeditus iã
nõ erit: ciuem, qui se pro patriæ salute opponat inuidiæ,
frustra posthac requiretis. quare hunc statum, qui nunc
est, qualiscũq; est, nulla alia re nisi cõcordia retinere pos-
sumus. nam ut meliore simus loco, ne optandum quidẽ
est illo impunito: deteriore autem statu ut simus, unus
est inferior gradus, aut interitus, aut seruitutis. quò ne
trudamur, dii immortales nos admonẽt, quoniam iã pri-
dem humana cõsilia ceciderunt. Atque ego hãc ora-
tionem P. C. tam tristem, tam grauem non suscepissem,
nõ, inquã, nisi hãc personam, & has partes honoribus
populi R. uestris plurimis ornãmẽtis mihi tributis debe-
rem, & possem sustinere. sed tamen facile tacentibus
cæteris reticuissem: sed hæc oratio omnis fuit nõ aucto-
ritatis meæ, sed publicæ religionis. mea fuerunt uerba

O R A T I O

fortasse plura, sententiæ quidem omnes aruspicum . ad
quos aut referri nunciata ostenta non conuenit, aut eo
rum responsis commoueri necesse est. q̄ si cætera magis
peruulgata nos sæpe & leuiora mouerunt : uox ipsa
deorum immortalium nō mentes omnium permouebit?
nolite enim id putare accidere posse, quod in fabulis sæ
pe uidetis fieri, ut deus aliquis elapsus de cælo cœtus ho
minū adeat, uersetur in terris, cum hominibus colloqua
tur. cogitate genus sonitus eius, quem Latinienses nun
ciarunt: recordamini illud etiam, quod non dum est re
latum, q̄ eodem ferè tempore factus in agro Piceno Po
tentia nunciatur terræ motus horribilis cum quibusdā
multis metuendisq̄ rebus: hæc eadem profecto, quæ fu
tura prospicimus, impēdētia pertimescetis: etenim hæc
deorum immortalium uox, hæc penē oratio iudicanda
est, cum ipse mundus, cum agri terræ motu quodā no
uo contremiscunt, & inusitato aliquid sono incredibi
liq̄ prædicunt. in quo constituendæ nobis quidem sunt
procuraciones, & obsecratio, quemadmodū monemur:
sed faciles sunt preces apud eos, qui ultro nobis uiam
salutis ostendunt: nostræ nobis sunt inter nos iræ, di
scordiæq̄ placandæ.

PRO CN. PLANCIO.
ORATIO XXXII.

VM propter egregiam & singulare
 Cn. Plancij iudices in mea salute custo-
 dienda fidem tam multos & bonos ui-
 ros eius honori uiderem esse fautores,
 capiebā animo nō mediocrem uolupta-
 tem, q̄, cuius officium mihi saluti fuisset, ei meorū tēpo-
 rum memoriam suffragari uidebā. cum autē audirem
 meos partim inimicos, partim inuidos huic accusationi
 esse fautores, eādēq; rem aduersariam esse in iudicio
 Cn. Plancio, quæ in petitione fuisset adiutrix: dolebā iu-
 dices, et acerbe ferebā, si huius salus ob eā ipsam causam
 esse infestior, q̄ is meam salutē atque uitam sua beneuo-
 lentia, præsidio, custodiaq; texisset. nunc autē uester iu-
 dices conspectus, & cōfessus iste reficit & recreat mentē
 meā, cum intueor & contēplor unumquēq; uestrum: ui-
 deo enim hoc in numero neminem, cui mea salus chara
 nō fuerit, cuius nō extet in me suū meritū, cui nō sim ob-
 strictus memoria beneficij sempiterna. itaq; non extime-
 sco, ne Cn. Plācio custodia meæ salutis apud eos obsit, qui
 me ipsum maxime saluū uidere uoluerūt: sæpiusq; iudi-
 ces mihi uenit in mentem, admirandum esse, M. Laterē-
 sem, hominem studiosissimum, & diligētissimum salutis
 meæ, reum hunc potissimum sibi delegisse; q̄ metuen-
 dum, ne uobis id ille magna ratione fecisse uideatur.
 quāquā mihi non sumo tantum iudices, neq; arrogo, ut
 Cn. Plancium suis erga me meritis impunitatem cōsecu-
 turum putem. nisi eius integerrimam uitam, modestissi-

O R A T I O

mos mores, summam fidem, continentiam, pietatem, innocentiam ostendero, nihil de poena recusabo. sin omnia præstitero, quæ sunt à bonis uiris expetenda, petam iudices à uobis, ut, cuius misericordia salus mea custodita sit, ei uos uestrā misericordiam me deprecāte tribuatis. equidem ad reliquos labores, quos in hac causa maiores suscipio q̄ in ceteris, etiam hanc molestiam assumo, q̄ mihi nō solum pro Cn. Plancio dicendū est, cuius ego salutem nō secus ac meā tueri debeo; sed etiam pro me ipso, de quo accusatores plura penè, q̄ de re, reoq̄; dixerunt. quanquā iudices si quid est in me ipso ita reprehensum, ut id ab hoc alienum sit, non me id magnopere conturbet: non enim timeo, ne, quia perraro grati homines reperiātur, iccirco, cum me nimium gratum illi esse dicant, id mihi criminofum esse possit. quæ uero ita sunt agitata ab illis, ut aut merita Cn. Plancij erga me minora esse dicerent, q̄ à me ipso prædicarentur; aut, si essent summa, negarent ea tamen ita magni, ut ego putarem, ponderis apud uos esse debere: hæc mihi sunt tractanda iudices & modice, ne quid ipse offendam; & tum denique, cū respondero criminibus; ne nō tam innocentia reus sua, q̄ recordatione meorum temporum defensus esse uideatur. Sed mihi in causa facili atque explicata perdifficilis iudices & lubrica defensionis ratio proponitur. nam si tantummodo mihi necesse esset contra Laterensem dicere, tamen id ipsum esset in tanto usu nostro, tāq̄; amicitia molestum: uetus enim est lex illa iustæ ueræq̄; amicitie, quæ mihi cum illo iam diu est, ut idem amici semper uelint: neque est ullum certius amicitie uinculum, q̄ consensus, & societas consiliorum & uos

luntatum. mihi autem non est in hac re solum molestū,
 contra illum dicere; sed multo id magis, q̄ in ea causa cō-
 tra dicendum est, in qua quædam hominum ipsorum uī-
 detur facienda esse contentio: quærit enim Laterensis,
 atque hoc uno maxime urget, qua se uirtute, qua laude
 Plancius, qua dignitate superarit. ita si cedo illius orna-
 mentis, quæ multa & magna sunt, non solum huius di-
 gnitatis iactura facienda est, sed etiam largitionis reci-
 pienda suspicio. sin hūc illi antepono, cōtumeliosa habē-
 da est oratio, & dicendū est id, quod ille me flagitat, La-
 terensem à Plancio dignitate esse superatū. ita aut ami-
 cissimi hominis existimatio offendenda est, si illam accu-
 sationis cōditionem sequar: aut optime de me meriti sa-
 lus deferenda est. sed ego Laterensis cæcum me & præci-
 pitem ferri cōfitear in causa, si te aut à Plancio, aut ab
 ullo dignitate potuisse superari dixerō. itaq; discedā ab
 ea cōtentione, ad quā tu me uocas; & ueniā ad illā, ad
 quā me causa ipsa deducit. Quid? tu non inanem digni-
 tas iudicem putas esse populū? fortasse nō nunquā est:
 utinā uero semper esset: sed est perraro, & si quādo est,
 in ijs magistratibus est mandandis, quibus salutem suam
 cōmitti putat. his leuioribus comitijs, diligētia, & gratia
 petitorum honos paritur, nō ijs ornamentis, quæ esse in
 te uidemus. nā quod ad populum pertinet, semper digni-
 tatis iniquus iudex est, qui aut inuidet, aut fauet. quā-
 quā nihil potes in te Laterensis cōstituere, quod sit pro-
 prium laudis tuæ, quin id tibi sit cōmune cū Plancio. sed
 hoc totū agetur alio loco. nunc tantum disputo de iure
 populi: qui & potest, & solet non nunquā dignos præte-
 rire: nec, si à populo præteritus est, quem non oportuit;

O R A T I O

à iudicibus condemnandus est, qui præteritus nō est. nā si ita esset, quod patres apud maiores nostros tenere non potuerunt, ut reprehensores essent comitiōrū, id haberēt iudices, uel quod multo etiam minus est ferendum: tum enim magistratū nō gerebat is qui ceperat, si patres auctores non erant facti; nunc postulatur à uobis, ut eius exilio, qui creatus sit, iudicium populi R. reprehendatis. itaq; quāquā, qua nolui, ianua sim ingressus in causam, sperare uideor tātū abfuturā esse orationem meā à minima suspitione offensionis tuæ, te ut potius obiurgē, q̄ iniquum in discrimen adducas dignitatem tuam, q̄ ut ego eā ulla cōtumelia coner attingere. tu cōtinentiā, tu industriam, tu animum in Remp. tu uirtutem, tu innocentiam, tu fidem, tu labores tuos, q̄ Aedilis non sis factus, fractos esse, & abiectos, & repudiatos putas? uide tandem Laterēsis, quantū à te dissentiam. si medius fidius decem soli essent in ciuitate uiri boni, sapiētes, iusti, graues, qui te indignum Aedilitate iudicauissent: grauius de te iudicatum putarem, q̄ est hoc, quod tu metuis, ne à populo iudicatum esse uideatur: non enim comitijs iudicat semper populus, sed mouetur plerunq; gratia, cedit precibus, facit eos, à quibus est maxime ambitus; denique si iudicat, non delectu aliquo aut sapientia ducitur ad iudicandum, sed impetu nō nunquā, & quadā etiam temeritate: non est enim consilium in uulgo, nō ratio, non discrimen, non diligentia: semperq; sapientes ea, quæ populus fecisset, ferenda, nō semper laudanda duxerunt. quare cum te Aedilem fieri oportuisse dicis, populi culpam, non competitoris accusas. at fueris dignior, quā Plancius: de quo ita tecum contenz

dam paulo post, ut conseruem dignitatem tuam: sed ut fueris dignior; non cōpetitor, à quo es uictus, sed populus, à quo es prateritus, in culpa est. in quo primū illud debes putare, comitijs, præsertim ædilitijs, studiū esse populi, nō iudiciū; eblandita illa, nō enucleata esse suffragia; eos, qui suffragiū ferāt, quid deniq; ipsi debeāt, considerare sæpius, q̄ quid cuique à Rep. uideatur deberi. sin autem maus esse iudicium, non tibi id rescindendū est, sed ferendū. male iudicauit populus: at iudicauit. non debuit: at potuit. nō fero: at multi clarissimi, & sapientissimi ciues tulerunt: est enim conditio liberorū populorum, præcipueq; huius principis populi & omnium gentiū domini atq; uictoris, posse suffragijs uel dare, uel detrachere, quod uelit, cuique: nostrū autē est, qui in hac tēpestate populi iactemur ac fluctibus, ferre modice populi uoluntates, allicere alienas, retinere partas, placare turbatas; honores si magni nō putemus, non seruire populo; sin eos expetamus, nō defatigari supplicādo. Venio iam ad ipsius populi partes, ut illius contra te oratione potius, q̄ mea disputem. qui si tecum congregiatur, & si una uoce loqui possit, hæc dicat: ego tibi Latensis Plancium nō anteposui; sed, cum essetis æque boni uiri, meū beneficium potius ad eū detuli, qui à me cōtēderat, q̄ ad eum, qui mihi non nimis submissee supplicarat. respondebis, credo, te splendore, & uetustate familiæ fretum, nō ualde ambiendum putasse. at uero te ille ad sua instituta, suorumq; maiorū exempla reuocabit. semper se dicet rogari uoluisse, semper placuisse; M. Seium, qui ne equestrem quidem splendorem incolumē à calamitate iudicij retinere potuisset, homini nobilissimo, in-

O R A T I O

nocentissimo, eloquentissimo M. Pisoni prætulisse; præpo-
 fuisse se Q. Catulo in summa familia nato, sapientissi-
 mo & sanctissimo uiro, non dico C. Serenum subtilissi-
 mū hominem (fuit. n. & animi satis magni, & cōsiliij)
 sed Cn. Manlium non solum ignobilem, uerum sine uir-
 tute, sine ingenio, uita etiam contempta ac sordida. desi-
 derarunt te, inquit, oculi mei, cum tu esses Cyrenis: me
 enim, q̄ socios, tua frui uirtute malebā: & quo plus in-
 tererat, eo plus aberas à me: certe nō uidebā. deinde sitiē-
 tem me uirtutis tuæ deseruisti, ac dereliquisti: cœperas
 enim petere Tribunatum pl. temporibus ijs, quæ istā elo-
 quentiam, & uirtutē requirebant. quam petitionem cū
 reliquisses, si hoc iudicasti, tanta in tempestate te guber-
 nare non posse, de uirtute tua dubitauī: si nolle, de uolū-
 tate: sin, quod magis intelligo, tēporibus te alijs reserua-
 sti, ego quoque inquā & Resp. ad ea te tempora renoca-
 ui, ad quæ tu te ipse seruaras. pete igitur eum magistra-
 tum, in quo mihi magnæ utilitati esse possis. Aediles qui
 * cūq; erunt, idem mihi, quod ostenderas: aut si, quod mea
 minus interest, id te magis forte delectat, reddā tibi istā
 Aedilitatem etiam negligenter petenti. sed amplissimos
 honores ut pro dignitate tua consequare, cōdiscas censeo
 mihi paulo diligentius supplicare. hæc populi oratio est:
 mea uero Laterensis hæc; quare uictus sis, non debere iu-
 dicem quærere, modo ne largitione sis uictus. nā si, quo-
 tiescūq; præteritus erit is, qui nō debuerit præteriri; to-
 ties oportebit eū, qui factus erit, condemnari: nihil iam
 est, quòd populo supplicetur, nihil quòd direptio, nihil
 q̄ supplicatio magistratuum, renunciatio suffragiorū ex-
 peetetur. simul ut qui sint professi, uideo quid dicam:

hic familia consulari est, ille prætoria: reliquos uideo esse ex equestri loco: sunt omnes sine macula, sunt æque boni uiri, atque integri: sed seruari necesse est gradū. cedit consulari generi prætorium, nec cōtendat cū Prætorio equester locus: sublata sunt studia, extinctæ suffragationes, nullæ contentiones, nulla libertas populi in mandādis magistratibus, nulla expectatio suffragiorum: nihil, ut plerūq; euenit, præter opinionem accidet: nulla erit posthac uarietas comitiorum. sin hoc persæpe accidit, ut & factos aliquos, & non factos esse miremur; si campus atque illæ undæ comitiorum, ut mare profundum, & immensum, sic efferuescunt quodā quasi æstu, ut ad alios accedant, ab alijs autem recedant: in tanto nos impetu studiorum, & motu temeritatis modum aliquem, & cōsiliū, & rationem requiramus? quare noli me ad contentionem uestrū reuocare Laterensis. etenim si populo grata est tabella, quæ frontes aperit hominū, mentes tegit; datq; eam libertatem, ut, quod uelint, faciant, promittant autē, quod rogentur: cur tu in iudicio exprimis, quod non fit in campo? hic, q̄ ille, dignior, perquam graue est dictū. quo modo igitur est æquum? sic credo, (quod agitur, quod satis est iudici) hic factus est. cur iste potius, q̄ ego? uel nescio, uel nō dico, uel denique, quod mihi grauissimum esset dicere, sed impune tamen deberem dicere, non recte. nam quid assequerer, si illa extrema defensione uterer, populū, quod uoluisset, fecisse, nō quod debuisset? quid, si populi quoq; factum defendo Laterensis, & doceo Cn. Planciū nō obrepisse ad honorem, sed eo uenisse cursu, qui semper patuerit omnibus hoc nostro equestri loco; possum ne eripere orationi tæ

O R A T I O

contentionē uestrum, quæ tractari sine contumelia nō potest, & te ad causam crimenq; deducere? si, q; equitis R. filius est, inferior esse debuit: omnes tecum equitū R. filij petiuerunt. nihil dico amplius: hoc tamen miror, cur tu huic potissimum irascare, qui longissime à te ab fuit. equidem, si quando, ut fit, iactor in turba, nō illum accuso, qui est in summa Sacra uia, cū ego ad Fabianum fornicem impellor; sed eū, qui in me ipsum incurrit, atque incidit. tu neque Q. Pedio, forti uiro, succenses, neque huic A. Plotio, ornatissimo homini, familiari meo: & ab eo, qui hos dimouit, potius, q̄ ab ijs, qui in te ipsum incubuerunt, te depulsum putas. sed tamē hęc tibi est prima cū Plancio generis uestri familiæq; contentio, qua abs te uincitur: cur. n. non confitear, quod necesse est? sed nō hic magis, q̄ ego à meis cōpetitoribus & alijs, & in Cōsulatus petitione uincebar. sed uide, ne hęc ipsa, quæ despicias, huic suffragata sint: sic. n. conferamus. est tuum nomen utraque familia consulare. nō dubitas igitur, quin oēs, qui fauent nobilitati, qui id putāt esse pulcherrimū, qui imaginibus, qui nominibus uestris ducuntur, te Aedilem fecerint? equidem non dubito. sed si parum multi sunt, qui nobilitatem ament: num ista est nostra culpa? etenim ad caput, & ad fontem utriusque generis ueniamus. tu es ex municipio antiquissimo Tusculano, ex quo plurimæ familiæ sunt consulares, in quibus est etiam Iuuentia, quot è reliquis municipijs omnibus nō sunt: hic est è præfectura Atinati, non tam prisca, non tam honorata, non tā suburbana. quantum interesse uis ad rationem petendi? primum, utrum magis fauere putas Atinates, an Tusculanos suis? alteri (scire

enim hoc propter uicinitatem facile possum) cum huius ornatiſſimi atq; optimi uiri Cn. Saturnini patrem Aedilem, cū Prætorem uiderunt, q̄ primus ille nō modo in eā familiam, sed etiam in præfecturam illam sellam curulem attulisset, mirandum in modum letati sunt. alteros (credo quia refertum est municipium consularibus: nā maleuolos non esse certo scio) nunquam intellexi uehementius hospitum suorum honore letari. habemus hoc nos, habent nostra municipia. quid ego de me, de fratre meo loquar? quorum honoribus agri propè dicam ipsi, montesq; fauerunt. num aliquando uides Tusculanum aliquem de M. Catone illo in omni uirtute principe, nū de T. Coruncano municipe suo, num de tot Fabijs gloria ri? uerbum nemo facit. at in quemcunq; Arpinatē incideris, etiā si nolis, erit tamen tibi fortasse de nobis aliquid, aliquid & de C. Mario audiendum. primum igitur hic habuit studia suorum ardentia: tu tanta, quāta in hominibus iam saturatis honoribus esse potuerūt. de inde tui municipes sunt illi quidem splēdidissimi homines, sed tamē pauci, si quidem cum Atinatibus conferatur: huius præfectura plena uirorum fortissimorum, sic, ut nulla tota Italia frequentior dici possit. quā quidem nūc multitudinem uidetis iudices in squalore, & luētū supplicē uobis. hi tot equites R. tot Tribuni ærarij (nam plebem à iudicio dimisimus, quæ cunēta comitijs adfuit) quid roboris, quid dignitatis huius petitioni attulerunt? non enim tribū Terentinam, de qua dicā alio loco, sed dignitatē, sed oculorū coniectū, sed solidā, & robustam, & assiduam frequētiā præbuerūt. iam municipia coniunctione etiā uicinitatis uehementē mo

O R A T I O

uentur. omnia, quæ dico de Plancio, dico expertus in nobis: sumus enim finitimi Atinatibus. laudanda est, uel etiam amanda uicinitas retinēs ueterem illū officij morem, nō infuscata maleuolentia, non assueta mendacijs, non fucata, nō fallax, nō erudita artificio simulationis uel suburbano, uel etiam urbano. nemo Arpinas nō Plancio studuit, nemo Soranus, nemo Casinas, nemo Aquinas: totus ille tractus celeberrimus Venafranus, Alifanus, tota deniq; nostra illa aspera, & motuosa, at fidelis, & simplex, & fauorix suorū regio se huius honore ornari, se augeri dignitate arbitrabatur: ijsdēq; nunc à municipijs adsunt equites R. publice cū Legationis testimonio; nec minore nūc sunt solitudine, q̄ tū erant studio: etenim est grauius spoliari fortunis, q̄ nō augeri dignitate. ergo ut alia in te erāt illustriora Laterēsis, quæ tibi maiores tui reliquerāt: sic te Plancius hoc non solū municipij, uerum etiam uicinitatis genere uincebat. nisi forte te Lanicana, aut Bouillana, aut Gabina uicinitas adiuuabat. quibus ē municipijs uix iam, qui carnem Latinis petant, inueniuntur. adiungam, si uis, id quod tu etiā huic obesse putas, patrem publicanū, qui ordo quāto adiuuēto sit in honore, quis nescit? flos enim equitū R. ornamentum ciuitatis, firmamentū Reip. publicanorum ordine continetur. quis est ergo, qui neget ordinis eius studiū fuisse in honore Plancij singulare? neque iniuria: uel q̄ erat pater is, qui est princeps iandiu publicanorum: uel q̄ is ab socijs unice diligebatur: uel q̄ diligentissime rogabat: uel quia pro filio supplicabat: uel quia huius ipsius in illū ordinem summa officia Quæsturæ, Tribunatusq; constabant: uel quod illi in hoc or-

nando, ordinem se ornare, & consulere liberis suis arbitrantur. aliquid præterea, timide dico, sed tamen dicendum est: non enim opibus, non inuidiosa gratia, non potentia uix ferenda, sed cōmemoratione beneficij, sed misericordia, sed precibus aliquid attulimus etiam nos. appellauī populum: tribubus submisi me, et supplicauī: ultro me hercules se mihi etiam offerentes, ultro pollicētes rogauī: ualuit causa rogandi, non gratia: nec, si uir amplissimus, cui nihil est quod roganti concedi non iure possit, de aliquo, ut dicis, non impetrauit, ego sum arrogans, quod me ualuisse dico. nam ut omittam illud, quod ego pro eo laborabā, qui ualebat ipse per sese: rogatio ipsa semper est gratiosissima, quæ est officio necessitudinis coniuncta maxime. neque ego sic rogabam, ut petere uiderer, quia familiaris esset meus, quia uicinus, quia huius parente semper plurimum essem usus, sed ut quasi parenti & custodi meo. non potentia mea, sed causa rogationis fuit gratiosa. nemo mea restitutione lætatus est, nemo iniuria doluit, cui non huius in me misericordia grata fuerit. etenim si ante reditū meum Cn. Plancio se uulgo uiri boni, cum hic Tribunatum peteret, ultro offerebant: cui nomen meū honori fuisset, ei meas præsentis preces non putas profuisse? an Minturnenses coloni, quod C. Marium ciuili errore atque ex impijs manibus eripuerunt, quod te cōto receperunt, quod fessum inedia fluctibusque recrearunt, quod uiaticum congesserunt, quod nauigium dederunt, quod eum linquentem terram eam, quam seruauerat, lacrymis uotisque omnibus prosecuti sunt, æterna in laude uersantur: Plancio, quod me uel uipulsum, uel ratione cedentē temporī receperit, inuenerit,

O R A T I O

custodierit, his & senatui populoq; R. ut haberent quod reducerent, cōseruarit, honori hanc fidē, misericordiam, uirtutem fuisse miraris? uita mehercule res hæ Cn. Pl. i cij, de quibus dixi, tegere potuerūt; ne tu in ea uita, de qua iā dicā, tot & tanta adiumenta huic honori fuisse mirere. Hic est enim, qui adolescētulus cū A. Torquato profectus in Africam, sic ab illo grauiſſimo, & sanctiſſimo, atq; omni laude & honore digniſſimo uiro dilectus est, ut & contubernij neceſſitudo, & adolescētuli modestiſſimi pudor postulabat. q̄ si adesset, non minus ille declararet, q̄ hic illius frater patruelis, & socer T. Torquatus illi omni uirtute & laude par: qui est quidē cū illo maximis uinculis & propinquitatis, & affinitatis cōiunctus, sed ita magni amoris, ut illæ neceſſitudinis causæ leues esse uideātur. fuit in Creta postea contubernalis Saturnini propinqui sui, miles huius Q. Metelli. quibus cū fuerit probatiſſimus, hodieq; sit, omnibus esse se probatū debet sperare. in ea prouincia Legatus fuit C. Sacerdos, qua uirtute, qua cōſtātia uir? L. Flaccus, qui homo? qui ciuis? qualē hūc putent, assiduitate testimonioq; declarant. in Macedonia Tribunus militum fuit: in eadē prouincia postea Quæstor. primū Macedonia sic eū diligit, ut indicant hi principes ciuitatum suarū: qui cū missi sint ob aliā causam, tamen huius repentino periculo cōmoti huic assident, pro hoc laborant; huic si præsto fuerint, gratius se ciuitatibus suis facturos putant, q̄ si Legationem, & mandata sua confecerint. L. uero Apuleius hunc tanti facit, ut morem illum maiorum, qui præscribit in parētum loco Quæstoribus suis Prætores esse oportere, officijs beneuolētiāq; superarit.

rit. Tribunus pl. fuit, non fortasse tam uehemens, q̄ isti, quos tu iure laudas; sed certe talis, quales si omnes semper fuissent, nunq̄ desideratus uehemēs esset Tribunus, omitto illa, quæ si minus necessaria sunt, at certe, cum sunt prolata, laudatur: ut uiuat cū suis, primū cum parente, (nam meo iudicio pietas fundamētum est omniū uirtutum) quem ueretur ut Deū, (neq; enim multo secus parens liberis) amat uero, ut sodalem, ut fratrem, ut æqualem. quid dicā cum patruo? cum affinibus? cum propinquis? cum hoc Cn. Saturnino, ornatissimo uiro? cuius quantam honoris huius cupiditatē fuisse creditis, cum uideatis luctus societatem? quid de me dicam? qui mihi in huius periculo reus esse uideor. quid de his tot uiris talibus, quos uidetis ueste mutata? atqui hæc sunt indicia solida iudices, & expressa, hæc signa probitatis, nō fucata forēsi specie, sed domesticis inusta notis ueritatis. facilis est illa occuratio, & blāditia popularis: aspiciatur, nō atreētatur: procul apparet, nō excutitur, non in manus sumitur. omnibus igitur rebus ornatū hominem, quem externis, quæ domesticis nō nullis rebus inferiore quā te generis et nominis dico, superiore alijs, municipum, uicinorum, societatum studio, temporum meorum memoria, patris uirtute, integritate, modestia, Aedilem factum esse miraris? hunc tu uitæ splendorem maculis aspergis istis? iacis adulteria, quæ nemo nō modo nomine, sed ne suspicione quidem possit agnoscere? maritum appellas, ut uerba fingas, nō solum crimina. ductum esse ab eo in prouinciam aliquē dicis libidinis causa: quod nō crimen est, sed impunitum in maledico mendacium. raptam esse mimulam: quod dicitur Ati-

Cic. Orat.

L L

nã factum à iuvene, uetere quodam in scenicos iure,
 maximeq; oppidano. ò adolescentiã traductã elegãter,
 cui quidem cum, quod licuerit, obijciatur, tamen id ip-
 sum falsum reperiatur. Emissus aliquis è carcere. et qui
 dẽ emissus, ut cognostis, necessarij hominis, optimiq; ado-
 lescentis rogatu. idem postea præ mandatis requisitus.
 atq; hæc, nec ulla alia, sunt cõiecta maledicta in eius ui-
 tã, de cuius uos pudore, religione, integritate dubitetis.
 Pater uero, inquit, etiam obesse filio debet. ò uocẽ durã,
 atq; indignã tua probitate Laterensis. pater ut in iudi-
 cio capitis, pater ut in dimicatione fortunarũ, pater ut
 apud tales uiros obesse filio debeat? qui si esset turpissi-
 mus, sordidissimus, tamen ipso nomine patrio ualeret
 apud clemẽtes iudices & misericordes, ualeret, inquã,
 cõmuni sensu omniũ, & dulcissima cõmendatione na-
 turæ. sed cũ sit Cn. Plancius is eques R. ea primũ uetusta-
 te equestris ordinis, ut pater, ut auus, ut maiores eius
 omnes equites R. fuerint, summũ in præfectura floren-
 tissima gradum tenuerint & dignitatis, & gratiæ; de-
 inde, ut ipse in legionibus P. Crassi imperatoris inter or-
 natissimos homines equites R. summo splẽdore fuerit; ut
 postea princeps inter suos, plurimarum rerum sanctissi-
 mus & iustissimus iudex, maximarum societatum au-
 ctor, plurimarum magister: si non modo in eo nihil un-
 quam reprehensum, sed laudata sunt omnia, tamen is
 oberit honestissimo filio pater, qui uel minus honestũ et
 alienũ tueri uel auctoritate sua, uel gratia possit? Aspe-
 rius, inquit, locutus est aliquid aliquãdo. immo fortasse
 liberius. at id ipsum, inquit, nõ est ferendum. ergo hi fe-
 rendi sunt; qui queruntur libertatem equitis R. se ferre

non posse? ubinam ille mos? ubi illa æquitas iuris? ubi illa antiqua libertas, quæ malis oppressa ciuilibus extol-
lere iã caput, & aliquando recreata se erigere debebat?
equitum ego R. etiã in homines nobilissimos maledicta,
publicanorum in Q. Scauolam, uirum omnibus inge-
nio, iustitia, integritate præstantem, asperere, & ferociter,
& libere dicta commemorem? Consuli P. Nasica præco-
Granius medio in foro, cum ille ediçto iustitio domũ de-
scendens rogasset Granium, quid tristis esset, an q̃ au-
ctiões essent; immo uero, inquit, q̃ legiones. idẽ Tribu-
no pl. potentissimo homini M. Druso, sed multa in Rẽp.
molienti, cum ille eum salutasset, ut sit, dixissetq̃; quid
agis Grani? respondit, immo uero tu Druse quid agis?
ille L. Crassi, ille M. Antonij uoluntatem asperioribus fa-
cetijs sæpe perstrinxit impune. nunc usque eò oppressa
uestra arrogantia ciuitas est, ut, quæ fuit olim præconi
in ridendo, nunc equiti R. in plorando non sit concessa
libertas: quæ enim unquã fuit Plãcio uox contumeliæ
potius, q̃ doloris? quid est autem unquam questus, nisi
cum à socijs, & à se iniuriam propulsaret? cum sena-
tus impediretur, quo minus, id quod hostibus semper
erat tributum, responsum equitibus R. redderetur: om-
nibus illa iniuria dolori publicanis fuit: sed eum ipsum
dolorem hic tulit paulo apertius. communis ille sensus
in alijs fortasse latuit: hic, quod cum cæteris animo sen-
tiebat, id magis, q̃ cæteri, & uultu pròptum habuit, &
lingua. quãquam iudices (agnosco enim ex me) per-
multa in Plancium, quæ ab eo nunquam dicta sunt,
conferuntur. ego quia dico aliquid aliquando non stu-
dio adductus, sed contentione dicendi, aut laceffitus;

Et quia, ut fit in multis, exit aliquando aliquid, si non
 perfacetum, attamen fortasse non rusticum: quod quisque
 dixit, me id dixisse dicunt. ego autem, si quid est, quod mi-
 hi scitum esse uideatur, et homine ingenuo dignum atque
 docto, non aspernor, stomachor uero cum aliorum non me
 digna in me conferuntur. Nam quod primus sciuit legem
 de publicanis, tum cum uir amplissimus Consul id illi
 ordini per populum dedit, quod per senatum, si licuisset,
 dedisset: si in eo crimen est, quia suffragium tulit, quis non
 tulit publicanus? si quia primum sciuit, utrum id sortis
 esse uis, an eius qui illam legem ferebat? si sortis, nullum
 crimen est in casu: si Consulis, splendor etiam Plancii, hunc
 à summo uiro principem ordinis iudicatum. Sed ali-
 quando ueniamus ad causam. in qua tu nomine legis
 Liciniæ, quæ est de sodalitijs, omnes ambitus legis com-
 plexus es: neque enim quidquam aliud in hac lege nisi editi-
 tios iudices es secutus. quod genus iudiciorum si est æquum
 nulla in re, nisi hac tribunaria: non intelligo, quamobrem
 senatus hoc uno in genere tribus edi uoluerit ab accusa-
 tore, neque eadem editionem transtulerit in cæteras causas:
 de ipso denique ambitu, de reiectione fieri uoluerit iudi-
 cium alternorum: cumque nullum genus acerbitalis præter-
 mitteret, hoc tamen unum prætereundum putarit. quid?
 huius rei obscura causa est, an et agitata, cum ista in se-
 natu res agebatur, et disputata hesternò die copiosius
 à Q. Hortensio? cui tum est senatus assensus. hoc igitur
 sensimus: cuiuscunque tribus largitor esset, et per consen-
 sionem magistratuum, quæ honeste sodalitas nominaretur,
 quam quisque tribum turpi largitione corruperet, eum
 maxime ipsi hominibus, qui eius tribus essent, esse notum.

ita putauit, senatus, cū reo tribus ederentur eæ, quas is largitione deuinctas haberet, eosdem fore testes & iudices. acerbū omnino genus iudicij : sed tamen, si uel sua, uel ea, quæ maxime esset cuiq; cōiūcta, tribus ederetur, uix recusandū. tu autem Laterensis quas tribus edidisti? Terentinā, credo. fuit certe id æquū, & certe expectatū est, & fuit dignū constantia tua. cuius tu tribus uenditorem, & corruptorē, & sequestrem Planciū fuisse clāmitas, eam tribum profecto, seuerissimorum præsertim hominū & grauissimorū, edere debuisti. aut Volitiniā. libet enim tibi, nescio quid etiam de illa tribu criminari. hāc igitur ipsam cur non edidisti? quid Plancio cum Lemonia? quid cum Veientina? quid cum Crustumina? nō tertiam etiam, nō quæ iudicaret, sed quæ reijceretur, esse uoluisti. dubitatis igitur iudices, quin uos M. Laterensis suo iudicio nō ad sententiā legis, sed ad suā spem alia quam de ciuitate delegerit? dubitatis, quin eas tribus, in quibus magnas necessitudines habet Plancius, cū ille nō ediderit, iudicari officijs ab hoc obseruatas, nō largitione? quid enim potest dicere, cur ista editio nō summam habeat acerbitem remota ratione illa, quā in decernēdo secuti sumus? tu deligas ex omni populo aut amicos tuos, aut inimicos meos, aut deniq; eos, quos inexorabiles, quos inhumanos, quos crudeles existimes? tu me ignaro, nec opināte, inscio, notes & tuos et tuorū necessarios, uel iniquos meos, uel etiam defensorum meorum? eodemq; adiungas, quos natura putes asperos, atque omnibus iniquos? deinde effundas repente, ut ante confessum eorum iudicum uideā, quā potuerim, qui essent futuri, suspicari? apud eosq; me, ne quinq; quidē reiectis, qd

O R A T I O

in proximo reo de consilij sententia constitutum est, cogas causam de fortunis omnibus dicere? nō enim, si aut Plancius ita uixit, ut offenderet sciens neminem, aut tu ita errasti, ut eos ederes imprudens, ut nos inuito te tamen ad iudices, non ad carnifices ueniremus; iccirco ista editio per se nō acerba est. an uero nuper clarissimi ciues nomen editi iudicis nō tulerūt, cum ex CXXV iudicibus principibus equestris ordinis, quinque; & LXX reus reijceret, L referret; omniaque; potius permiscuerunt, quam ei legi cōditionique; parerent: nos neque ex delectis iudicibus, sed ex omni populo, neque editos ad reijciendū, sed ab accusatore constitutos iudices ita feremus, ut neminē reijciamus? neque ego nūc legis iniquitatem queror, sed factum tuū a sententia legis doceo discrepare: & illud acerbū iudicium, si, quemadmodum senatus censuit, populusque; iussit, ita fecisses, ut in hunc et suam & ab hoc obseruatas ederent, nō modo nō quereretur, sed hunc, iudicibus editis, qui testes iidem esse possent, absolutum putarem. neque; nunc multo secus existimo: cū enim has tribus edidisti, ignotis te iudicibus uti malle, quā notis iudicauisti; fugisti sententiā legis, æquitatem omnē reiecisti; in tenebris, quā in luce causam uersari maluisti. Volitinia tribus ab hoc corrupta. Terentinam habuerat uenalem. quid diceret apud Volitinienſes, aut tribules suos iudices? immo uero tu quid diceres? quem iudicem ex illis aut tacitum testem haberes, aut uero etiam excitares? etenim si reus tribus ederet, Volitiniam fortasse Plācius propter uicinitatē, ac necessitudinē suam non edidisset? & si quæſitor edendus fuisset, quē tādē potius, quā hunc C. Alſium, quem habet, cui notissimus esse debet,

vicinum, tribulem, grauissimū hominem, iustissimūq; edidisset? cuius quidem æquitas, & meæ similis uoluntas erga Cn. Plancij salutem, quā ille sine ulla cupiditatis suspicione præ se fert, facile declarat, nō fuisse fugiendum tribulem huic iudicem, cui quæsitorem tribulem exoptandū fuisse uideatis. neque ego nunc consilium reprehendo tuum, quod non eas tribus, quibus hic maxime notus erat, edideris: sed à te doceo consilium nō seruatiū senatus: etenim quis te tum audiret illorum? aut quid diceret? sequestrem ne Plancium? respuerent aures, ne nemo agnosceret, repudiaretur. an gratiosum? illi libenter audirent, nos nō timide confiteremur: noli enim putare Laterēsis, legibus istis, quas senatus de ambitu sancire uoluerit, id esse actū, ut suffragatio, ut obseruantia, ut gratia tolleretur. semper fuerūt boni uiri, qui apud tribules suos gratiosi esse uellent. neque uero tam durus in plebem noster ordo fuit, ut eam coli nostra modica liberalitate noluerit: neque hoc liberis nostris interdicendum est, ne obseruent tribules suos, ne diligant, ne reficere necessarijs suis suam tribum possint, ne par ab his munus in sua petitione respectent: hæc enim plena sunt officij, plena obseruantia, plena etiam antiquitatis. isto in genere & fuimus ipsi, cum ambitionis nostra tempora postulabant, & clarissimos uiros esse uidimus, et hodie esse uideamus quamplurimos gratiosos. Decuriatio tribulium, descriptio populi, suffragia largitione deuincta seueritatem senatus, & bonorū omnium uim ac dolorem excitarunt. hæc doce, hæc profer, huc incumbe Laterensis, decuriasse Plancium, cōscripsisse, sequestrem fuisse, pronunciaſſe, diuisisse: tum mirabor te ijs armis uti, quæ

O R A T I O

tibi lex dabat, noluisse : tribulibus enim indicibus , non modo seueritatem illorū, si ista uera sunt, sed ne uultus quidem ferre possemus. hanc tu rationem cum fugeris, cūq; hos iudices habere nolueris, quorū in huius delicto cum scientia certissima, tum dolor grauissimus esse debuerit: quid apud hos dices, qui abs te taciti requirunt, cur hoc sibi oneris imposueris, cur se potissimum delegeris, cur deniq; se diuinare malueris, quā eos, qui scirēt, iudicare? ego Planciū Laterēsis & ipsum gratiosum esse dico. & habuisse in petitione multos cupidos sui gratiosos. quos tu si sodales uocas, officiosam amicitia nomine inquinās criminoso. sin, quia gratiosi sunt, accusandos, putas: noli mirari te id, quod tua dignitas postularit, repudiandis gratiosorū amicitijs non esse affectū. iam ut ego doceo gratiosum esse tribulibus Plancium, q̄ multis benigne fecerit, pro multis sponponderit, in operas plurimos patris auctoritate & gratia miserit, quod denique omnibus officijs per se, per patrem, per maiores suos totā Atinatē praeſecturam cōprehenderit : sic tu doce sequestrem fuisse, largitum esse, conscripsisse, tribules decurariuisse. quod si nō potes, noli tollere ex ordine nostro liberalitatē, noli maleficiū putare esse gratiā, noli obseruantiam sancire poena. itaque hēsitantē te in hoc sodalitiōrum tribuario crimine ad communem ambitus causam contulisti. in qua desinamus aliquando, si uidetur, uulgari, & peruagata declamatione contendere : sic enim tecum ago. quam tibi cōmodum est, unā tribum delige tu : doce id, quod debes, per quem sequestrem, quo diuifore corrupta sit: ego, si id facere non potueris, quod, ut opinio mea fert, ne incipies quidem ; per quem tulerit,

docebo. est ne hæc uera cōtētio? placet ne sic agi? nō possum magis pedem cōferre, ut aiunt, aut propius accedere. quid taces? quid dissimulas? quid tergiuersaris? etiam atque etiā insto, atque urgeo, insector, posco atque adeo flagito crimē. quācūq; tribum inquam delegeris, quam tulerit Plancius; tu ostendito, si poteris, uitium, ego, qua ratione tulerit, docebo. nec erit hæc alia ratio Plācio, ac Laterensi. nam ut, quas tribus tu tulisti, si iam ex te requiram, possis, quorū studio tuleris, explicare: sic ego hoc cōtendo, me tibi ipsi aduersario, cuiuscūq; tribus rationem poposceris, redditurum. sed cur ego sic ago? quasi nō comitijs iam superioribus sit Plancius designatus Aedilis: quæ comitia primum habere cœpit Consul tū omnibus in rebus summa auctoritate, tum harum ipsarum legū ambitus auctor: deinde habere cœpit subito, præter opinionē omnium: ut ne si cogitasset quidem quispiam largiri, daretur spatium comparandi. uocata tribus, latum suffragium, descriptæ, renunciata. longe plurimum uoluit Plācius. nulla largitionis nec fuit, nec esse potuit suspicio. an tandem una centuria prærogatiua tantū habet auctoritatis, ut nemo unquā prior eam tulerit, quin renūciatus sit: tu aut his ipsis comitijs consularibus, aut certe in illum annū Aedilem Plancium factum miraris, in quo nō exigua pars populi, sed uniuersus populus uoluntatem suā declararit, cuius in honore nō unius tribus pars, sed comitia tota comitijs fuerint prærogata? quo quidē tempore, si id Laterensis facere uoluisses, aut si grauitatis esse putasses tuæ, quod multi nobiles sæpe fecerunt, ut, cū minus ualuisissent suffragijs, q̄ putassent, postea prolati comitijs prosternerēt se, et populo R. fra-

ORATIO

Eto animo, atque humili supplicarent: non dubito, quin
 omnis ad te conuersura se fuerit multitudo: nunquā. n.
 nobilitas, integra præsertim atque innocens, à populo R.
 supplex repudiata fuit. sed si tibi grauitas tua, & ma-
 gnitudo animi pluris fuit, sicut esse debuit, quàm Aedili-
 tas: noli, cū habeas id, quod malueris, desiderare id, quod
 minoris putaris. equidē primū, ut honore dignus essem,
 maxime semper laboraui: secūdo, ut existimarer: tertiū
 mihi fuit illud, quod plerisq; primum est, ipse honos: qui
 ijs denique debet esse incūdus, quorū dignitati populus
 R. testimoniū, non beneficium ambitioni dedit. Que-
 ris etiam Laterēsis, quid imaginibus tuis, quid ornatiissi-
 mo atq; optimo uiro patri tuo respondeas mortuo? noli
 ista meditari, atq; illud caue potius, ne tua ista querela,
 dolorq; nimius ab illis sapientissimis uiris reprehēdatur:
 uidit enim pater tuus, App. Claudium, nobilissimum, ho-
 minem, uiuo patre suo potentissimo & clarissimo ciue
 C. Claudio Aedilē non esse factū, & eundē sine repulsa
 factū esse Consulem: uidit, hominem sibi maxime cōiun-
 ctum, egregium uirū, L. Volcatiū; uidit M. Pisonē in ista
 Aedilitate offensiūcula accepta, summos à populo R. esse
 honores adeptos. auus uero tuus & P. Nasica tibi ædi-
 litiam prædicaret repulsam, quo ciue neminē ego statuo
 in hac Rep. fortiozem; & C. Marij, qui, duobus Aedili-
 tatis acceptis repulsis, septies Consul est factus; & L. Cæ-
 saris, Cn. Octauij, M. Tullij, quos omnes scimus Aedilita-
 te præteritos, Consules esse factos. sed quid ego ædilitias
 repulsas colligo? quæ sæpe eiusmodi habitæ sunt, ut ijs, q
 præteriti essent, benigne à populo factum uideretur. Tri-
 bunus militū L. Philippus summa nobilitate & eloquē-

tia, Quæstor Q. Celiuss clarissimus ac fortissimus adole-
 scens, Tribuni pl. P. Rutilius Rufus, C. Fimbria, C. Cassius,
 Cn. Orestes facti non sunt: quos tamen omnes Consules
 factos scimus esse. quæ tibi ultro pater, & maiores tui
 non consolandi tui gratia dicerent, neque uero quo te li-
 berent aliqua culpa, quâ tu uereris, ne à te suscepta ui-
 deatur; sed ut te ad cursum istum tenendum, quæ à prima
 ætate suscepisti, cohortentur: nihil est enim, mihi crede
 Laterensis, de te detractum: detractum dico? si mehercules
 uere, quod accidit, interpretari uelis, est aliquid etiã de
 uirtute significatum tua: noli. n. existimare non magnum
 quendam motum fuisse illius petitionis tuæ, de qua, ne ali-
 quid iurares, destitisti. denunciaſti homo adoleſcens, quid
 de summa Reip. sentires; fortius tu quidem, quæ non nul-
 li defuncti honoribus; sed apertius, quæ uel ambitionis, uel
 ætatis tuæ ratio postulabat. quamobrem in dissentiente
 populo noli putare nullos fuisse, quorum animos tuus il-
 le fortis animus offenderet: qui te incautum fortasse nunc
 tuo loco dimouere potuerunt, prouidentem ante & præca-
 uentem nunquam certe mouebunt. an te illa argumenta
 duxerunt? dubitabis, inquit, quin coitio facta sit, cum
 tribus plerumque; cum Plotio tulerit Plancius? an unam fieri
 potuerunt, si unam tribus non tulissent? cum non nullas
 punctis penè totidem: quippe cum iam facti propè supe-
 rioribus comitijs declaratiq; uenissent. quãquã ne id qui-
 dem suspicionem coitionis habuerit: neque. n. unquam ma-
 iores nostri sortitionem cõstituisſent ædilitiam, nisi uide-
 rent accidere posse, ut cõpetitores pares suffragijs essent.
 & ais, prioribus comitijs Anienſem à Plotio, Terentinam
 à Plancio tibi esse concessam; nunc ab utroque eas anul-

O R A T I O

sas, ne in angustum uenirent. quā conuenit, nō dum co-
 gnita populi uolūtate hos, quos iā tum coniunctos fuis-
 se dicis, iacturam suarum tribuū, quo uos adiuuare mi-
 ni, fecisse; eosdem, cum iā essent experti quid ualerent,
 restrictos & tenaces fuisse? etenim uerebatur, credo, an-
 gustias, quasi res in contentionem, aut in discrimen ali-
 quod posset uenire. sed tamen tu an Plotium uirum or-
 natiſſimum in idem crimē uocandum iudicas? an dicis
 eū te arripuisse, à quo non sis rogatus? Nam quod que-
 stus es, plures te testes habere de Volitinia, q̄ quot in ea
 tribu puncta tuleris: indicas, aut eos testes te adducere,
 qui, quia nummos acceperint, te praterierint; aut te ne
 gratuita quidem eorum suffragia tulisse. illud uero cri-
 men de nummis, quos in circo Flaminio deprehēſos esse
 dixisti, caluit re recenti, nunc in causa refrixit: neque. n.
 qui illi nummi fuerint, nec quæ tribus, nec qui diuisor,
 ostenderis. atque is quidem adductus ad Consules, qui tū
 in crimen uocabatur, se inique à tuis iactatum grauitè
 querebatur. qui si erat diuisor, præsertim eius, quem tu
 habebas reū: cur abs te reus non est factus? cur non eius
 dānatione aliquid ad hoc iudiciū præiudicij cōparasti?
 sed neque tu habes hæc, neq; eis cōfidis. alia te ratio, alia
 cogitatio ad spem huius opprimendi excitauit. magnæ
 sunt in te opes: late patet gratia: multi amici, multi cu-
 pidi tui, multi fautores laudis tuæ: multi huic inuident:
 multis etiā pater, optimus uir, nimiū retinēs equestris iu-
 ris, & libertatis uidetur: multi etiam communes inimici
 reorū omniū, qui ita semp testimoniū de ambitu dicūt,
 quasi aut moueāt animos suis testimonijs, aut gratū po-
 pulo R. sit, aut ab eo facilius ob eā causam dignitatem,

quam uolunt, consequantur. quibuscum me iudices pugnantē meo more pristino non uidebitis: non quod fas sit quidquid effugere, quod salus Plācij postulet: sed quia neque necesse est me id persequi uoce, quod uos mēte uideatis; et quod ita de me meriti sunt illi ipsi, quos ego testes uideo paratos, ut eorum reprehensionem uos uestre prudentiæ assumere, meæ modestiæ remittere debeatis. illud unum uos magnopere oro atque obsecro iudices cum huius, quem defendo, tum communis periculi causa, ne fictis auditionibus, ne disseminato dispersoque sermoni fortunas innocentium subiiciendas putetis. multi amici accusatoris, nonnulli etiam nostri iniqui, multi communes obrectatores atque omnium inuidi multa finxerunt. nihil est autem tam uolucrum, quam maledictum: nihil facilius emittitur, nihil citius excipitur, nihil latius dissipatur. neque ego, si fontem maledicti reperietis, ut negligatis, aut dissimuletis, unquam postulabo. sed si quid sine capite manabit, aut si quid erit eiusmodi, ut non extet auctor, qui audierit; aut ita negliges uobis esse uidebitur, ut, unde audierit, oblitus sit; aut ita lenem habebit auctorem, ut memoria dignum non putarit: huius illa uox uulgaris auditu ne quid reo innocentem noceat, oramus. Sed uenio iam ad L. Cassium familiarem meum, cuius ex oratione ne illum quidem Iuuentium tecum exposulauimus, quem ille omni et uirtute, et humanitate ornatus adolescens primum de plebe Aedilem curulem factum esse dixit. in quo Cassi si ita tibi respondeam, nescisse id populum Romanum neque fuisse qui id nobis narraret, praesertim mortuo Longino; non, ut opinor, admirere, cum ego ipse non abhorrem a studio antiquitatis me hic id ex te primum audisse confitear. et quoniam tua fuit perelegans ac persub-

O R A T I O

tilis oratio, digna equitis R. uel studio, uel pudore; quoniam amque; sic ab his es auditus, ut magnus honos et ingenio, et humanitati tuae tribueretur: respondebo ad ea, quae dixisti, quae pleraque de ipso fine fuerunt: in quibus ipsi aculei, si quos habuisti in me reprehendendo, tamen mihi non ingrati acciderunt. Quaesisti, utrum mihi putarem equitis R. filio faciliorem fuisse ad adipiscendos honores uiam, an futuram esse filio meo, qui esset familia consulari? ego uero quicquid illi omnia malo, quam mihi, tamen illi honorum aditus nunquam faciliores optaui, quam mihi fuerunt: quin etiam, ne forte ille sibi me potius peperisse iam honores, quam iter demonstrasse adipiscendorum putet, haec illi soleo praecipere, quanquam ad praecipuaetas non est gnati, quae ille à Ioue ortus suis praecipit filiis: Vigilandum est semper: multae insidiae sunt bonis. nostis cetera. quae non ne id, quod multi inuideant. quae scripsit grauis ille et ingeniosus poeta, scripsit, non ut illos regios pueros, qui iam nusquam erant, sed ut nos et nostros liberos ad laborem, et laudem excitaret. Quæris, quid potuerit amplius assequi Plancius, si Cn. Scipionis fuisset filius? magis Aedilis fieri non potuisset; sed hoc prestare, quod ei minus inuideretur. etenim honorum gradus summis hominibus et infimis sunt pares, gloriae dispares. quis nostrum se dicit M. Curio, quis C. Fabritio, quis P. Duellio parum? quis Attilio Calatino? quis Cn. et P. Scipionibus? quis Africano, Marcello, Maximo? eosdem sumus honorum gradus, quos illi, assecuti: est. n. in uirtute multis ascensus, uti is gloria maxime excellat, qui uirtute plurimum praestet. honorum populi finis est Consulatus: quem magistratum iam contingenti fere consecuti sunt. horum, si diligente

quæras, uix decimā partem reperias gloria dignam. sed nemo unquam sic egit, ut tu: cur iste sit Consul? quid potuit amplius, si L. Brutus esset, qui ciuitatē dominatu regio liberauit? honore nihil amplius, laude multum. sic igitur Plancius nihilo minus Quæstor est factus, & Tribunus pl. & Aedilis, quā si esset summo loco natus. sed hæc pari loco orti sunt innumerabiles alij consecuti.

Profers triumphos Ti. Gracchi, & C. Marij, & quæris, quid simile in Plancio. quasi uero isti, quos commemoras, propterea magis laude fuerint digni, quod triumpharunt, & non quia commissi sunt ijs magistratus, in quibus re bene gesta triumpharent. Rogas, quæ castra uiderit, qui & miles in Creta Metello hoc imperatore, & Tribunus in Macedonia militum fuerit, & Quæstor tantum ex re militari detraxerit temporis, quātum in me custodiendum transferre maluerit. Quæris, num disertus. immo, id quod secundum est, ne sibi quidem uideatur. num iurisconsultus. quasi quisquam sit, qui sibi hunc falsum de iure respondisse dicat: omnes enim istiusmodi artes in ijs reprehenduntur, qui, cum professi fuerint, satisfacere nō possunt; non in ijs, qui abfuisse ab his studijs contententur. uirtus, probitas, integritas in candidato, non linguæ uolubilitas, non ars, non scientia, requiri solet. ut nos in mancipijs parandis, quamuis frugum hominem si pro fabro, aut pro textore emimus, ferre moleste solemus, si eas artes, quas in emendo secuti sumus, forte nesciuerit; sin autem emimus, quem uillicum imponderemus, quem pecori præficeremus, nihil in eo nisi frugalitatē, laborē, uigilantiam esse curamus: sic populus R. deligit magistratus, quasi Reip. uillicos: in

O R A T I O

quibus si qua præterea est ars, facile patitur; sin minus, uirtute eorum, & innocētia contentus est: quotus enim quisque disertus? quotus quisque iuris peritus est, ut eos numeres, qui uolunt esse? q̄ si præterea honore dignus nemo, quidnā tot optimis, & ornatissimis ciuibus est futurū? Iubes Plancium de uitijs Laterensis dicere. nihil potest, nisi eum nimis in se iracundum putabis fuisse. Idem effers Laterensem laudibus. facile patior id te agere multis uerbis, quod ad iudiciū nō pertineat; & id te accusantē tandiu dicere, quod ego defensor sine periculo possim confiteri. atqui non modo confiteor summa in Laterense ornāmēta esse, sed te etiā reprehendo, q̄ ea non enumeres, alia quædam inania, & leuia conquiras. Præneſte fecisse ludos. quid? alij Quæstores non ne fecerunt? Cyrenis liberalem in Publicanos, iustum in socios fuisse. quis negat? sed ita multa Romæ gerūtur, ut uix ea, quæ sunt in provincijs, audiantur. non uereor, ne mihi aliquid iudices uidear arrogasse, si de Quæstura mea dixero: quamuis enim illa floruerit, tamen eum me postea fuisse in maximis rebus arbitror, ut non ita mihi multū sit ex Quæsturæ laude repetendū. sed tamē nō uereor, ne quis audeat dicere, ullius in Sicilia Quæsturam aut gratiorē, aut clariorē fuisse. uere mehercules hoc dicā. sic tū existimabā, nihil homines unq̄ aliud Romæ, nisi de Quæstura mea, loqui. frumenti in summa caritate maximum numerū miserā: negotiatoribus comis, mercatoribus iustus, municipibus liberalis, socijs abstīnēs, omnibus erā uisus in omni officio diligentissimus: excogitati qdā erāt à Siculis honores inauditi: itaq; hac spē decedebā, ut mihi pop. R. ultro omnia de
laturum

laturum putarem. at ego, cum casu diebus ijs itineris faciendi causa decedens e provincia Puteolos forte uenissem, cum plurimi & lautissimi solent esse in ijs locis, concidit penes iudices, cum ex me quidam quaesisset, quo die Roma exissem, & nunc quid in ea esset noui. cui cum respondissem, me e provincia decedere: etiam, mehercules, inquit, ut opinor, ex Africa. huic ego iam stomachans fastidiose, immo ex Sicilia, inquam. tum quidam, quasi qui omnia sciret, quid? tu nescis, inquit, hunc Syracusis Quaestorem fuisse? quid multa? destiti stomachari, & me unum ex ijs feci, qui ad aquas uenissent. sed ea res iudices haud scio an plus mihi profuerit, quam si mihi tum essent omnes congratulati. nam posteaquam sensi populum Romanum aures hebetiores, oculos acres atque acutos habere: destiti, quid de me audituri essent homines, cogitare: feci, ut postea quotidie me praesentem uiderent: habitavi in oculis: pressi forum: neminem a congressu meo neque ianitor meus, neque somnus absterruit. ecquid ego dicam de occupatis meis temporibus, cui fuerit ne otium quidem unquam otiosum? nam quas tu commemoras Cassi legere te solere orationes, cum otiosus sis; has ego scripsi ludis & feriis, ne omnino unquam essem otiosus. etenim M. Catonis illud, quod in principio scripsit Originum suarum, semper magnificum & praeclarum putavi, clarorum uirorum atque magnorum non minus otij, quam negotij rationem extare oportere. ita si quam habeo laudem, quae quanta sit nescio, parta Romae est, quaesita in foro: mea quoque; priuata consilia publici quoque casus comprobauerunt, ut etiam summa Respublica mihi domi fuerit gerenda, & urbs in urbe seruanda. eadem igitur Cassi uia munita Laterensi est, idem uirtutis cursus ad gloriam, hoc

Cic. Orat.

M M

O R A T I O

facilior fortasse, quòd ego huc à me ortus & p me nixus
ascendi, istius egregia uirtus adiuuabitur cōmendatione
maiorū. sed ut redeā ad Plancium, nunquā ex urbe ab=
fuit, nisi forte, lege, necessitate. non ualuit rebus ijsdem,
quibus fortasse non nulli: at ualuit assiduitate, at ualuit
obseruandis amicis, ualuit liberalitate: fuit in oculis: pe=
tiuit: est usus ratione, qua minima inuidia noui homines
plurimi eosdē honores consecuti sunt. Nam quòd ais
Cassi, nō plus me Plancio debere, q̄ bonis omnibus, quòd
ijs æque mea salus chara fuerit: ego me debere bonis om=
nibus fateor: sed etiam ijs, quibus ego debeo, boni uiri et
ciues, ædilitijs comitijs, aliquid se meo nomine debere, Plā=
cio dicebant. uerum fac me multis debere, & in ijs Plan=
cio: utrum igitur, me cōturbare oportet, an ceteris, cum
cuiusq; dies uenerit, hoc nomen, quod urget, nunc, cum
petitur, dissoluere? quanquam dissimilis est pecuniæ de=
bitio & gratiæ: nam qui pecuniam dissoluit, statim non
habet id, quod reddidit; qui autem debet, is retinet alie=
num: gratiam autem & qui refert, habet; & qui ha=
bet, in eo ipso, quod habet, refert. neque ego nunc Plācio
desinam debere, si hoc soluero: nec minus ei redderem
uoluntate ipsa, si hoc molestiæ non accidisset. Quæris
à me Cassi, quid pro fratre meo, q̄ mihi est charissimus,
quid pro meis liberis, quibus nihil potest mihi esse iucun=
dius, amplius, quàm pro Plācio facio, facere possim: nec
uides istorum ipsorum charitate ad huius salutē defen=
dendam maxime stimulari me atque excitari: nā neque
illis huius salute, à quo meam sciunt esse defensam, quid
quam est optatius; & ego ipse nūquā illos aspicio, quin
per hunc me his conseruatum esse meminerim, huiusq;

meriti in me recorder. Opimium damnatum esse cōme-
 moras, seruatore[m] ipsum Reip. Calidium adiungis, cuius
 lege Q. Metellus in ciuitatem sit restitutus: reprehendis
 meas pro Plancio preces, quod nec Opimius suo nomine
 liberatus sit, nec Q. Metelli Calidius. de Calidio tibi
 tantum respondeo, quod ipse uidi: Q. Metellum Pium
 Consule[m] Prætorij comitijs petente Q. Calidio populo
 R. supplicasse, cum quidem non dubitaret & Consul,
 & homo nobilissimus, patronum illum esse suum, &
 familiæ suæ nobilissimæ, dicere. quo loco quero ex te,
 num id in iudicio Calidij putes, quod ego in Plancij fa-
 cio, aut Metellum Pium, si Romæ esse potuisset, aut pa-
 trem eius, si uixisset, non fuisse facturum. nam Opimij
 quidem calamitas utinam ex hominum memoria posset
 euelli. uulnus illud Reip. dedecus huius imperij, turpitu-
 do populi R. non iudicium putandum est: quam enim
 illi iudices, si iudices, & non parricidæ patriæ nominan-
 di sunt, grauiorem potuerunt Reip. infligere securim,
 quàm cū illum è ciuitate eiecerūt, qui Prætor finitimo,
 Consul domestico bello Remp. liberarat? At enim nimis
 ego magnū beneficium Plancio, et, ut ais, id uerbis exag-
 gero. quasi uero me tuo arbitrato, & non meo gratum
 esse oporteat. quod istius tantum meritū, inquit? an quia
 te non iugulauit? immo uero quia iugulari passus non
 est. quo quidē tu loco Cassi etiā purgasti inimicos meos,
 meæq; uitæ nullas ab illis insidias fuisse dixisti. posuit
 hoc idem Laterensis. quam ob rem de isto paulo post plu-
 ra dicam. de te tantum requiro, utrum putes odium in
 me mediocre inimicorum fuisse. quod fuit ullorum tan-
 tum? requiro, utrum putes odium unquam barbarorum

O R A T I O

tam immane ac tam crudele in hostem? an fuisse in ijs aliquē aut famæ metum, aut pœnæ, quorū uidisti toto illo anno ferrum in foro, flāmam in delubris, uim in tota urbe uersari? nisi existimas, eos iccirco uitæ meæ pepercisse, q̄ de reditu meo nō timerent; & quenquam putas fuisse tam excordem, qui uiuis his, stāte urbe & curia, rediturum me, si uiuerē, non putaret. quam ob rem nō debes is homo, & is ciuis prædicare, uitā meam, quæ fidelitate amicorū conseruata sit, inimicorum modestia non esse appetitam. Respondebo tibi nūc Laterēsis, minus fortasse uehementer, q̄ abs te sum prouocatus; sed profecto nec considerate minus, nec minus amice. nam primū illud fuit asperius, me, quæ de Plancio dicerem, mentiri, & temporis causa fingere. scilicet homo sapiens excogitauit, quā ob rem uiderer maximis beneficij uinculis obstrictus, cum liber essem, & solutus. quid enim? mihi ad defendendū Plācium parum multæ, parū iustæ necessitudines erant familiaritatis, uicinitatis, patris amicitia? quæ si nō essent, uereor credo ne turpiter facerem, si hoc splendore, & hac dignitate hominem defenderē. fingenda fuit mihi iudices causa peracuta, ut ei, quē mihi debere oporteret, ego me omnia debere dicerē. at id etiā gregarij milites faciūt inuiti, ut coronam dent ciuicam, & se ab aliquo seruos esse fateantur: non quo turpe sit protectum in acie hostiū manibus eripi, (nam id accidere, nisi forti uiro, & pugnantī cominus, non potest) sed onus beneficij reformidant, q̄ permagnum est alieno debere idē, quod parenti. ego, cū ceteri uera beneficia etiā minora dissimulent, ne obligati esse uideantur; eo me beneficio obstrictū esse ementiar, cui ne referri quidem

gratia posse uideatur? an hoc tu Laterensis ignoras? qui, cum mihi esses amicissimus; cū uel periculum uitæ tuæ mecū sociare uoluisses; cū me in illo tristi, & acerbo luctu, atq; discessu nō lacrymis solū tuis, sed animo, corpore, copijs persecutus esses; cū meos liberos, & uxorem me absente tuis opibus auxilioq; defendisses: sic me cum semper egisti, te mihi remittere, atq; concedere, ut omne studium meum in Cn. Plancij honorē consumerē, q̄ eius in me meritum tibi etiā gratum esse dicebas. nihil autem me noui, nihil temporis causa dicere, non ne etiā illa testis est oratio, quæ est à me prima habita in senatu? in qua, cū per paucis nominatim egissem gratias, quod omnes enumerari nullo modo possent, scelus autē esset quēquā præteriri; statuissemq; eos solū nominare, qui causæ nostræ duces et quasi signiferi fuissent; in his Plancio gratias egi. reciteturq; oratio, quæ propter eius magnitudinē dicta de scripto est, in qua ego homo astutus ei me dedam, cui nihil magnopere debeam, & huius tanti officij seruitutē astringam testimonio sempiterno. nolo cætera, quæ à me mādāta sunt literis, recitare: præmitto illa, ne aut proferre uidear ad tēpus, aut eo genere uti literarum, quod meis studijs aptius, q̄ consuetudini iudiciorū esse uideatur. Atq; etiā clamitas Laterensis: Quousq; ista, dicis? nihil in Crispio profecisti? absolutæ iam sunt preces tuæ. de Crispio mihi ne tu obijcies, quem ego de me bene meritum quia te teste cognoueram, te eodē auctore defendi? et ei dices, quousq; quē negas, quod pro Crispio contenderit, impetrare potuisse? nam istius uerbi, quousq; hæc poterat esse inuidia. datus est tibi ille, condonatus ille: non facis finem: ferre

O R A T I O

non possumus. ei quidem, qui pro uno laborarit, & ipsum id nō obtinuerit, dici, quousq; , iridentis magis est, quā reprehēdentis. nisi forte ego unus ita me gessi in iudicijs, ita & cū his, & inter hos uixi, is in causis patronus, is in Rep. ciuis & sum & semper fui, solus ut à te cōstituar, qui nihil à iudicibus debeā unquā impetrare. & mihi lacrymulam Crispiani iudicij obiectas: sic. n. dixisti, uidi ego tuā lacrymulam. uide, q̄ me uerbi tui poeniteat. non modo lacrymulam, sed multas lacrymas & fletum cum singultu uidere potuisti. an ego, qui meorū lacrymis me absente cōmotus, simultates, quas mecū habebat, deposuisset, meq; salutis non modo nō oppugnator, ut inimici mei putarant, sed etiam defensor fuisset, huius in periculo non dolorem meum significarem? tu autem Laterensis, qui tum lacrymas meas gratas esse dicebas, nunc easdem uis inuidiosas uideri. negas Tribunatū Plancij quidquam attulisse adiumentū dignitati meae: atque hoc loco (quod uerissime facere potes) L. Racilij fortissimi & constantissimi uiri diuina in me merita cōmemoras: cui quidem ego, sicut Plācio, nūquā dissimulaui me plurimum debere, semperq; prae me ferā: nullas enim sibi ille neq; cōtentiones, neque inimicitias, neque uitae dimicationes nec pro Rep. nec pro me defugiedas putauit. atque utinam, q̄ ego sum in illum gratus, tā licuisset per hominū uim, & iniuriam populi R. ei gratiam referri. sed si non eadem contendit in Tribunatu plancius, existimare debes, non huic uoluntatē defuisse, sed me, cum iā Plancio deberem, Racilij beneficijs fuisse contentum. an uero putas iudices iccirco minus mea causa facturos, q̄ me esse gratum crimineris? an, cum.

populus R. illo S.C. quod in monumento Marij factum
 est, quo mea fuis omnibus est gentibus cōmendata, uni
 Cn. Plancio gratias egerit, (unus enim fuit de magistra-
 tibus defensor salutis meae, cui senatus pro me gratias
 agendas putauit) ei ego à me referendam gratiam non
 putem? atqui, eum cum uides, quo me tandem animo in
 te putas esse Laterensis? ullum esse tantum periculum,
 tantum laborem, tantam contentionem, quam ego non
 modo pro salute tua, sed etiā pro dignitate defugerem?
 quo quidem etiam magis sum non dicam miser, (natura
 quidem abhorret à uirtute uerbi) sed certe exercitus:
 nō quia multis debeo, (leue enim onus beneficij gratia)
 sed quia saepe concurrat propter aliquorum de me meri-
 torum inter ipsos contentiones, ut eodē tēpore in omnes
 uerear ne uix possim gratus uideri. sed ego hoc meis pon-
 deribus examinabo, non solum quid cuique debeam, sed
 etiam quid cuiusq; intersit, & quid à me cuiusq; tem-
 pus poscat. agitur studiū tuū, uel etiam, si uis, existima-
 tio, laus, Aedilitas: at Cn. Plācij salus, patria, fortunæ. sal-
 uum tu me esse cupisti: hic fecit, etiam ut esse possem. di-
 stineor tamē, & diuellor dolore, & in causa dispari of-
 fendi te à me, doleo: sed mediusfidius multo citius meā
 salutē pro te obiecerō, quā Cn. Plācij salutem tradi-
 dero contentioni tuæ: etenim iudices cū omnibus uirtuti-
 bus me affectū esse cupiam, tamē nihil est quod malim,
 quā me & gratum esse, & uideri: hæc est enim una
 uirtus non solum maxima, sed etiam mater uirtutum
 omnium reliquarum. quid est pietas, nisi uoluntas gra-
 ta in parentes? qui sunt boni ciues, qui belli, qui domi
 de patria bene merentes, nisi qui patriæ beneficia me-

O R A T I O

minerunt? qui sancti, qui religionum colentes, nisi qui meritam dijs immortalibus gratiam iustis honoribus, & memori mēte persoluūt? quæ potest esse incūditas uitæ, sublatiis amicitijs? quæ porrò amicitia potest esse inter ingratos? quis est nostrū liberaliter educatus, cui nō educatores, cui nō magistri sui, atq; doctores, cui nō locus ille mutus, ubi ipse altus aut doctus est, cū grata recordatione in mente uersetur? cuius ope tantæ esse possunt, aut unq̄ fuerunt, quæ sine multorū amicorū officijs stare possint? quæ certe, sublata memoria, & gratia, nulla extare possunt. equidē nil tā propriū hominis existimo, q̄ non modo beneficio, sed etiā beneuolentiæ significatione alligari: nihil porrò tā inhumanum, tam immane, tā ferum, q̄ cōmittere, ut beneficio non dicam indignus, sed uictus esse uideare. quæ cū ita sint, iam succumbam La terensis isti tuæ orationi: in eo ipso, in quo nihil potest esse nimium, quoniam ita tu uis, nimium me gratum esse concedam: petamq; à uobis iudices, ut eum beneficio cōplectamini, quem qui reprehenderit, in eo reprehendit, q̄ gratum præter modum dicat esse: neque enim ad negligendam meā gratiam debet ualere quod dixit idem, uos nec nocentes, nec litigiosos esse, quo minus me apud uos ualere oporteret. quasi uero in amicitia mea nō hæc præsidia, si qua forte sunt in me, parata semper amicis esse maluerim, quàm necessaria. etenim ego de me tantum audeo dicere, amicitiam meam uoluptati pluribus, quàm præsidio fuisse: neque uehementer uitæ meæ poeniteret, si in mea familiaritate locus esset nemini, nisi litigioso, aut nocenti. sed hoc nescio quo modo frequenter in me congeffisti, sanēq; in eo creber fuisti, te iccirco

te igitur in locos causam conijcere uoluisse, ne ego mea
 consuetudine aliquid de tensis misericordiae causa dicere,
 quod in alijs Aedilibus ante fecissem. non nihil egisti hoc
 loco: nam mihi eripuisti ornamentum orationis meae. de-
 ridebor, si mentionem tensarum fecero, cum tu id prae-
 xeris: sine tensis autem quid potero dicere? hic etiam ad-
 didisti, me igitur mea lege ex isto ambitu traxisse, ut mi-
 serabiliores epilogos possem elicere. non uobis uideor cum
 aliquo declamatore, non causa laboris, et fori disputa-
 re? Rhodi enim, inquit, non fui: me uult fuisse. sed fui,
 inquit, putabam in Nicæis dicturum, bis in Bithynia. si lo-
 cus haberet reprehensionis ansam aliquam, nescio cur se-
 ueriores Nicæam putes, quam Rhodum. si spectanda causa
 est, et tu in Bithynia summa cum dignitate fuisti, et
 ego Rhodi non minore. Nam quod in eo me reprehendisti,
 quod nimium multos defenderim: utinam et tu, qui potes, et
 ceteri, qui defugiunt, uellent me labore hoc leuare: sed
 fit uestra diligentia, qui in causis ponderandis omnes se-
 re repudiatis, ut ad nos pleraque confluant, qui miseris,
 et laborantibus nihil negare possumus. Admonuisti
 etiam, quod in Creta fuisses, dictum aliquod in petitione tua di-
 ci potuisse, me id perdidisse. uter igitur nostrum est cu-
 pidior dicti, ego ne, qui, quod dici potuit, non dixerim, an
 tu, qui etiam ipse in te dixeris: te aiebas de tuis rebus ge-
 stis nullas literas misisse, quod mihi meae, quas ad aliquem
 misissem, obfuisent. quas ego mihi obfuisse non intelligo,
 Reip. uideo prodesse potuisse. sed sunt haec leuiora: illa
 uero grauiora, atque magna, quod meum discessum, quem saepe
 defleras, nunc quasi reprehendere, et subaccusare uolui-
 sti: dixisti. non auxilium mihi, sed me auxilio defuisse.

O R A T I O

ego uero fateor mehercule, q̄ uiderim mihi auxilium
 nō deesse, iccirco me illi auxilio pepercisse: quis. n. status,
 quod discriminē, quæ fuerit in Rep. tempestas illa, quis ne-
 scit? tribunitius me terror, an consularis furor mouit?
 decertare mihi ferro magnum fuit cum reliquijs eorū,
 quos ego florentes, atque integros sine ferro uicerā. Con-
 sules post hominū memoriā teterrimi, atque turpissimi,
 sicut & illa principia, & hi recētes rerum exitus decla-
 rant, quorum alter exercitum perdidit, alter uendidit;
 emptis prouincijs, à senatu, à Rep. à bonis omnibus defe-
 cerant. qui exercitibus, qui armis, qui opibus plurimum
 poterant, cum, quid sentiret, nesciretur, furialis illa uox
 nefarijs stupris, religiosis altaribus effœminata, secū &
 illos & Consules facere acerbissime personabat. egentes
 in locupletes, perdit in bonos, serui in dominos armabā-
 tur. aderat mecū senatus, & quidē ueste mutata, quod
 pro me uno post hominū memoriā publico consilio su-
 sceptū est. sed recordare, qui tum fuerint Consulū no-
 mine hostes, qui soli in hac urbe senatum senatui pare-
 re nō siuerint, edictōq; suo nō luctū patribus cōscriptis,
 sed luctus indicia ademerint. aderat mecū cūctus eque-
 ster ordo: quem quidem in cōcionibus saltator ille Cati-
 linæ Consul proscriptionis denunciatione terrebat. ac to-
 ta Italia conuenerat: cui quidem belli intestini, & na-
 stitatis metus inferebatur. hisce ego auxilijs studentibus
 atq; incitatis uti me Laterēsis potuisse cōfiteor: sed erat
 non iure, non legibus, nō disceptando decertandū, (nā
 profecto, præsertim tam bona in causa, nunquam, quo
 cæteri abundarūt, id mihi ipsi auxilium meum defuisset)
 armis fuit, armis, inquam, fuit dimicandum: qui-

bus à seruis, atq; à seruorum ducibus cædem fieri senatus & bonorum, Reip. exitiosum fuisset. uinci autē improbos à bonis, fateor fuisse præclarū, si finem eum uincendi uiderem: quem profecto non uidebam: ubi enim præsto fuisset mihi aut tam fortis Consul, q̃ L. Opimius, q̃ C. Marius, q̃ L. Flaccus, quibus ducibus improbos ciues Resp. uicit armatis; aut, si minus fortes, attamen tam iusti, q̃ P. Mutius, qui arma, quæ priuatus P. Scipio sumptu pferat, ea Ti. Graccho interempto iure optimo sumpta esse defendit? esset igitur pugnandum cum Consulibus. nihil amplius dico, nisi illud: uictoriæ nostræ graues aduersarios paratos, interitus nullos ultores esse uideb. i. hisce ego auxilijs salutis meæ si iccirco defui, quia nolui dimicare, fatebor id quod uis, non mihi auxiliū, sed me auxilio defuisse: sin autem quo maiora studia in me bonorum fuerunt, hoc ijs magis consulendū, & parcendum putauī, tu id in me reprehendis quod Q. Metello laudatū est, hodieq; est et semper erit maximæ gloriæ: quē, ut potes ex multis audire, qui tum affuerunt, inuictissimis uiris, constat bonis cessisse; nec fuisse dubiū, quin cōtentione, & armis superior posset esse. ergo ille cum suū, nō cum senatus factum defenderet, cum perseverantiā sententiæ suæ, non salutē Reip. retinuisset; tamen ob illam constantiam, quæ illud uoluntarium uulnus accepit, iustissimos omnium Metellorū, & clarissimos triumphos gloriæ laude superauit, q̃ & illos ipsos improbissimos ciues interfici noluit, & ne quis bonus interiret in eadem cæde, prouidit: ego tātis periculis propositis, cum, si uictus essem, interitus Reip. si uicissem, infinita diminutio pararetur; cōmitterem, ut idem perditor Reip. no-

O R A T I O

minarer, qui seruator fuiſſem? mortem me timuiſſe di-
 cis. ego uero ne immortalitatem quidem contra Remp.
 accipiendam putarem, nedum emori cū perniciē Reip.
 uellem. nā qui pro Rep. uitam reddiderunt, (licet me de-
 ſipere dicas) nunquam me hercule eos mortem potius, q̃
 immortalitatem aſſecutos putauī. ego uero ſi tum illo-
 rum impiorum ferro ac manu concidiſſem, in perpetuū
 Reſp. ciuile præſidium ſalutis ſuæ perdiſſet. quin etiā
 ſi me uis aliqua morbi, aut natura ipſa cōſumpſiſſet, ta-
 mē auxilia poſteritatis eſſent imminuta, q̃ peremptum
 eſſet mea morte id exemplum, qualis futurus in me reti-
 nendo fuiſſet ſenatus populusq̃; R. an ſi unquam in me
 uitæ cupiditas fuiſſet, ego menſe Decembri mei Cōſula-
 tus omnium parricidarum tela cōmoſſem? quæ, ſi uigin-
 ti quieſſem dies, in aliorū iugulū Conſulum recidiſſent.
 quāobrem ſi uitæ cupiditas contra Remp. eſt turpis, cer-
 te multo mortis cupiditas mea turpior fuiſſet cū perni-
 cie ciuitatis. Nam q̃ te in Rep. liberum eſſe gloriatus
 es, id ego & fateor, & lætor, & tibi etiam in hoc gratu-
 lor: q̃ me autem negaſti, in eo neque te, neque quenquā
 diutius patiar errare. nā ſi quis iccirco aliquid de liber-
 tate mea diminutum putat, q̃ nō ab omnibus eiſdem, à
 quibus antea ſolitus ſum diſſentire, diſſentiam: primū, ſi
 bene de me meritis grātū me præbeo, nō deſino incur-
 re in crimē hominis nimīū memoris, nimīūq̃; grati: ſin
 autem ſine ullo Reip. detrimento reſpicio etiā aliquādo
 ſalutem tum meam, tum meorum, certe non modo non
 ſum reprehendendus, ſed etiam, ſi ruerē uellem, boni ui-
 ri me, ut id ne facerem, rogarent: res uero ipſa publica ſi
 loqui poſſet, ageret mecum, ut, quoniam ſibi ſeruiſſem
 ſemper,

semper, nunquā mihi, fructus autem ex sese nō, ut oportuisset, letos, & uberes, sed magna acerbitate permixtos tulissem; ut iam mihi seruirem, consulere meis; se non modo satis habere à me, sed etiā uereri, ne parum mihi pro eo, quod tum à me haberet, reddidisset. quid, si horū ego nihil cogito, & idem sum in Rep. qui fui semper: tamē ne tu libertatem requires meā? quā tu ponis in eo, si semper cū ijs, quibuscum aliquando cōtendimus, depugnemus. quod est lōge secus: stare enim omnes debemus tūquā in orbe aliquo Reip. qui quoniam uersetur, eā deligere partem debemus, ad quā nos illius utilitas, salusq; conuerterit. ego autē Cn. Pompeium, non dico auctore, ducem, defensorem salutis meae, (nam hēc priuatim fortasse officiorum memoriā, & gratiam quærunt) sed dico hoc, quod ad salutem Reip. pertinet: ego eū nō tuear, quem omnes in Rep. principem esse concedunt? ego C. Cæsaris laudibus desim, quas primum populi R. nūc etiā senatus, cui me semper addixi, plurimis atq; amplissimis iudicijs uideā esse celebratas? tum hercule me confitear non iudicium aliquod habuisse de Reip. utilitate, sed hominibus amicum aut inimicum fuisse. an cū uideā nauem secundis uentis cursum tenentē suum, si nō ea eū petat portum, quē ego aliquando probaui, sed alium nō minus tutū atq; tranquillū: cum tempestate pugne periculose potius, q̄ illi, salute præsertim proposita, obtemperem & paream? neque. n. inconstantis puto, sententiā tūquā aliquod nauigium, atque cursum ex Reip. tempestate moderari. ego uero hēc didici, hēc uidi, hēc scripta legi; hēc de sapientissimis & clarissimis uiris & in hac Rep. et in alijs ciuitatibus monimēta nobis literæ prodide

O R A T I O

runt; nō semper easdē sententias ab iisdem, sed quasquē;
 Reip. status, inclinatio temporum, ratio cōcordiæ postu-
 larēt, esse defendendas. quod ego & facio Laterensis, &
 semper faciam, libertatemq; quā in me requiris, quam
 ego neq; dimisi unquā, neque dimittā, nō in pertinacia,
 sed in quadā moderatione positā putabo. Nunc ue-
 nio ad illud extremum, quod dixisti, dum Plancij in me
 meritū uerbis extollerem, me arcem facere ex cloaca, la-
 pidemq; ē sepulcro uenerari pro deo: neque enim mihi
 insidiarū periculum ullum, neq; mortis fuisse. cuius ego
 temporis rationem explicabo breuī, neque inuitus: nihil
 enim ex meis est temporibus, quod minus peruagatum,
 quodq; minus aut mea cōmemoratione celebratum sit,
 aut hominibus auditū atque notum. ego enim Lateren-
 sis ex illo incendio legū, iuris, senatus, bonorum omnium
 cedens, cum mea domus ardore suo deflagrationē urbi,
 atq; Italiæ toti minaretur, nisi quieuissēm; Sicilia peti-
 ui animo, quæ & ipsa erat mihi, sicut domus una, cōiū- *
 eta, & obtinebatur à C. Virgilio, quo cū me uno uel ma-
 xime cum uetusta amicitia, tum mei fratris collegia, tū
 Resp. sociarat. uide nunc caliginem temporum illorum.
 cū ipsa penē insula mihi sese obuiam ferre uellet, Prætor
 ille eiusdem Tribuni pl. concionibus propter eandem
 Reip. causam sæpe uexatus, nihil amplius dico, nisi, me in
 Siciliam uenire noluit. quid dicam? C. Virgilio, tali ciui
 & uiro, beneuolētiam in me, memoriam cōmunīū tem-
 porum, pietatem, humanitatem, fidem defuisse? nihil ui-
 delicet est eorum: sed quam tempestatem nos uobiscum
 non tulissēmus, metuit ut eam ipse nō posset opibus suis
 sustinere. tū consilio repente mutato, iter à Vibone Brū-

duſium terra petere contendi: nā maritimos curſus præcludebat hiemis magnitudo. cum omnia illa municipia, quæ ſunt à Vibone Brūduſiū, in fide mea iudices eſſent, iter mihi tutum multis minitantibus magno cū ſuo metu præſtiterunt. Brūduſiū ueni, uel potius ad mœnia acceſſi: urbem unam mihi amiciſſimam declinaui: quæ ſe uel potius excindi, quàm è ſuo complexu ut eriperer, facile pateretur. in hortos me M. Lenij Flacci cōtuli: cui cū omnis metus, publicatio bonorum, exilium, mors propoſeretur, hæc perpeti, ſi acciderent, maluit, quàm custodiam mei capitis dimittere. huius ego, & parentis eius prudentiſſimi atq; optimi ſenis, & utriuſq; filiorū manibus in naui tuta ac fideli collocatus, eorumq; preces et uota de meo reditu exaudiens, Dyrrhachium, quod erat in fide mea, petere cōtendi. quò cū ueniſſem, cognoui, id quod audieram, refertam eſſe Græciam ſcleratiſſimorū hominū ac nefariorū, quorum impium ferrum, igneſq; peſtiferos meus ille Cōſulatus è manibus extorſerat: quā antequam de meo aduentu audire potuiſſent, cum tum abeſſent, aliquorū dierū uiam in Macedoniam, ad Planciumq; perrexi. hic uero ſimul atque me mare tranſiſſe cognouit, audi atq; attende Laterenſis, ut ſcias quid ego Plancio debeam, confiteareq; aliquando, quod faciam, me & grate, & pie facere, huic, quæ pro ſalute mea fecerit, ſi minus profutura ſint, obeſſe certe non oportere: nam ſimul ac me Dyrrhachium attigiſſe audiuit, ſtatim ad me, liētoribus dimiſſis, inſignibus abiectis, ueste mutata proſectus eſt. ò acerbam mihi iudices memoriam temporis illius & loci, cum hic in me incidit. complexus eſt, conſperſitq; lacrymis, nec loqui præ mœrore potuit. ò

O R A T I O

rem cum auditu crudelē, tum visu nefariū : ò reliquas omnes dies noctesq; eas , quibus iste à me non recedens Theſſalonicam me in Quæſtoriumq; perduxit . hic ego nunc de Prætorè Macedoniæ nihil dicā amplius, niſi eū & ciuem optimum ſemper, & mihi amicum fuiſſe, ſed eadē timuiſſe quæ cæteros ; Cn. Plancium fuiſſe unum, nō qui minus timeret, ſed, ſi acciderent ea, quæ timerentur, mecum ea ſubire, & perpeti uellet. qui, cum ad me L. Tubero meus neceſſarius, qui fratri meo Legatus fuiſſet, decedēs ex Aſia ueniſſet, easq; inſidias, quas mihi paratas ab exulibus coniuratis audierat, animo amiciſſimo detuliſſet ; in Aſiā me ire propter eius prouinciæ metū, & cum meo fratre necis inſidias cōparatas non eſt paſſus. uī me inquam Plancius & complexu ſuo retinuit, multosq; menſes à capite meo nō diſceſſit, abiecta quæſtoria perſona, comitisq; ſumpta. ò excubias tuas Cn. Plāci miſeras, ò flebiles uigilias, ò noctes acerbæ, ò cuſtodii etiam mei capitis infelicem, ſi quidem ego tibi uiuus nō proſum , qui fortasſe mortuus profuiſſem : memini. n. memini, neq; unquam obliuiſcar noctis illius, cū tibi uigilanti, aſſidēti, mœrenti uana quædā miſer atque inania, falſa ſpe induētus pollicebar ; me, ſi eſſem in patriā reſtitutus, præſentem tibi gratiam relaturum ; ſin autem uitam mihi ſors ademiſſet, aut uis aliqua maior reditū peremiſſet, hos, hos (quos enim ego tū alios animo intuebar ?) omnia tibi illorū laborum præmia pro me perſoluturos. quid me aſpectas ? quid mea promiſſa repetis ? quid me. i fidē imploras ? nihil tibi ego tum de meis opibus pollicebar, ſed horum erga me beneuolentiā promittebam : hos pro me lugere, hos gemere, hos decertare pro

meo capite uel uitæ periculo uelle uidebam: de horû de
siderio, luëtu, querelis quotidie aliquid tecum simul au
diebam: nunc timeo, ne nihil tibi præter lacrymas quæ
reddere, quas tu in meis acerbitatibus plurimas effudi
sti: quid. n. possum aliud, nisi mœrere? nisi flere? nisi te cū
mea salute complecti? salutem tibi ijdem dare possunt,
qui mihi reddiderunt. huc exurge tamen quæso: retine
bo, & complectar; nec me solum deprecatores fortuna
rum tuarum, sed comitem sociumq; profitebor: atq; ut
spero, nemo erit tam crudeli animo, tamq; inhumano,
nec tam immemor meorum, non dicam in bonos merito
rum, sed bonorum in me, qui à me mei seruatore capi
tis diuellat ac distrahat. non ego meis ornatū beneficijs
à uobis deprecor iudices, sed custodem salutis meæ: non
opibus contendo, non auctoritate, non gratia, sed preci
bus, sed lacrymis, sed misericordia: mecumq; uos simul
miserrimus & optimus obtestatur parens, & pro uno fi
lio duo patres deprecamur. nolite iudices per uos, per for
tunas uestras, per liberos inimicis meis, ijs præsertim, quos
ego pro uestra salute suscepi, dare lætitiā, gloriātibz
uos iam oblitos mei, salutisq; eius, à quo mea salus con
seruata est, hostes extitisse: nolite animum meum debili
tare tum luëtu, tum etiam metu commutata uestre uo
luntatis erga me: sinite me, quod uobis fretus huic sæpe
promisi, id à uobis ei persolvere. teq; C. Flauī oro, & ob
testor, qui meorum consiliorum in Consulatu socius, peri
culorum particeps, rerum, quas gessi, adiutor fuisti, meq;
non modo saluum semper, sed etiā ornatum, florētemq;
esse uoluisti; ut mihi per hos cōserues eum, per quē me
tibi, & his cōseruatū uides. plura ne dicam, tuæ me etiā

O R A T I O

lacrymæ impediunt, uestreque indices, non solum meæ:
quibus ego magno in metu meo subito inducor in spem,
uos eosdem in hoc conseruando futuros, qui fueritis in
me; quoniam istis uestris lacrymis de illis recordor, quas
pro me sæpe, & multum profudistis.

5818/34

Veneri
Euli
Qui man
Expe

aa bb cc dd ee ff gg hh ii kk ll mm
nn oo pp qq rr ss tt uu xx yy zz
AA BB CC DD EE FF GG HH
II KK LL MM.

Omnes quaterniones præter xx MM quinterniones.

APVD ALDI FILIOS.

VENETIIS, M. D. L.

Viuat in æternum librum qui possidet istū.

Et soli Dño seruiet iste suo.

Qui manibus rapidis librū furaberit istū.

Expectet furcas, premia signa sui.

Franciscus Iannellius

Cortonensis



